

გ. გესვინანი

**დასავლეთ საქართველოს
სოციალურ-პოლიტიკური ვითარება და
რუსეთთან ურთიერთობა (XVI-XIX სს)**



გამომცემლობა „საბჭოთა საქართველო“
თბილისი 1988

ნაშრომში ნაჩვენებია ერთიანი საქართველოს პოლიტიკური დაშლის, ფეოდალური ანარქიისა და თურქ-ოსმალთა გამუდმებული შემოსევების მძიმე შედეგები, აგრეთვე დასავლეთ საქართველოს რუსეთთან შეერთება და მისი პროგრესულ-ისტორიული მნიშვნელობა.

ნაშრომი ეხება აგრეთვე დასავლეთ საქართველოს სოციალურ-ეკონომიკურ სტრუქტურას, წოდებრივ-კლასობრივ ურთიერთობებს, ახალი მმართველობის შემოღებას, საგლეხო რეფორმას და სხვ.

რ ე დ ა ქ ო რ ი პ რ ო ფ. ბ რ. მ ა რ ბ ი ა ნ ი

რ ე ც ე ნ ზ ე ნ ტ ე ბ ი:

ისტორიულ მეცნიერებათა დოქტორი ბ. თოგოშვილი

დოცენტი ბ. იობაშვილი

0505040000 — 072
Г ————— 39 — 88

M 601 (08) — 88
ISBN 5-529-00238-2

© გამოცემლობა „საბჭოთა საქართველო“, 1988

შ ე ს ა ვ ა ლ ი

ცენტრალიზებული სახელმწიფოს ცალკეულ სამეფო-სამთავროებად დაქუცმაცების შემდეგ საქართველოს მოსახლეობას მძიმე დრო დაუდგა. ქვეყანა, ერთი მხრივ, შინაფეოდალურმა ანარქიამ და ძმათამკვლელმა ომმა მოიცვა, მეორე მხრივ, მეზობელ მაჰმადიანურ სახელმწიფოთა აგრესიის წინააღმდეგ სამკვდრო-სასიცოცხლო ბრძოლა მოუხდა.

ერთმანეთისადმი დაპირისპირებულ სამეფო-სამთავროებად დაშლილ პატარა საქართველოს, — წერდა ფარსადან გორგიჯანიძე, — „იქით ურუმ-ნი არბევდეს და აქეთ ყიზილბაშნი და ამისთანას ორს დიდს ველმწიფეს შვაში ბეერს ეცადნეს, აქეთ იქნიეს ვმალი და იქით და მრავალი ნაენებიც ქნეს, მაგრამ არა იქნა და ვერცა რას თავს გაუვიდნეს“¹.

საქართველოს დარბაისელნი „ერთმანეთის მტერნი და ქიშნნი იყვნენ, არც ერთმანეთს ასვენებდნენ და არც ქვეყანასა და ამით მტერმა უფრო ძალა წამოატანა და ღაჩაგრა, თორემ თუ ამათ ერთი პირი ქონებოდათ. ვერც არას ურუმელი, ვერც არას სხვა მტერნი აწყენდათ რასმე, ამათი საქმე-ნიადაგ ასე ერთმანეთის მესისხლეობით გათავებულა და წამვდარა, მაგრამ ამ საქმეებს არც მოიშლიან და არც მოუშლიათ...“².

ერთენული დამოუკიდებლობისა და თავისთავადობის შენარჩუნებისათვის გულმოდგინე მეცადინეობამ საქართველო საბოლოოდ ერთმორწმუნე რუსეთთან შეერთებამდე მიიყვანა.

* * *

საქართველოს სოციალურ-ეკონომიკური და პოლიტიკური ისტორიის არაერთ საკითხს მოფინა შუქი ვახუშტი ბატონიშვილმა, რომელმაც თავის ნაშრომში სამშობლო ქვეყნის მთისა და ბარის გეოგრაფიულ-კლიმატური, სოციალური და პოლიტიკური ვითარების დასასურათებლად ძვირფასი მონაცემები მოიშველია და ღრმად გაიაზრა³.

¹ ფარსადან გორგიჯანიძის ისტორია, საისტორიო შოამბე, 1925, II, ს. კაკაბაძის გამოც., გვ. 215.

² ქრონიკები, III, თ. ქორდიანის გამოც., თბ., 1967, გვ. 107.

³ ბატონიშვილი ვახუშტი, ქართლის ცხოვრება, IV (აღწერა სამეფოსა საქართველოსა), ს. ყაუხჩიშვილის გამოც., თბ., 1973.

გვიანი საშუალო საუკუნეების საქართველოზე, კერძოდ, მის სამეფო-სამთავროების თუ სათავადოების სოციალურ-პოლიტიკურ წყობილებასა და საზოგადოებრივ ურთიერთობაზე მრავალფეროვან მონაცემებსა და მოსაზრებებს შეიცავენ აგრეთვე ფარსადან გორგიჯანიძის, ბერი ეგნატაშვილის, არჩილ მეფის, დავით, ბაგრატ და იოანე ბატონიშვილების, პაპუნა ორბელიანის, ტიმოთე გაბაშვილის, ნიკო დადიანის, სეხნია ჩხეიძისა და სხვა ავტორთა ნაწერები. ჩვენთვის საინტერესო ეპოქის გასაშუქებლად დიდი მუშაობა ჩატარეს მარი ბროსემ, ალექსანდრე ხახანაშვილმა, დიმიტრი ბაქრაძემ, დავით ჩუბინაშვილმა, ზაქარია ჭიჭინაძემ, მიქელ თამარაშვილმა და სხვებმა, რომელთაც განსახილველ პრობლემაზე დიდი ძალი წყაროები მოიძიეს, გააანალიზეს და ანგარიშგასაწევი დასკვნები ჩამოაყალიბეს.

საქართველოს სოციალურ-ეკონომიკური და პოლიტიკური ისტორიის ღრმამეცნიერული შესწავლა უდიდესი მონდომებით გააგრძელა ივანე ჯავახიშვილმა, რომლის მეთაურობით დასავლეთ საქართველოს ისტორიის კარდინალური საკითხების კვლევა-ძიებაში დიდი წვლილი შეიტანეს ექ. თაყაიშვილმა, თ. ყორღანიამ, ს. კაკაბაძემ, შ. ბურჯანაძემ, ლ. მუსხელიშვილმა, გ. ბოჭორიძემ და სხვ.

დასავლეთ საქართველოს ისტორიის გაშუქება მარქსიზმ-ლენინიზმის პოზიციიდან საბჭოთა ხელისუფლების წლებში დაიწყო ს. ჯანაშიასა და ნ. ბერძენიშვილის ხელმძღვანელობით. მათთან ერთად ამ პრობლემის არაერთი საკითხი დაამუშავეს ს. ყაუხჩიშვილმა, გ. მელიქიშვილმა, შ. ჩხეტიამ, პ. გუგუშვილმა, ო. სოსელიამ, ი. ანთელავამ, მ. დუმბაძემ, დ. გვრიტიშვილმა, ი. ცინცაძემ, ზ. ანჩაბაძემ, კ. გრიგოლიამ, ს. მაკალათიამ, მ. ლორთქიფანიძემ, ი. ახალაიამ, ნ. რეხვიაშვილმა, ვ. მაჭარაძემ, გ. ჯამბურამ, ბ. ლომინაძემ, ქ. ჩხატარაიშვილმა, მ. რეხვიაშვილმა, ს. რეხვიაშვილმა, ლ. ფრუიძემ, თ. ბერიძემ და სხვ.

საგანგებოდ ხაზგასასმელია ნ. ბერძენიშვილის, ს. კაკაბაძისა და ო. სოსელიას დამსახურება XV—XVIII საუკუნეების დასავლეთ საქართველოს სოციალურ-ეკონომიკური ისტორიის შესწავლაში.

დასავლეთ საქართველოს სოციალურ-ეკონომიკური და პოლიტიკური ისტორიის არაერთი ფაქტი და მოვლენა გააშუქა ს. კაკაბაძემ, რომელმაც სათავადოთა დამახასიათებელი ზოგიერთი ნიშან-თვისებაც დაადგინა¹.

ნ. ბერძენიშვილმა. საზოგადოდ, ახლებურად გაიაზრა სათავადოთა სისტემა. ახსნა სათავადოთა წარმოქმნის მიზეზები, კანონზომიერებანი, არსი და ძირითადი ნიშნები. მათი წარმოქმნა, ნ. ბერძენიშვილის განსჯით, ფეოდალური საქართველოს პოლიტიკური დაშლის შედეგი იყო.

1 ს. კაკაბაძე — Черты феодального строя и крестьянские повинности в Грузии в конце средних веков Тб, 1912; მისივე, საეკლესიო რეფორმებისათვის სოლომონ პირველის დროს. ტფ., 1913; მისივე, დასავლეთ საქართველოს საეკლესიო საბუთები, წ. I, II, ტფ., 1921 და სხვ.

ცენტრალური ხელისუფლების დასუსტების პარალელურად XIV—XV საუკუნეებში (თათარ-მონღოლთა ბატონობის დროს) დიდგვარიანი ფეოდალები ეკონომიკურად ძლიერდებიან და მეტ-ნაკლებ დამოუკიდებლობას აღწევენ — საკუთარ სათავადოებს ჩამოაყალიბებენ¹.

ნატურალური მეურნეობის პირობებში სუსტი ეკონომიკური კავშირ-ურთიერთობის საფუძველზე ხელოვნურად (ძალით) გაერთიანებულმა საქართველომ შინაგან (მსხვილ ფეოდალთა მისწრაფება იმუნიტეტისათვის) და გარეგან (უცხო დამპყრობთა მოძალეობა და ბატონობა) ფაქტორთა ზემოქმედების შედეგად, დროის გამოცდას ვერ გაუძლო, და ფეოდალურ ერთეულებად დაიშალა². ნ. ბერძენიშვილმა ეს გარემოება ქვეყნის შინაგანი განვითარების მომწიფების მიზეზ-შედეგობრივ კანონზომიერებად მიიჩნია: მებატონე ფეოდალები ხელისუფლების მიერ ნაწყალობევე ყმა-მამულს საშვილიშვილოდ დაეუფლენ, ისინი ჯერ ნახევრად განთავისუფლდნენ, შემდეგ სრული იმუნიტეტი მოიპოვეს და გახელმწიფდნენ. სათავადოთა სისტემის წარმოშობა ნ. ბერძენიშვილმა შეაფასა, როგორც ზრდადასრულებული ფეოდალური საზოგადოების დაჩიხვა და ქვეყნის ეკონომიკური დაცემა³.

ნ. ბერძენიშვილის ზოგადთეორიული დებულებების გათვალისწინებით, დასავლეთ საქართველოს სათავადოები კონკრეტულად შეისწავლა ოლღა სოსელიამ, რომელმაც ამ მოვლენაზე ფრიად მნიშვნელოვანი თვალსაზრისი ჩამოაყალიბა⁴.

ხსენებული ეპოქის დასავლეთ საქართველოს ისტორიის შესამუშავებლად ბევრი რამ გაკეთდა, თუმცა მისი კვლევა-ძიება კვლავაც გრძელდება.

წინამდებარე ნაშრომში გაშუქებულია რაჭა-ლეჩხუმის განსახლება, ბუნებრივი პირობები, მეურნეობა, სოციალურ-პოლიტიკური ურთიერთობის ევოლუცია, დასავლეთ საქართველოს რუსეთთან შეერთება, ლეჩხუმის საკითხი იმერეთის სამეფოსა და ოდიშის სამთავროს ურთიერთობაში, საგლეხო რეფორმის მომზადება და გატარება.

აქვე ვეხებით დასავლეთ საქართველოს პოლიტიკურ ვითარებას XVI—XIX საუკუნეებში, ძნელბედობისას აქ გამეფებულ შინა არეულო-

1 ნ. ბერძენიშვილი, საქართველოს ისტორიის საკითხები, II, თბ., 1965, გვ. 131—132, 145.

2 ნ. ბერძენიშვილი, საქართველოს ისტორიის საკითხები, II, გვ. 85—88.

3 ნ. ბერძენიშვილი, ვ. დონდუა, მ. დუმბაძე, გ. შელიჭიშვილი, შ. მესხია, პ. რატიანი, საქართველოს ისტორია, I (უძველესი დროიდან XIX ს. დასასრულამდე), დამხმარე სახელმძღვანელო, თბ., 1958, გვ. 264—262, 248—249.

4 თ. სოსელია, ფეოდალური ხანის დასავლეთ საქართველოს ისტორიიდან (სათავადოების სისტემა), თბ., 1966; მისივე, ნარკვევები ფეოდალური ხანის დასავლეთ საქართველოს სოციალურ-პოლიტიკური ისტორიიდან, თბ., 1973.

ბასა და თურქ-ოსმალთა მოძალების უაღრესად მავნე შედეგებს, რითაც მკითხველს შესაძლებლობა ეძლევა ერთხელ კიდევ დარწმუნდეს თავის დროზე საქართველოს რუსეთთან შეერთების აუცილებლობასა და პროგრესულ-ისტორიულ მნიშვნელობაში.

გამოკვლევაში შეძლებისდაგვარად გათვალისწინებულია ისტორიული მეცნიერების თანამედროვე მიღწევები, მრავალფეროვანი წერილობითი წყაროებისა და საარქივო მასალების მონაცემები, მათ შორის საბჭოთა კავშირის ცენტრალურ არქივებში დაცული დოკუმენტები და სხვ.

რ ა ჰ ა - ლ ე ჩ ხ უ მ ი ს გ ა ნ ს ა ხ ლ ე ბ ა

1. მ დ ე ბ ა რ ე მ ბ ა დ ა ს ა ზ ლ რ ე მ ი

რ ა ჰ ა - ლ ე ჩ ხ უ მ ი მ დ ე ბ ა რ ე მ ბ ს დ ა ს ა ვ ლ ე თ ს ა ქ ა რ თ ვ ე ლ ო ს ჩ რ დ ი ლ ო - ა ღ - მ ო ს ა ე ლ ე თ ი თ . მ ა თ ჩ რ დ ი ლ ო ე თ ი დ ა ნ . ე ს ა ზ ლ რ ე ბ ა ს ვ ა ნ ე თ ი , მ ა ლ ყ ა რ ე თ ი (ბ ა ლ ყ ა რ ე თ ი) დ ა ჩ რ დ ი ლ ო ო ს ე თ ი , ა ღ მ ო ს ა ე ლ ე თ ი დ ა ნ — ს ა მ ხ რ ე თ ო ს ე თ ი , ს ა მ ხ რ ე თ ი დ ა ნ — ი მ ე რ ე თ ი , ხ ო ლ ო დ ა ს ა ე ლ ე თ ი დ ა ნ — ი მ ე რ ე თ ი დ ა ს ა მ ე - გ რ ე ლ ო .

რ ა ჰ ა - ლ ე ჩ ხ უ მ ი ს ს ა ზ ლ რ ე მ ბ ი მ ი ს დ ე ვ ს ე გ რ ი ს ი ს ქ ე დ ი ს ა ღ მ ო ს ა ე ლ ე თ ნ ა წ ი ლ ს , რ ა ჰ ა - ლ ე ჩ ხ უ მ ი ს ქ ე დ ე ბ ს , კ ა ვ კ ა ს ი ო ნ ი ს წ ყ ა ლ გ ა მ ყ ო ფ ქ ე დ ს , ხ ე ა მ - ლ ი ს ა დ ა ა ს ხ ი ს მ ა ს ი ვ ე ბ ს .

ვ ა ხ უ შ ტ ი ბ ა ტ ო ნ ი შ ვ ი ლ ი ს გ ა ნ ს ა ზ ლ რ ე თ , რ ა ჰ ი ს ს ა ზ ლ რ ე მ ბ ი ა : „ ა ღ მ ო - ს ა ე ლ ი თ კ უ დ ა რ ო ს ა , წ ო ნ ი ს ა დ ა ფ ა წ ი ს მ დ ი ნ ა რ ე ს შ ო რ ი ს ი მ თ ა , დ ა კ ა ვ კ ა ს ი კ ე დ ე ლ ა , დ ა მ უ ნ ი დ ა მ ჩ რ დ ი ლ ო თ წ ა რ ს რ უ ლ ი კ ა ვ კ ა ს ი ვ ე , ვ ი დ რ ე დ ი გ ო რ ი ს კ ა ვ კ ა ს ა მ დ ე , რ ა ჰ ა გ ლ ო ლ ა ს ა დ ა ქ ლ ე ლ ე ს შ ო რ ი ს ი ; ს ა მ შ რ ი თ წ ო ნ ი დ ა მ წ ა - მ ო ს უ ლ ი მ თ ა დ ა ს ა ე ლ ე თ ა დ ა ღ მ ო ს ა ე ლ ე თ ი დ ა მ , ვ ი დ რ ე ა რ ჰ ა ნ ი ს ა დ ა დ ღ ნ ო - რ ა მ დ ე , გ ა ჰ რ ი ლ ი რ ი ო ნ ი ს ა გ ა ნ მ უ ნ , დ ა მ თ ა ს ა ა მ ა ს ს ა ე რ თ ო დ უ წ ო დ ე ბ ე ნ რ ა ჰ ი ს მ თ ა ს , ხ ო ლ ო გ ა ნ ყ ო ფ ი თ დ ღ ნ ო რ ს ზ ე ი თ წ მ ი დ ი ს გ ი ო რ გ ი ს ა ს ა , მ ე რ მ ე გ ა ჰ რ ი ლ ს , ნ ა ქ ე რ ა ლ ა ს , ვ ე ლ ე ვ ს , ს ა ღ ო რ ე ს , გ ა რ ჯ ი ლ ა ს , ნ ა ჯ ი ხ რ ე უ ვ ს , ს ა წ ა ლ ი - კ ე ს დ ა კ ე ც ე ბ ს . ა მ მ თ ა თ ა ჩ რ დ ი ლ ო თ კ ე რ ძ ი ა რ ს რ ა ჰ ი ს ა დ ა ს ა მ შ რ ე თ ი ს კ ე რ ძ ი - გ ა რ ჯ ი ლ ა - ნ ა ჯ ი ხ რ ე უ ვ - ს ა წ ა ლ ი კ ე - კ ე ც ე ბ ი ს ა - ა რ ს ა რ გ უ ე თ ი ს ა დ ა მ დ ი ნ ა - რ ე ნ ი ც ა ე გ რ ე თ ვ ე ; დ ა ს ა ე ლ ი თ მ ზ ლ რ ი ს ს ა ღ ო რ ი ს მ თ ი დ ა მ დ ღ ნ ო რ ა მ დ ე რ ო - მ ე ლ ნ ი მ თ ა ნ ი ა ღ ვ ს წ ე რ ე თ , დ ა მ თ ა გ უ ე ლ ი ს თ ა ვ ი ს ა დ ა ჩ რ დ ი ლ ო თ მ ზ ლ რ ი ს რ ა ჰ ა ს კ ა ვ კ ა ს ი , რ ო მ ე ლ ი გ ა ნ ჰ ყ ო ფ ს გ ლ ო ლ ა ს , ლ ე ბ ს , ჭ ი ო რ ა ს ა დ ა დ ი გ ო რ ს - ბ ა ს ი ა ნ ს ა , ლ უ ხ ტ ე ნ ს ა დ ა ს უ ა ნ ე თ ს ა , ს ა დ მ ე ლ ს , ტ ო ლ ა ს დ ა ს უ ა - ნ ე თ ს ა “ ¹ .

ლ ე ჩ ხ უ მ ი ს მ დ ე ბ ა რ ე მ ბ ა ს დ ა ს ა ზ ლ რ ე მ ბ ს ვ ა ხ უ შ ტ ი ა ს ე ა გ ვ ი წ ე რ ს : „ ხ ო - ლ ო გ ო რ დ ი დ ა მ ვ ი დ რ ე კ ა ვ კ ა ს ი ა მ დ ე ა რ ს ვ ე ო ბ ა ლ ე ჩ ხ უ მ ი ს ა გ ა რ ნ ა ლ ე - ჩ ხ უ მ ს ა დ ა რ ა ჰ ა ს გ ა ნ ჰ ყ ო ფ ს : გ უ ე ლ ი ს თ ა ვ ი ს მ ც ი რ ე მ თ ა ა ღ მ ო ს ა ე ლ ე თ ი - დ ა მ ; ჩ რ დ ი ლ ო თ მ თ ა კ ა ვ კ ა ს ი , ლ ე ჩ ხ უ მ ს ა დ ა ს უ ა ნ ე თ ს შ ო რ ი ს ი ; დ ა ს ა ე ლ ი თ მ თ ა კ ა ვ კ ა ს ი ვ ე დ ა კ ა ვ კ ა ს ი დ ა მ ჩ ა მ ო ს უ ლ ი ს ა მ შ რ ე თ ა დ მ თ ა გ ო რ დ ა მ დ ე ; ს ა მ - შ რ ი თ რ ი ო ნ ი დ ა მ თ ა ხ ო მ ლ ი ს კ ლ დ ი დ ა მ წ ა რ ს უ ლ ი დ ა ს ა ე ლ ე თ ა დ გ ო რ დ ა მ - დ ე “ ² .

¹ ქართლის ცხოვრება, IV, გვ. 769—770.

² იქვე, გვ. 748.

რაჭა-ლეჩხუმის უმაღლეს წერტილს წარმოადგენს ქანჭახის მწვერვალი, რომლის სიმაღლე ზღვის დონიდან 4.443 მეტრს უდრის. მოცემული რეგიონის უმაღლესი ადგილი არის რიონის ხეობის დაბლობი ტვიშის კლდეკარის მიდამოებში, რომელიც ზღვის დონიდან 320 მეტრ სიმაღლეზე მდებარეობს.

რაჭა-ლეჩხუმის ფართობი უდრის 3.218 კვადრატულ კილომეტრს, რაც საქართველოს ტერიტორიის 4,6⁰/₀-ს შეადგენს¹.

რაჭა-ლეჩხუმში ამჟამად სამი რაიონია: ცაგერის — 820,4 კვ. კმ ფართობით, ამბროლაურისა — 1159,5 კვ. კმ და ონის — 1237,5 კვ. კმ ფართობით.

ფიზიკურ-გეოგრაფიული მდებარეობით რაჭა-ლეჩხუმში საქართველოს მთიანეთს განეკუთვნება. მიუხედავად ამისა, რაჭა-ლეჩხუმის სოფლების მდებარეობა ერთიმეორისაგან განსხვავდება. მოცემული რეგიონის უდიდესი ნაწილი მაღალი და საშუალო მთიანია და დანაწევრებული ციცაბო ზედაპირით ხასიათდება. დასახელებულ ტერიტორიაზე ყველაზე მაღალმთიანი და მკაცრი ბუნებრივი პირობებია ე. წ. მთა რაჭაში, რომელიც უშუალოდ კავკასიის მთავარ ქედს ემიჯნება.

რაჭა-ლეჩხუმში, რელიეფის მეტისმეტი დანაწევრებისა და კლდიან-ფერდობიანი მდებარეობის გამო, მეურნეობისათვის ვარგისი მიწები მცირეა. სახნავად მხოლოდ ხეობის სანაპირო ზოლი და დამრეცი ფერდობების ნაწილი გამოიყენება, დანარჩენი კლდეებს, ტყეებს, სუბალპურ და ალპურ სავარგულებს უკავია. საერთო ფართობის 59% ტყეებსა და ბუჩქნარებზე მოდის, 7,2% — სახნავებზე, სოფლის მეურნეობისათვის გამოიყენებული სავარგულის (სახნავი, სათიბი, საძოვარი, მრავალწლიანი ნარგავები) საერთო ფართობი 23,7%-ს შეადგენს (მთელ საქართველოში 39,3⁰/₀-ს)².

რაჭა-ლეჩხუმის დაბალმთიანი ტერიტორიაა: რიონის ხეობა ტვიშის კლდეკარიდან — უწერამდე, ლაჯანურის ხეობის ქვემო ნაწილი და ცხენისწყლის ხეობის გაფართოებული მონაკვეთი — ცაგერის ქვაბული, აგრეთვე ორბელ-ცაგერს შუა მდებარე ტერიტორია. დასახელებული ადგილები სამეურნეოდ და საცხოვრებლად ყველაზე მოხერხებულია, რადგან შედარებით ვაკობს და ნაკლებდამრეც გორაკ-ბორცვიან ადგილებს წარმოადგენს, აგრეთვე ზამთარი ზომიერი, ზაფხული ცხელი და ხანგრძლივია, ზაფხულის სამი თვის საშუალო ტემპერატურა 20 გრადუსს ქარბობს. სიცხე ზოგჯერ 36—38 გრადუსს აღწევს.

რაჭა-ლეჩხუმის საშუალო და დაბლობ ადგილებში ხელსაყრელი პი-

¹ ვახუშტის სახელობის გეოგრაფიის ინსტიტუტის შრომები, ტ. XV, თბ., 1961, გვ. 21.

² იქვე.

რობებია მევენახეობისა და მებაღეობა-მებოსტნეობისათვის, აგრეთვე მარცვლეულის წარმოებისათვის.

რაჭაში ყველაზე დიდი დასახლებული პუნქტებია ონი და ამბროლაური, რომლებიც მდ. რიონის ტერასზე არიან განლაგებული, ლეჩხუმში კი ცაგერი, რომელიც მდ. ცხენისწყლის ხეობის გაფართოებულ ნაწილში — მურსა და სარეწკელას შორის მდებარეობს.

რაჭა-ლეჩხუმის ძირითადი ტერიტორიის სიმაღლე ზღვის დონიდან 500-2000 მეტრს შორის მერყეობს. ამის შესაბამისად აქ მეურნეობისათვის სხვადასხვა პირობები არსებობს.

პირველ ზონაში, რომელიც მდინარეების — რიონისა და ლაჯანის შეერთების ხეობაში მდებარეობს და რომლის სიმაღლე ზღვის დონიდან 500 მეტრზე დაბალია, უპირატესად მევენახეობა და მებაღეობა წარმოებს; მეორე ზონაში, რომელიც ზღვის დონიდან 500-1000 მეტრზე მდებარეობს და რაჭა-ლეჩხუმის უდიდეს ნაწილს მოიცავს, ხელსაყრელი პირობებია როგორც მევენახეობა-მებაღეობისათვის, აგრეთვე მარცვლეულის წარმოებისათვის, მებოსტნეობისა და სხვა კულტურებისათვის; მესამე ზონაში შედის 1000-2000 მეტრზე მდებარე ტერიტორია (მთა რაჭა და სხვ.), რომელიც ნაწილობრივ მემინდერეობისათვისაც გამოიყენება, მაგრამ არსებითად, საძოვრის დანიშნულებას ასრულებს.

რაჭა-ლეჩხუმის მოსახლეობის უდიდესი ნაწილი მეორე ჰიფსომეტრულ ზონაში ცხოვრობს, მესამე ზონაში შედის რაჭა-ლეჩხუმის ტერიტორიის ნახევარზე მეტი, სადაც უპირატესად მესაქონლეობას მისდევენ.

რაჭა-ლეჩხუმის სხვადასხვა ნაწილის მეურნეობრივ-კლიმატური პირობების განსხვავება, სპეციალისტთა აზრით, განპირობებულია არა მარტო ზღვიდან ამალღებისა და დაშრობის სხვაობით, არამედ კავკასიის წყალგამყოფი მთავარი ქედის მყინვარებთან სიახლოვით, მიწის ნოყიერებით, მცენარეული საფარით, რელიეფის ფორმით და სხვ.

რაჭა-ლეჩხუმის უდიდეს ნაწილში კლიმატი ზომიერი და უხვნალექიანია, მაგალითად, 500-1200 მეტრ სიმაღლეზე კლიმატი ზომიერად ცივია, ზაფხული თბილი, ხანრძლივი და უხვნალექიანი. ზამთრის ორი-სამი თვის ტემპერატურა ნულ გრადუსზე დაბალი, ხოლო ზაფხულის სამი თვის ტემპერატურა 20 გრადუსზე მაღალია.

მცენარეული საფარიდან რაჭა-ლეჩხუმში ძირითადად გავრცელებულია: რცხილა, მუხა, წაბლი, წიფელი. ფიჭვი, ბუჩქნარა, ტირიფი, ქაცვი, მურყანი და სხვ. აქ ტყეებს სამრეწველო დანიშნულებაც აქვთ.

რაჭა-ლეჩხუმში გარეული ცხოველებიდან ბინადრობენ: ჯიხვი, შველი. დათვი. მგელი, ტურა, მელა, მაჩვი. კურდღელი და სხვ. გარეული ფრინველებიდან გავრცელებულია შურთხი, როკო, შაშვი, ჩხართვი, ბოლოშავი, სკვინჩა, ღაჟო, თეთრი. ბოლოქანქალა. მტაცებელ ფრინველთა შორის გვხვდება: არწივი, ქორი, ორბი, სვაევი; მდინარეებში მოაპოვება კალმახი და სხვ.

მიუხედავად იმისა, რომ რაჭა და ლეჩხუმი ცალკე ერთეულებს (კუთხეებს) შეადგენენ, პირობითად თითოეული მათგანი შეიძლება რამდენიმე ნაწილად დავეყოთ. გეოგრაფიულ-კლიმატური პირობების შესაბამისად რაჭას სამ ნაწილად ყოფენ: ქვემო რაჭა, ზემო რაჭა და მთა რაჭა. ქვემო და ზემო რაჭის საზღვრად მიჩნეულია ხიდიკარი. ვახუშტი წერს: „ხოლო კუალად კრიხულას შესართავსა და ამბროლაურ-ხიმშს ზეით მოვიწროვდების რიონის სიმწრიდამ და ჩრდილოდამ კლდითა. მუნ ძეს ჯიდი რიონზედ. ჯიდისთავს, კლდის ძირში არს, რიონის ჩრდილოთ კიდესა ზედა, ციხე და უწოდებენ ჯიდიკარს... მას ზეით არს წესი, დაბლა კარგი“¹. ხიდისკარამდე რიონის ხეობა უფრო ვიწრო და კლდიანია, რომელიც დაბლა თანდათანობით ფართოვდება.

ზემო რაჭა შეიცავს ტერიტორიას ხიდისკარიდან ლუხუნის ხეობამდე და სოფელ უწერამდე.

მთა რაჭას უწოდებენ მდ. რიონის სათავეს და, აგრეთვე, გლოლა-ჭანჭახის წყალს (კავკასიონის მთავარ ქედს და შიდა-კედელას შორის) შუა მდებარე ტერიტორიას. მთა რაჭა შემოფარგლულია ფასის, გეზე-ლაბოის, წიხვარგას, ბურჭულასა და შოდას მთებით.

მთა რაჭას, რომელიც სამ თემს შეიცავს, ვახუშტი ასე ახასიათებს: „არს გლოლა დაბა მგზავსი ციხისა, კოშკოვან-გოდლოვან-ზღუდიანი... კუალად გლოლის ჯევის შესართავს ზეით რიონის სამკრით არს ჰიორა, დაბა მოზღუდვილი და კოშკოვანი, გოდლოვანი. ამას ზეით, ჩრდილოთ კერძოდ, დაბა არს ღებო, ეგრეთვე ნაშენი, ხოლო ჰიდროთას ზეით ეს ადგილნი, რომელნი დავსწერეთ, ნაყოფით, პირუტყვით, მაგარი, ვიწრო და შეუალი მტერთავან“².

ვახუშტი ბაგრატიონი აღწერს რა რაჭის საზღვრებსა და მის ცალკეულ ადგილებს, იქვე ახასიათებს რაჭასა და მის მოსახლეობას: „და ამ საზღვართ შინაგან არს რაჭა, ფრიად მაგარი მითთა, კლდითა, წრამითა, ჯევითა და ტყითა, შეუალი გარე მტრისაგან. ჰავით არს კეთილმშუენი, ზაფხული გრილი, ზამთარ თბილი და უქარო, მოსავლიანი, თვნიერ ბრინჯ-ბამბისა ნაყოფიერებს ყოველნი მარცვალნი, ვენახნი. ხილნი, მტილოვანნი ყოველნი. რიონის კერძოდ ამიერ და იმიერ, სრულიად რაჭას ესრეთ ნაყოფიერებს, არანედ მთათა კერძონი, ვითარცა სსუანი მთის ადგილნი... კაცნი ტანოვანნი, მვნენი, ბრძოლასა შემმართველნი, ძლიერნი. უსაქციელო ბრიყუნი, უშუარ-მქცევენი, სსუათა მათარნი, მომხუეკნი და ძვრნი“³.

გარკვეული განსხვავების გამო ლეჩხუმსაც (პირობით) — ზემო და ქვემო ლეჩხუმად ყოფენ. ქვემო ლეჩხუმს სსხვანაირად „ტედალმართსაც“ („კლდედალმართს“) უწოდებენ. ლეჩხუმის ეს მხარე შემდეგ სოფლებს შეიცავს: ტვიშს, ვანს, ორხვს, ქორენიშს, დერჩს, მექვენას, ონჭეიშს.

¹ ქართლის ცხოვრება, IV, გვ. 764—765.

² იქვე, გვ. 768—769.

³ იქვე, გვ. 770.

ჭაშლეთს, დღნორისას, საჩხეურს, ჩორთისას და სხვ. ზემო ლეჩხუმში შედის მდ. რიონის დანარჩენი ნაწილის და ცხენისწყლის ხეობის სოფლები.

ლეჩხუმსა და მის მოსახლეობას ვახუშტი ასე ახასიათებს: „არამედ თუმცა არს ლეჩხუმი მთის ადგილად თქმული, გარნა არს ვენახიანი, ხილიანი, მოსავალს ყოველნი მარცვალნი, თვნიერ ბრინჯ-ბამბისა, გარნა სივიწროვისა და კლდიანობისათჳს არა ეგოდენი სიმრავლით. მოსახლენი არიან აზნაურნი და გლეხნი, რამეთუ არა არს მოსახლე, რომელსა არა ედგას კოშკი ქვიტირისა და შენობანი ყოველნივე ქვიტირისანი. და არს მთითა და კლდითა ფრიად მაგარი, და კაცნი მუნებურნი მბრძოლნი და შემართებულნი, ჰაეროვანნი, ტანოვანნი, მუნენი და მორჩილნი უფალთა თჳსთა, არამედ ბრყუნნი, უზნეონი და უწყალონი“¹.

როგორც ვხედავთ, რაჭა-ლეჩხუმი, ბუნებრივ-გეოგრაფიული პირობებით, მეურნეობით და, საერთოდ, მოსახლეობის საქმიანობით, ერთიმეორისაგან ნაკლებად განსხვავდება.

ჴ. გ ზ ე ბ ი

რაჭა-ლეჩხუმის ტერიტორიაზე, რომელიც კავკასიონის ქედიდან სამხრეთ-დასავლეთისაკენ ეშვება, უძველესი დროიდან მრავალი გზა-ბილიკი მიემართებოდა.

პირველ რიგში, აღსანიშნავია ე. წ. „თაკურის გზა“, რომელიც რაჭა-ლეჩხუმის მიწა-წყალზე გადიოდა და მას საქართველოს სხვა კუთხესთან აკავშირებდა.

რაჭა-ლეჩხუმის ეს მთავარი გზა, ერთი მხრივ, დასავლეთ საქართველოს მთავარ ცენტრებს უკავშირდებოდა, ხოლო, მეორე მხრივ, აღმოსავლეთ საქართველოს². იგი ქვემო ლეჩხუმს, მთელ რაჭასა და შიდა კედელას (აწინდელ მამისონს) კვეთდა, შემდეგ ზრამაგას, ნარას, ზეკარის უღელტეხილს, გუმთას, კეხვს, ცხინვალს, ნიქოზს, ფხვენისს, ნაქარმაგვეს, მუხრანს, მცხეთას უკავშირდებოდა.

აღნიშნული გზის მეორე განშტოება რაჭა-ლეჩხუმს ჩრდილოეთთან აკავშირებდა, რომელიც ზრამაგადან (ჩრდილოეთის მიმართულებით) კასპის კარის, ვალაგირისა და თერგის ხეობისკენ მიემართებოდა³.


რაჭა-ლეჩხუმს რამდენიმე საულელტეხილო გზა-ბილიკი აკავშირებდა ჩრდილოეთ კავკასიასთან: როგორც აღვნიშნეთ, ერთ-ერთი თაკურის გზა იყო, მეორე მიემართებოდა ლეზი-ჭიორა გოლოადან კარაგომის (გურძი-გეციის) უღელტეხილისაკენ, საიდანაც დიგორისა და ურუხის ხეობას და

¹ ქართლის ცხოვრება, IV, გვ. 749—750 (ზაზგასმა ჩვენია).

² ს. რეხვიასვილი, ქართველ და ჩრდილო კავკასიელ მთიელთა ისტორიიდან, თბ., 1977, გვ. 12.


³ ნ. ბერძენიშვილი, გზები რუსთაველის ეპოქის საქართველოში, თბ., 1966, გვ. 26.

რატა-ლეხუმის გზა მასაველითსაკუნ




თერგს უკავშირდებოდა, მესამე გზა ჭიორა-ლეხიდან მიემართებოდა, ჩუ-
 ეშოს ხეობისა და კირტიშის (ლეხივცეცეის) უღელტეხილის გავლით დი-
 გორისაკენ; მეოთხე გზა გლოლა-ჭიორა-ლეხი-თევერეშიდან მიემართებოდა
 (ჩრდილო-დასავლეთის მიმართულებით) გორიბოლოსაკენ, საიდანაც რიო-

წილა-ლაჩხუმის ძმა ("თაქვერის გზა") აღმოსავლეთ
საპართევოსა და ჩრდილო აკაკასიონსაკენ:



ნისა და ცხენისწყლის გამყოფ ქედს მიყვებოდა ფასის მთისა და შღულის
გადასასვლელისაკენ (შარი-ვცეკის), სადაც ის ორად იყოფოდა — ერთი
დიგორისაკენ, მეორე კი მდინარე ჩერეკის ხეობის გავლით და ბალყარე-
თისაკენ მიემართებოდა!

რაქიდან ჩრდილოეთისკენ გამავალი გზა-ბილიკები:



რაჭა-ლეჩხუმ-სვანეთსა და ქართლს შორის, აგრეთვე რაჭა-ლეჩხუმ-სვანეთსა და ჩრდილო კავკასიას შორის დამაკავშირებელი უძველესი გზების არსებობაზე ცნობებს გვაწვდიან არა მარტო ქართველი, არამედ ბიზანტიელი და სხვა ისტორიკოსებიც.

მოცემულ მხარეებს შორის სამიმოსვლო კავშირურობაზე მიგვანიშნებს ბიზანტია-ირანის (სპარსეთის) დიპლომატიური მოლაპარაკებების მასალები, რომელშიც მენანდრე პროტიქტორმა აღწერა ბიზანტია-ირანის დავა (VI საუკუნეში) სვანეთის გამო ¹.

ამ მასალებიდან კარგად ჩანს, რომ ირანს აღმოსავლეთ საქართველოდან (ლაზიკის გვერდის ავლით) შეეძლო რაჭა-ლეჩხუმ-სვანეთთან დაკავშირება. როგორც ირკვევა, ეს კავშირ-ურობა, პირველ რიგში, ე. წ. თაკვერის გზით ხორციელდებოდა.

აღნიშნული გზის მოქმედებასა და დიდ მნიშვნელობაზე მეტყველებს ქართველი ისტორიკოსის ლეონტი მროველის ცნობაც, რომლის თანახმად დასავლეთ საქართველოში ჩრდილოეთიდან (თაკვერის გზით) ოსებიც გადმოდიოდნენ ².

ჩანს, თაკვერის გზამ თავისი მნიშვნელობა საშუალო საუკუნეების მთელ სივრცეზე შეინარჩუნა, რასაც XV საუკუნის საბუთი — ე. წ. „ჯაფარიძეთა სიგელი“ ადასტურებს ³.

¹ გეორგიკა, III, ს. ყაუხჩიშვილის გამოც., ტფ., 1936, გვ. 213—233.

² ქართლის ცხოვრება, IV, გვ. 68—748.

³ სვანეთის საისტორიო ძეგლები, ნაკვ. მე-2, 1941, გვ. 31—34.

რაჭა-ლეჩხუმსა და აღმოსავლეთ საქართველოს შორის პირდაპირი გზის უუქველი არსებობის მაჩვენებლად ნ. ბერძენიშვილს მიაჩნდა ისიც, რომ ერთ დროს ზემო რაჭა ნიქოზის საეპისკოპოსოში შედიოდა. რომ არა პირდაპირი კავშირითიერთობა, — დასძენს ნ. ბერძენიშვილი, — სხვაგვარად შეუძლებელი იქნებოდა ქართლთან რაქის ამგვარი გაერთიანება¹.

თაკვერის გზა არც XVIII საუკუნეში კარგავს თავის მნიშვნელობას და ის დასავლეთ და აღმოსავლეთ საქართველოს დამაკავშირებელ ერთ-ერთ მნიშვნელოვან საშუალებად რჩება.

ზოგიერთი მონაცემით თაკვერის გზის ოდინდელი მიმართულება, მთლად ნათელი არ ჩანს, მაგრამ ამ გზის უძველესი დროიდან მოქმედებაზე და. მით უფრო, მის ვახუშტისეულ ლოკალიზაციაზე ექვის შეტანა ძნელია. ვახუშტის მიხედვით აღნიშნული გზა, ზემო რაჭას, წონას, კუდაროს, ცხინვალს, დვანს და ქართლს შორის, ხომ XVIII საუკუნეშიც მოქმედებდა².

ნ. ბერძენიშვილს მიაჩნდა, რომ რაჭა-ლეჩხუმს (აგრეთვე სვანეთს) ქართლთან რამდენიმე გზით შეეძლო დაკავშირება: ერთი გზა ონიდან მდ. ჭეჯორის ხეობასა და ლეთის ზეკარზე (მდინარე ქეშელთით) მიემართებოდა მდინარე ფაწის, კეხვის და ცხინვალის მიმართულებით; მეორე — ონიდან ჭეჯორას, ჩასავალს, არაშენდას, ზამთარეთს, ჭავისთავს, ფაწას, კეხვს და ცხინვალს აკავშირებდა; მესამე — ონიდან ჭეჯორაზე, ერწოზე, ფაწაზე, ცხინვალზე გადიოდა. ნ. ბერძენიშვილის აზრით, ერთ ამ გზათაგანს ძველად „ლიბიის გზა“ ეწოდებოდა³.

რაჭიდან ერთ-ერთი მნიშვნელოვანი გზა გადიოდა სვანეთისაკენ. ის გოლო-პიორა-ღებსა და თევრემოს ქვემო და ზემო სვანეთთან აკავშირებდა (ცხენისწყალ-რიონის წყალგამყოფი ქედის გადაკვეთით, ვაციწვერის სერზე გავლით). აღნიშნული გზა ქვემო სვანეთის სათავე ლაფურის ხეობას კვეთდა, შემდეგ ცანა-ყოორულდაშს გაივლიდა და ლასდილისა და ატკვერზაგარის გადაკვეთით, უშგულსა და ზემო სვანეთის სხვა ადგილებს უკავშირდებოდა, საიდანაც შეიძლებოდა ბალყარეთში ან ყარაჩაიში გადასვლაც.

რაჭა-ლეჩხუმიდან სვანეთის მიმართულებით სხვა გზა-ბილიკებიც გადიოდა, მათ შორის სადმელის და ღვიარას (ღვარას) ხევებიდან, აგრეთვე ტოლიდან და სხვ.

რაჭა-ლეჩხუმიდან დასავლეთისა და სამხრეთის მიმართულებით მთავარი გზის გარდა სხვა მრავალი გზა-ბილიკიც მიემართებოდა. მათ შორის, ერთ-ერთი ლეჩხუმიდან ორბელს-ლაილაშს-თაბორის გადასასვლელს — ჰყვიშს გაივლიდა და მდინარე რიონის მარცხენა ნაპირს მიჰ-

1 ნ. ბერძენიშვილი, დასახელებული შრომა, გვ. 29.

2 ქართლის ცხოვრება, IV, გვ. 767.

3 ნ. ბერძენიშვილი, დასახელებული შრომა, გვ. 29.

ყვებოდა ღვარდიის-ზოგიშის-ცაგერას-ორხევის-გონიის-დღნორისას, დერ-ჩის მიმართულებით ქუთაისისაკენ ¹.

მეორე გზა მიემართებოდა ცხენისწყლის ხეობის მიყოლებით (ქვემო სვანეთით) შდულისაკენ (ჩრდილო კავკასიისაკენ), აგრეთვე ლატფარის, მუშურის და ატკვერისაკენ, საიდანაც ზემო სვანეთში გადადიოდა.

რაჭა, აგრეთვე ლეჩხუმი სხვა გზებითაც უკავშირდებოდა იმერეთს, სამეგრელოს და სხვა კუთხეებს. რაჭის იმერეთთან დამაკავშირებელ გზებს შორის მნიშვნელოვანი იყო ონი-საჩხერის გზა, რომელიც შქმერაზე გადიოდა. მნიშვნელოვანი იყო აგრეთვე რაჭიდან ნაქერალას უღელტეხილზე გამავალი გზაც, რომლითაც ლეჩხუმი და სვანეთი სარგებლობდნენ.

აღნიშნულის გარდა. რაჭა-ლეჩხუმს მეზობელ და შორეულ მხარეებთან სხვა მეორეხარისხოვანი გზა-ბილიკები და გადასასვლელებიც აკავშირებდა, მაგრამ ყველა მათგანის დეტალური ჩამოთვლა შორს წავგიყვანდა.

რაჭა-ლეჩხუმის, ასევე საქართველოს სხვა კუთხეების ძველი გზები უპირატესად ხეობებს კი არ მისდევდა, არამედ მთის კალთებს, სერებს და ქედებს. რაც რელიეფის უსწორმასწორობითა და ხეობათა სიფიწროვით, მეტისმეტი დაფერდებით, დაკლაკნილობით, ხიდების უქონლობით და სხვა მიზეზებით იყო განპირობებული.

ინტერესს არ უნდა იყოს მოკლებული რაჭა-ლეჩხუმის ოდინდელი სამიმოსვლო საშუალებათა ზოგადი დახასიათება. გზებს შორის ყველაზე დიდმნიშვნელოვანი იყო თაკვერის გზა, რომელიც, ერთი მხრივ, მამისონის უღელტეხილზე გადადიოდა და აღმოსავლეთ საქართველოს უკავშირდებოდა, მეორე მხრივ, ქუთაისისაკენ მიემართებოდა, რომელსაც ლეჩხუმის დასავლეთ ნაწილში ცხენისწყლის შუა და ზემო ხეობიდან გამავალი გზაც უერთდებოდა. ეს გზა ყველაზე უფრო მოხერხებული იყო არა მარტო ქვეითად მოსიარულეთათვის, არამედ პირუტყვის გადასარეკად და ტვირთის გადასაზიდლადაც. მისი ზოგიერთი მონაკვეთი ზამთრობით იკეტებოდა და პირუტყვის გადაყვანა და ტვირთის ზიდვა ზაფხულობითაც დიდ სიძნელეს წარმოადგენდა. ამის მიუხედავად, შეუძლებელია თავისი მნიშვნელობით მას რაჭა-ლეჩხუმის სხვა რომელიმე გზა შეედაროს.

რაჭა-ლეჩხუმის მეორე მნიშვნელოვან და შედარებით მოხერხებულ სამიმოსვლო საშუალებას წარმოადგენდა გზა, რომელიც ჩრდილო კავკასიისაკენ მიემართებოდა. იგი ღებიდან ჩრდილო დასავლეთისაკენ მისდევდა რიონის სათავე ხეობას (გორიბოლოსა და ფასის მთის მიყოლებით), ხოლო ცაგერიდან ეს გზა, ერთი მხრივ, რაჭა-ლეჩხუმის გამყოფ ქედს მიჰყვებოდა. მეორე მხრივ, ცხენისწყლის ხეობას ლაფური-

¹ დ. კოპალიანი. ლეჩხუმზე გამავალი ძველი გზები, ვახ. კომუნისმის სხივი, 1974, 27 აგვისტო.

საქენ, სადაც მას რაჭის გზა უერთდებოდა და შდულის უღელტეხილით ჩრდილოეთისაკენ მიემართებოდა.

რაჭა-ლეჩხუმიდან მალყარამდე გზის დაფარვა ფეხით მოსიარულესათვის ორ დღეში თავისუფლად შეიძლებოდა. აღსანიშნავია, რომ ამ გზის 'ხოგიერთ მონაკვეთზე მარხილი და ურემიც გამოიყენებოდა. რაც შეეხება შდულის უღელტეხილს, იგი ნაპრაღიანი მუღმიყინულებით იყო დაფარული, მაგრამ ამის მიუხედავად, აქ ზაფხულობით ცხენით სიარული და პირუტყვის ჯოგის გადაყვანაც შეიძლებოდა. სათანადო მონაცემებზე დაკვირვებამ მკვლევარი ს. რეხვიაშვილი იმ დასკვნამდე მიიყვანა, რომ დასახელებული გზა დასავლეთ საქართველოს ჩრდილო კავკასიასთან დამაკავშირებელ ერთ-ერთ მთავარ სავაჭრო მაგისტრალად ჩაეთვალი¹.

რაჭა-ლეჩხუმიდან (აგრეთვე სვანეთიდან) შდულის უღელტეხილის შემდეგ ყარაჩაისაკენ მიმავალი გზა, ჯერ მდინარე ჩერეკის ხეობასა და ელბრუსის ფერდობს მისდევდა, შემდეგ ყუბანის აღმოსავლეთ შენაკადისაკენ და ხეობით ყარაჩაის ცენტრისაკენ მიემართებოდა. ს. რეხვიაშვილისავე დაკვირვებით, რაჭა-ლეჩხუმიდან ყარაჩაიმდე გზას ცხენოსანი მგზავრი სამ დღეში ფარავდა². სხვათა შორის, ისიც დასტურდება, რომ რაჭა-სვანეთი ძველ დროში საურმე სამარხილე გზით ყოფილა დაკავშირებული (ამას, ზეპირსიტყვიერ გადმოცემებთან ერთად, მოწმობს დღემდე შემორჩენილი გზის კვალი, აგრეთვე მის გაყოლებით საფორთიფიკაციო ნაგებობათა ნანგრევები). აღსანიშნავია, რომ დასახელებული გზის ოდინდელ ფუნქციონირებას ადასტურებს რუსი მკვლევარი მ. შოსტაკი. რომელსაც ზემოაღნიშნულ გზაზე ჩვენი საუკუნის დასაწყისში უმოგზაურია³.

რაჭა-სვანეთს შორის საურმე-სამარხილე გზის არსებობა სარწმუნოდ მიაჩნიათ სხვა თანამედროვე დამკვირვებლებსაც⁴. რაჭა-სვანეთის დამაკავშირებელ ამ გზაზე, ს. რეხვიაშვილი წერს: „მიუხედავად რთული გარემო პირობებისა. მთელ სიგრძეზე გზა ლებიდან-უშვულამდე მალალოსტატურად ყოფილა გაყვანილი, მიწა რომ არ ჩამოწოლილიყო, გზისპირა ფერდობებს ქვის კედლებით ამაგრებდნენ, წყლიან-ტალახიან ადგილებში (გზის სიმაგრისათვის) ხის მორებს აგებდნენ“⁵.

დასახელებული გზა ერთმანეთთან აკავშირებდა რაჭა-ლეჩხუმ-სვანეთს, აგრეთვე ბალყარეთ-დიგორ-ყარაჩაის და სხვ. რაც ამ „გზა-მაგისტრალს“ საერთო ქართულ-კავკასიურ კავშირუბრთიერთობის მნიშვნელობას ანიჭებდა.

1 ს. რეხვიაშვილი, დასახელებული შრომა, გვ. 18; Известия о Кавказе, ч. II, М., 1823, с. 219.

2 ს. რეხვიაშვილი, დასახელებული შრომა, გვ. 19.

3 Шостак, М. А., по Раче и Сванети, изв. КОИРО, т. XVI, 1903.

4 რ. კვერენჩილაძე, რაჭა-ლეჩხუმის ტრანსპორტი და რაიონთაშორის კავშირი, ვახუშტის საზ. გეოგრაფიის ინსტიტუტის შრომები № 4 თბ. 1961, გვ. 177.

5 ს. რეხვიაშვილი, დასახელებული შრომა, გვ. 20.

2. გ. გასვიანი

რაჭა-ლეჩხუმის გზების საერთო-სახელმწიფოებრივ მნიშვნელობაზე მიუთითებს გვიანი შუასაუკუნეების ზოგიერთი ცნობაც, რომელიც გვაუწყებს, რომ ყაენის წინააღმდეგ ჯარის შესაგროვებლად 1689 წელს „...გიორგი მეფე მოვიდა ქრცხინვალს და მუნიდამ წარვიდა რაჭას ლიბის გზასა ზედა, და მთიდამ გამოუტევნა ქართველნი...“¹.

რაჭის გზით არაერთხელ სარგებლობდნენ უცხო მტრების მიერ თუ ადგილობრივ მეტოქეთაგან დევნილი დასავლეთ საქართველოს პოლიტიკური მესვეურები და მოსახლეობა. 1724 წელს რაჭის გზით წავიდა ემიგრაციაში ვახტანგ მეექვსე. რომლის 1400-კაციან ამაღაში საქართველოს გეოგრაფიისა და ისტორიის საუკეთესო მცოდნე ვახუშტი ბაგრატიონიც შედიოდა². იგივე გზა გაიარა 1768—1774 წლების რუსეთ-თურქეთის ომში მონაწილე გენერალ ტოტლებენის კორპუსმა, რომელმაც მისიმე ტვირთიც წაიღო.

რაჭა-ლეჩხუმის გზებმა თავისი მნიშვნელობა არც XIX საუკუნეში დაკარგეს. მათ მეფის მთავრობაც ხშირად იყენებდა. ამიტომ, ბუნებრივია, საქართველოს ადმინისტრაცია იძულებული იყო ამ გზების მოვლა-გაუმჯობესებისათვის ეზრუნა. მაგალითად, 1823 წელს, გენერალ ერმოლოვის ბრძანებით, დაიწყო და განხორციელდა ქუთაის-ალაგირის გზის საუღელტეხილო მონაკვეთის შესწავლა. ამ საქმისათვის კავკავიდან (ახლანდელი ორჯონიკიძე) მამისონის უღელტეხილზე სამხედრო ინჟინერ კერშინის რაზმი გაიგზავნა, შემდეგ ინჟინერ პოპოვის რაზმი, რომელშიც 422 ჯარისკაცი შედიოდა. პოპოვის ამაღის მიზანს შეადგენდა: გორი-დიდი ლიხვის-ერწოს ტბა-ჯეჯორა-მამისონის, აგრეთვე მდინარე რიონისა და ქუთაისის დამაკავშირებელი გზის შესწავლა და ნაწილობრივ შეკეთება, მაგრამ სამხედრო ჯგუფმა დავალება ვერ შეასრულა და უკან დაბრუნდა. პოპოვი 1824 წელს, 1500 კაცით, ხელახლა შეუდგა დავალების შესრულებას და გარკვეულ წარმატებასაც მიაღწია (ბოლომდე შეისწავლა გზა და ზოგან კიდევაც შეაკეთა)³.

მეფის მოხელეთა ყურადღება რაჭის ამ გზაზე იმით იყო განპირობებული, რომ საჭირო შემთხვევაში, მას საქართველოს სამხედრო გზის მნიშვნელობა ენიჭებოდა.

მიუხედავად იმისა, რომ რაჭაზე გამავალ ქუთაის-მამისონ-ცხინვალის გზის მშენებლობა (დაკლაკნილობის, კლდიან-დამრეც ფერდობიანობის და ყინულოვანი მდებარეობის გამო) მეტისმეტად ძნელი იყო, მან საქართველოს ადმინისტრაციის ყურადღება მრავალჯერ მიიპყრო, მაგრამ საქმეს აქაც უფულობა ფუშავდა.

ხანგრძლივი ძიებისა და მეცადინეობის შედეგად, მართალია, აღმოსავლეთ და დასავლეთ საქართველოს შორის უფრო მოკლე და მოხერ-

¹ ქართლის ცხოვრება, IV, გვ. 463.

² იქვე, გვ. 507.

³ Маевский В. Т., Кутаисская губерния (военно-статистическое описание), Тифл., 1896, № 1, с. 111.

ხებულები გამოანახა (რკოთის ულელტეხილი. აგრეთვე ჭიათურის გზა), მაგრამ ბოლოს და ბოლოს 1858 წ. კავკასიის ადმინისტრაციამ ქუთაის-მამისონ-ცხინვალის გზის გეგმაც დაამტკიცა. რომლის ზოგიერთი სამუშაო, მეფის მთავრობამ, 1889 წ. განახორციელა.

ჩამოთვლილ გზა-ბილიკებს და საულელტეხილო გადასასვლელებს რაჭა-ლეჩხუმისათვის (ნაწილობრივ სხვა მეზობლებისათვისაც) უდიდესი მნიშვნელობა ჰქონდა, რადგან მათი საშუალებით ხორციელდებოდა ქვეყნის მთა-ბართან თუ გარე სამყაროსთან ეკონომიკური, კულტურული და პოლიტიკური კავშირ-ურთიერთობა, რომელიც თავისი ხასიათით იყო მთისა და ბარის ეკონომიკური, კულტურული და პოლიტიკური კავშირი, მას მთის მოსახლეობისათვის სასიცოცხლო მნიშვნელობა ჰქონდა. მთისა და ბარის განუყოფელ ურთიერთკავშირს, როგორც ცნობილია. პირველ რიგში, მათი განსხვავებული სამეურნეო-კულტურული მდგომარეობა აპირობებდა

მთისა და ბარის მუდმივი კავშირ-ურთიერთობის აუცილებლობას ივ. ჭავჭავაძის ასე ახასიათებდა: „ბარელს მთა სჭირდებოდა და მთიელს კიდევ ბარი, უერთმანეთოდ მათ არსებობა არ შეუძლიათ“¹. ამასთანავე, სამიმოსვლო საშუალებათა მნიშვნელობაზე, ივ. ჭავჭავაძის მიუთითებდა: მიმოსვლისა და აღებ-მიცემობის გზები იყო ის თვალსაჩინო ძალა, რომელიც, ერთი მხრივ, საქართველოს მრავალ კუთხეს ერთიმეორეს უახლოვებდა და აერთებდა, მეორე მხრივ, უცხოეთის პოლიტიკური თუ კულტურული გავლენა შემოდიოდა, ასევე მეზობელ და შორეულ სამეფოებსა და ხალხებზე საქართველოს გავლენა ვრცელდებოდა. მეცნიერი დასძენს: რარიგად არ უნდა გვეუცხოვოს, უტყუარი ქეშმარიტებაა ისიც, რომ ძველ საქართველოში უფრო მრავალრიცხოვანი გზა-ბილიკები იყო, ვიდრე გვიან შემოგვრჩა, თუმცა თავისი მასშტაბით და მნიშვნელობით ძველი გზები ახალს ვერაფრით შეედრება².

ყველაფერი ეს ცხადყოფს ზოგიერთი მკვლევარის მოსაზრების მცდარობას — თითქოს ძველ დროში რაჭა-ლეჩხუმი (საერთოდ მთა) კარჩაკეტილ კუთხეებს წარმოადგენდნენ. როგორც ვნახეთ, ძველი დროის კვლობაზე ამ მთიან კუთხეებში მრავალი გზა-ბილიკი გადიოდა და ზოგიერთ მათგანს საერთო სახელმწიფოებრივი მნიშვნელობაც ჰქონდა. ეს გზები ერთიმეორესთან აკავშირებდა არა მხოლოდ მთის, არამედ მთისა და ბარის, დასავლეთ და აღმოსავლეთ საქართველოს მოსახლეობას. აგრეთვე ქართველ და მეზობელ ხალხებს.

მამასაღამე, ჩვენთვის საინტერესო მთის მოსახლეობა, ძველ დროში იზოლირებულ-განკერძობებულად კი არ ცხოვრობდა, არამედ თავისი ქვეყნის ბარის, აგრეთვე მეზობელი ქვეყნების მთა-ბარის ხალხებთან კავშირში, რაც მათი ცხოვრებისა და განახლების აუცილებელი პირობა იყო.

¹ ივ. ჭავჭავაძის მიხედვით, საქართველოს ეკონომიკური ისტორია, ტფ., 1930, გვ. 316—317.

² ივ. ჭავჭავაძის მიხედვით, ქართველი ერის ისტორია, II, თბ., 1965, გვ. 68.

რამა-ლეჩუშის სოციალური სტრუქტურა

1. საპარტველოს დაშლა და რაჰის საპრინციპოს ხელახალი წარმოშობა

ქართველი ხალხის ცხოვრებაში XV ს. ერთ-ერთი მძიმე და სუსხიანი ქართველია, რომელიც საქართველოს ცენტრალიზებული სახელმწიფოს საბოლოო დაშლით დამთავრდა. საქართველოს დაშლა, თავისი შედეგებით, უაღრესად რეგრესული მოვლენა იყო. იგი საშინაო მიზეზებთან ერთად, საგარეო ფაქტორებმაც განაპირობა.

ფეოდალური ურთიერთობის განვითარება-გაღრმავებასთან ერთად, როგორც ცნობილია, მსხვილი ფეოდალ-აზნაურები მეტ და მეტ მიწას და მოძრავ ქონებას იგდებდნენ ხელში, ისინი იტაცებდნენ ყველაფერს, რის ხელში ჩაგდებაც შეიძლებოდა: სახელმწიფო, საეკლესიო, სასოფლო და სხვა მიწა-წყალს. მსხვილი მემამულეები ცდილობდნენ შეუვალი ყოფილიყვნენ, თავიანთი სამფლობელო დამოუკიდებელ პოლიტიკურ და ეკონომიკურ ერთეულად გადაექციათ. ამ მიზნით ისინი ქმნიდნენ და აღიერებდნენ შეიარაღებულ რაზმებს, ცეცხლითა და მახვილით თრგუნავდნენ მოწინააღმდეგეს, აზობდნენ გლეხთა გამოსვლებს, უპირისპირდებოდნენ ცენტრალურ ხელისუფლებას.

მეფე ერთმმართველობის შენარჩუნებას ცდილობდა, მსხვილი ერისთავ-ფეოდალები საგამგებლო სამფლობელოს საშვილიშვილო დასაკუთრებას და ცალკე გამოყოფას ესწრაფოდნენ. ძალთა ჭიდილში, ხშირად გარეშე მტრებიც ერეოდნენ. პირველობისათვის ბრძოლაში ფეოდალები არ ერიდებოდნენ არც შინაური და არც უცხო ძალის გამოყენებას.

დეცენტრალიზაციის მომხრე მსხვილი ფეოდალები ქვეყნის საერთო ინტერესებს არარად აგდებდნენ და უცხო ძალასთან კავშირში ებრძოდნენ ერთიანობის მომხრე პროგრესულ ძალებს, სპობდნენ და ანადგურებდნენ მათ.

ასეთ ვითარებაში, საქართველო ჯერ სამ სამეფოდ და ხუთ სამთავროდ დაიყო, ხოლო შემდეგ ამ ერთეულების უფრო წვრილ ნაწილებად დაქუცმაცების ტენდენციამაც იჩინა თავი.

ცნობილია, რომ საქართველოს პოლიტიკური დაშლა, პირველ რიგში, საშინაო ფაქტორებმა (მეურნეობის ნატურალურმა ხასიათმა, მსხვილი ფეოდალური მეურნეობის ჩამოყალიბებამ, კლასობრივმა ბრძოლამ, შინა ფეოდალურმა ომებმა და სხვ.) განაპირობეს, მაგრამ ამ საქმეში

რეალური როლი შეასრულა, აგრეთვე საგარეო ფაქტორმაც (ჭერ თათარ-მონღოლებმა. შემდეგ მაჰმადიანმა მეზობლებმა). საქართველოს გაბატონებული კლასის მესვეური ფეოდალები დღენიადაგ დამოუკიდებელ მეფობა-მთავრობას ესწრაფოდნენ, როგორც ვახუშტი ბაგრატიონი წერს, ისინი „გადგებოდნენ და იწოდებოდნენ მეფედ“¹.

ასე იქცეოდნენ იმერეთის, აგრეთვე ოდიშის, გურიის, აფხაზეთის, სვანეთისა და სამცხის მმართველ წრეთა წარმომადგენლები. როდესაც საქართველოს მეფე გიორგი მერვემ მტკიცე ერთმმართველობის გატარება მოიწადინა, იმერეთის უფლისწულ-ერისთავი ბაგრატი, დადიანი, გურიელი, გელოვანი და ათაბაგი ერთიმეორეს შეუთანხმდნენ, რათა საერთო მეფე მოეწორებინათ და თავისუფლება მოეპოვებინათ.

აჯანყებულები 1462 წელს კიდეცა შეებრძოლენ გიორგი მეფეს და დაამარცხეს. „ხოლო ბაგრატ გამარჯვებული მოვიდა ქუთაისს, აქა მოერთენენ დადიან-გურიელ-აფხაზი და სვანნი და აკურთხეს, სრულიად იმერთა სათნო ჩინებითა, მეფედ. ამისათვის აღუსრულა მთავართა მათ აღთქმული თვისი და განთავისუფლდნენ, თვინიერ ლაშქრობისა და ქვეგანწესებისა“².

ამიერიდან, გვაუწყებს ისტორიკოსი, „იქმნა იმერეთი... ერთ მეფედ და ოთხ სამთავროდ ანუ სათავადოდ“³.

ჩანს, დამოუკიდებლობის მოსურნე მოხელე-ერისთავები უკვე ნახევრად თავისუფალნი გახდნენ (თუმცა ერისთავებს იმერეთის მეფისადმი „ლაშქრობა და ქვეგანწესება“ რჩებოდათ). როგორც ნ. ბერძენიშვილი შენიშნავს, დეცენტრალიზაციის მომხრე ერისთავებისადმი დათმობის ფასად იმერთა მესვეურმა საქართველოს საერთო მეფისაგან დამოუკიდებლობა მოიპოვა. ეს იყო დასავლეთ საქართველოს დეცენტრალიზაციის მომხრე ფეოდალთა (მით უფრო იმერეთის) ტახტის მადიებლის გამარჯვება⁴.

საქართველოს ამგვარი დაშლის შემდეგ გაძლიერებული ერისთავები, კერძოდ, ოდიშის მთავარი XVI საუკუნის შუა ხანებში იმერეთის მეფე ბაგრატ მესამეს უარს უცხადებს სამცხეში შემოსეულ ოსმალთა წინააღმდეგ ბრძოლაში მონაწილეობაზე⁵. რამდენიმე ხნის შემდეგ დადიანი უარს აცხადებს იმერეთის მეფისადმი სოხოისტის ომში დახმარებაზეც. „ეს იყო იმ ერთადერთ ვალდებულებაზე — ლაშქრობასა და ქვეგანწესებაზე — უარის თქმა, — წერს ო. სოსელია, რომელიც დადიანსა და სხვა ერისთავებს იმერეთის მეფესთან აკავშირებდა და მის ყმად ტოვებდა“⁶.

¹ ვახუშტი, საქართველოს ისტორია, ქართლის ცხოვრება ნ. II, უ. ჩუბინოვის გამოცემა, სანკტპეტერბურგი, 1854, გვ. 185.

² ვახუშტი, საქართველოს ისტორია, გვ. 185.

³ იქვე.

⁴ ნ. ბერძენიშვილი, ფეოდალური ურთიერთობიდან XV საუკუნეში... მასალები საქართველოსა და კავკასიის ისტორიისათვის, ნაკვ. I, 1937, გვ. 27.

⁵ ვახუშტი, საქართველოს ისტორია, გვ. 189.

⁶ ო. სოსელია, დასახელებული შრომა, გვ. 35.

იმეიეთის მეფე ბაგრატ მესამემ ერისთავთა ურჩობის ასალავმავად არაფერი დაზოგა, მაგრამ ვახუშტის სიტყვებით რომ ვთქვათ, „ვერღარა ეწია თვისსა ნებასა“¹.

საბოლოო ჯამში, სხვა ერისთავებიც, ოდიშის ერისთავივით, განთავსდნენ იმერეთის მეფის გავლენისაგან, თუმცა ის ფარხმალს არასოდეს ყრის მთელ დასავლეთ საქართველოს ფეოდალ-ერისთავთა მორჩილებაში მოსაყვანად, მაგრამ, უკეთეს შემთხვევაში დროებით თუ ახერხებდა მათ მოკავშირედ გახდომას. კიდეც მეტი, ოდიშის ძლიერი მთავრები ხშირად ტოლს არ უდებდნენ იმერეთის მეფეს და მას დროდადრო კიდევაც ავიწროებდნენ. რაც შეეხება სვანეთისა და გურიის შედარებით სუსტ მთავრებს, ისინი გარკვეულ დრომდე იმერეთის მეფის გავლენის ქვეშ რჩებოდნენ, მაგრამ ეს დამოკიდებულება ხშირად ფორმალური და სიმბოლური იყო.

საქართველოს პოლიტიკურ დაშლას მოჰყვა ქართლისაგან ლიხთ-იმერეთის ეკლესიის ცალკე გაფორმებაც. დასავლეთ საქართველოს კათალიკოსმა და დამოუკიდებელი მღვდელმთავრის უფლებები მოიპოვა.

საქართველოს პოლიტიკური დაქუცმაცებით განსაკუთრებით მეზობელი მაჰმადიანი მფლობელები სარგებლობდნენ. ქვეყნის დაწვრილ-ერთეულება და დასუსტება მათ საშუალებას აძლევდა ერბიათ და ეძარცვათ საქართველო.

განსაკუთრებით მრისხანე ძალას წარმოადგენდნენ თურქ-ოსმალები, რომლებიც ქართველებს ფიზიკური განადგურებით ემუქრებოდნენ. საქართველოს ცალკეული სამეფო-სამთავროს თუ სათავადოს მესვეურები; პირადი ინტერესებით მოქმედებდნენ, ქვეყნის დაშლა-დასუსტებას, პარტიკულარიზმს უწყობდნენ ხელს, რაც ქართველობას დაღუპვას უქადდა.

ერთიანი საქართველოს დაშლის შემდეგ, დასავლეთ საქართველოში სხვა ფეოდალურ ერთეულებს შორის გამოირჩეოდა იმერეთის სამეფო, რომელიც საკუთრივ იმერეთის გარდა რაჭა-ლეჩხუმსაც მოიცავდა. აღსანიშნავია, რომ მიუხედავად საქართველოს ერთიანი, ცენტრალიზებული სახელმწიფოს საუკუნოვანი არსებობისა, აფხაზეთი, სამეგრელო, სვანეთი, გურია, იმერეთი, ქართლი, კახეთი და „სამცხე“ არ გამქრალა, სხვანიი-რად რომ ვთქვათ, XV საუკუნემდე ქართველი ხალხის საბოლოო კონსოლიდაცია ვერ დამთავრდა და ძველი ტომობრივ-თემობრივი განსხვავება ისევ შემორჩა. მიუხედავად „საქართველოს“, თუ „ყოველი ქართლის“ წარმოშობისა, განკერძოების პირობებში ცოცხლდება ოდინდელი ტომობრივ-თემობრივი გრძნობები და პარტიკულარიზმი, რაც კვებავდა და ასულდგმულებდა ფეოდალთა შორის შუღლსა და ძმთამკვლელ ომებს, გზას უხსნიდა მოძალადე მტერს, რომელიც ქვეს ქვაზე არ ტოვებდა, სობ-და და აკნინებდა ქართველ ხალხს. XV საუკუნის მეორე ნახევარში, იმერე-

¹ ვახუშტი, საქართველოს ისტორია, გვ. 190.

თის სამეფოს ფარგლებში აღდგა რაჭის საერისთავოც. როგორც ცნობილია, რაჭის საერისთავო, ჯერ კიდევ ადრე, საქართველოს ცენტრალიზებულ სახელმწიფოში არსებობდა, კერძოდ, თამარ მეფის ეპოქაში. იმ დროს რაჭის საერისთავოში ხშირად თავებრიც (გულისხმება ლეჩხუმი) შედიოდა და მისი ერისთავი კახაბერ კახაბერიძე იყო¹.

ეტყობა, პირობებისა და სიტუაციის ცვლილებების შესაბამისად, რაჭის საერისთავოს გეოგრაფიული საზღვრები იცვლებოდა. ჩანს, რაჭის საერისთავო ზოგჯერ არამც თუ ლეჩხუმს, არამედ საკუთრივ მთელ რაჭასაც კი ვერ მოიცავდა.

მონღოლთა შემოსევისა და საბოლოო გაბატონების შემდეგ, როდესაც საქართველოს სამეფო ტახტს ორი მძიმეელი გაუჩნდა, რაჭას კახაბერ ერისთავი განაგებდა. მას ერთხანს კეთილი დამოკიდებულება ჰქონდა მონღოლთა მიერ დასავლეთ საქართველოში გამეფებულ დავით რუსუდანიძესთან (ნარინად წოდებულთან), მაგრამ შემდეგ, როდესაც აღმოსავლეთ საქართველოს მეფე დავით ლაშას ძე (ულუღ წოდებული) დასავლეთ საქართველოში გაიქცა და იქ თავისი წილი მიიღო, რაჭის ერისთავი დავით ნარინს განუდგა და დავით ულუს მიემხრო. მაგრამ ნარინმა იგი რაჭიდან გააძევა. ქართლში გაქცეულმა კახაბერმა, მონღოლთა მხარდაჭერით შეძლო თავისი პოზიციების დროებით განმტკიცება (დავით ნარინი იძულებული გახდა კახაბერს შერიგებოდა და მისთვის სამფლობელო დაებრუნებინა), მაგრამ, როგორც უამთაღმწერელი გვაუწყებს, კახაბერი კვლავ მამა-პაპის კვალს გაჰყვა „...ღამეიწყებელმან საშინელთამან, იწყო ღალატად მეფეთა და წარავლინა კაცი და წიგნი ალიყანს თანა ათასისთავსა, რომელ იდგის მათაა ჯავახეთისათა და კოლისათა, რათა პირველისაებრ დაესხას მეფესა, და ადვილად წელთ იგდოს მეფე“².

ეს მზაკვრობა მეფემ უკვე ველარ აიტანა და, როგორც შემატყანე გვაუწყებს, „ამისათვის მიეგო მისაგებელი ბოროტი, და სიცრუე მისი თხემსა მისსა ზედა დაუჭდა. შეიპყრა მეფემან და პირველ თუალი დასწუა. და მერე ერთი წელი ერთი ფეხი მოკუეთა, და ორნი შეიღნი მისნი მისცნა ექსორიობად, კონსტანტინეპოლისს წარგზავნა... ხოლო კახაბერი, მცირე ცხოვრებული, განვიდა და მოკუდა, და მოისპო ყოველნი ნათესავი მისი, ბალუაშთა კახაბერისძეთა, არა დაშთა, და აღიწოცა ნათესავი მისი და საწსენებელი მათი“³.

რამდენიმე ხნის შემდეგ რაჭის საერისთავო კვლავ აღდგა და ასპარეზზე გამოვიდა.

იმასთან დაკავშირებით, თუ როდის აღდგა ეს საერისთავო და ვინ იყო მისი განმგებელი, სხვადასხვა აზრი არსებობს. ვახუშტი ბაგრატიონ-

¹ ქართლის ცხოვრება, II, ყაუხჩიშვილის რედაქციით, თბ., 1950, გვ. 33; ო. ს. ოსელია, ნარკვევები ფეოდალური ხანის დასავლეთ საქართველოს სოციალურ-პოლიტიკური ისტორიიდან, თბ., 1973, გვ. 68—69.

² ქართლის ცხოვრება, II, გვ. 275.

³ იქვე.

ნის აზრით. რაჭის საერისთავოს აღდგენა ბაგრატ მესამის დროს (1510—1565 წწ.) მოხდა: „ხოლო... ბაგრატ მეფემან დასუა ერისთავაჲ რაჭას ჩხეიძე შოშიტა და მისცა რომელნიმე სახასო დაბანი ციხე მინდა. რამეთუ აქამომდე იყო რაჭა სამეფო და კუალად ჰყო საერისთავოდ“¹.

შესაძლებელია, ჩხეიძეთა ერისთავობა რაჭაში მართლაც ბაგრატ მესამის დროს დაიწყო, მაგრამ რაჭის საერისთავო ასე გვიან არ უნდა აღდგენილიყო. რადგან სხვა წერილობითი წყაროები ამას არ ადასტურებს. ეს გარემოება თავის დროზე კარგად შენიშნა ს. კაკაბაძემ, რომლის დოკუმენტებით. XIII საუკუნის ბოლო მეოთხედში გაუქმებული რაჭის საერისთავო და კახაბერისძეთა ერისთავობა XIV საუკუნის მეორე ნახევარში აღდგა². მკვლევარის ასეთი ვარაუდი მღვიმის მონასტრის ფრესკების მონაცემებს ემყარება. მაგრამ მ. ბროსეს, გ. წერეთლისა და დ. ბაქრაძის აზრით ეს ფრესკები XIV საუკუნეზე აღრინდელი ხანისაა. თუ ეს სწორია, მაშინ ეს თავისთავად გამორიცხავს ს. კაკაბაძის მოსაზრების სისწორეს.

ს. კაკაბაძის აღნიშნული მოსაზრება, ჯერ კიდევ, ეპიკვეშ დააყენა კ. გრიგოლიამ, თუმცა რაჭის საერისთავოს ხელახალი აღდგენის დათარიღებაში თვითონაც უზუსტობა დაუშვა³.

ამ საკითხს უკანასკნელად შეეხო ო. სოსელია, რომლის აზრით, რაჭის საერისთავოს ხელახალი აღდგენა XIV—XV საუკუნეების მიჯნაზე მოხდა. ამასთანავე, იგი გამორიცხავს რაჭის ძველ ერისთავ კახაბერისძეთა მმართველი დინასტიის აღდგენას. ო. სოსელია დასძენს, რომ XV საუკუნის დასაწყისში რაჭის ერისთავად ვინმე აღბულა იჯდა, ხოლო 1432 წ. ციცი ჭარელიძე, შემდეგ კი ქველი ჭარელიძე და სხვ.⁴ აქედან გამომდინარე, ო. სოსელია მართებულად დაასკვნის. რომ რაჭის ახალ საერისთავოში კახაბერიძეები კი არა, არამედ სულ სხვა გვარეულობა ერისთავობდა. რაც შეეხება, შემდეგ, XV ს. მეორე ნახევარში, რაჭის ერისთავები უკვე ჩხეტიძეთა (ჩხეიძე) საგვარეულოს წარმომადგენლები იყვნენ. მკვლევარის განცხადებით, ეს ჩანს ერთი წარწერიდან, რომელშიც, 1488 წ. რაჭის ერისთავად ვინმე ივანე ჩხეტიძე მოიხსენიება, დაახლოებით ათი წლის შემდეგ კი მისი ძმა — კახაბერ ჩხეტიძე⁵.

¹ ქართლის ცხოვრება, IV, ს. ყუბხიშვილის გამოც., თბ., 1973, გვ. 811.

² К а к а б а д з е С., Мелкие известия и заметки. Известия Кавказского историко-археологического института в Тифлисе, IV, 1926, с. 127.

³ კ. გრიგოლია, იმერეთის სამეფოს სახელმწიფოებრივი წყობილება მე-17 საუკუნეში. საკანდ. დისერტაცია (ხელნაწერი), ისტორიის, არქეოლოგიისა და ეთნოგრაფიის ინსტ. ბიბლ., გვ. 60—63.

⁴ ო. სოსელია, ნარკვევები ფეოდალური ხანის დასავლეთ საქართველოს სოციალურ-პოლიტიკური ისტორიიდან, თბ., 1973, გვ. 73.

⁵ ს. კაკაბაძე, სასისხლო სიკვლეების შესახებ, საისტორიო მოამბე, VI, 1924, გვ. 25, 27—28; მისივე, კვლევა-ძიებანი საქართველოს ისტორიის საკითხების შესახებ, თბ., 1920, გვ. 74.

ამერიიდან, წერს ო. სოსელია, რაჰის ერისთავები უეჰველად ჩხეი-
ძეთა საგვარეულოს წარმომადგენლები იყვნენ¹.

ყოველივე ეს იმაზე მეტყველებს, რომ ვახუშტი ბაგრატიონი შეც-
დომით ათარილებს რაჰის საერისთავოს აღდგენას, აგრეთვე იმასაც. თით-
ქოს ჩხეტიძეთა (ჩხეიძეთა) საგვარეულოს ფუძემდებელი XVI საუკუნის
დასაწყისში მოღვაწე შოშიტა ჩხეტიძე ყოფილიყო.

XVI საუკუნის დასაწყისში რაჰის ერისთავად ჩხეტიძის ყოფნას, პირ-
ველხარისხიდან წერილობით წყაროებთან ერთად, სასისხლო სიკვლიც
ადასტურებს².

ყოველივე ეს უეჰველს ხდის იმ მოსაზრების სისწორეს, რომ რაჰის
საერისთავო მართლა XV საუკუნის დასაწყისში აღდგა, აგრეთვე იმასაც.
რომ ამ საუკუნის მეორე ნახევრიდან რაჰის ერისთავობა ჩხეტიძეთა (ჩხე-
იძეთა) საგვარეულოს ხელში იყო.

საქართველოს რამდენიმე სამეფოდ და სამთავროდ დაშლის შემდეგ,
დეცენტრალიზაციის პროცესი კვლავ გრძელდებოდა, ამის მაჩვენებელია
სათავადობებისა და სადროშოების წარმოშობაც.

დასავლეთ საქართველოში სათავადოთა წარმოშობის პროცესი მთელ
XV—XVII საუკუნეებში მიმდინარეობდა, რასაც, ადრე თუ გვიან, და-
სავლეთ საქართველოს სხვადასხვა კუთხეში სათავადოთა სისტემის სა-
ბოლოო ჩამოყალიბება მოჰყვა.

მკვლევართა აზრით, სათავადოთა აღმოცენება და ჩამოყალიბება
სხვადასხვა საფუძველზე და სხვადასხვა დროს მოხდა. ზოგი სათავადო
სამემკვიდრეო, დიდ მამულზე აღმოცენდა, ზოგი — ნაწყალობეც და მემ-
კვიდრეობად გადაქცეულ მამულზე, ზოგიც საერისთავოს საფუძველზე
და ა. შ.

მაგალითად, ო. სოსელიას აზრით, რაჰის სათავადო საერისთავოს სა-
ფუძველზე წარმოიშვა: „...ბაგრატ მეფის მიერ რაჰის ერისთავად და-
სმული შოშიტა ჩხეიძის მემკვიდრეები. მომდევნო საუკუნის მეორე ნა-
ხევრიდან უკვე თვისად ფლობდნენ საერისთავოს და ერისთავადაც თვი-
თონ ჯდებიან“³.

მამულისა და ერისთავობის მემკვიდრეობით მიღება რაჰის ერისთა-
ვებისათვის დამოუკიდებლობის მოპოვების ერთადერთი და აუცილებე-
ლი პირობა იყო.

იმერეთის მეფის ძალაუფლების დასუსტების პარალელურად, რა-
ჰის ერისთავის ძალაუფლება ძლიერდებოდა. XVI საუკუნის შუახანები-
დან მოყოლებული ჩხეტიძეები ნელ-ნელა, მაგრამ სისტემატურად და და-
ჟინებდნენ იბრძოდნენ მამულების გადიდებისა და შეუვალობისათვის. ბო-

¹ ო. სოსელია, ნარკვევები..., გვ. 74.

² ლ. კაკაბაძე, ვახტანგ უცნობი XV საუკ. აფხაზ-იმერეთის მეფეთაგანი... ტფ.,
1912, გვ. 9.

³ ო. სოსელია, ნარკვევები..., გვ. 37.

ლოს და ბოლოს. XVII საუკუნეში ჩხეტიძეები უკვე თავადებად, ხოლო რაჭა სათავადოდ იქცა.

მართალია, თავადი დასავლეთ საქართველოში XV საუკუნიდან მოიხსენიება, მაგრამ ეს ჭერ კიდევ არ ნიშნავს იმას, რომ ეს წოდება ყველგან იმთავითვე ჩამოყალიბდა. ჩანს, XV საუკუნეში თავადი, როგორც სოციალური წოდება, ჭერ კიდევ ჩამოყალიბების პროცესში იყო. მართალია, თავადის როგორც სოციალური წოდების წარმოშობის პროცესი, ადრე დაიწყო. მაგრამ ის XII—XIII საუკუნეებში აზნაურისაგან არ არის მთლიანად გამოყოფილი და ჩამოყალიბებული. შესაძლებელია, XIV საუკუნეში „თავადი“ მეთაურის, უფროსის და „თავში მდგომის“ სინონიმია, მაგრამ ის XV საუკუნეში ნაწილობრივ მაინც, სოციალური მდგომარეობის აღმნიშვნელია, ხოლო XVI საუკუნეში იგი უკვე ცალკე სოციალურ წოდებადაა ჩამოყალიბებული.

საინტერესოა თავადთან ერისთავისა და მთავრის — ფეოდალური ერთეულების მეთაურთა შედარება. როგორც ცნობილია, ერისთავი ამა თუ იმ პროვინციის (კუთხის) სათავეში მდგომი მეფის მოხელეა, რომლის მოვალეობა იყო მეფისადმი ვასალური სამსახური. მაგალითად, ხარკისა და ლაშქრის შეგროვება, ნადიმსა და ნადირობაში მონაწილეობა, ძღვენსაჩუქრების მირთმევა და სხვ. ერთი სიტყვით, ერისთავი სამეფოში შემავალ ადმინისტრაციული ერთეულის სათავეში მდგომი მოხელეა, რომელსაც მეფე სვამს გამოჩენილ ფეოდალურ გვარეულობიდან არამემკვიდრეობით.

ვახუშტი ბაგრატიონის განსაზღვრით, „წესი ერისთავთა იყო მეფის მიერ განწესება ქვეყანათა მიმართ და მის მიერ მოურნეობა. სამართალნი და ლაშქარნი მის ქუეყნისანი მის ქუეშევე იყვნენ, და ივინი მოჰკრეფდნენ ხარკთა სამეფოთა. ხოლო ესე ერისთავად დაიდგინებოდნენ მთავარნი და წარჩინებულნი, და ძენი მათნი შეცვალებით“¹.

ერთი შეხედვით, თავადი ერისთავს ჰგავს, კერძოდ, იმ მხრივ, რომ თავადიც მეფის ვასალია და მეფისადმი ვალდებული (ერისთავის მსგავსად). მაგრამ ერისთავისაგან განსხვავებით. თავადი სათავადოს გამგებლად სახლიკაცების თანხმობის საფუძველზე ჯდება, ამასთანავე სათავადო ხშირად გარკვეული იმუნიტეტითა და თავისუფლებით სარგებლობს.

რაც შეეხება მთავარს, იგი პატარა მეფეს მოგვაგონებს: მთავარი ამა თუ იმ პროვინციის (კუთხის) დამოუკიდებელი გამგებელია და რაც მნიშვნელოვანია. ეს თანამდებობა მემკვიდრეობით გადადის მამიდან შვილზე².

თავდაპირველად რაჭის ერისთავიც რიგითი ერისთავის ფუნქციებით სარგებლობდა და ყოველმხრივ მეფეზე იყო დამოკიდებული, მაგრამ ბოლოს და ბოლოს, ის თავადად იქცა. რაჭის საერისთავო და მისი მესვე-

¹ ქართლის ცხოვრება, IV, 1973, გვ. 17.

² ვახუშტი, საქართველოს ისტორია..., გვ. 185.

ურები იმერეთის სამეფოში თანდათანობით ძლიერ ძალად გადაიქცევიან და ზოგჯერ პირველხარისხოვანი როლის შემსრულებლად გვევლინებიან.

რაც შეეხება ლეჩხუმს (რომელიც ადრე თავვერის სახელწოდებითაც მოიხსენიება), იგი გვიან საშუალო საუკუნეებში, ერთხანს რაქის საეროსთავოში შედიოდა. მაგრამ შემდეგ მეფის უშუალო კუთვნილებად (სახასო მამულად) იქცა. სხვათა შორის, XVI—XVII საუკუნეებში და შემდეგაც, ლეჩხუმში მნიშვნელოვან როლს ასრულებდა იმერეთის სამეფოს ცხოვრებაში.

2. რაჭა-ლეჩხუმის სოციალური სტრუქტურა

მთიან-გეოგრაფიული მდებარეობის მიუხედავად, რაჭა-ლეჩხუმის სოციალური სტრუქტურა თავისი შინაარსითა და ფორმით შუა საუკუნეებში არსებითად ისეთივე იყო, როგორც საკუთრივ იმერეთისა და სამეგრელოს სოციალური სურათი.

საისტორიო წყაროებიდან ჩანს, რომ რაჭა-ლეჩხუმში, რომელიც კოლხეთისა და ეგრისის სამეფოების ორგანული ნაწილი იყო, ფეოდალური ურთიერთობა. ქვეყნის ცენტრალური ნაწილის კვალდაკვალ ჩაისახა და განვითარდა.

იჩვენება, რომ XI საუკუნეში რაჭა უკვე განვითარებულ ფეოდალურ ურთიერთობის საფუძველზე იდგა. ამისი პირდაპირი და უტყუარი დამადასტურებელია ჩვენამდე მოღწეული „ნიკორწმიდის იადგარი“, ანუ „ნიკორწმიდის სიგელი“¹.

როგორც ცნობილია, შუა საუკუნეების რაჭა-ლეჩხუმის სოციალური სტრუქტურაზე სხვა წერილობითი წყაროებიც მოგვეპოვება, მათ შორის არაერთი საერო და სასულიერო ძეგლი, რომელთა მიხედვით რაჭა-ლეჩხუმის მოსახლეობა შემდეგი სოციალური წოდებებისაგან შედგებოდა:

ა) გლეხი

მატერიალური დოვლათის მწარმოებელი საზოგადოება, რომელიც ამავე დროს მოსახლეობის ყველაზე მრავალრიცხოვან ნაწილს წარმოადგენდა, წერილობით წყაროებში, ის „წურილ ერად“, „მსოფლიონი ერის კაცად“ და „ქუეყნისა მოქმედად“ იწოდებოდა². ხოლო XI საუკუნიდან მოყოლებული ამ საზოგადოების აღმნიშვნელად „გლეხი“ ჩნდება.

ცნობილია, რომ ადრეფეოდალურ საფეხურზე მიწის მოქმედი საზოგადოება ორ მთავარ ნაწილად იყოფოდა: მემამულე აზნაურების მიერ დაქვემდებარებულ ნაწილად და თავისუფალ მეთემეებად. შემდგომ, რო-

¹ ქრონიკები, წ. II, თ. უორდანიას გამოცემული, ტფ., 1897; ქართული სამართლის ძეგლები, წ. II, ო. დოლიძის გამოცემული, თბ., 1970.

² ი. ვ. ჭავჭავიძე ილი, ქართული სამართლის ისტორია, წ. II, ნ. I, გვ. 37—38; მ. ბერძენიშვილი, გლეხთა კატეგორიები XI—XII საუკუნეებში, ისტ. ინსტ. შრომები, ტ. V, ნაკვ. I, 1960, გვ. 139—140; ო. სოსელია, ფეოდალური ხანის დასავლეთ საქართველოს ისტორიიდან, თბ., 1966, გვ. 66.

დესაც ფეოდალურმა ურთიერთობამ საბოლოოდ გაიმარჯვა, თავისუფალ მეთემეთა მასა გაქრა და მთელი მიწისმოქმედი საზოგადოება მემამულე აზნაურებმა, ეკლესია-მონასტრებმა და სხვა ფეოდალ-ხელისუფლებმა დაიქვემდებარეს. ამიერიდან მიწისმოქმედი საზოგადოების სახელად გლეხი გვევლინება. ამდენად, გლეხის ცნებაში იგულისხმება თავისუფლება-შეზღუდული ან დაკარგული და წარმოების მთავარ საშუალებას მოკლებული ადამიანი, რომელიც მიწის მეპატრონესთან იყო დაკავშირებული და მის ექსპლუატაციას განიცდიდა.

ლ. მუსხელიშვილი გლეხს შემკვიდრეობით მიწაზე მკლომ-მოსახლე კაცს უწოდებს¹.

ვლახი, რომელსაც მიწა არ გააჩნია, ოჯახის არსებობის შესანარჩუნებლად იძულებული იყო მემამულე-აზნაურს დაკავშირებოდა და გარკვეული ვალდებულების ფასად მისგან მიწის ნაკვეთი აეღო.

მართალია, გლეხი კრებითი (საერთო) სახელია, მასში არათავისუფალი მიწისმოქმედი პირი იგულისხმება, მაგრამ ქონებრივ-უფლებრივად და ვალდებულება-მოვალეობით ის სხვადასხვა ფენად (კატეგორიად) იყოფოდა. როგორც იმერეთში (ბარში), მთელ რაჭა-ლეჩხუმში მიწისმოქმედი ადამიანები XI საუკუნეში გლეხის ცნებით გამოიხატებოდა: „წორბელმან შემოსწირა ზნაკუას გლეხი... ვარაზ-ვაჩე შემოსწირა ძისა მისისთავს ფუთს გლეხი... წირქუალელისა ძემან შემოსწირა გლეხი... მეტეხარას დებორიანის ძისაგან ვიყიდე გლეხი... ჰინჭარაჲს ძისა გლეხისაგან ვიყიდე ნაოთხალი ვენაჯისა... ჩუენსა გლეხსა თანა ეღვა და მივეც ფური... და მუნვე ზნაკუას ვახტანგის გლეხისაგან ვიყიდე ყანა... და მუნვე ზნაკუას ვახტანგის გლეხსა მივეცე სახლი... რომელ ჩემობასა გლეხნი შემოწირულ არიან და რომელნი მე თვთ მიყიდიან რიცხვთ ოცდაათი...“².

აღნიშნულის გარდა გლეხები მოიხსენიებიან რაჭის სხვა სოფლებშიც, კერძოდ: ხოტევეში, ხივში. შქმერში, ცხილათში, ოკრიბაში, საწირეში და სხვ.³

როგორც ამ მოკლე ამონაწერებიდან და სხვა საისტორიო წყაროებიდან ჩანს, რაჭის სოფლებში მოსახლე გლეხობა, უწყებრივი კუთვნილების მიხედვით, ორ ნაწილად — საერო და საეკლესიო გლეხობად იყოფა, ხოლო ქონებრივად და ვალდებულებით სხვადასხვა ფენად, კერძოდ: მებეგრედ, მოჯალაბედ, მსახურად, აზატად და სხვ. ეტყობა, გლეხთა ნაწილი მკვიდრი ყმა იყო, ნაწილი ნასყიდი, ნაწილი შეწირული, ნაწილი ნებიერი და ა. შ. ამასთანავე, ჩანს, რომ ზოგიერთი გლეხი შედარებით

¹ ლ. მუსხელიშვილი, დასავლეთ საქართველოს გლეხობის სოციალურ-ეკონომიური კატეგორიები XVI—XVII სს. ენიშკის მოამბე V—VI, თბ., 1940, გვ. 269.

² ქართული სამართლის ძეგლები, III, გვ. 27, 28, 34 (ხაზგასმა ყველგან ჩვენია, გ. გ.).

³ ქართული სამართლის ძეგლები, III, გვ. 30—34.

შეძლებული (ვენახისა და ყანის მფლობელი, შესაძლებელია კერძო უფლებითაც), ხოლო ზოგიერთი უმიწაწყო და უსახლკარო.

მართალია, ლეჩხუმის მოსახლეობის სხვადასხვა წოდებად დაყოფაზე უძველესი წერილობითი წყაროები ნაკლებად მოგვეპოვება, მაგრამ XIII საუკუნის ერთ-ერთი წერილობითი ძეგლის მიხედვით, ლეჩხუმის სოფლების მოსახლეობაც ძირითადად ასევე გლეხობისაგან შედგებოდა: „იქქუსი გლეხნი მომიგან ზოგიშს... ერთი საგლეხო კიდევ ჰამარის ძემან შე-მოსწირა და მე ზედა კაცი დავსახლე...“¹

როგორც ამ საისტორიო წყაროდან ჩანს, გლეხებად იწოდებოდნენ, აგრეთვე ლეჩხუმის სხვა სოფლების: ჟოშხას, საირმეს, ალპანისა და სხვა სოფლების საზოგადოებად.

XIII საუკუნის ერთ საეკლესიო საბუთში რაჭის მკვიდრი: ლავთუს-ძე, მიქაისძე და დათუისძე, აგრეთვე გლეხებად მოიხსენიებიან².

ლ. მუსხელიშვილის განმარტებით, დასავლეთ საქართველოში ტერ-მინი „გლეხი“ ორი მნიშვნელობით იხმარებოდა: ფართო მნიშვნელობით მთელი მიწისმომქმედი საზოგადოების აღმნიშვნელად, ხოლო, ვიწრო — დაბალი ფენის მიწის მუშის³. აქედან გამომდინარე, იგი გლეხობას ორ ძირითად ფენად: მსახურად და მოინალედ (იგივე მებეგრედ გ. გ.) ჰყოფს, აღეხთა მასში მკვლევარი ცალკე გამოჰყოფს მოჯალაბესა და აზატს⁴.

რაჭა-ლეჩხუმის საზოგადოების წოდებებად დაყოფას და მოსახლეობის დიდი უმრავლესობის გლეხებისადმი კუთვნილებას ადასტურებს XV—XVII საუკუნეების წერილობითი წყაროები, მათ შორის ე. წ. „ჯაფარიძეთა სასისხლო სიგელი“. ამ ძეგლიდან კარგად ჩანს, რომ XV საუკუნეში რაჭა-ლეჩხუმის, კერძოდ, რაჭის მთამალალი სოფლების მოსახლეობაც სხვადასხვა წოდებისაგან შედგებოდა და იქაური მოსახლეობის უდიდეს ნაწილს გლეხობა შეადგენდა. მაგალითად, სოფელ ხიდურში მოხსენიებულია 60 კომლი გლეხი, რომელთა ნაწილი საერო, ხოლო ნაწილი საეკლესიო უწყებას ეკუთვნოდა. ასევე სოფელ ბრილში — 24 კომლი გლეხი (კაცი), თევარეშოში — 56 კომლი, ზედ-ქალაქში — 100 კომლი, შოდაში — 25 კომლი, ღებში — 72 კომლი, ჩუეშოში — 7 კომლი. ქიორაში — 16, ბუბაში — 25 კომლი გლეხი და ა. შ.⁵

XVI საუკუნის ერთი წერილობითი ძეგლი რაჭის სოფელ ხივშში (რომელიც XI საუკუნეშიც ეკლესიას ეკუთვნოდა) მცხოვრებ საეკლესიო გლეხს (დონაძე ლაზარეს) მოიხსენიებს⁶. ეს კი იმაზე მეტყველებს, რომ

¹ ექ. თაყაიშვილი, არქეოლოგიური ექსპედიცია ლეჩხუმ-სვანეთში 1910 წელს, პარიზი, 1937, გვ. 21.

² ქართული სამართლის ძეგლები, III, გვ. 174.

³ ლ. მუსხელიშვილი, დასახელებული შრომა, გვ. 272.

⁴ იქვე, გვ. 41, 86—87.

⁵ სვანეთის საისტორიო ძეგლები, პ. ინგოროყვას გამოცემა, თბ., 1941, ნაკვ. 1, გვ. 32—33.

⁶ ქართული სამართლის ძეგლები, III, გვ. 263.

ამ სოფელში XI საუკუნიდან მოყოლებული (შესაძლებელია ადრეც) საეკლესიო ეწყობის გლეხები ცხოვრობდნენ.

XVI საუკუნის სხვა ძეგლი რაჰის სოფელ ფუტიეთის მცხოვრებად სამ საეკლესიო გლესს, მათ შორის: გიორგობიანს, ბუხრაშვილსა და სვანს ასახელებს¹. ასევე, მსგავსი საბუთი ლეჩხუმის სოფელ ჰყვიშში ორ კომლ საეკლესიო გლესს (სვანიძესა და ეფრემაშვილს) მოიხსენიებს².

რაჰის მსგავსად ლეჩხუმის მოსახლეობის უმრავლესობას საერო და საეკლესიო-სამონასტრო გლებობა შეადგენდა. საერო გლეხების ნაწილი ადგილობრივ მემამულეებს ეკუთვნოდა, ნაწილი კი მეფის (სახასო) კუთვნილებას შეადგენდა. XVI საუკუნის ერთ წერილობით წყაროში ჩამოთვლილია ლეჩხუმის სოფლები: ჩხუტელი, უსახელო, ჟოშხა, ნაკურალეში, აღუ, ლახეფა და ოყურეში, რომელთა მოსახლე ზოგიერთი გლეხი ცაგერის საეპისკოპოსოს ეკუთვნოდა³.

ერთ წერილობით ძეგლში ჩამოთვლილია „ბარის“ რაჰაში მოსახლე 21 გლეხის კომლი, რომლებიც ბიჰკინთის საეპისკოპოსოს ეკუთვნოდნენ⁴.

XVII საუკუნის 50-იანი წლების წერილობით წყაროში დასახელებულია ცაგერის ტაძრისადმი კუთვნილი ძველი ყმა-მამული, რომელთა ნაწილი დროთა ვითარებაში ადგილობრივ საერო მებატონეებს მიუთვითებიათ, ან დაკარგულან. მათ შორის: გოლეთიანის, მეშველიანის, ფოჩიანის, ლაკოხელიანის, მუცხვატილაძის და შკვიბლიანის ექვსი კომლი (მათი ერთი ნაწილი გელოვანის ხელში მოხვედრილა, მაგრამ უკვე ეპისკოპოს გაბრიელს დაუბრუნებია). აღნიშნულთა გარდა ჩამოთვლილია, აგრეთვე 13 კომლი გლეხი, რომლებიც ასევე ეკლესიას ეკუთვნოდნენ⁵. დასახელებულ ძეგლში ლაკოხელიანი, მუცხვატილაძე და შკვიბლიანი აყრილ გლეხებადაა დასახელებული, ზოგიც ნასყიდ, შეწირულ და მკვიდრ გლეხად: „ერთი გლეხი უსახელოს ფოჩიანი გუტა და მისი ძმა სულაი; ერთი გლეხი ფოჩიანი იონა და მისი ძმები. ამას გარეთ ორი გლეხი კიდევ მახალდიანი გოჩია და ფოჩიანი გიორგი ბატონმა გვიბოძა... მეთევზე ერთი გლეხი მომარდაშვილი ხუცესი შიო და მისი ძმა მათვალი; ერთი გლეხი მომარდაშვილი ლომინა... ერთი გლეხი ამბროლიანი მათვალი სულა გელოვანისაგან ვიყიდე; ერთი გლეხი დათუა თედორაშვილი ხოხუა ლაშხიშვილისაგან ვიყიდე; ერთი გლეხი გიორგი აკობიძე იოვაკიმ ნემსაძისაგან ვიყიდე; ერთი გლეხი არჩვაძე ივანე ბულია ყიფიანისაგან ვიყიდე; ერთი გლეხი ნემსიწვერიძე კავია, მისი შვილი და მისი ძმისწულები ელყან ყიფიანისაგან ვიყიდე... და კიდევ ამას გარეთად, ერთი გლეხი იქავ უსა-

1 ქართული სამართლის ძეგლები, III, გვ. 308.

2 იქვე, გვ. 318.

3 იქვე, გვ. 374—380.

4 იქვე, გვ. 397—399.

5 იქვე, გვ. 516—518.

ხელოს პაატა გოლეთიანი გიორგი გელანისაგან ვიყიდე... აწ ეს გლეხები და სასახლე მათის ყოვლისფერითა ცაგერისა ღმრთის-მშობლისათვის... შეგვიწირავს¹.

XVII საუკუნის შუახანების წყალობის ერთ წიგნში, რომელიც გიორგი და ხოსია ახვლედიანებისადმი იმერეთის მეფე ალექსანდრე მესამეს მიუძღვნა, ნათქვამია: „გიბოძეთ ღვირიშის ციხე და ღვირიშის შექმავალი კაცი სოფელი სრულა. აგრეთვე ცხუკუშერის სოფელი ხელშეუვალად. ამას გარეთ ტვიშს იონა ნემსიწვერიძის შვილი გლეხი. მეორე გლეხი ბესია ხუცესი. მესამე გლეხი დათუნა ხუცესი, მეოთხე გლეხი ნასხიდა სვანობი, ესენი მათის ცოლშვილით, სახლკართ...“².

შეწირულების ერთ წიგნში დასახელებულია ოყურეშა და ზუბში მოსახლე რამდენიმე კომლი გლეხი, რომლებიც უწინ საერო მებატონეების და სამეფო ყმები ყოფილან, მაგრამ XVII საუკუნის 50-იან წლებში ჩიქუან (ჩიქვან-ჩიქოვანს) გაბრიელ ეპისკოპოსს უყიდია და ზვამლის ეკლესიისათვის შეუწირავს³. ამავე ხანის ცაგერის საყდრის მოალაპეთა დავთარში ჩამოთვლილია 18 კომლი გლეხი, რომლებიც უწინ მეფესა და ვილაც სვანის კუთვნილი ყმები ყოფილან, მაგრამ ახლა, ცაგერის ეპისკოპოსის მეცადინეობით, საეკლესიო ყმები გახმადარან⁴.

XVII საუკუნის შუახანებში ლეჩხუმის მოსახლეობის სოციალური დაყოფისა და გლეხთა სიმრავლის მაჩვენებელია, იგივე. ალექსანდრე მესამის მიერ ძმები ახვლედიანებისადმი მიცემული წყალობის სიგელი. რომელშიაც ჩანს, რომ ღვირიშისა და ცხუკუშერის მთელი მოსახლეობა სამეფო გლეხები ყოფილან (ასევე ტვიშისაც), რომელთა ნაწილი მეფემ თავის ერთგულ მებატონე ახვლედიანებს უწყალობა⁵.

რაჭა-ლეჩხუმის მოსახლეობის სოციალურ დაყოფას, იქ გლეხობის მრავალრიცხოვნობას და მათი სხვადასხვა უწყებისადმი კუთვნილებას სხვა საისტორიო, წერილობითი წყაროებიც მოწმობენ, მაგრამ დასახელებული ძეგლები და აქ მოყვანილი ამონაწერები უეჭველად დალადებენ, რომ რაჭა-ლეჩხუმის მოსახლეობა სხვადასხვა სოციალურ წოდებებად იყოფოდა, რომ მოცემულ საუკუნეებში მატერიალური დოვლათის მწარმოებელი საზოგადოება ფეოდალურ-ბატონყმურ ურთიერთობაში იყო ჩაბმული, რომ რაჭა-ლეჩხუმის სხვადასხვა ნაწილებს (შედარებით ბარ, თუ მთიან სოფლებში) შორის ამ მხრივ რაიმე არსებითი სხვაობა არ შეიმჩნევა.

1 ქართული სამართლის ძეგლები, III, გვ. 517—518.

2 დასავლეთ საქართველოს საეკლესიო საბუთები, ს. კაკაბაძის გამოცემული, წ. I, ტფ., 1921, გვ. 63—64.

3 ქართული სამართლის ძეგლები, III, გვ. 519—520.

4 ქართული სამართლის ძეგლები, III, გვ. 523—526.

5 დასავლეთ საქართველოს საეკლესიო საბუთები, წ. I, გვ. 63—64.

ბ) მსახური

როგორც ცნობილია, თავის წარმომავლობით და სოციალურ-ეკონომიკური მდგომარეობით, მსახური გლეხთა წოდებას განეკუთვნება, მაგრამ ქონებრივ-უფლებრივი მდგომარეობით ის დანარჩენ გლეხობაზე მაღლა დგას. სხვა სიტყვებით რომ ვთქვათ, მსახური გლეხთა დაწინაურებული ნაწილია, რომელიც ჩაგრულ და გაბატონებულ წოდებათა შუა დგას და რომელსაც, გლეხთან შედარებით აზნაურთა წოდებაში მოხვედრის მეტი შესაძლებლობა აქვს. სწორედ, ამითაა განპირობებული ის, რომ ვახტანგ მეფის სამართალი, გლეხთან შედარებით, მსახურის სისხლს ორჯერ მეტი საურავით საზღვრავს.

ფ. ენგელსის აზრით, აზნაურთა ნაწილი, სწორედ მსახურებისაგან წარმოდგება¹.

ვახტანგ მეფის სამართლით, მსახური, რომელსაც თავის პატრონი (ბატონი) „სიკეთესა ზედა იცნობდა“, უმაღლეს (ცალმოგვ) აზნაურს უტოლდებოდა და მის რიგებში გადასვლის შანსი ჰქონდა მაგრამ მსახურთა ფენა, მთლიანობაში (თავის ქონებრივ და უფლებრივ მდგომარეობით) მაინც აზნაურობაზე დაბლა იდგა.

მსახურთა ფენა შეიძლება ორ მთავარ ჯგუფად დავყოთ, ერთ ჯგუფში შედიოდნენ ისეთი მსახურები, რომლებიც უშუალოდ თავის ქვეყნის უმაღლეს ხელისუფალს (მეფეს, მთავარს, ერისთავს ან თავადს) ემსახურებოდნენ. ასეთი მსახურები თავის ქონებრივ-უფლებრივი მდგომარეობით უფრო უკეთეს პირობებში იყვნენ. მათ უპირველეს ვალდებულებას ლაშქრობა და წვრილი სამოქალაქო სამსახური შეადგენდა. მსახურთა ეს ნაწილი უმაღლეს მოხელეთა უშუალო განკარგულებასა და მეთვალყურეობაში იმყოფებოდა და მას ქონებრივ-წოდებრივი წყალობის მიღების მეტი შესაძლებლობა ჰქონდა.

მსახურთა მეორე ნაწილი უფრო სოფლის მკვიდრი იყო, მიწათმოქმედებას მისდევდა და საჭიროების დროს ლაშქრობაში გამოდიოდა, მის ხელში იყო აგრეთვე სოფლის ნაკლებმნიშვნელოვანი მოხელეობა, ადგილობრივი წვრილი ფეოდალ-მოხელეებისადმი სხვადასხვაგვარი სამსახური და სხვ. მსახურთა ეს ნაწილი, ძირითადად, გლეხურ (ნაკლებსათაკილო) ვალდებულებას ასრულებდა, მაგრამ შედარებით მსუბუქ სამსახურს. რა თქმა უნდა, თავისი მსახურები ჰყავდა ეკლესია-მონასტრებსაც, რომლებიც, აგრეთვე შედარებით უკეთეს პირობებში იყვნენ.

ყოველივე ამის გამო, ნ. ბერძენიშვილის აზრით, მსახურები, როგორც მიწისმოქმედნი გლეხებს ენათესავებოდნენ, ხოლო სამსახურით — აზნაურებს².

¹ ფ. ენგელსი, ოჯახის კერძო საკუთრებისა და სახელმწიფოს წარმოშობა, 1938, გვ. 146.

² Бердзенишвили Н. Очерки из истории развития феодальных отношений в Грузии (XIII—XVI вв.) Тб. 1938 с. 2—3.

ჩვენამდე მოღწეული წერილობითი წყაროების მიხედვით, დასავლეთ საქართველოში. მსახურთა ფენა ცალკე მხოლოდ XV საუკუნეში მოიხსენიება (ექვე არ შეიძლება, რომ ის უფრო ადრეც არსებობდა), კერძოდ, საეკლესიო ძეგლში — „მცნება სარჯულოა“ (1470—1474 წწ.), რომელშიც ქრისტიანობის უარყოფლის შეჩვენებასთან დაკავშირებით ნათქვამია: „ანუ მეფეთა, ანუ მთავართა, ანუ აზნაურთა, ანუ აზნაურის შვილთა, ანუ მსახურთა, ანუ გლეხთა...“¹. ამავე ძეგლში მსახური დასახელებულია, თავადის, აზნაურის (აგრეთვე ებისკოპოზის, ქორებისკოპოზის, მოძღვარის, მღვდლისა და დიაკონის) გვერდით, ბოლოს კი გლეხი². მესამეგან ნათქვამია: „მეფენი, გინა თავადნი, აზნაურნი, გინა აზნაური-შვილნი, მსახურნი, გინა გლეხნი, ებისკოპოზნი, გინა ქორებისკოპოზნი...“³.

შემდგომ ხანაში, მსახური, როგორც ცალკე ფენა მრავალ საისტორიო წერილობით წყაროში მოიხსენიება, კერძოდ, რაჭა-ლეჩხუმშიც. მითუფრო, რომ ლეჩხუმი უშუალოდ იმერეთის მეფის სახასო მამული იყო⁴.

როგორც ჩანს, ლეჩხუმის აზნაურები და მსახურებიც მეფის ლაშქარში შედიოდნენ და წვრილ სამოხელეო სამსახურს ასრულებდნენ. მაგალითად, ებისკოპოს გაბრიელ ჩიქვანის (კყონდიდე-ცაგარელის) მიერ გაცემულ პირობის წიგნში (XVII ს. მეორე ნახევარი), სხვათა შორის ვკითხულობთ: „მერმე ოყურეშის ერთობით აზნაურიშვილს, მსახურს და გლეხს, მდიდარსა და მცირეს, ნაკურალეშელს, ლახაფელს, უსახელოველს. მთას გადაღმა ქვიშარს, ცხვედიანსა და მისს სახელო კაცს... ერთობით ცაგერისა ღვთისმშობლისა და ოყურეშის წმიდის გიორგის ყმისთვინ მომიცემია...“⁵

როგორც ვხედავთ, მსახური ყოველთვის აზნაურის (თუ აზნაური-შვილის) შემდეგ და გლეხზე წინ მოიხსენიება, ესეც იმისი მანიშნებელია, რომ მსახურთა ფენა ცალკე არსებობდა და ის გლეხობის სათავეში იდგა.

გ) აზნაური

ცნობილია, რომ საქართველოში ფეოდალურ წოდებას თავიდანვე აზნაური წარმოადგენდა (მისი თავდაპირველი მნიშვნელობა თავისუფალს, არამონას ნიშნავს, შემდეგ კი კეთილშობილს, წარჩინებულს, დიდგვაროვანს და სხვ.). ივ. ჯავახიშვილის განმარტებით. „უმაღლესი წოდების წევრს აზნაური ეწოდებოდა. აზნაურნი იყვნენ მემამულენი, ანუ მემკვიდრეობით მქონებელნი, ანდა მოსაკარგავენნი, ე. ი.

1 ქართული სამართლის ძეგლები, III, გვ. 224.

2 იქვე, გვ. 231.

3 იქვე, გვ. 232.

4 ქართლის ცხოვრება, IV, გვ. 31.

5 დასავლეთ საქართველოს საეკლესიო საბუთები, წ. I, გვ. 110.

როპელთაც ეს წოდება სამსახურით ჰქონდათ მოპოვებული, ციხიანი და უციხონი...“¹.

ვახუშტი ბაგრატიონის განმარტებით, აზნაურსა აქუნდა გუარი და ჩამომავლობა, და სიმაგრე რამე მათა ანუ ბართა, და დაბნენბნი. და ძალ-ედვას გამოსლვა მარქაფითა, კარვითა და მათითა გაწყობილებითა, და თვნიერ ამისა არა იწოდებოდა აზნაურად“².

ცხადია, ვახუშტის ეს განსაზღვრა პირობითია და მთელ აზნაურობას ვერ მოიცავს, მითუფრო გვიან შუა საუკუნეების აზნაურობას, როდესაც ამ ნიშნებიდან ზოგიერთ აზნაურს მხოლოდ მაღალი ღირსების გვარიდა ჰქონდა შერჩენილი. რაც შეეხება ვახუშტისეული აზნაურის ნიშანს სიმაგრისა და დაბის ფლობას, აგრეთვე მარქაფით, კარვით და მათი გაწყობილებით გამოსვლას, ესეც პირობითია, რადგან გაღარიბებულ-ცალმომავი აზნაურის მიერ ასეთი რამის ფლობაზე ლაპარაკიც კი ზედმეტია. აზნაური, საერთოდ. მიწა-წყლის მესაკუთრეს (გამგებელს) და ყმათა მფლობელს ეწოდება. აზნაურის წოდება და ქონება მემკვიდრეობით, მამიდან შვილზე გადადიოდა.

თუ ფეოდალური ურთიერთობის საწყის საფეხურზე აზნაურობა შედარებით ერთგვაროვანი იყო, დროთა ვითარებაში, საზოგადოების უფრო ღრმა სოციალურ-ეკონომიკური დიფერენციაციის შედეგად, აზნაურის წოდების შიგნითაც გაჩნდა ერთიმეორისაგან განსხვავებული ფენები, მათ შორის დიდებული აზნაურები, რომლებიც სამსახურებრივ-ქონებრივი მდგომარეობით და უფლებამოსილებით აზნაურთა სათავეში იდგნენ.

დიდებულ აზნაურთა შემდეგ შუა აზნაურები მოდიოდნენ, ხოლო, ბოლოს, მესამე აზნაური. ვახტანგ ბაგრატიონის სამართლით, პირველი კატეგორიის აზნაურის სისხლი 192 თუმნით, მეორის 96-ით, ხოლო, მესამის 48 თუმნით განისაზღვრებოდა³.

აზნაურის წოდებას დაახლოებით ასევე ყოფს ბექა-ალბულას სამართალიც. მის მიხედვით, აზნაურობა (როცა თავადის წოდება არ არსებობდა) შედგებოდა: დიდებული აზნაურის (რომელიც ეკლესია-მონასტერსა და დიდ ყმა-მამულს ფლობდა და დიდი მოხელე იყო), საპატო აზნაურის (დიდი ყმა-მამულის მფლობელი) და რიგითი აზნაურისაგან (უციხო-უმონასტრო და შედარებით მცირე ყმა-მამულის მფლობელი). ჩამოთვლილთაგან პირველის სისხლი 40 ათასი თეთრით განისაზღვრებოდა, მეორის — 20 ათასით, ხოლო მესამის (რიგითის) — 12 ათასით⁴.

როგორც ცნობილია, გვიან საშუალო საუკუნეებში აზნაურთა წო-

¹ ივ. ჯავახიშვილი, ქართველი ერის ისტორია, II, თბ., 1965, გვ. 337.

² ქართლის ცხოვრება, IV, გვ. 17—18.

³ ქართული სამართლის ძეგლები, I, პროფ. ი. დოლიძის გამოც., თბ., 1963, გვ. 489.

⁴ იქვე, გვ. 426—427.

დებაში გაჩნდა თავადი, რომელიც ფეოდალთა კლასის შიგნით თანდათან უმაღლეს წოდებად ჩამოყალიბდა.

ამრიგად, გაბატონებული კლასი ორი წოდების — თავადისა და აზნაურისაგან შედგებოდა. მაგრამ, როგორც ვიცით, ამ წოდებათა შიგნითაც განსხვავებული ფენები წარმოიშვა.

ისევე როგორც საკუთოივ იმერეთში, რაჭასა და ლეჩხუმშიც ადრე გაბატონებულ წოდებას აზნაურობა წარმოადგენდა. რაჭის ეკლესიათა უძველეს წარწერებში რიგით მოსახლეობასთან (მოხევეებთან) ერთად მოიხსენიებიან აზნაურები, რომლებიც გაბატონებულ წოდებას წარმოადგენდნენ¹.

მართალია, ჩვენთვის ცნობილ, „ნიკორწმიდის იადგარში“ ტერმინი აზნაური არაა პირდაპირ მოხსენიებული, მაგრამ მასში მრავლად გვხვდება ისეთი გვარეულობები, რომლებიც რაჭის ამა თუ იმ სოფელში გლეხთა მფლობელ-განმკარგულებლები იყვნენ: „წორბელმან შემოსწირა ზნაკუას გლეხი... ვარაზ-ვაჩემ შემოსწირა ძისა მისისათჳს ფუთს გლეხი... წირჭუალელისა ძემან შემოსწირა გლეხი... მეტეხარას ღებორიანის ძისაგან ვიყიდე გლეხი... ჭინჭარაას ძისა გლეხისაგან ვიყიდე ნაოთხალი ვენაჯისა... და მუნ ზნაკუას ვახტანგის გლეხისაგან ვიყიდე ყანაჲ... და შქმერს ვიყიდე შქვლომსაგან გლეხი... ვიყიდე ცხილათს გლეხი აბულახტარისაგან... ოკრიბას ვიყიდე აჩჩილისაგან გლეხი...“²

ზემოაღნიშნული ამონაწერიდან ჩანს, რომ გლეხების მფლობელები და შემწირველები აზნაურები იყვნენ. მსგავსი შინაარსის, შედარებით გვიანდელ წერილობით ძეგლში, რომელიც ლეჩხუმს ეხება, ვკითხულობთ: „ეჭუსნი გლეხნი მომიგვიან ზოგიშს, ოთხნი ტეგვიანისეულნი, ერთი ნიკოლოზის ინასარიძისეული ბენმუქის ძე, ერთი საგლეხო კიდევ ჰამარის ძემან შემოსწირა და მე ზედა კაცი დაეასახელე: ეოშხას ეოსქოფა სძე და გოგელაური პარტახტი. ეს ორნი იოანე ქობულისძემან მოაწსენა ეკლესიას“³.

როგორც ვხედავთ, აქ გლეხების მფლობელებად დასახელებული არიან ტეგვიანი, ინასარიძე, ქობულიძე, და სხვები. მართალია, არც ეს გვარებია წოდებით მოხსენიებული, მაგრამ ისინი ქონებრივად და წოდებრივად დაწინაურებული, აზნაურები უნდა იყვნენ.

რაჭის სოფელ მიქარწმიდის ეკლესიის ქვის წარწერაში ნათქვამია: „...აგაშენეთ წმიდა ესე ეკლესია სალოცავად პატრონთ ჩვენთა და თავისა ჩინისა და ყოველთათა ჩვენთა აზნაურთა მოთავეთა დასალოცავად...“⁴

¹ გ. ბოქორიძე, რაჭის ისტორიული ძეგლები, საქართველოს მუზეუმის მოამბე, ტ. VII, 1931—1932, გვ. 208; ტ. VIII, 1933—1934, გვ. 291—292.

² ქართული სამართლის ძეგლები, III, გვ. 27—33.

³ ე. ქ. თაყაიშვილი, არქეოლოგიური ექსპედიცია..., გვ. 21.

⁴ გ. ბოქორიძე, რაჭის ისტორიული ძეგლები, საქ. მუზ. მოამბე, ტ. VII, გვ. 208.

სოფელ სხვაეას ეკლესიის XIII საუკუნის წარწერა გვაუწყებს, რომ დასახლებული ეკლესია შეუძმიათ რაჭის ერისთავ რატის და მის ძეს კახაბერს, აგრეთვე მოხევეებსა და საეკლესიო პირებს¹.

დ) თავადი

იმერეთის სამეფოში, კერძოდ რაჭა-ლეჩხუმის გაბატონებულ წოდებაში XV საუკუნიდან თავადის წოდებაც გაჩნდა. ერთ საეკლესიო წერილობით წყაროში („მცნება სარჯულოა“, რომელიც XV ს. 70-იანი წლებით თარიღდება) მეფესთან და ერისთავთან, აგრეთვე დიდებულთან და აზნაურთან ერთად, თავადიც მოიხსენიება: „თ ა ვ ა დ თ ა თ ა ნ ა დ გ ო მ ი თ ა ... თ ა ვ ა დ ნ ი ს ი მ ა რ თ ლ ე ს ა ბ ჯ ო ბ დ ი თ ... და უკეთუ ვინცა მეფეთა, თ ა ვ ა დ თ ა. აზნაურთა და აზნაურიშვილთა... გინა მეფეთა, გინა თ ა ვ ა დ თ ა, გინა დიდებულთა, გინა აზნაურთა... მეფენი, გინა თ ა ვ ა დ ნ ი, გინა აზნაურნი...“²

ძნელია იმის გადაკრით თქმა, თუ აქ მოხსენიებულ თავადში აზნაურთა წოდების მეთაური (თავი), თუ თავადის წოდება იგულისხმება, მაგრამ, შესაძლებელია თავადის ასე მრავალჯერ ხსენება იმისი მათწყებელი იყოს, რომ თავადის წოდება უკვე წარმოშობილია, ამასთან, მართალია, ზემოაღნიშნული საბუთი რაჭა-ლეჩხუმს მხოლოდ არაპირდაპირ ეხება, მაგრამ. ე. წ. „ჯაფარიძეთა სასისხლო სიგელში“, იმერეთის მეფე ალექსანდრეს სახელით ნათქვამია: „...ჯაფარიძისთა თავადი რაჭას არ მუავხო...“³.

ცნობილია, რომ ადრე აზნაურთა წოდების სათავეში მდგომს ეწოდებოდა „დიდებული აზნაური“, რომელიც, ივ. ჯავახიშვილის სიტყვებით რომ ვთქვათ, მეფისაგან შეწყალებული, დიდი თანამდებობისა და ყმა-მამულის მფლობელი აზნაური იყო. შემდეგ, როდესაც ეს დიდება მემკვიდრეობით კუთვნილებად იქცა, თავადის წოდებაც ჩამოყალიბდა⁴.

გლეხობის მსგავსად აზნაურებიც სხვადასხვა ფენად იყოფოდნენ და სხვადასხვა უწყებას ეკუთვნოდნენ, მათ შორის საერო და სასულიერო (სამეფო, საერისთავო, საუფლისწულო, აგრეთვე საეკლესიო-სამონასტრო, უფრო მოგვიანებით მათ სათავადო და სამთავრო აზნაურებიც მიემატა). ამათგან ყველაზე მალა სამეფო აზნაურები იდგნენ, რადგან, ერთგული და თავდადებული სამსახურის შედეგად, ისინი ხშირად მეფის წყალობას იღებდნენ.

ს. კაკაბაძის მონაცემებით, XVII საუკუნის შუახანებში იმერეთის სამეფოში სულ 840—850 კომლი აზნაური ცხოვრობდა, ამათგან 225

1 გ. ბოკორიძე, მითითებული წერილი, ტ. VIII, გვ. 291—292.

2 ქართული სამართლის ძეგლები, III, გვ. 221—233.

3 სვანეთის საისტორიო ძეგლები, ნაკვ. II, 1941, გვ. 32 (ზავასმა ჩენია, გ. გ.).

4 საქართველოს ისტორიის სახელმძღვანელო, I, თბ., 1946, გვ. 298—299.

კომლი საჰეფო იყო, დანარჩენი კი თავადთა და ეკლესია-მონასტერთა კუთვნილებას შეადგენდა¹.

რუსი ელჩების ნიკ. ტოლოჩანოვისა და იევლევის ცნობით, XVII საუკუნის შუახანებში, იმერეთის სამეფოში 1100-მდე აზნაურის კომლი ცხოვრობდა².

რაჭის ბევლი და ცნობილი აზნაურები იყვნენ: ლორთქიფანიძეები, ყიფიანები, არიშიძეები, ლაშხიშვილები, ინასარიძეები, გარეყანიძეები, გამრეკლიძეები, ჭაფარიძეები, გამყრელიძეები, იაშვილები, წულუკიძეები, ბაქრაძეები, გოცირიძეები, გიგაშვილები, დარახველიძეები. ლომინაძეები, დემეტრაძეები, საკანდელიძეები, ლაჭყვიანიები, ბუბაშვილები, სოსაგიძეები და სხვ.

აღნიშნულთაგან, XV საუკუნიდან მოყოლებული, თავადთა წოდებად ჩამოყალიბდნენ: ჩხეტიძეები (ჩხეიძე), წულუკიძეები, იაშვილები, ჭაფარიძეები, ინასარიძეები, ლაშხიშვილები და სხვ.

რაჭის ერისთავები იყვნენ კახაბერიძეები და ჩხეტიძეები (ჩხეიძეები).

იმავე ხანის ლეჩხუმის აზნაურები იყვნენ: ჩიქვანები, ყიფიანები, გელოვანები, ქვარიანები, ახვლედიანები, დაშნიანები, ჩარკვიანები, კუჭაიძეები, ჭაბუკიანები, ლაშხიშვილები, ინასარიძეები, ლოღელიანები, ასათიანები და სხვ.

ამთაგან გელოვანები, ახვლედიანები და ჩიქვანები (ჩიქოვანები) თავადებად გადაიქცნენ. თუმცა რაჭა-ლეჩხუმის წარჩინებულ გვართაგან ვახუშტი ბაგრატიონი მხოლოდ კახაბერიძეს, ჩხეიძეს, წულუკიძეს, იაშვილს, ჭაფარიძეს, ინასარიძეს და ლაშხიშვილს ასახელებს³.

XVII საუკუნის მონაცემებით, მთელ იმერეთში სულ 100-მდე თავადის კომლი ცხოვრობდა⁴. უნდა ვივარაუდოთ, რომ ამის მესამედი რაჭა-ლეჩხუმზე მოდიოდა.

თუ XV საუკუნემდე ქვეყნის სიმდიდრის უდიდეს ნაწილს და ძალაუფლებას აზნაურობა ფლობდა, შემდეგ პირველობა თავადთა წოდებამ მოიპოვა და მან აზნაურობაც დაიმორჩილა.

ნ. ბერძენიშვილი გვიან საშუალო საუკუნეების წოდებრივ თანაფარდობასა და მის ევოლუციასზე დაკვირვების შედეგად აღნიშნავს „დამოუკიდებელი. თავის საკუთარ სამკვიდრო მამულზე მჭდომი აზნაურები ამ დროისათვის, როგორც საერთო მოვლენა, დიდი ხანია არაა“ და იქვე დასძენს: აზნაურთა დიდი უმრავლესობა დაქვეითებულ-დაღარიბებულია და თავადობამ დაიქვემდებარა⁵.

¹ მასალები იმერეთის სახელმწიფოებრივი მდგომარეობის შესახებ XVII საუკუნეში, საისტორიო მოამბე, წ. I, 1925, გვ. 196.

² სტოლინი ტოლოჩანოვისა და დიაკი იევლევის ელჩობა იმერეთში 1650—1652 წწ. მ. პოლიევქტოვის გამოც., თბ., 1926, გვ. 114.

³ ქართლის ცხოვრება, IV, გვ. 27—28, 36.

⁴ სტოლინი ტოლოჩანოვისა და დიაკი იევლევის ელჩობა იმერეთში... გვ. 114.

⁵ Бердзенишвили Н. А., Очерки из истории... с. 38—39.

როგორც ჩანს, ფეოდალური წოდების — აზნაურობის რიგებში ამ ცვლილებებს არა მარტო საქართველოში ჰქონდა ადგილი, არამედ დასავლეთ ევროპაშიც. შუა საუკუნეების ფეოდალური იერარქიიდან, — წერს ფ. ენგელსი, — საშუალო აზნაურობა თითქმის სავსებით გაქრა: ერთი მისი ნაწილი დამოუკიდებელ წვრილ თავადებამდე ამაღლდა; მეორე დაქვეითდა, დაბალ აზნაურთა რიგებში მოექცა; დაბალი აზნაურების დიდი ნაწილი სრულიად გალატაკდა და თავადებთან სამსახურით ცხოვრობდა; მეორე ნაწილი თავადებთან ვასალურ დამოკიდებულებაში და მორჩილებაში იმყოფებოდა; მესამე, მეტად მცირე ნაწილი, უშუალოდ იმპერიას ემორჩილებოდა¹.

ფ. ენგელსის ეს დახასიათება კარგად ასახავს დასავლეთ საქართველო, კერძოდ, რაჭა-ლეჩხუმის აზნაურთა მდგომარეობასაც.

რაკი ძალაუფლების განმტკიცებაში მეფეები ძირითადად წვრილ აზნაურებს ეყრდნობოდნენ, ბუნებრივია ერთგულებისა და დამსახურების საფუძველზე მათ რიცხვს ამრავლებდნენ. განსაკუთრებით მრავალრიცხოვანი ჩანს იმერეთის აზნაურები, რომელთა უმრავლესობა წვრილმფლობელი იყო, მით უფრო მას შემდეგ, რაც თავადის წოდება ჩამოყალიბდა. თუ თავდაპირველად ზოგიერთი აზნაური, ასე თუ ისე, შეძლებული იყო, შემდეგ მათი აბსოლუტური უმრავლესობა გალარიბდა, ზოგიერთი გლეხის დონემდე დაეცა. ასეთი ვითარება, ერთი მხრივ, თავადთა გაბატონებამ განაპირობა, მეორე მხრივ, ქვეყნის დაქუცმაცება-დაცემამ და ცენტრალური ხელისუფლების დასუსტებამ.

თურქ-ოსმალების და, საერთოდ, მაჰმადიან მეზობელთა შემოსევებისაგან დასუსტებულ-დაქვეითებული ქვეყნის ცენტრალური ხელისუფლება, დეგრადაციის გზაზე დამდგარ აზნაურობას სათანადოდ ვერ წყალობდა, ამასთანავე მეფის ხელისუფლება მათ ვერც მომძლავრებული თავადების ძალმომრეობისაგან იცავდა.

ამის გამო, აზნაურთა ზოგი გვარეულობები საერთოდ გაქრა, ზოგი გალარიბებული გლეხის დონეზე დავიდა, ხოლო ნაწილიც საშუალო დონეზე დარჩა.

სამაგიეროდ, აზნაურთა აღზევებულმა ნაწილმა თავადობა და ქვეყნის მესაჭე-ჰოთაეის როლი მოიპოვა.

ვანტანგ მეფის სამართალი თავადის წოდებას სამ კატეგორიად (ფენად) ყოფს: დიდებულ, შუა და მესამე თავადად². აქედან გამომდინარე მისი სამართალი თავადთა ღირსებას, უფლებამოსილებას და სისხლის საურავს სამ ჯგუფად ყოფს: პირველის სისხლს 1536 თუმნით განსაზღვრავს³, მეორისას — 768 თუმნით, ხოლო, მესამე ჯგუფის თავადთა — 384 თუმნით³.

1. ფ. ენგელსი, გლეხთა ომი გერმანიაში, თბ., 1926, გვ. 26—28.

2. ქართული სამართლის ძეგლები, I, თბ., 1963, გვ. 489.

3. იქვე.

ვან-უშტი ბაგრატიონი თავადს თითქმის არ განასხვავებს მთავრისაგან. უკეთ რომ ვთქვათ, იგი თავადის შესაბამის მთავრის ცნებას ასე განსაზღვრავს: „ხოლო წესი მთავართა იყო გუარი და შთამომავლობა, ქართლოსიანობა და პატივი მისი. ხოლო უკეთუ მეფისა წესსა შინა იყო იგი, უმეტეს პატივიცემოდა, არამედ მთავრისა ჯერ იყო, რათა აქუნდეს ჩამომავლობა და გუარი იგი და ამის მიმართ ციხექალაქი, სიმაგრე და ჯეობანი, და თვითნიერ ამისა არა ისახელებოდა მთავრად“¹.

როგორც ვხედავთ, ეს განსაზღვრა კარგად ასახავს თავადის ცნებასაც, რადგან გვარჩამომავლობა, ყმა-მამულისა და სიმაგრის, აგრეთვე თანამდებობის ფლობა თავადობის უპირველესი მახასიათებელია. სხვათა შორის, როდესაც ვახუშტი საქართველოს პოლიტიკური დაშლით გამოწვეულ ცვლილებებს ეხება, წერს: „გარნა მთავარნიცა არლარა იწოდებოდნენ მთავრად, არამედ თავადად...“².

ზოცემულ განსაზღვრაში ვახუშტი ითვალისწინებს იმასაც, რომ თავადი, მიუხედავად მთავარი, შეიძლება მეფის მორჩილი არ ყოფილიყო. ყოველ შემთხვევაში, ზოგიერთი სათავადო მართლაც ადმინისტრაციულ-საგადასახადო და სასამართლო იმუნიტეტით (შეუვლობით) სარგებლობდა. ასეთი თავადი, ზოგჯერ მეფის სანქციის გარეშე (სახლიკაცთა მეშვეობით) ჯდებოდა სათავადოს უფროსად (ყველაფერი ეს, რა თქმა უნდა, ცენტრალური ხელისუფლების ძლიერებაზე იყო დამოკიდებული). რაც შეეხება მთავარს, თავადისაგან მისი განმასხვავებელი ნიშანი დამოუკიდებლობა იყო, ე. ი. მთავარი არავის ემორჩილებოდა.

როგორც წესი, თავადი მეფის ან მთავრის ქვეშევრდომი იყო და წესით მასვე ექვემდებარებოდა. ამასთანავე, მართალია, ამა თუ იმ დიდგვაროვანი პირის თავადობა მეფეს უნდა ელიარებინა, მაგრამ ხდებოდა ისიც, რომ ზოგიერთი დიდგვაროვანი თვითონ, თავისი ძალით ხდებოდა თავადი.

ვახუშტი ბატონიშვილი თავის თხზულებაში ახასიათებს მეფის მოხელეთა დანიშვნის ადრინდელ და ახალ (საქართველოს პოლიტიკურ დამლაშდელ და შემდგომი დროის) წესებს და წერს: „რამეთუ ძუელითგანვე იყო წესი ესე: რაჟამს მოკუდის ერისთავი, ანუ მთავარი, ანუ ჯელისუფალნი, ანუ აზნაურნი ჩინებულნი, მოართვიან მეფესა მის მოკუდრისა ჳრმალი, ცხენი და უხუცესი ძე მისი, ხოლო მეფე ჯელისუფლობისა და ერისთობისა წესსა, ვისიცა ენება, ღირსებისაებრ მიუბოძის და ოდესმე ძესაცა, უკეთუ ღირს იყო ანუ ძალ-ედვა მოუტრნობა მისი. ცხენი წარიყვანიან სამეფოთ, და ჳრმალსა მოარტყმიდა წინაშე მეფისა მსახურთუხუცესი ძესა მის მოკუდრისასა, და დაწესიან ტაძრულად ანუ სხუათა სამეფოთა მსახურებათა შინა ღირსებისაებრ“³.

ახალ წესზე ვახუშტი წერს: „...არლაცა იყო ერისთავთა ცვალებანი,

¹ ქართლის ცხოვრება, IV, გვ. 17.

² იქვე, გვ. 31.

³ იქვე, გვ. 31—32.

არამედ მკვდრადნი...“¹. აქვე განაგრძობს: „ხოლო აწინდელსა ეამსა წე-
ლისუფალნი ეგრეთვე ყვნიან, ვითარცა ზემო ითქუა, და ცხენიცა და
წრმალიცა ეგრეთვე. არამედ ერისთობა და მთავრობა არღარა... რამეთუ
შვილთავე მისთა ანუ სახლისკაცთა მისთავე მიუბოძიან, ეგრეთვე მთა-
ვართაცა“².

სათავადოს უფროსის (თავადის) უფლებამოსილება და ძალა, რა თქმა
უნდა, მის ყმა-მამულის სიდიდეზე იყო დამოკიდებული; რამდენადაც ესა
თუ ის სათავადო დიდი და ძლიერი იყო, იმდენად მისი მფლობელი (თა-
ვადი) დიდი უფლებებით და პატივით სარგებლობდა.

ო. სოსელიას განმარტებით, „სათავადო, თავადური გვარის წევრთა
გაერთიანებულ, ერთ ფეოდალურ ერთეულად ორგანიზებულ სამფლო-
ბელოს ერქვა“³. მისივე განსაზღვრით, სათავადოს მოთავე „დიდებულ
თავადად“ იწოდებოდა. როგორც წესი, დიდებული თავადის პატივს მხო-
ლოდ სათავადო სახლის უფროსი ატარებდა. მისი სახლიკაცები კი „თა-
ვადიშვილებად“, ან „თავადად“ იწოდებოდნენ⁴.

დიდებული თავადი, ანუ ფეოდალური სახლის უფროსი ყველა სახ-
ლისკაცზე მაღლა იდგა: ჯერ ერთი, იგი სათავადო სახლის საერთო ქონე-
ბის გამგებელი იყო (ამ ქონებაში შედიოდა ყმა-მამული, ეკლესია-მონა-
სტერი, ციხე-სიმაგრე, სარეწები, სხვადასხვა შემოსავალი და სხვ. ამ
უძრავ-მძრავ ქონებაში დიდებულ თავადს ყველაზე დიდი წილი — „სა-
უფროსო“ ეკუთვნოდა); მეორეც, იგი განაგებდა სათავადოს მართვა-
გამგეობას (ემორჩილებოდა სამოხელეო აპარატს); დიდებული თავადი
განაგებდა სათავადოს პოლიტიკას (იგი იყო მეფის ან მთავრის უშუალო
მოხელე, მოლაპარაკებას აწარმოებდა ყველა დაინტერესებულ პირთან
და სხვ.). სხვანაირად რომ ვთქვათ, დიდებული თავადი (სათავადოს უფ-
როსი) განაგებდა მთელი სათავადოს საშინაო და საგარეო საქმეებს. მიუ-
ხედავად ამისა, მას უნდა ემოქმედა წინასწარ შემუშავებული — დად-
გენილი წესებით, რაც სახლისკაცთა სურვილზეც იყო დამოკიდებული,
წინააღმდეგ შემთხვევაში, შეიძლებოდა კონფლიქტი მომხდარიყო და
ფეოდალური სახლი, ცალკეულ სახლებად დაშლილიყო.

ო. სოსელიას⁵ დახასიათებით, სათავადოთა სისტემა „დასავლეთ სა-
ქართველოში პოლიტიკურ-ორგანიზაციულად უფრო სრულყოფილი, გა-
მოკვეთილი და ცენტრთან უფრო სუსტად დამოკიდებული ფეოდალური
სამფლობელო იყო, ვიდრე აღმოსავლეთ საქართველოში“⁵. ეს იმას ნიშ-
ნავს, რომ დასავლეთ საქართველოში თავადი უფრო სუვერენი იყო, ვი-
დრე აღმოსავლეთ საქართველოში, რაც უთუოდ დასავლეთ საქართვე-

¹ ქართლის ცხოვრება, IV, გვ. 32.

² იქვე.

³ ო. სოსელია, ნარკვევები ფეოდალური ხანის დასავლეთ საქართველოს სო-
ციალურ-პოლიტიკურ ისტორიიდან, თბ., 1973, გვ. 7—8.

⁴ იქვე, გვ. 8.

⁵ იქვე, გვ. 12.

ლოს ცენტრალური ხელისუფლების სისუსტეზე და შედარებით უუფლებობაზეც მეტყველებს.

რაქა-ლეჩხუმის საზოგადოება შედგებოდა აგრეთვე სასულიერო წოდებისაგან, რომლის ნაწილი უმაღლეს სამღვდელთა შეადგენდა, ნაწილი კი რიგით მღვდელმსახურებს. რაქა-ლეჩხუმში შეინიშნებოდა ეკლარტა წოდების წარმომადგენლებიც, მაგრამ პროფესიონალ ეკლარტა რიცხვი არც თუ ბევრი იყო.

თ ა ვ ი მ ე ს ა მ ა

დასავლეთ საქართველოს პოლიტიკური მდგომარეობა

XVII—XVIII საუკუნეებში

დასავლეთ საქართველოს ცხოვრებაში XVII—XVIII საუკუნეები ერთ-ერთი უმძიმესი ხანა იყო. ქვეყანას აჩანაგებდა, ერთი მხრე, საქართველოს დაქუცმაცება და ძმათამკვლელი-შინაფეოდალური ომები, ხოლო მეორე მხრივ, თურქ-ოსმალთა აგრესია და ბატონობა.

მას შემდეგ, რაც (XVI ს. ბოლოსა და XVII ს. დასაწყისში) ქართლისა და იმერეთის სამეფოების გაერთიანება მარცხით დამთავრდა, იმერეთის სამეფოს მესვეურებს დაუპირისპირდნენ დამოუკიდებლობისა და განკერძოების გზაზე მდგარი ერისთავ-მთაფრები, რომელთაც თანდათან დიდი ძალა მოიპოვეს.

განსაკუთრებით გაძლიერდა ოდიშის მთავარი, რომელმაც ფაქტობრივად დამოუკიდებლობა მოიხვეჭა. სწორედ, იმერეთ-ოდიშის მეფე-მთავართა ირგვლივ დაჯგუფდნენ დასავლეთ საქართველოს ცალკეულ კუთხეთა მმართველი წრეები, რომლებიც XVII—XVIII საუკუნეების მთელ მანძილზე პირველობის მოპოვებას ესწრაფვოდნენ და ერთიმეორეს ეჭიშპებოდნენ.

მიუხედავად იმისა, რომ საქართველოს უბოროტესი მტრები — ირანი და თურქეთი ერთიმეორის წინააღმდეგ სამკედრო-სასიციოცხო ომს აწარმოებდნენ და მათ რუსეთის ძლიერი სახელმწიფოც უპირისპირდებოდა, საქართველოს პოლიტიკურ მოღვაწეებს ვერ ეყოთ ძალა და გონიერება ირან-თურქეთის აგრესიისათვის თავისი მტკიცე ერთიანობა დაეპირისპირებინათ.

მართალია, დასავლეთ საქართველოს მეფე-მთაფრები თურქეთის წინააღმდეგ ერთიან მოქმედებაზე შეთანხმდნენ, მათ შაჰ-აბასისაგან დევ-

ნილი ქართლ-კახეთის სამეფოთა მესვეურებიც შეიფარეს და რუსეთსაც მიმართეს დახმარებისათვის, მაგრამ ყველაფერი ეს დროებითი იყო, ოდიშის მომძლავრებული მთავარი ლევან მეორე (1611—1657 წწ.) იმერეთის მეფე გიორგი მესამეს (1605—1639 წწ.) დაუპირისპირდა.

ოდიშის უძლიერესმა მთავარმა, რომელიც ვახუშტი ბაგრატიონის დახასიათებით, „ბოროტი, ხუანჯიანი, მზაკვარი და ამაყი იყო“¹, მთელი დასავლეთ საქართველოს ხელში ჩაგდება და მეფობა მოიწადინა: „ამ მიზნის განსახორციელებლად ის ყოველგვარ ხერხს იყენებდა, სხვა მთავრებს უკავშირდებოდა ნათესაურად, დიპლომატიურ მოლაპარაკებას აწარმოებდა თურქეთთან და რუსეთთან, ქმნიდა ძლიერ ჯარს და გამუდმებით ეს-ხმოდა თავს იმერეთს...“²

ლევან დადიანმა XVII ს. 20-იან წლებში ნათესაური და პოლიტიკური კავშირები დაამყარა გურიის, აფხაზთა, ჩიქთა, სვანთა მესვეურებთან და იმერეთის თავად პაატა წულუკიძესთან, რაც, ბუნებრივია, იმერეთის მეფემ საშიშად მიიჩნია: „შემდგომად შემოიკრიბნა სპანი თვსნი გიორგი მეფემან და განვიდა და დადგა გოქორაულსა ზედა. მოვიდა ლევან დადიანიცა სპითა ოდიშ-აფხაზ-ჩიქთა და იქმნა ბრძოლა ძლიერი და მოსწყუნენ მრავალნი... იძლია მეფე გიორგი და ივლტოდა. მაშინ დადიანმა შეიპყრნა მრავალნი წარჩინებულნი და მდაბიურნი, აღიღო ალაფი და იავარი და წარვიდა ოდიშს“³.

მემატიანის ცნობით. 1623 წლის დეკემბრის ამ ომმა, არა მარტო მრავალი თანამომხის სიცოცხლე შეიწირა, არამედ საფუძველი დაუდო ტყვეთა სყიდვას და ტყვეთჩაგდებულთა ფულით გამოსყიდვას; „ამით შემოწდა ცხადად ტყვს ყიდვა, რამეთუ სპათაცა მისთა ფარვით იწყეს თათართა (ე. ი. თურქთა — გ. გ.) ზედა ყიდვა ტყუეთა ნაშოვართა: და განმრავლდებოდა ესევითარნი ჳლომა და უჯერობა იმერეთსა ზედა“⁴.

დასავლეთ საქართველოს მფლობელთა შორის მტრობა კიდევ უფრო გაღვივდა. შფოთმა და შუღლმა ახლა დადიანის ბანაკშიც იფეთქა. ლევან დადიანის უსამველო გაძლიერება გურიელსაც აშინებდა და აფხაზეთის მთავარსაც (მითუფრო, რომ ეს უკანასკნელი თავისი ქალიშვილის გაგდებთა და დასახიჩრებით სასტიკად იყო დადიანისაგან შეურაცყოფილი), რომელთაც სცადეს ოდიშის მთავრის თავიდან მოცილება. დადიანს გადაუდგა საკუთარი ძმა იოსებიც.

აფხაზეზმა არაერთხელ დალაშქრეს და ააწიოკეს მოსახლვრე სამეგრელოს სოფლები, რის გამოც ოდიშის მთავარი იძულებული იყო აფხაზეთის საზღვარზე — ზღვიდან მთამდე სიმაგრეები აეშენებინა და იქ მუდმივი შეიარაღებული დაცვა დაეყენებინა.

ღართო შეთქმულების მიუხედავად, ლევან მეორემ ადვილად მოა-

¹ ქართლის ცხოვრება, IV, ს. ყაუხჩიშვილის გამოც., თბ., 1973, გვ. 825.

² საქართველოს ისტორიის ნარკვევები, ტ. IV, 1973, გვ. 341.

³ ქართლის ცხოვრება, IV, გვ. 826.

⁴ იქვე, გვ. 828.

ხერხა მოწინააღმდეგეთა დამარცხება, მან სვიმონ გურიელი ლანჩხუთის ბრძოლაში დაატყვევა, შემდეგ თვალები დასთხარა და გურიის ერისთავობაზეც ხელი ააღებინა. შემდეგ აფხაზეთის მთავარი შერვაშიძეც დაამარცხა და დაიმორჩილა. მოქნილმა და ცბიერმა დადიანმა შეძლო გურიელი და აფხაზეთის მთავარი იმერეთის მეფის წინააღმდეგ მოკავშირეებად გამოეყენებინა.

„საქართველოს მეფე-მთავართა აშლილობით სარგებლობდა ოსმალეთი და თავის საქმეს აკეთებდა: თანდათან იპყრობდა შავი ზღვის სანაპირო ქალაქებს, ავრცელებდა მაჰმადიანობას (სადაც ეს შესაძლებელი იყო) და ამ გზით ცდილობდა დაპყრობილი მხარეების სარწმუნოებრივ შემომტყიცებას“¹

საქმეში გარკვეული ზოგიერთი მისიონერის ცნობით, ოსმალეთის მბრძანებლები კმაყოფილი იყვნენ საქართველოს ერთიანი სახელმწიფოს ცალკეულ სამფლობელოებად დაშლით და მათი ურთიერთდაპირისპირებით, რადგან სხენაირად შეუძლებლად მიაჩნდა მისი დამორჩილება. მითუფრო, რომ თვით ოსმალეთშიც არანაკლებ შინაფეოდალური არეულობა სუფევდა. ამასთან, თურქეთის სახელგანთქმული იანიჩართა ორგანიზაცია მოძველდა. ხოლო სამხედრო სისტემის რეორგანიზაცია დიდ სახსრებს მოითხოვდა და შეუძლებელი იყო.

სწორედ ეს იყო იმისი მიზეზი, რომ XVII საუკუნის პირველ მეოთხედში დასავლეთ საქართველო თურქეთის მხრიდან შედარებით მოსვენებული იყო.

დომოსავლეთ საქართველოშიც მალე დამთავრდა შაჰ-აბასისა და მარტყოფ-მარაბდის გმირული ბრძოლების შემდგომი მშვიდობიანი პერიოდი. აქაც ფეოდალურმა არეულობამ იფეთქა, რომლის სული და გული იყვნენ ქართლის მოურავი გიორგი სააკაძე და ზურაბ ერისთავი. საქმე ისე გართულდა, რომ მთელი საქართველოს მმართველი წრეები ორ ურთიერთმოწინააღმდეგე ბანაკად დაჯგუფდა. ერთ მხარეზე იყვნენ ქართლ-კახეთის მეფე თეიმურაზი, ზურაბ ერისთავი, არაგვის ერისთავი, იოთამ ამილახვარი და სხვ. მეორე მხარეზე — გიორგი სააკაძე, იმერეთის მეფე, მუხრანბატონი, ქსნის ერისთავი, სამცხის მფლობელი და ქართლის ზოგიერთი თავადი.

ბაზალეთთან 1626 წლის შემოდგომაზე მომხდარმა ძმათამკვლელმა — ტრაგიკულმა ბრძოლამ საბოლოოდ ჩაშალა არა მარტო საქართველოს ხელახალი გაერთიანების პერსპექტივა, არამედ ძლიერ შეარყია აღმოსავლეთ და დასავლეთ საქართველოს თავდაცვისუნარიანობაც². ამასთან. საქართველოს გაბატონებულ წრეებს შორის ბრძოლა, ბაზალეთის ტრა-

¹ მ. რეხვიაშვილი, დასავლეთ საქართველო XVII საუკუნეში, თბ., 1978, გვ. 29.

² ნ. ბერძენიშვილი, ივ. ჯავახიშვილი, ს. ჯანაშია, საქართველოს ისტორია, თბ., 1943, გვ. 311.

გედით როდი დამთავრდა, პირიქით, მან კიდევ უფრო გაართულა და გაამწვავა პატივმოყვარე ფეოდალ-თავადთა ქიშპი და წინააღმდეგობა.

ქართლ-კახეთის მეფე თეიმურაზმა იმერეთის ტახტის მეკვიდრე ალექსანდრე დაისიძა და გიორგი მეფე დაიმოკავშირა. ირანის ძალით ქართლის მეფედ დამჯდარმა როსტომ ხანმა დადიანის და მარიაში შეერთო, რითაც დასავლეთში მყარი პოზიცია შეიქმნა. ამასობაში სიძის შესახვედრად წასულმა დადიანმა ბლღდაში (კაკას ხილთან) გიორგი მეფე შეიპყრო და ოდიშში წაიყვანა. უფლისწული ალექსანდრე იძულებული გახდა მოხუცებული მამის გამოსხნაში დიდი ქონება გაეღო¹.

საქართველოს აშლილობას და ძმათამკვლელ შინა ომს მარტო ფეოდალთა პატივმოყვარეობა და პირველობისათვის მისწრაფება როდი იწვევდა, მას ირანისა და თურქეთის ძლიერი სახელმწიფოების მესვეურებიც აქეზებდნენ და ასაზრდოებდნენ. ეს ორი აგრესიული ქვეყანა ყოველგვარ ხრიკებსა და საშუალებას იყენებდა, რათა ერთმანეთისათვის დაეპირისპირებინა და წაექეზებინა ქართველი ფეოდალ-მფლობელები. თავისი კარიერისა და ბატონობის უზრუნველყოფის მიზნით უგუნური და ბეცი ქართველი ფეოდალ-მფლობელები ადვილად ეგებოდნენ მტრის რჩევა-მოწოდებაზე, თავის მოძმე-მეტოქისაგან ქვას-ქვაზე არ ტოვებდნენ, ამით ქვეყნის ერთიანობასა და თავდაცვისუნარიანობას საფუძველსა და ძალას აკლიდნენ.

კახეთისა და ქართლის აოხრებისა და დამორჩილების შემდეგ XVII საუკუნის 30-იან წლებში ირანის შაჰმა დასავლეთ საქართველოს დასულტება და, შესაძლებლობის შემთხვევაში, დამორჩილება მოიწადინა, რადგან ის, ერთი მხრივ, თავის მოწინააღმდეგე აღმოსავლეთ საქართველოს მეფე-მოღვაწეთა დასაყრდენი შეიძლებოდა გამხდარიყო, მეორე მხრივ, მეტოქე თურქეთის მოკავშირე.

ირანის შაჰმა იმერეთის სამეფოს (ფაქტობრივად ოდიშისაც) მოთხრა და დამორჩილება შინგამცემის — დადიანის მეშვეობით სცადა. მან გამაჰმადიანებული როსტომ ხანის (ქართლის გამგებლის) მეშვეობით ლევან დადიანს 50 ათასი მარჩილი გამოუგზავნა და წელიწადში 1000 თუმანი ხელფასი დაუნიშნა, რითაც დადიანი ირანის სამუდამო აგენტი და ხელდებული მოკავშირე გახდა².

ივ. ჯავახიშვილისა და კ. გრიგოლიას რწმუნებით, ირანისათვის დადიანთან კავშირი უპარესად ხელსაყრელი იყო, რადგან ამით მან დასავლეთ საქართველოს დასაპყრობი პლაცდარმი და მოკავშირე გაიჩინა³.

თავის მხრივ, ოსმალეთიც არაფერს ზოგავდა არა მარტო დასავლეთ, არამედ აღმოსავლეთ საქართველოს ხელში ჩასაგდებად. ამით ის არა

¹ ქართლის ცხოვრება, IV, გვ. 828—829.

² ფარსადან გორგიჯანიძის ისტორია, ს. კაკაბაძის გამოცემა, საისტორიო მოამბე, წ. II, თბ., 1925, გვ. 33.

³ ივ. ჯავახიშვილი, ქართველი ერის ისტორია, გვ. 33; კ. გრიგოლია, ილორის წმ. გიორგის ხატის წარწერა, ენიშკის მოამბე, XIII, 1942, გვ. 155.

მარტო ირანის შევიწროებას და კავკასიის დაპყრობას ცდილობდა, არამედ სამხრეთის მიმართულებით რუსეთისათვის ხელ-ფეხის შეკვრასაც.

იმერეთში გაძევებული თეიმურაზ მეფე თავის იმედებს ოსმალეთის მხარდაჭერაზე ამყარებდა, მაგრამ 1635—1639 წლების ომში ირანმა და ოსმალეთმა ერთიმეორეს ვერცერთმა ვერ ძლია. 1555 წ. საზავო ხელშეკრულების შესაბამისად მათ საქართველო გაიყვეს (იმ განსხვავებით, რომ ახლა მთელი სამცხე ოსმალეთს ხედა), რაც 1723 წლამდე დარჩა ძალაში. ამდენად, თეიმურაზის იმედიც გაქარწყლდა.

როგორც ვნახეთ, ირანმა და ოსმალეთმა საქართველო ამჯერადაც შუაზე გაიყვეს. თავის სარგო ნაწილს ორივე აგრესორი პირად საკუთრებად თვლიდა, ამიტომ მის მართვა-გამგეობასაც საკუთარ საქმედ მიიჩნევდა. საკმარისი იყო საქართველოს რაიმე გადახრა ან საექვო მოქმედება, რომ როგორც ირანი, აგრეთვე ოსმალეთი მყისვე გამანადგურებელ ლაშქრობას აწყობდა. ყოველ შემთხვევაში, მის ცალკეულ მფლობელ-მმართველებს ერთიმეორეს გამუდმებით უსისინებდა და ძმათამკვლელ ომში აბამდა.

იმერეთის მეფე ალექსანდრეს თეიმურაზთან დამოყვრებამ ვერაფერი უშველა. უფრო მეტი, ძალაუფლებადაკარგულ მეფესთან კავშირმა მას როსტომხანის, შაჰის, დადიანისა და მათი მომხრეების სახით მხოლოდ მტრები გაუმრავლა. განსაკუთრებით საშიში იყო დადიანი, რომელიც იმერეთის ყურისძირში ცხოვრობდა და ქართლისა და ირანის მბრძანებლების მიერ იყო ზურგგამაგრებული.

მემეტნიანის ცნობით „...ლევან დადიანი არა დასცხრა და უქდებოდა მარადის იმერეთს შობას, ნათლისღებას, აღდგომას და ყოველთა დღესასწაულთა შინა... ამით აოწრებდა სანახებსა იმერეთისასა, ვიდრე ვერლარა წინაღულდა ალექსანდრე მეფე და მოავლო ზღუდე ქუთათისს დიდი და მოიყვანნა ყოველთა წარჩინებულთა თჳსთა ცოლშვილნი და დაადგინნა მას შინა და თჳთცა იმყოფებოდა მასვე შინა, რათა არ მიერთნენ დადიანსა ჰყო. მისთჳს“¹.

სხვადასხვა საშუალებით გაძლიერებულ-გამდიდრებული დადიანი ფუფუნებაში ცხოვრობდა: უდიდესი სასახლე აიშენა, რომელიც მდიდრულად მორთო და ოქრო-ვერცხლის კუთქლეულით გაავსო. სხვათა შორის, მან ვაჭრობა-აღებმიცემობაც გააძლიერა და, მკაცრი რეჟიმის შემოღებით, ქურდ-აჯაჯაკობაც შეამცირა.

ბუნებრივია, დადიანის ჭიდილს მეფესთან უდიდესი ზიანი და მსხვერპლი მოჰქონდა, არა მარტო ოდიშისა და იმერეთისათვის. არამედ მთელი საქართველოსათვის. ამისი ერთი მაგალითია ლევან მეორე დადიანის 1645—1646 წლების ლაშქრობა იმერეთში. ა. ლამბერტის გადმოცემით. იმერეთის მეფესთან ომისათვის დადიანი სპეციალურად მოემზადა. სხვადასხვა იარაღის შექენა-დამზადებასთან ერთად, მან ფრანგ ხელოსანს

¹ ქართლის ცხოვრება, IV, გვ. 829.

ზარბაზნებიც ჩამოასხმევინა და ყოველმხრივ მომზადების შემდეგ ალყა შემოარტყა ქუთაისის ციხეს, სადაც მეფე და მისი ამაღალი იმყოფებოდნენ. მართალია, დადიანმა ციხე ვერ აიღო, მაგრამ მან მრავალი ადამიანი გაუქლიტა და ტყვეებითა და ნადავლით გამდიდრებული დაბრუნდა¹. თანამედროვეთა გადმოცემით, ასეთ თავდასხმას დადიანი ხშირად აწყობდა და შინ ყოველთვის ტყვეებითა და დიდი ნადავლით ბრუნდებოდა. თანამომძმეთა ძარცვა-რბევით გაზვიადებული დადიანი ეკლესია-მონასტრებსაც წყალობდა და ძვირფასი ჯვარხატებითაც ამკობდა.

სხვათა შორის, ერთ-ერთ ხატში, რომელიც დადიანმა სვანეთის ფხოტრერის ეკლესიას უძღვნა საჩუქრად, აღწერილია 1645—1646 წლების ლაშქრობები იმერეთში. ხატზე კვითხულობთ: „...ჩუენ, ველმწიფემან დადიანმა პატრონმა ლევან, მოველაშქრენით მეფესა ალექსანდრესა და მის ძმას მამუკაზედა და მოვედით ქუთაის ციხის საბრძოლად, თავად მეფე, სრულ იმერელნი და სვანი ლენტეხელნი* და საფარ-ფაშის მეთოფეები ბევრი ახლდა, ციხესა და ჯებირშიდან იღვენ. ჩუენ მივედით და სოფია წმიდის საყდარი მეთოფეებით აევსო, გაემაგრებინა. უყავით ღამით იერიში და საყდარი წაყართვით. რაცა მეომარი მეთოფეები იღვა, ყველა გამოვასხით. ჯებირს გარეთ ორი დიდი ქვის პალატი იყო ძველთაგან ნაშენები და ის მეთოფეთა და მეომრის კაცით აევსო და გაემაგრებინა. სოფია წმიდის საყდართანა დიდი ზარბაზანი შივიტანეთ და იქიდალმა დაუწყეთ სროლა და ცემა იმ ქვის სახლებსა, და დაჰამტერიეთ ზარბაზნებითა, და მრავალი კაცი შიგ მდგომნი დაეხოცენით. მერე იერიში უყავით და იქით მეფემ გამოაშველა ლაშქარი, დაუშინეს ერთმანეთსა თოფითა სროლა და საკვირველი ომი შეიქნა, მრავალი კაცი დაიხოცა იქითაცა და აქითაცა. იქით მოკვდა თავადი და აზნაურიშვილი: გიორგი ლორთქიფანიძე, ელიზბარ ლოლაძე, ორი ძმა ახულედიანი... და კვირიკე, სხუა ზოგი დაიხოცა და ზოგი დაიკოდა, და წაყართვით ის ქვის პალატები... ციხეზედან... ზარბაზნები ვერ მიუტანეთ, მისატანი ალაგი არ გვქონდა. წამოვედით დაბლა რიონის... პირსა დავდეგით... სასახლის ქვის სახლებს დაუწყეთ ზარბაზნებითა სროლა და ცემა. დავამტერიეთ ის ახალი... ქვის პალატი, თუით ალექსანდრე მეფისაგან აშენებული, გაუსივეთ ლაშქარი გაღმა ქუთაისის ქალაქსა, დაეწვით და მოვაოხრეთ, მრავალი იშოვეს და წამოვედით გამარჯვებული, მოვედით ოდიშს ძიგურს და ერთი კვირეა... ოსულა... ვქვენიით ილლარი, ცხენის წყალს შემოვიღამეთ. ის ღამე ვიარეთ და გათენების დროს... სასახლესა და ქალაქს, უწინდელისაგან ოთხი და ხუთი ზომა საშოვარი ალაფი და ტყვეები ვიშოეთ, რომ ლაშქარი ძლივ დაერივა, და წამოვედით გამარჯვებული...“².

დადიანის ლაშქრობა იმერეთში ამით როდი დამთავრდა. ირანის

1 ა. ლა მ ბ ე რ ტ ი, სამეგრელოს აღწერა, ა. კუონიას თარგმანი, თბ., 1938, გვ. 92.

* ჩანს, ლენტეხი და მისი მიმდებარე სვანეთი იმერეთის სამეფოში შედიოდა.

2 ევ. თ ა ყ ა ი შ ვ ი ლ ი, არქეოლოგიური ექსპედიცია ლენტეხ-სვანეთში 1910 წელს, პარიზი, 1937, გვ. 411.

მფარველობითა და წაქეზებით გალაღებული ოდიშის მთავარი მთელ თავის ძალასა და ენერგიას იმერეთის მეფის წინააღმდეგ ბრძოლას ახმარდა. იგი თითქმის ყოველთვიურად აწიოკებდა მეზობელ სამეფო სოფლების, დაბებისა და ქალაქების მოსახლეობას. ამისი მაგალითია 1646 წ. თებერვლის ლაშქრობაც. დადიანის სახელით დაწერილ ფხოტრერის იმავე ხატის წარწერაში ვკითხულობთ: „...შევასვენეთ ლაშქარი და ცხენი და კიდევ გავილაშქრენით იმერეთზედ თვესა თებერვალსა და მკედ... ურიას აჯამეთს, დავსწვით და ავაოხრეთ, მივედით... ჩხარის ქალაქსა და... იქ დავდეგით და სოფლები და ნაშ...რულ დაწვეს და ააოხრეს სქანდა... დავსწვით ვარდის გორა და ჩიხორი ქალაქი დე ესკა... დეთ არგვეთს, რუთ...ს, ...ახლეს დავდეგით და იქიდალმა ჩუენმა ლაშქარმა სრული არგვეთი და ქალა-ტყეს რაც სასახლე და სოფლები იყო დაუწვავი და აუოხრებელი არა დაადგეს რა. აქიდალმან ავიყარენით და თერჯოლს პათთაც და გოფანთოს. მხეიძის სასახლეს დავდეგით, და იქიდალმა, სადაც ლაშქარი მოუწვევდა, დაუწვავი და აუოხრებელი არ დაადგეს რა. წამოვედით გამარჯვებული და ნაშოვრით სავსე, რომ ლაშქარი ვერ დაერივნეს, ბალახოვანზე რიონს გამოვედით და ქუთაის ციხიდალმა მეფე და სრულ იმერელი ლაშქარი შეყრილი თვალით გვიმზერდნენ, მისის თემისა და ქვეყნის ამოწყვეტას ხედავდა, იმდენი ნაშოვრის ტყვეების ჯღივილი ყურით ესმოდა. მაგრამ ციხიდალმა თავი არ გამოყვეს და ვერცარა დაგვაკლეს, ასე შევარცხენით და წამოვედით ოდიშს გამარჯვებული...“¹.

დრო გადიოდა, მაგრამ ლევან დადიანი არ ცხრებოდა, დღენიდავ იმერეთს აოხრებდა. ერთ-ერთი შეტაკების დროს დადიანის რაზმმა ტყვედ ჩაიგდო ვაჟაკობითა და სილამაზით განთქმული მამუკა ბატონიშვილი (მეფის ძმა). მიუხედავად იმერეთში ლტოლვილი თეიმურაზ მეფის ხეყნა-მუდარისა და ალექსანდრე მეფის მიერ ერთადერთი ვაჟი-შვილის — ბაგრატის მიწველად მიცემისა, გაათავებდებულმა დადიანმა მამუკა ბატონიშვილი არ გაანთავისუფლა და „წარავლინა კაცნი აღმოჯანდა თუალნი მამუკას მეფის ძესა ციხესა შინა პატიმარსა“². უმწეო მდგომარეობაში მყოფი, თვალებდათხრილი მამუკა 1659 წ. ტყვეობაში გარდაიცვალა³.

დადიანისაგან და სხვა მოწინააღმდეგეთაგან შეღონებული ალექსანდრე მესამე ხსნას რუსეთის მეფის დახმარებით ეძიებდა, მაგრამ იქ გაგზავნილმა ელჩებმა ხოსია და ლომკაცმა ჯაფარიძეებმა, გიორგი არეშიძემ და სხვებმა მას სანუგეშო პასუხი ვერ მოუტანეს.

ლევან დადიანი მეფის ჩვეულებრივი დამარცხებით როდი კმაყოფილდებოდა, იგი მის სამფლობელოს საბოლოო ამოწყვეტით ემუქრებოდა. დადიანმა არაერთი ლაშქრობა მოაწყო, დაანგრია ქუთაისი, მიწასთან გა-

¹ ექ. თაყაიშვილი, არქეოლოგიური ექსპედიცია... გვ. 411—412.

² ქართლის ცხოვრება, IV, გვ. 832.

³ სტოლნიკი ტოლოჩანოვისა და დიაკი იევლიევის ელჩობა იმერეთში 1650—1652 წწ. მ. პოლიევქტოვის გამოც., 1926, გვ. 182.

ასწორა ზოგიერთი ეკლესია-მონასტერი, მრავალი გლეხი მოსპო, დატყვევებულთაგან მრავალი ოსმალებს მიჰყიდა, დანარჩენსაც თავი წვალებით გამოასყიდინა.

პროგრესულ თანამედროვე მოაზროვნეთა შეფასებით, დადიანის მუხანათური და უღმობელი მოქმედება არა მარტო მის უშუალო შოწინა-აღმდეგეებს ალაშქოთებდა, არამედ ზოგიერთ მოკავშირესა და შინაურსაც. მაგალითად, როდესაც როსტომ მეფესა და მარიამ დედოფალს (ლ. დადიანის დას) ლ. დადიანის მიერ დატყვევებული მამუკა ბატონი-შვილის წამებით მოკვლა შეუტყვიათ, მათ გლოვა გაუმართავთ და დადიანი დაუწყევლიათ¹. ასევე, იმერეთის არაერთი დარბევის გამო მეგრულ გლეხს ლევან დადიანი ეკლესიაში დაუწყევვლია და ომში სიკვდილი უსურვებია².

გ. ჯამბურას შეფასებით, ამ ფაქტებში არ შეიძლება არ დავინახოთ იმდროინდელი საზოგადოებრივი აზრის დამოკიდებულება ლევან დადიანის მოქმედებისადმი³.

აღსანიშნავია ისიც, რომ სამეგრელოს ხსენებულ მთავარს არავითარი დადებითი წვლილი არ შეუტანია ირანელ დამპყრობთაგან აღმოსავლეთ საქართველოს დაცვაში. რასაკვირველია, ყველაფერი ეს (მიუხედავად სამთავროს გაძლიერებისა), ლევან დადიანს რეაქციონერად წარმოგვიდგენს.

ლევან დადიანის გარდაცვალების შემდეგ იმერეთის სამეფომ ერთხანს დაისვენა. ვახუშტი ბაგრატიონი წერდა: ოდიშის მთავრად დაჰდა ლიპარიტ დადიანი (ლევანის ძმა, ნაშობი ათაბაგის ქალისაგან), რომელსაც მოწინააღმდეგე ჯგუფმა ვამიყ ლიპარტიანი (გიორგი ლიპარტიანის შვილი ქილაძე დარეჯანისაგან, ე. ი. ლევან მეორის გერი) დაუბირისპირა⁴.

ოდიშის მმართველ წრეში ატეხილი არეულობით ახლა იმერეთის მეფემ ისარგებლა: „...მეფემან ალექსანდრემ შემოიკრიბა სრულიად სპანი იმერთანი და წარვიდა ოდიშს შურისგებად, ამას ვერ წინაღუდგა ლიპარიტ დადიანი, შევიდა ალექსანდრე ოდიშს, მოსწყუდნა, მოსტყუენნა, მოაოჯრნა, აღილო ციხენი, გამოილო საგანძურნი და ქონებანი ლევან დადიანისანი, შეიპყრნა წარჩინებულნი სრულიად ოდიშისანი და დაჰსნევიანა ვეცხლით ყოველთა თავნი, გამოუხუნა მათვე ძენი მძევლად და დასუა ოდიშს დადიანად ვამიყ... და თვთ დაიპყრა უნაგირას-აქეთი აღმოსავლეთის კერძი და უნაგირას-იქითი დასავლეთისა მისცა ვამიყს“⁵.

მდგომარეობა ასე ერთბაშად როდი მოგვარდა, ძალაუფლებაწართმეულმა ლიპარიტმა დახმარებისათვის ქართლის მეფესა და ახალციხის ფაშას მიმართა. მათ შეუერთდნენ ქაიხოსრო გურიელი და ქილაძე-მიქელაძეებიც.

¹ ფ. გორგიჯანიძის ისტორია, გვ. 261.

² С. А. Белокуров. Посольство Дьяка Федота Елчина и св. Павла Захарьева в Дадянскую землю (1639—1640 гг.), Москва, 1888, с. 371.

³ საქართველოს ისტორიის ნარკვევი, IV, გვ. 339.

⁴ ქართლის ცხოვრება, IV, გვ. 832.

⁵ იქვე, გვ. 834.

ლიპარიტ დადიანისა და იმერეთის მეფის ნომარეებს შორის ბრძოლა გაჩაღდა 1658 წ. ბანძაში, სადაც ორივე მხრიდან მრავალი ადამიანი დაიღუპა, მაგრამ ალექსანდრე მეფემ გაიმარჯვა. ლიპარიტ დადიანი და ქაიხოსრო გურიელი დახმარების სათხოვნელად ჯერ ახალციხეში გაიქცნენ, შემდეგ კი სტამბულში¹.

მართალია, ხონთქრის ბრძანებით და ახალციხის ფაშას ჯარის მეშვეობით ქაიხოსრომ გურიელობა დაიბრუნა, მაგრამ მოწინააღმდეგეებმა ის მალულად მოკლეს და გურიელად კვლავ დემეტრე (სვიმონისძე) დაჯდა. ამასობაში, 1660 წ. მარტში იმერეთის მეფეც გარდაიცვალა და მმართველმა წრეებმა ისევ არეულობა ატეხეს.

იმერეთის მეფე 1660 წ. ალექსანდრეს მემკვიდრე ბაგრატი გახდა, მაგრამ მას ვერც ძალა და ვერც გონება ეყო დამოუკიდებელი მეფე ყოფილიყო. ქვეყანას ფაქტობრივად მისი დედინაცვალი დარეჯანი განაგებდა².

რამდენიმე თვის შემდეგ დარეჯანმა ბაგრატს თვალები დასთხარა და მის ნაცვლად მეფედ თავისი ახალი ქმარი — ვახტანგ ბაგრატიონი (ქუჭუნიევილიად წოდებული) გამოაცხადა. მაგრამ ქვეყნის მშვიდობიანი მართვა არც მას დასცალდა. ქვემო იმერეთის თავადებმა და ვამიყ დადიანმა მეფე-დედოფალი შეიპყრეს (ქუჭუნიევილს თვალები დასთხარეს) და მეფედ ვამიყ დადიანი დაჯდა. დავა არც ამით დასრულდა, ზემო იმერეთის თავადებმა, რაჭის ერისთავმა და ლეჩხუმის ბატონმა ხოსია ლაშვილიძემ იმერეთის მეფედ ქართლის მეფე ვახტანგ მეხუთე (შაჰ ნავაზ-ხანად წოდებული) მიიპატიეს. ბოლოს ვამიყ დადიანი და ვახტანგ მეხუთე შეთანხმდნენ და იმერეთი შუაზე გაიყვეს (მდ. ბუჯისწყლის აღმოსავლეთი ქართლის მეფემ შეიერთა, დასავლეთი დადიანმა)³. სხვათა შორის. ეს ფაქტი აღწუსებულია „არჩილიანშიც“, სადაც ვკითხულობთ:

„წამოდგა მეფე ქართლისა და ვამიყ დადიანიცა,
იმერეთზედა ილაშქრეს, მთილამ ალაღდა სვანიცა,
დამოყვრდნენ, შუა გაიყვეს მთა-ბარის შუაგანიცა“⁴.

საქმე არც იმერეთის გაყოფით მოგვარდა, დემეტრე გურიელისა და ზემო იმერეთის თავადების მხარდაჭერით ქართლის მეფემ ჯერ მთელი იმერეთი დაიკავა, შემდეგ ოდიშში გაილაშქრა. ვამიყ დადიანი გააძევა (მისი ცოლ-შვილი დაატყვევა); ხოლო დადიანად შამადავლე — ლევან მესამედ წოდებული (1661—1680 წწ.) დასვა.

აღსანიშნავია, რომ ქართლის მეფემ აფხაზეთის მთავარი და გურიელიც დაიმორჩილა, ხოლო ლეჩხუმის ბატონის (თავადის) ხოსია ლაშვილიძის მეშვეობით სვანეთში გახიზნული ვამიყ დადიანიც მოაკვლევინა⁵.

1 ქრონიკები, წ. II, ტფ., 1897, გვ. 470—471.

2 ფ. გორგიჯანიძის ისტორია, გვ. 271.

3 ქართლის ცხოვრება, IV, გვ. 835.

4 არჩილიანი, აღ. ბ ა რ ა მ ი ძ ი ს ა და ნ. ბ ე რ ძ ე ნ ი შ ვ ი ლ ი ს რ ე ლ., II, გვ. 125.

5 ქართლის ცხოვრება, IV, გვ. 836; შარდენის მოგზაურობა, მ. მგალობლიშვილის გამოც., თბ., 1975, გვ. 240.

სხვათა შორის, დარეჯან დედოფალი და მისი მომხრე თავადები იმერეთში თეიმურაზ პირველის ან ერეკლე ბატონიშვილის გამეფებას მოითხოვდნენ, მაგრამ ამის წინააღმდეგ გამოდიოდნენ ჰაპუნა ერისთავი, დადიანი და სხვ., რომლებიც რუსეთის სამეფო კარზე მყოფი ელჩების განცხადებით, იმერეთის ორ-მესამედს ფლობდნენ¹.

ო. სოსელიას მართებული დასკვნით, ამიერიდან რაჭის ერისთავებიც ებრძვიან ცენტრალურ ხელისუფლებას და ხელს უწყობენ იმერეთის ვათიშულობას².

მოწინააღმდეგეთა განადგურების შემდეგ ქართლის მეფე ვახტანგმა იმერეთის ტახტზე თავისი მემკვიდრე, 14 წლის არჩილი დასვა, ხოლო უსინათლო ბაგრატი თავისთან წაიყვანა.

ისტორიული წყაროები ვახტანგს საქართველოს გამაერთიანებელ, პროგრესულ მეფედ წარმოგვიდგენს: „მეფობდა მეფე შანავაზ სამთავე სამეფოთა: ქართლსა, კახეთსა და იმერეთსა ზედა, ესრეთ განდიდნა და აღმატა მეფობა და სიმდიდრე მისი საქართველოსა შინა“³.

მაგრამ, როგორც ცნობილია, ეს გაერთიანება არამყარ და დროებითი აღმოჩნდა, რადგან საქართველოს სახელმწიფო მესვეურებმა ვერ შეძლეს ვერც ქვეყნის შინაგანი წინააღმდეგობის დაძლევა და ვერც ირან-თურქეთის აგრესიის შეჩერება.

რაკი საქართველო ირან-თურქეთს შორის იყო განაწილებული, ირანის ქვეშევრდომი — ქართლის მეფე იძულებული გახდა იმერეთიდან თავისი მემკვიდრე უკან გაეწვია. ამის შემდეგ იმერეთის მეფობა ჩაიგდო დიმიტრი გურიელმა, რომელიც ოდიშსაც იჩემებდა, მაგრამ ქართლის მეფის დახმარებით იმერეთის თავადებმა მას თავლები დასთხარეს, ხოლო მეფედ ბაგრატი აღადგინეს⁴.

ჩანს, ლევან მესამემაც დაიბრუნა დადიანობა, რომელმაც ბაგრატი მეფის წინააღმდეგ გაილაშქრა, მაგრამ დამარცხდა და ტყვედ ჩავარდა⁵. სიცოცხლისა და დადიანობის შენარჩუნების მიზნით ლევანი იძულებული გახდა ბაგრატი მეფისათვის დაეთმო სილამაზით განთქმული მეუღლე თამარი (მეფე მის დას გაეყარა), სამაგიეროდ, დადიანს თავისი და — თინათინი (გოშაძის ნაცოლარი) შეართვევეინა.

დასავლეთ საქართველოში XVII ს. 60-იანი წლებიდან შინაფეოდალური არეულობა კიდევ უფრო გაძლიერდა. ზომიერებადაკარგული

¹ ო. სოსელია, ნარკვევები ფეოდალური ხანის დასავლეთ საქართველოს სოციალურ-პოლიტიკური ისტორიიდან, 1973, გვ. 119; ნ. ასათიანი, მსალები XVII ს. საქართველოს ისტორიისათვის, თბ., 1973, გვ. 42—43; გ. პაიჭაძე, მასალები... საისტორიო მოამბე, № 23—24, გვ. 153—156.

² ო. სოსელია, დასახელებული შრომა, გვ. 119.

³ ქართლის ცხოვრება, II, გვ. 440.

⁴ ს. კაკაბაძე, საქართველოს ისტორია, ახალი საუკუნეების ეპოქა, თბ., 1922, გვ. 62.

⁵ ქართლის ცხოვრება, IV, გვ. 837.

თავადები თავიანთი კეთილდღეობისა და პირველობისათვის იბრძოდნენ: „არამედ ჟამებთა ამათ შინა განიდიდნენ მთავარნი და მიიტაცებდიან თვს — თვსთა მჭარეთა და არღარა იყო მორჩილება ეგდენი მეფეთა; იწყეს ტყვის ყიდვა სააჭმოდ ქრისტეს მოსყიდულთა მამადიანთა ზედა. კულად წდომა, შფოთი, კირთება ერთმან მეორესა ზედა და ოჯრეთა ქუეყანათა“¹.

ტახტზე დაბრუნების შემდეგ ბაგრატმა შვილი წელიწადი იმეფე, მაგრამ ამ ხნის მანძილზე საერთოდ არ შენელებულა მეფე-მთავართა და თავადთა შორის ძმათამკვლელი ომი, აგრეთვე მეზობელ ოსმალთა ამაწიოკებელი თავდასხმები. ამასთან დაკავშირებით, 1664 წ. საეკლესიო გუჯარში ნათქვამია: „წილად ხდომილი ერი შენი ესრეთ იწროებასა, ოხრებასა და მწუხარებასა შინა იყო ხუთს წელიწადს, რომ ესე ვითარი არადეს მოსულიყო ესრეთი შფოთი და ურვა“².

1666 წ. ბაგრატ მეფეს სახლთუხუცესი სეხნია ჩხეიძე განუდგა. მან ახალციხის ფაშას ქუთაისის ციხე ჩააგდებინა ხელში. თუმცა მეფის რაზმმა, მოურავ ბეჟან ლორთქიფანიძის მეთაურობით, 1667 წ. ოსმალთა მეციხოვნეები გაჟლიტა და ქუთაისის ციხე დაიბრუნა.

ამასობაში ახალციხეში გაქცეულმა დარეჯანმა ფაშა მოისყიდა და ოსმალთა ჯარით იმერეთში გამოსწია. მას შეეგებნენ დაბრმავებული მეუღლე ჭუჭუნეიშვილი, დადიან-გურიელი და სეხნია ჩხეიძე, რომელთაც თავისი რაზმებითა და მამადიანი ჯარით იმერეთი დაარბიეს, გაძარცვეს და მოსტყვევენეს, ხოლო დარეჯანსა და მის მეუღლეს საძეფო ტახტი დაუბრუნეს³.

როგორც ჩანს, შედარებით მშვიდი ვითარების წყალობით (რასაც გეოგრაფიულმა მდებარეობამ შეუწყო ხელი) რაჭა და ლეჩხუმი გაძლიერდნენ. XVII საუკუნის 60-იანი წლებიდან დაწყებული ამ მხარეთა თავადები მნიშვნელოვან როლს ასრულებდნენ იმერეთის პოლიტიკურ ცხოვრებაში, კერძოდ, ცენტრალურ ხელისუფალთა ცვლაში და, ამდენად, შინაფეოდალურ არეულობაშიც.

ვახუშტი ბაგრატიონის ცნობით, დარეჯანისა და ვახტანგის ერთ-ერთი დასაყრდენი და დაახლოებული პირი იყო ლეჩხუმის თავადი ხოსია ლაშხიშვილი, რომელიც მოწინააღმდეგე დაჯგუფებამ მოისყიდა და მეფე-დედოფალს დაუპირისპირა. მან 1668 წ. დარეჯან დედოფალი მოკლა. მალე ასეთივე ბედი ეწია ვახტანგ ჭუჭუნეიშვილსაც⁴.

იმერეთის ფეოდალთა ჯგუფმა მეფედ დემეტრე გურიელი დასვა, მაგრამ მოკლე ხანში ისიც შეთქმულების მსხვერპლი გახდა: „შემდგომ მცირედისა ჟამისა შეიპყრეს დემეტრე გურიელი იმერთა, აღმოწადნეს თუალნი და განაძეს“⁵.

¹ ქართლის ცხოვრება, IV, გვ. 838.

² ქრონიკები, II, გვ. 481.

³ ქართლის ცხოვრება, IV, 839—840.

⁴ იქვე, გვ. 839; შარდენის მოგზაურობა, გვ. 246.

⁵ ქართლის ცხოვრება, IV, გვ. 839.

1669 წ. უსინათლო ბაგრატი მეფობა კვლავ დაიბრუნა, მაგრამ მას ისევ სეხნია ჩხეიძის ჯგუფი დაუპირისპირდა. ამ მედროვე თავადმა იმერეთს, ერთი მხრივ, ოსმალები შეუსია, მეორე მხრივ, თავისი და დადიანის ლაშქარი. „ხოლო ბაგრატი მეფემან შემოიკრიბა რაჭა-ლეჩხუმი და ოკრიბელნი. შეიბნენ ჩხარს, იქმნა ბრძოლა და მოსწყდნენ ორგნითვე, იძლია სეხნია ჩხეიძე, მოკლეს იგი და მოსწყდეს სპანი მისთანანი“¹.

ჩხარის ბრძოლაში დამარცხებული დადიანი მეფეს მოსვენებას არ აძლევდა. მას იმერეთის უკმაყოფილო თავადებიც მიადგნენ. ბაგრატი მეფე იძულებული გახდა რაჭაში გაქცეულიყო, ხოლო დადიანმა და მისმა მომხრეებმა გეგუთი და მისი ახლომახლო სოფლები და დაბეები დაარბიეს. „მაშინ ბაგრატი მეფემან შემოიკრიბა რაჭა-ლეჩხუმი და რაოდენიმე იმერნი მის თანა, ჩამოვიდა, ეწყო გეგუთს დადიანსა; ბრძოლას იძლია დადიანი. მოსრნეს სპანი მისნი და ლტოლვილი დადიანი შეიპყრეს კუალად და მის თანა მრავალნი სსუანი, მოართუეს ბაგრატი მეფესა და დაიპყრა იმერეთი“².

როგორც ჩანს, დატყვევებულმა ლევან მესამემ თავისი საქციელი მოინანია, მეფის წინაშე ერთგულებაზე დაიფიცა და თავისუფლება მოიპოვა.

ცოტა ხნის შემდეგ მეფეს გიორგი გურიელი დაუპირისპირდა. ამის მიზეზად ვახუშტი თამარ დედოფლის ტრფიალს მიიჩნევს. ამასთან, გურიელს იმერეთის მეფობის ჩაგდებაც სურდა. ვახუშტი ბაგრატიონი გურიელს რჩეულ და მხნე მშვილდოსან-მოასპარეზე ვაჟაკად ახასიათებს, მაგრამ, მეორე მხრივ, როგორც უღვთო, უმოწყალო და ტყვის მყიდველს³. გიორგი გურიელმა ბაგრატი მეფე ხონთქართან ორგულობაზე დაასმინა. თან დიდი ქრთამის ფასად ახალციხის ფაშა მოისყიდა და ოსმალთა ჯარით იმერეთში გასწია. მეფემ თავისი მეუღლე რაჭაში (კუარას ციხეში) გახიზნა, ხოლო თვითონ ლაშქარი შეკრიბა და 1672 წ. ქუთაისში შესულ მტერს შეება. მეფეს ძალა არ ეყო და მტერმა დაატყვევა.

ახალციხის ფაშა მარტო გურიელისაგან მიღებულ ქონებას, აგრეთვე იმერეთში ჩაგდებულ ტყვეებს არ დასჯერდა და, გურიელთან ერთად, ოდიშსაც შეესია. „მძიმე სანახავი იყო, — აღნიშნავს შარდენი, — თუ როგორ გარბოდა ეს უბედური ხალხი. დედაკაცებს მიჰყავდათ ბავშვები და მიჰქონდათ ფუთები, მამაკაცებს კი ბარგი. ერთნი საქონელს მიერეკებოდნენ, მეორენი საოჯახო ნივთებით სავსე ურიკას მიაგორებდნენ. გზაზე გვხვდებოდნენ ძალაგამოლეული ცოცხალმკვდარი ადამიანები. გვხვდებოდნენ მოხუცები, პატარა ბავშვები, რომლებსაც სიარული არ შეეძლოთ და საშინელი კვნესა-ტირილით ითხოვდნენ შველას. ეს იყო სასოწარკვეთილების, მწუხარებისა და ვარაშის მოთქმა“⁴. ამის მხილველი ჟან შარ-

¹ ქართლის ცხოვრება, IV, გვ. 839—840.

² იქვე, გვ. 840.

³ იქვე.

⁴ შარდენის მოგზაურობა, გვ. 206.

დენი (რომელიც დადიანთან იმყოფებოდა) დეტალურად აღწერს იმ სა-
შინელ სურათს, რაც მტერმა სამეგრელოში ჩაიდინა. გარდა იმისა, რომ
ისინი მოწინააღმდეგეს ფიზიკურად სპობდნენ, მათ ოთხბავშვიანი ოჯახი-
დან ერთი ხარკად მიჰყავდათ: „ეს იყო მეტად გულსაკლავი სანახაობა,
როგორ გლეჯდნენ დედას მკლავებიდან საბრალო ბავშვებს, კრავდნენ მათ
ორ-ორად და მიჰყავდათ თურქებთან“¹. ამასთან, შარდენი წერს: „თურ-
ქები და ვურის მთავარი, თავიანთი ჯარებით, სამეგრელოს დასალაშქრად
მოეშურებოდნენ, თითოეულ მათგანს იარაღი აედო ხელში და იწყებდა
ბრძოლას; ისინი ძარცვავდნენ თავიანთი მეზობლების სახლებს და ყველ-
გან, სადაც კი წააწყდებოდნენ, იტაცებდნენ ადამიანებს და პირუტყვს“².

სამეგრელოში შეჭრილმა ოსმალებმა რუხის ციხე-სიმაგრეში შეხიზ-
ნულ დადიანს რამდენიმეჯერ მისცეს წინადადება დანებებულებად. მაგრამ
სასტიკი უარი მიიღეს, რადგან „დადიანის ციხე-სიმაგრე კარგად იყო და-
ცული სვანების მიერ, რომლებიც მისმა ვეზირმა* გამოუგზავნა და რომ-
ლებიც დადიანზე უფრო თვლიდნენ თავს ციხის ბატონ-პატრონად“³.

მართალია, ოსმალებმა დადიანი ვერ დაატყვევეს. მაგრამ, სამაგიე-
როდ, ოდიში დაარბიეს და ორი ათასი ტყვიითა და ღიდი ნადავლით დაბ-
რუნდნენ უკან.

ამის მომსწრე შარდენი მარტო აღნიშნული ლაშქრობის აღწერით
როდი კმაყოფილდება, მისი თხზულება პირველხარისხოვან წყაროს წარ-
მოადგენს ეპოქის საერთო დახასიათებისათვის. შარდენის აზრით, ქარ-
თველთა ყოველი უბედურების მიზეზი იყო ერთიანი სახელმწიფოს დაშ-
ლა, მათი განცალკევება სხვადასხვა ნაწილად და ურთიერთდაპირისპირე-
ბა. მისიონერის რწმუნებით, ის ქართველები, რომლებიც თურქებს ემხ-
რობოდნენ, თავდაპირველად სარგებელს ღებდნენ, მაგრამ შემდეგ მათი
მოხარკე ზღებოდნენ. ასეთი ბედი ეწია გურიას, იმერეთს და სამეგრე-
ლოს.

შარდენის ცნობით, ოსმალებისადმი იმერეთის მეფის გადასახადი შე-
ადგენდა ოთხმოც გოგონას და ყმაწვილს, გურიის — ორმოცდაექვსს, სა-
მეგრელოს მთავრის — სამოცდაათი ათას არშინ სელის ტილოს⁴. მისივე
გადმოცემით, თურქებს მოსაზღვრე საქართველოდან ყოველწლიურად
შვიდი-რვა ათასი ტყვე გაჰყავდათ⁵. შარდენმა სამეგრელოს მახლობელ
ნავსადგურში თვითონ ნახა საქართველოდან წაყვანილი „უამრავი ტყვე
ყველა ასაკისა და ორივე სქესისა, ერთნი ბოკილგაყრილნი, მეორენი

¹ შარდენის მოგზაურობა, გვ. 231.

² იქვე, გვ. 250.

* იგულისხმება კაცია ჩიქვანი; რომელიც ლეჩხუმში გაიქცა. სხვათაშორის, ჟან
შარდენი ლეჩხუმს სვანებით დასახლებულ სამთავროდ მიიჩნევს (იხ. შარდენის მოგზა-
ურობა, გვ. 248). ჩანს, ლ. დადიანს უშუალოდ ლეჩხუმის რაზმი იცავდა.

³ შარდენის მოგზაურობა, გვ. 250.

⁴ იქვე, გვ. 204.

⁵ იქვე.

ერთმანეთზე ორ-ორად გადაჯაჭვულნი, ავაზაკი და კაცისმკვლელი სახის მქონე საბაჟოს ზედამხედველები საშინელ შიშს მგვრიდნენ¹.

ოსმალთა ლაშქრობის სურათს აგვიწერს პატრი ძამპი: „სამეგრელო სამეგრელო აღარ არის, რადგან ომების გამო უკანასკნელ სიგლახაკეშია ჩავარდნილი, დაქცეული და აოხრებული. აღარავის ჰყავს საქონელი და ყველას სარჩო აკლია“².

კიდევ უარეს დღეში იყო გურია და იმერეთი, რომელთა მოსახლეობა მტრის თავდასხმის დროს მშვიერ-მწყურვალი და ტიტველი დაეხეტებოდნენ ტყე-ღრეებში, მთებსა თუ კლდეებში.

იმერეთისა და სამეგრელოს აწიოკების შემდეგ ოსმალთა ფაშას დატყვევებული ბაგრატ მეფე შეევედრა, რათა გაენთავისუფლებინა და მეფობა შეენარჩუნებინა, სამაგიეროდ, დიდ ქრთამსა და ვაჟიშვილს — ალექსანდრეს (რომელიც ლეჩხუმელი ქალისაგან ჰყავდა უკანონოდ) მძევლად მიცემას დაჰპირდა. როგორც ჩანს, ანგარებას მიჩვეულმა ოსმალთა ფაშამ არც ამაზე თქვა უარი. გურიელი, რომელმაც ოსმალებს იმერეთი და სამეგრელო დაარბევინა, საწადელს ვერ ეღირსა და გურიაში ხელცარიელი დაბრუნდა.

საქმე არც ამით დამთავრდა, 1672 წლის ზამთარში ბაგრატ მეფემ შური იძია, მან ურჩი გურიელის სამფლობელო დაარბია და უკან დაბრუნდა.

ბაგრატ მეფე არა მარტო ზვიადი ქართველი ფეოდალების მოთოკვადამორჩილებას ცდილობდა, არამედ ოსმალ დამპყრობთა მოგერიებასაც. მან 1674 წ. შეძლო ოსმალთა გარნიზონის დროებითი განდევნა ქუთაისიდან.

ჩანს, ბაგრატი ანგარიშს უწყევდა შექმნილ ვითარებას და ერიდებოდა შინაურ შფოთს, ქვეყნის აშლას, ამიტომ გურიელის დაოკებას და გულის მოგებას მშვიდობიანად ცდილობდა. მან 1674 წ. გურიელს თავისი ასული დარეჯანი შერთო ცოლად. რათა ასე დაეშოშმინებინა ტანტისა და მეუღლის მოცილე, მაგრამ თავისი ფიზიკური მდგომარეობა და ქვეყნის შიგნით აშლილი თავადები ამის შესაძლებლობას არ აძლევდა. მალე ოსმალებმა ქუთაისის ციხე დაიბრუნეს, სამაგიეროდ მეფეს მძევლად წაყვანილი ალექსანდრეს დაბრუნება აღუთქვეს.

XVII ს. 70-იან წლებში იმერეთში ანარქია კიდევ უფრო გაძლიერდა, თურქ-ოსმალთა შემოსევები და მეფე-მთავართა შეჯახებები ყოველდღიურ მოვლენად იქცა, განშირდა მეფეთა ცეცხლი. იშვიათი იყო, როდესაც სახელმწიფო მოღვაწე ბუნებრივად კვდებოდა.

საქართველოს უბედურების თავი და თავი შინა ფეოდალური არეულობა და ომები იყო. ისტორიკოს გორგიჯანიძის დასკვნით, მრავლად გაყოფილ, ერთმანეთის მოქიშპე და მაწყინარ პატარა საქართველოს „იქით ურუმნი არბევდნენ და აქეთ ყიზილბაშნი და ამისთანას ორს დიდ ხელმ-

¹ შარდენის მოგზაურობა, გვ. 207.

² მ. თამარაშვილი, კათოლიკობა ქართველთა შორის, თბ., 1902, გვ. 204.

წიფეს უკაში ბევრს ეცადნენ. აქეთ იქნიეს ხმალი და იქით და მრავალი ნაენებიც ქნეს. მაგრამ არა იქნა და ვერც რას თავს გაუვიდნის¹.

ნ. ბერძენიშვილის დაკვირვებით, XVII ს. 60-იანი წლებიდან 40 წლის მანძილზე დასავლეთ საქართველოში ოცჯერ შეიკვალა მეფე (ამ ხნის მანძილზე მხოლოდ ერთი მეფე გარდაიცვალა ბუნებრივი სიკვდილით). თავადებმა მიიტაცეს და დაისაკუთრეს სამეფო ყმა-მამული. ერისთავ-მოურავებმა ხელშეწყობა დაიჩემეს. მთავრები აუქმებდნენ საეპისკოპოსოებს, საწინამძღვროებს და იტაცებდნენ საეკლესიო მამულებს. საერო ფეოდალებმა დაისაკუთრეს საკათალიკოსო სოფლები².

ფეოდალთა თვითნებობასა და გამცემლობას, პირადი კარიერისა და კეთილდღეობისათვის ბრძოლას, შინაფეოდალურ ანარქიას უდიდესი და გამოუსწორებელი ვნება მოჰქონდა ქვეყნისათვის. ასეთ ვითარებაში ოსმალებმა მტკიცედ მოიკიდეს ფეხი დასავლეთ საქართველოში. და ყველაფერის ბატონ-პატრონი გახდნენ. ნ. ბერძენიშვილის დახასიათებით. ხონთქარი და მისი ვასალი ახალციხის ფაშა, მთელი ლიხთიქეთის პოლიტიკური ცხოვრების მომწესრიგებელი იყვნენ; იმერეთის მეფის, გურიის, ოდიშისა და აფხაზეთის მთავრების, კათალიკოსებისა თუ სხვა ხელშესახებ თანამდებობათა საქმე მათ ეკითხებოდა, მათი უშუალო ბრძანებითა და ნებართვით წყდებოდა მეფე-მთავართა დასმა და გადაყენება. ფაშა, რომლის ზურგში ხონთქარი იდგა, ქართველთა შორის განზრახ ართულებდა და აღვივებდა ძმათამკვლელ ომს. საქართველოს დასუსტება, მისი საქმეების არეუ-დარევა და დახლართვა ოსმალების მიზანი იყო³.

თუ ოსმალთა პოლიტიკას დასავლეთ საქართველოს მოსახლეობის გადაგვარება და გაქრობა არ მოჰყვა, ამაში მტრის დასუსტებას უფრო უნდა ვუმალოდეთ, ვიდრე ურთიერთმოქიშპე ქართველი ფეოდალური საზოგადოების თავდაცვისათვის ბრძოლას⁴.

შინაფეოდალურ-ძმათამკვლელმა ომებმა იმერეთის სამეფო ვაჩანაგების პირას მიიყვანა: „შემცირდა მოსახლეობა, დაეცა საქალაქო ცხოვრება, მოიშალა სოფლის მეურნეობა, შეირყა ქრისტიანული სარწმუნოება და სხვ. ყველაზე დიდი ეროვნული უბედურება მაინც იმერეთში, როგორც მთელ დასავლეთ საქართველოში, ტყვეთა გაყიდვა იყო. ამ მოვლენამ კატასტროფული ხასიათი სწორედ XVII საუკუნის ბოლო ხანებში მიიღო“⁵. საქართველოს ასე დაქვეითება-განადგურების მიზეზად გ. ჯამბურია ფეოდალური არისტოკრატის ზნეობრივ და მორალურ გადაგვარებას მიიჩნევს. სამეფო ტახტისა და პირველობისათვის მებრძოლი თავადები ხალხის ინტერესებისათვის როდი სწირავდნენ თავს. გ. ჯამბურიას დახასიათებით: „მათ უფრო ეხერხებოდათ ქალებისა და ბავშვების უცხოეთში გაყიდვა, ვიდრე სამშობლოსათვის თავის დადება“⁶.

¹ თარსადან გორგიჯანიძის ისტორია. გვ. 7.

² ნ. ბერძენიშვილი, საქართველოს ისტორიის საკითხები, წ. IV, თბ., 1973, გვ. 275.

³ იქვე.

⁴ საქართველოს ისტორიის ნარკვევები, IV, გვ. 353.

⁵ იქვე.

როგორც აღვნიშნეთ, ძნელბედობის დროს დასავლეთ საქართველოში რაკა-ლეჩხუმის თავადები დაწინაურდნენ, მათ შორის ჩიქვანები. ამ გვარის ერთი წარმომადგენელი ევდომოსი, რომელიც ოდიშის მღვდელმთავარი იყო, 1661 წელს, დადიანის წინააღმდეგ ლაშქრობის დროს, ვახტანგ მეხუთემ დაატყვევა და შულავერის ციხეში გამოკეტა¹. მაგრამ ევდომოსი ჩიქვანმა ტყვეობიდან გაქცევა და ჰყონდილობის დაბრუნება მოახერხა. მალე ევდომოსი ლევან მესამის დასაყრდენ პირველ კაცად იქცა: „ამან მოიყვანა ძმა თვისი კაცია და აზრახა ლევანს მიცემად სალიპარტიანოსი, რამეთუ ამისაგან დაიპყრას ლეჩხუმიცა ლევან დადიანმან“².

ჰყონდიდელის დახმარებით კაციამ არა მარტო ოდიშში, არამედ იმერეთის სამეფოშიც დიდი გავლენა მოიპოვა. ჩანს, კაციამ ისარგებლა იმერეთ-ოდიშის მესვეურთა ქიშპობით და ბაგრატი მეოთხის ვეზირი გახდა.

მართალია, ლეჩხუმელი ჩიქოვანები თავდაპირველად ლარიბი აზნაურები იყვნენ, მაგრამ ისინი თანდათანობით მდიდრდებოდნენ და დიდ ძალაუფლებას იხვეჭდნენ: „ესე კაცია იყო გორდელი მდაბალი აზნაური, რომლისა მამა სუანეთს* ტვრთითა თვისითა ზიდვიდა თაფლსა და გამოიზრდებოდა. და ესე კაცია ძმის ჰყონდიდელის გამო განდიდნა და იქმნა პატივცემულ მეფეთაგან და ამის გამო უსმენდნენ ლეჩხუმელნიცა“³.

პოლიტიკურ ასპარეზზე დაწინაურებულ კაცია ჩიქოვანს ლევან დადიანმა სალიპარტიანო უბოძა „და თვისად მისანდობელ-ჰყო ფრიად, რამეთუ იყო კაცი მცნე და შემძლებელი საქმეთა, არამედ უღმრთო და მესისხლე: აზრახებდა დადიანს და მოსვრიდიან წარჩინებულთა ოდიშისათა“⁴.

მართალია, უწინ ლეჩხუმს თავადი ლაშხიშვილი და სხვები განაგებდნენ. მაგრამ ახლა ჩიქოვანებმა მოიპოვეს პირველობა. ამიტომ, ბუნებრივია, მეფე თუ ოდიშის მთავარი მათი ერთგულების მოპოვებას ესწრაფოდა.

ოდიშის სამთავროში განსაკუთრებით დიდი ძალა და გავლენა მოიპოვა კაციას მემკვიდრე გიორგი ჩიქვანმა, რომელმაც სალიპარტიანო მამულიც მიიღო მემკვიდრეობით და დადიანის მეურვეობაც. იგი ფაქტობრივად ოდიშის მმართველი გახდა, ამასთან, გიორგიმ ლეჩხუმისა და საინასარიძის ერთპიროვნული დაპატრონებაც მოიწადინა.

გიორგი მამამისზე უფრო ცბიერი და დაუნდობელი აღმოჩნდა. იგი გულმოდგინედ და ენერგიულად შეუდგა მოწინააღმდეგის ძირფესვიან მოსპობას და მთელ ოდიშში გაბატონებას.

მშვიდობამ არც იმერეთის სამეფოში და არც გურიის დაიხადგურა. თვითნება თავადები არ ცხრებოდნენ და პირველობის მოპოვებას ცდილობდნენ.

1 ქართლის ცხოვრება, IV, გვ. 836.

2 იქვე, გვ. 842.

* ლეჩხომი სუანეთის ოდინდელი ნაწილია (ან გაიმეგრელებული). ხოლო ჩიქვანი (ჩიქოანი-ჩიქვანი-ჩიქოვანი) სუანური წარმომავლობისაა, რომელმაც საფუძველი დაუდო ოდიშის დადიანთა (მთავართა) მეორე დინასტიას.

3 ქართლის ცხოვრება, IV, გვ. 842.

4 იქვე.

ამასობაში კახეთის ტახტის მადიებელმა არჩილ ვახტანგისძემ ირანი მოიარა. გამაჰმადიანებისა და შაჰის ნდობის მოპოვების შემდეგ ის შაჰ ნაზარ-ხანად მოინათლა 1664 წ. და კახეთს მეფედ მოეწვინა. მაგრამ აქ მას რუსეთიდან დაბრუნებული ერეკლე ბატონიშვილის (თეიმურაზ პირველის შვილიშვილის) სახით ტახტის პრეტენდენტი დახვდა. რაკ ერეკლე ბატონიშვილი ირანში არ გამოცხადდა, შაჰმა მას მხარი არ დაუჭირა, ამიტომ, მიუხედავად თუშების თანადგომისა, ის ამაოდ ებრძოდა მამაშვილს — არჩილსა და ვახტანგს. რადგან ერეკლემ კახეთის მეფობა ვერ ჩაიგდო, მან ისევ რუსეთს მიაშურა.

ირანის შაჰ სულეიმანს ქართლის მეფის პოლიტიკა თვალში არ მოსდიოდა, მითუფრო, რომ ის ფაქტობრივად თავისი შვილის წილხაომოდ კახეთსაც განაგებდა და ამით მთელ აღმოსავლეთ საქართველოს ერთიანობასა და გაძლიერებას ესწრაფოდა. ჩანს, ეს შაჰს აშინებდა. ამიტომ ვახტანგის მეტოქე ერეკლეს მოშინაურება და მისთვის კახეთის მეფობის მიცემა გადაწყვიტა. როდესაც ეს არჩილმა შეიტყო, კახეთს თავი მიანება და 1675 წ. ახალციხის ფაშას ეახლა იმერეთის მეფედ გამწესების სათხოვნელად. გარდა იმისა, რომ იმერეთის მეფედ ბაგრათი იქდა, ამ ადგილზე არჩილის ძმა ლუარსაბიცი (რაჰის ერისთავის სიმე) იბრძოდა.

მიუხედავად ყოველივესი, არჩილმა შეძლო ახალციხის ფაშას მოხუციდვა და იმერეთის ზოგიერთი თავადისა და დადიანის დახმარებით, 1678 წ. სექტემბერში იმერეთის ტახტის დაკავება.

უსინათლო ბაგრათი თავისი სიძის — გიორგი გურიელის სამფლობელოში გაიქცა, მაგრამ არჩილმა ხელთ იგდო სკანდის ციხეში დატოვებული თამარ დედოფალი, რომელიც თავის პირველ ქმარს — დადიანს დაუბრუნდა, ამასთან, დადიანის ვაჟიშვილს თავისი ქალიშვილი მიათხოვა და ამით ერთგული მოკავშირე გაიჩინა.

ბაგრატ მეფემ და გიორგი გურიელმაც მოახერხეს ხონთქრის მოხუციდვა, რომლის ბრძანებით არზრუმის ფაშამ დიდი ჯარი წამოიყვანა იმერეთში, სადაც ორპირი თავადები ახლა ბაგრატისა და ოსმალების მხარეზე აღმოჩნდნენ და არჩილი რაჭაში გააძევეს.

ხრეთის ბრძოლაში მედგარი წინააღმდეგობის მიუხედავად არჩილის ლაშქარი დამარცხდა. არზრუმის ფაშის, ბაგრატისა და გურიელის გაერთიანებულმა ჯარმა რაჭა ააწიოკა და დაარბია, მოკავშირეებმა მრავალი ადამიანი დახოცეს და მრავალიც ტყვედ წაიყვანეს¹.

თავისი ქვეყნის ასეთი დარბევით ბაგრატმა 1676 წელს იმერეთის მეფობის დაბრუნება შეძლო. მეფემ შური იძია დადიანზეც, რომელსაც მამულიც დაულაშქრა და თამარიც წაართვა². მართალია, ლევან მესამემ დადიანობა დაიბრუნა, მაგრამ იძულებული გახდა (დახმარების სანაცვ-

¹ ფარსადან გორგიჯანიძის ისტორია, გვ. 68; ქართლის ცხოვრება, IV, გვ. 843.

² ქართლის ცხოვრება, IV, გვ. 844.

ლოდ) გურიელისათვის თავისი ერთადერთი ვაჟიშვილი მანუჩარი მძევლად მიეცა.

ამასობაში ძველ დადიანთა უკანასკნელი მესვეური ლევან მესამეც გარდაიცვალა (1680 წ.). ოდიშის ხელში ჩაგდების მიზნით მანუჩარ დადიანიც გურიელმა მოკლა, მაგრამ მიუხედავად ცბიერი ხრიკებისა, ეს უკანასკნელი დადიანობას მაინც ვერ ეღიროს¹.

1681 წელს გარდაიცვალა იმერეთის მეფე ბაგრატ მეოთხეც, რომლის მემკვიდრე ალექსანდრე ქართლის მეფე გიორგის ჰყავდა ტყვედ. ამით ისარგებლა გიორგი გურიელმა და იმერეთის ტახტი დაიჭირა. მალე ის დარეჯანს გაეყარა და სიღერდი თამარი შეირთო. რასაკვირველია, ყოველმხრივ უზნეო გურიელის მეფობაც ხანმოკლე აღმოჩნდა, მის ადგილზე ხონთქარის ბრძანებით, ახალციხის ფაშამ, ალექსანდრე ბაგრატის ძე დასვა.

გურიელი და თამარი ბევრს ეცადნენ ოდიშ-იმერეთის თავდაზნაურობის გადამბრუნებას და ალექსანდრე მეოთხის გადაყენებას, მაგრამ ვერაფერს გახდნენ. ამასობაში თამარიც გარდაიცვალა (1683 წ.), ხოლო გურიელმა კაცია ჩიქოვანის ქვრივი (გიორგი ლიპარტიანის დედინაცვალი, რომელიც შოშიტა ერისთავის დისწული იყო) შეირთო, რითაც ოდიშის მთავრის ადგილისა და იმერეთის მეფის ტახტის დაუფლებაც მოუხდა².

როგორც აღვნიშნეთ, ლევან მესამის დროს (მითუფრო შემდეგ) ოდიშის თავი და გამგებელი იყო კაცია ჩიქოვანი, რომელმაც თავისი ძმის ჰყონდიდელის თანადგომითა და რჩევით მუსარი გაავლო მეტოქე მეგრულ თავადაზნაურობებს. ამასთან, ოდიშის თავადაზნაურობა და გლეხობა მძიმე დღეში იყო მეზობელ აფხაზებისაგანაც: „...რამეთუ მოვიდოდოიან ნავებითა და ვმელითა და სტყუენიდიან, დაიპყრეს ვიდრე ეგრისის მდინარემდე, და დაეშენებოდნენ თვთ აფხაზნი და არღარა იყო დრანდას და მოქუს ეპისკოპოსნი“³.

ამას დაემატა კაცია ჩიქოვანის მემკვიდრე გიორგის პიროვნული მზაკვრობაც. მემართიანის ცნობით, ის თავის მამაზე უარესი და დაუნდობელი იყო: „...სრვიდა უწყალოდ და ჰყიდდა ტყუედ ოდიშართა, რამეთუ ემცნო მამასა თუსსა არა დატევება ჩექმიანისათა კოხუნჯანთა დაიპყრობს“⁴. ამ მრისხანე შინაფეოდალურმა შულღმა და მოძმე მეზობელთა გამუდმებულმა ლაშქრობებმა ოდიშის თავდაცვისუნარიანობა მოშალა. ასეთ ვითარებაში კიდევ უფრო გააქტიურდნენ აფხაზთა მმართველი წრეები, რომლებიც გზადაგზა ოდიშის მოსახლეობას ანადგურებდნენ და მის მიწა-წყალს ეუფლებოდნენ. ბოლოს და ბოლოს აფხაზეთის აღმოსავლეთის საზღვარმა მდინარე კოდორიდან მდინარე ენგურამდე გადაინაცვლა: „სორებს შარვაშიძემ და მისმა სახლიკაცმა ყვაპუმ, მათი მომხრე აფხაზი ფეო-

1 ქართლის ცხოვრება, IV, გვ. 844.

2 აქვე.

3 აქვე, გვ. 845.

4 აქვე, გვ. 845—846.

დალები დახმარებით, რამდენჯერმე სცადეს ენგურის აღმოსავლეთით გადასვლა. მაგრამ ყოველთვის უკუგდებულ იქნენ. სამაგიეროდ. მტკიცედ დამკვიდრდნენ ოდიშის ჩრდილო ნაწილში ენგურის მარჯვენა მხარეს. ასე შეიქმნა XVII ს. ბოლოს მდ. ენგური აფხაზეთისა და ოდიშის სამთავროს საზღვრად¹.

აღსანიშნავია, რომ, თავის მხრივ, ოდიშის ძლიერი მთავრები არანაკლებ ინტენსივობით ებრძოდნენ აფხაზებს და აწიოკებდნენ მათ.

მიუხედავად იმისა, რომ გიორგი ჩიქოვან-ლიპარტიანმა (ლიპარტიანმა) მოწინააღმდეგე თავადებს მუსრი გაავლო, მან დადიანობა (მთავრად დაჯდომა) მაინც ვერ გაბედა, სამაგიეროდ დადიანად დასვა ლევან მესამის უკანონო შვილი (ნაშობი მკველისაგან), რომელსაც მამის პატივსაცემად ლევანი (ლევან მეოთხე, 1683—1691 წწ.) ეწოდა. ამ აქტით გიორგი ლიპარტიანმა, ერთი მხრივ, მომხრეები გაიჩინა, მეორე მხრივ, მოწინააღმდეგეთა პრეტენზიები აღკვეთა (მთავრები გამხდარიყვნენ), მესამე მხრივ, გურიელის შანსები შეკვეცა დადიანად დამჯდარიყო.

იმერეთის მართვა-გამგეობა და საშინაო მდგომარეობა ალექსანდრეს მეფობის დროსაც დაძაბული იყო. მის მმართველ წრეთა ძალები ახლებურად დაჯგუფდა. ახლა ასპარეზზე გამოვიდა პაატა აბაშიძე, რომელსაც მარგველები უჭერდნენ მხარს და მთელი იმერეთი ემხრობოდა. მეფემ თავისი მოღვაწეობა სწორედ ამ თავადის გულის მოგებით დაიწყო. მეფემ მას თავისი და დარეჯანი (გიორგი გურიელის ნაცოლარი) გააყოლა ცოლად და ამით მიქელაძეთა გავლენიანი გვარიც დაიახლოვა.

ბუნებრივია, ალექსანდრესაც არაერთი მოწინააღმდეგე ჰყავდა. მათ შორის გიორგი გურიელი, რომელსაც მთელი დასავლეთ საქართველოს ჩაგდება უნდოდა. მეფის მეტოქე-მოწინააღმდეგეთა შორის იყვნენ გიორგი ლიპარტიანი, შოშიტა ერისთავი, ბეჟან ლორთქიფანიძე და სხვ. მართალია, თითოეულ მათგანს საკუთარი მიზანი ჰქონდა, მაგრამ ისინი მეფის წინააღმდეგ ერთად შეიკვრნენ.

გურიელმა „შემოიკრიბა გურია, მოვიდა საჩინოს, მიღრთნენ ჩიჯაუძენი, მერმე ლიპარტიანი ოდიშართა, რაჰის ერისთავი რაჰველით, ლორთქიფანიძენი და ლეჩხუმელნი². ხოლო ალექსანდრეს დაშთა აბაშიძენი და ზემოურნი და მიქელაძე გიორგი და მარგუელნი“³.

მოწინააღმდეგეთა შორის ბრძოლა გაიმართა 1684 წელს როკითში, სადაც „დაიკოდნენ და მოისრნენ ორგანითვე უმრავლესნი. შემდგომად მოკლეს გიორგი გურიელი (იტყვან ვითარმედ უცნაურითა კუეთებითა მკუდა) და ივლტოდნენ სპანი მისნი. მოკლეს კულად რაჰის ერისთავი შოშიტა, სხუათა მოსრვიდნენ და შეიპყრობდნენ უამრავთა“³. ალექსანდ-

¹ გ. ჯამბურია, საქართველოს პოლიტიკური ვითარება XVII ს. 30—90-იან წლებში, საქართველოს ისტორიის ნარკვევები, IV, გვ. 354.

² ამ დროიდან იწყება ლეჩხუმის მერყეობა — ვის მხარეზე ყოფილიყო, მეფის, თუ დადიანის. ცხადია, ეს ლეჩხუმელ ჩიქოვანთა გადადიანებას უკავშირდება.

³ ქართლის ცხოვრება, IV, გვ. 847.

³ იქვე.

რეს მხარეზე თავადთაგან დაიღუპა ლ. აბაშიძე, ხოლო პაატა სასიკვდილოდ დაიჭრა.

გამარჯვებულმა მეფემ და მისმა მომხრეებმა ტყვედ ჩაგდებული მოწინააღმდეგეები ვერცხლში გაყიდეს.

იმერეთისა და ქართლის მეფეებს თავდაპირველად მეგობრული დამოკიდებულება ჰქონდათ, ისინი ერთიმეორის დამოყვრებასაც აპირებდნენ, მაგრამ რაჭის ერისთავმა პაპუნამ ეს საქმე ჩაშალა და ქართლის მეფე გიორგი ალექსანდრეს საშვილიშვილოდ გადაიქცა. ამის საპასუხოდ იმერეთის მეფემ პაპუნა ერისთავის სასტიკი დასჯა გადაწყვიტა. პაატა აბაშიძის მეთაურობით იმერეთის ლაშქარმა წვეის მთა და ველიეთი გადალახა და ნინიას ციხეს მიადგა, მეფის რაზმები რაჭის სხვა სოფლებსაც შეესია. ამის საპასუხოდ, ქართლის მეფემ ზაალ ხერხეულიძის მეთაურობით, რაჭის ერისთავს თავის ლაშქარი მიაშველა. იმერეთის მეფე იძულებული გახდა ნინიას ციხისათვის ალყა მოეხსნა და უკან დაბრუნებულიყო.

ამის შემდეგ იმერეთის მეფემ დროებით შეირიგა პაპუნა, რომელსაც ცოლი გააშვებინა და თავისი და — დარეჯანი (პაატა აბაშიძის ქვრივი) შეართვევინა.

როკითის ბრძოლაში დამარცხებული დადიანი გამოსავალს ეძებდა, მაგრამ აფხაზები მოსვენებას არ აძლევდნენ. ამასთან, ქვეყანაც აშლილი იყო და დადიანს მაინცდამაინც ბევრი არაფერი ეკითხებოდა, ოდიშს გიორგი ლიპარტიანი მართავდა: „არამედ სახელითა ოდენ იყო დადიანი ლევან. გარნა მოქმედი ყოველისავე იყო ლიპარტიანი. გარნა იყო ოდიშს ჭირი გიორგი ლიპარტიანისაგან კლვითა და ყიდვითა ტყუასათა და უმეტეს აფხაზთაგან, რამეთუ მოვიდიან ლაშქრად და აოჯრებდიან ქუეყანათა ავაზაკობით და ცხადად“¹.

მეფე-მთავართა და თავადთა ჯიბრი არც იმერეთს და არც რაქა-ლენხუმს ასვენებდა. ქართლის მეფის მოქმედებით განაწყენებული იმერეთის მეფე კავშირს ერეკლესთან (ნაზარალი ხანად წოდებულთან) ეძიებდა, თან პაპუნა რაჭის ერისთავი გააფრთხილა, რომ გიორგი მეფესთან მეგობრობა შეეწყვიტა. რადგან ერისთავმა თავისი არ მოიშალა, ალექსანდრემ 1687 წელს იმერეთის ლაშქარი შეკრიბა და რაქაში გაემშრა. ურჩმა ერისთავმა თავისი რაზმები შეკრიბა და ლენხუმლებიც მიიმხრო. მასთან აფარებდა თავს ქართლიდან გამოძევებული გიორგიც. იმერეთის ლაშქარმა ქვემო რაქა დაარბია, მაგრამ ერისთავის ამაღლა ვერ ჩაიგდო და უკან დაბრუნდა.

რადგან ერისთავმა პოზიცია არ შეცვალა (ურჩობასა და ქართლის მეფესთან ურთიერთობას არ შეეშვა), იმერეთის მეფე მის გადაყენებას ცდილობდა, მაგრამ, ამასობაში იმერეთის ტახტის პრეტენდენტები — ყოფილი მეფე არჩილი თავის შვილებით — ალექსანდრეთი და მამუკათი ოუ-

¹ ქართლის ცხოვრება, IV, გვ. 850.

სეთიდან დაბრუნდა. მართალია, რუსეთის სამეფო კარმა არჩილს ოსმალე-ბისა და სხვათა წინააღმდეგ სამხედრო ძალა და მატერიალური დახმარება არ მისცა, მაგრამ, სამაგიეროდ, მას ქართლის მეფე გიორგიმ (ძმამ) და რაჭის ერისთავმა ალუთქევეს დახმარება. რაჭაში დასადგურებულმა არჩილმა იმერეთში გამეფებაზე (მესამედ) ხონთქარის თანხმობაც მიიღო, გიორგი ლიპარტიანი, ჭილაძე-მიქელაძეები, ბეჟან ლორთქიფანიძე და სხვებიც გადაიბირა, მაგრამ თადარიგდაჭერილმა ალექსანდრემ დაასწრო და გუელის თავზე, იმერეთ-ლეჩხუმის ჯარით, არჩილის მომხრეები დაამარცხა და სხვადასხვა მიმართულებით გააქცია.

მიუხედავად ბრძოლაში გამარჯვებისა, ალექსანდრეს ეშინოდა არჩილს მეფობა არ წყართმია, ამიტომ მოწინააღმდეგეთა მოსყიდვასა და მიმხრობას შეუდგა. იმერეთის მეფემ ყველაზე საშიში მეტოქით — გიორგი ლიპარტიანით დაიწყო, რომელსაც მხარდაჭერის შემთხვევაში ლეჩხუმის მიცემას შეპირდა*: „...ვინათგან იყო ლიპარტიანი უღეთო. ცრუ-ფიც, უპირო, ტყუხ მყიდველ, მიერთო ალექსანდრეს“¹.

თურქეთის ვასალის — ყირიმის ხანის დახმარებით დაიმედებული არჩილი რაჭიდან აფხაზეთში წავიდა, სადაც დიდი პატივით მიიღო შარვაშიძემ, მაგრამ, რადგან მაშველი ჯარი არავინ მისცა, ოდიშში დაბრუნდა, საიდანაც ლიპარტიანის მოქმედებით შეშფოთებული საჭილაო-სამიქელაოში წავიდა. იქ თავისი მცირე რაზმის ამარა დარჩენილი არჩილი იძულებული გახდა ალექსანდრესათვის დაეფიცებინა, რომ თუკი ხელს არ ახლებდა და გზას მისცემდა, იმერეთის მეფობაზე ხელს აიღებდა. ასეთი შეთანხმების შემდეგ თავისი ამალით არჩილი რაჭაში და შემდეგ დიგორში წავიდა.

შშვიდობიანი ცხოვრებით არც ქართლის ყოფილი მეფე გიორგი იყო განებივრებული. იგი მომხრეების საძებნელად გურიაში მრდის. ამასობაში არჩილის ელჩი თურქისტანიშვილი სტამბულიდან ახალციხეში ბრუნდება. მისთვის ხონთქარს გამოეყოლებინა თავისი ყაფუჩი, რომელსაც უნდა დაედგინა, თუ იმერეთს ვისი მეფობა სურდა. როდესაც გაიძვერა ყაფუჩი იმერეთში წავიდა, ის კინაღამ მოკლა ალექსანდრემ, რომელმაც უმალ დაატოვებინა თავისი სამეფო. ახალციხეში დაბრუნებულმა მოთაფლულმა ყაფუჩმა გიორგისაგან ქრთამი მიიღო და სტამბულში ხონთქარი დაარწმუნა, რომ იმერეთს არჩილის მეფობა სურდა, ზოლო ალექსანდრე მათი დაუძინებელი მტერი იყო.

ხონთქარის ბრძანებით ოსმალთა ჯარი, არზრუმისა და ახალციხის ფაშების მეთაურობით, ფერსათს მიადგა, როგორც კი ეს არჩილმა შეიტყო დიგორიდან. რაჭაში გადავიდა, ზოლო იქიდან, რაჭველთა თანხლებით, იმერეთში ჩავიდა. ალექსანდრემ ოსმალთა წინააღმდეგ ბრძოლა უმიზნოდ

* გადადიანებული ჩიქვანები ამიერიდან იწყებენ ლეჩხუმის დასაქუთრებისათვის ინტენსიურ ბრძოლას.

¹ ქართლის ცხოვრება, IV, გვ. 851.

ჩათვალა და ქართლში ერეკლე პირველთან წავიდა. 1690 წელს არჩილი კვლავ იმერეთის მეფე ხდება.

მშვიდობა არც ამის შემდეგ დამყარდა. იმავე წლის დეკემბერში, იმის იმედით, რომ ოსმალები ლაშქრობას ვერ შეძლებდნენ, გიორგი აბაშიძემ და გიორგი ლიპარტიანმა ქართლში გახიზნულ ალექსანდრესთან შეკრეს კავშირი და არჩილის გაძევება მოიწადინეს.

მეფის მხარეზე იყვნენ პაპუნა ერისთავი, სვიმონ ქუთათელი. გიორგი მიქელაძე და ბექან ლორთქიფანიძე. მოწინააღმდეგეთა შორის ბრძოლა გაიმართა გოდოგანში, სადაც მნიშვნელოვანი მსხვერპლის მიუხედავად არჩილმა გაიმარჯვა¹. ამ ბრძოლის შემდეგ ალექსანდრე მეოთხე კვლავ ქართლში წავიდა, ხოლო არჩილმა ზოგიერთი მოწინააღმდეგე თავადი დასაჯა, ზოგიერთსაც მამული უწყალობა.

მიუხედავად მკაცრი ღონისძიებებისა, იმერეთისა და მისი მეზობელი მხარეების მმართველი წრეები ურთიერთლაღატასა და ხოცვა-ჟლეტას განაგრძობდნენ. საკმარისი იყო ძალა რომელიმე დაჯგუფების სასარგებლოდ გადახრილიყო ან ოსმალეთის ხონთქარსა და მის ფაშებს რომელიმესთვის დაექირათ მხარი, რომ გუშინდელი მოკავშირე ახლა მისი დაუნდობელი მტერი გამხდარიყო და მისი ძირფესვიანი ამოთხრა დაეწყო. ამიტომ არჩილის ცდა წესრიგი დაემყარებინა, მარცხით დამთავრდა. ის ვერც მთავრებს მოერია და ვერც სხვა ძლიერ თავადებს².

რუსეთთან კავშირის დამყარებისა და პატრიოტული საქმიანობის გამო შაჰი არჩილ მეფეს მამასისხლად გადაეკიდა. შაჰმა შეძლო თურქეთის ხონთქარს შეთანხმებოდა იმერეთიდან არჩილის გაძევებასა და იქ ალექსანდრეს აღდგენაზე. როდესაც ეს არჩილმა შეიტყო, მან ოსმალთა განდევნა და ქუთაისის გამაგრება გადაწყვიტა. მეფის მიერ ქუთაისის ციხეში ალყაში მოქცეული თურქები „...ჯღანთა ხარშვიდიან და სჭამდნენ სიყმილისათვის და ლამობდნენ მოცემასა ციხისასა“³. კრიტიკულ მომენტში გ. ლიპარტიანმა მეფეს ლეჩხუმის მიცემა სთხოვა, მაგრამ რაკი ამაზე თანხმობა ვერ მიიღო: „ამისათვის გამოიყვანნა ღამით ოსმალნი ციხიდან, მისცნა ყოველნი საზრდელნი თუსნი და განამაგრა ციხე, და თვთ მასვე ღამესა ივლტოდა სპითა ოდიშს“⁴.

გამარჯვების ზღვარზე მისული მეფე იძულებული გახდა ქუთაისის ციხისათვის ალყა მოეხსნა და ოსმალებს გასცლოდა. ლიპარტიანის ღალატი ძვირი დაუჯდა ხალხს, ოსმალებმა ჯერ ქუთაისი ააოხრეს, შემდეგ ახლომანლო სოფლების მოსახლეობა ააწიოკეს და პოზიციებიც გაიმაგრეს.

ქარგი დღე არც არჩილის მეტოქე ალექსანდრეს ადგა, ქართლის ყოფილმა მეფე გიორგიმ მისი ცოლ-შვილი ააწიოკა რუისში, სადაც უფლისწულები სვიმონი და გიორგი შეიპყრო და ქსნის ერისთავ დავითს გადას-

1 ქართლის ცხოვრება IV, გვ. 853—854; თარსაუან გორგიჯანიძის ისტორია, გვ. 77.

2 ქართლის ცხოვრება, IV, გვ. 854.

3 იქვე.

4 იქვე.

ცა. თვითონ ალექსანდრე ახალციხეში გაიქცა და იქიდან ოსმალთა ფაშის ჯარით იმერეთის ტახტის დასაკავებლად წამოვიდა. მრავალრიცხოვან მტერთან პირისპირ დარჩენილი არჩილი, რომელსაც ვერც ქართლის ლაშქარი მიეშველა დროზე, სისხლისღვრას მოერიდა და ჯერ რაჭაში, ხოლო შემდეგ ქართლში წავიდა.

ახალციხის ფაშამ 1691 წელს იმერეთის მეფედ ისევ ალექსანდრე მეოთხე დასვა.

ოდიშის სამთავროშიც დაძაბული მდგომარეობა იყო. თანამომეტა ჰარცვა-რბევით და ტყვეთა სყიდვით ლიბარტიანი კიდევ უფრო გაძლიერდა. ბოლოს ისე გათავებდდა, რომ არც არაფერს ერიდებოდა: „არ-ღარა ინება ლევან დადიანი, განაძო იგი და წარვიდა ქართლს არჩილ მეფისა თანა“¹. მაგრამ ქართლშიც შინა ფეოდალური ომი იყო გაჩაღებული, მითუფრო დევნილ არჩილს არ შეეძლო დადიანისადმი რაიმე სერიოზული დახმარება. ბედის ძიებამ დადიანი სტამბოლშიც მიიყვანა, მაგრამ ვერც ოსმალებმა უშველეს და 1694 წელს კიდევაც გარდაიცვალა უცხოეთში. ასე დამთავრდა ოდიშში ძველ დადიანთა მმართველობაც.

მართალია, ლ. დადიანის გაქვევების შემდეგ ბურთი და მოედანი გ. ლიბარტიანს დარჩა, იგი ოდიშის ერთპიროვნული მმართველიც იყო და ლეჩხუმის მფლობელიც, მაგრამ თავის დადიანად წოდება მაინც ვერ გაბედა.

მდგომარეობის ნაწილობრივ მოწესრიგებისა და პოზიციის ერთგვარი მომაკრების შემდეგ, იმერეთის მეფე შეეცადა გიორგი მეთერთმეტისათვის ანგარიში გაესწორებინა (ამ უკანასკნელმა ერეკლე შეავიწროვა), ამ მიზნით (სამეფოს წარჩინებულთა დაუკითხავად) თავის ლაშქარი ქართლს შეუსია. მართალია, ალექსანდრემ გიორგის ვერაფერი დააკლო, მაგრამ მისი სოფელი ალი დალაშქრა და მცხოვრებლები ტყვედ წაიყვანა, თუმცა გზაზე მიმავალს ტაშისკარში მყოფი არჩილის რაზმი წამოეწია და ნაძარცვი და ტყვეები დაატოვებინა².

მომქმე და მეზობელ სამეფოთა მესვეურების ასეთი არანორმალური დამოკიდებულება, ბუნებრივია, პროგრესული საზოგადოების აღშფოთებას იწვევდა. რასაკვირველია, ამას გრძნობდნენ არჩილი და გიორგიც, რომელთაც იმერეთის დიდებულებს მიმართეს, რათა ალექსანდრესათვის შეეგონებინათ მოქმე ხალხს შორის ასეთი მტრული დამოკიდებულების უდიდესი დანაშაული. მაგრამ, ჩანს იმერეთის მეფე თავისას არ იშლიდა, რადგან მემატიანის დახასიათებით ის იყო „...ხელად მქცევი, ცუნდრუქი. უღმრთო, ტყუპ მყიდველი“³.

ასეთი თვისებების გამო ალექსანდრეს ბევრი დაუპირისპირდა: „...შეიკრიბნენ კათალიკოზი, ეპისკოპოსნი, ერისთავი პაპუნა და სრულიად წარჩინებულნი იმერეთისანი და მოადგნენ სკანდას მყოფსა ალექსანდ-

¹ ქართლის ცხოვრება, IV, გვ. 856.

² იქვე, გვ. 857.

³ იქვე.

რეს, შეიპყრეს და წარგზავნეს მღვიმეს, მერმე სუერს. შემდგომად მის-
ცეს გიორგი მეფესა, მიიყვანეს რუისს, მოაშთვეს და დაფლეს მუნვე ეკ-
ლესიასა შინა...¹.

ალექსანდრე მეოთხის განადგურების შემდეგ 1695 წელს კვლავ არ-
ჩილი გამეფდა. მაგრამ ისევ მოკლე ხნით. ყოვლის შემძლე გიორგი აბაში-
ძემ თავისი ასული თამარი (ალექსანდრე მეოთხის ქვრივი) გიორგი მე-
თერთმეტეს შესთავაზა, სამაგიეროდ, იმერეთის მეფობა აღუთქვა, მაგ-
რამ, რადგან ის არჩილის ერთგული იყო, ამ უმსგავსობაზე არ დათანხმ-
და. მაშინ აბაშიძემ ასეთივე წინადადებით არჩილს მიმართა, თან მეფო-
ბის შენარჩუნებასა და განმტკიცებას დაჰპირდა. როცა ამ უკანასკნელმაც
უარი განუცხადა, დაბოლმთა და გაბოროტებულმა აბაშიძემ თავის
მსგავს მედროვე და ცბიერ გიორგი ლიპარტიანს შეეკრა. მათ არჩილი
განდევნეს და 1696 წელს ტახტზე დასვეს ბაგრატიონთა ჩამომავალი გი-
ორგი „გოჩიალ“ წოდებული (ოდიშის მკვიდრი), რომელსაც თამარ აბა-
შიძე შეართვევინეს.

ახალი მეფის ხელში კიდევ უარესი მდგომარეობა შეიქმნა იმერეთ-
ში, სადაც ოსმალთა თარეში, ტყვეთა სყიდვა, ერთმანეთისადმი ღალატი
და ურთიერთობევა ისევ გრძელდებოდა. იმერეთის ფაქტობრივი მმართველი იყო გ. აბაშიძე, რომელიც უნებისყოფო და გამოუცდელ მეფეს თავის ნება-სურვილზე ათამაშებდა: „ხოლო ესე გიორგი იყო უმგზავსო ყო-
ვლითურთ და შეუგუანი მეფობისა, უზნეო, გამოუცდელი, თვნიერ გლახ-
თა მუშაკობისა, და იყო ხეიბარიცა. არამედ მართვიდა აბაშიძე გიორგი
და თაობდა ყოველთა იმერთა ზედა, მორჩილებდნენ დადიანი, გურიელი
და წარჩინებულნი სრულად“².

უღირსი თვისებებისა და ქცევის გამო, ერთი წლის თავზე, მეფეს
მეუღლე. სიმამრი და სხვა ახლობლებიც განუდგნენ. გ. აბაშიძემ დვალეთ-
ში მყოფ არჩილს ერთხელ კიდევ მისცა წინადადება — თუ თამარს შე-
ირთავდა. მეფედ დასვამდა, მაგრამ კვლავ უარი მიიღო, არჩილი რუსე-
თის დახმარებას ელოდა და მისი ძალით ფიქრობდა მეფობის დაბრუნებას.

ამასობაში გ. აბაშიძემ, შოშიტა ერისთავმა და იმერეთის მმართველ-
მა წარმომადგენელმა გიორგი მეოთხე იმერეთიდან გააძევეს.

იმერეთის თავადებმა არჩილი მიიპატიყეს მეფედ, მაგრამ მას იმედი
არ ჰქონდა ამგვარ ვითარებაში ქვეყნის მართვის, ამიტომ ყოყმანობდა:
„...რამეთუ არლარა იყო პირმტკიცობა. არამედ განაკუთნილნი, ფიცის
მტეხელნი, ტყვს-მყიდველნი, მკდომნი, მკრეხელნი, უკეთურნი, არათუ
წარჩინებულნი, გარნა მდაბიურნიცა, მოქმედნი ამისნი ყოველთა“...³.

1698 წ. არჩილი მეფობაზე დათანხმდა და რაჰველთა თანხლებით ქუ-
თაისში ჩავიდა, მაგრამ ეს მისი ყველაზე მოკლესნიანი მეფობა გამოდგა⁴.

¹ ქართლის ცხოვრება, IV, გვ. 857.

² იქვე, გვ. 858.

³ იქვე, გვ. 859.

⁴ იქვე.

ხონთქარის ბრძანებით იმერეთის მეფე უნდა გამხდარიყო სვიმონ ბაგრატიონი (ალექსანდრე მეოთხის შვილი), რომელიც ქართლში ერეკლე პირველთან იზრდებოდა. ახალციხის ფაშა სელიმმა სვიმონ ბატონიშვილი თავისთან მიიხმო და 1699 წლის შემოდგომაზე იმერეთში წაიყვანა მეფედ¹.

ძალაუფლებადაკარგული არჩილი გაზაფხულამდე თავაურში დარჩა, შემდეგ თავისი ამალით რუსეთში წავიდა, სადაც მეფის წყალობით, მამული მიიღო (მოსკოვის გარეუბან ვსესვიატსკოეში) და სიკვდილამდე (1713 წ.) ლიტერატურულ მოღვაწეობას ეწეოდა².

მშფოთვარე დროში სვიმონის მეფობაც ხანმოკლე აღმოჩნდა. მართალია, თავდაპირველად მას გ. აბაშიძე და მისი ასული თამარიც მიეტმასნენ (გიორგიმ მას თავისი ასული ანიკა მიათხოვა), მაგრამ მამა-შვილი ძველებურად ზვიადობდნენ და ქვეყანასაც ისევ თავიანთ ნება-სურვილზე განაგებდნენ.

ოდიშში ისევ ლიპარტიანი ბატონობდა. მედროვე გ. აბაშიძისა და გ. ლიპარტიანის ბატონობა და განცხრომაში ყოფნა იმერეთ-სამეგრელოს ხალხს ძვირად უყვდებოდა. საკმარისი იყო ამ მოძალადეებს რომელიმე თავადაზნაური დაპირისპირებოდა, რომ მისი ყმა-მამული აწიოკებას განიცდიდა. ამისი მაგალითია გ. ლიპარტიანის მიერ ლეჩხუმის დარბევა. როდესაც გ. ლიპარტიანს ლეჩხუმში გადაუდგა, მან დახმარებისათვის თავის მეგობარ გ. აბაშიძეს მიმართა, ორივე მოძალადემ ლაშქარი შეკრიბა „...გათხარეს მთა რაჭა-ლეჩხუმისა თოვლიანი და შევიდნენ ლეჩხუმს, ურჩინი მოსწუეს, მოსტყუევნეს და დაუმორჩილა ლიპარტიანსა“³.

განცხრომასა და დროისტარებაში იყო თამარ აბაშიძეც, მან ახლა ლიპარტიანს გააშვებინა ცოლი (რომელსაც შვიდი შვილი ჰყავდა) და თვითონ დაექორწინა. ბუნებრივია, ამან ის კიდევ უფრო გააძლიერა და გაათავებდა. ამიტომ შემთხვევითი როდია, რომ თანამედროვენი მას ოდიში-იმერეთის დედოფალსაც უწოდებენ⁴. უზნობასა და ამორალურ ქცევაში შვილს არც მამამისი ჩამორჩებოდა, პირველი ცოლის გარდაცვალების შემდეგ გიორგიმ მეორე ცოლიც მიატოვა და პაპუნა ერისთავის ქვრივი შეირთო.

ყოველმხრივ განდიდებული მამა-შვილის ხელში სვიმონი მარტო სახელად იყო მეფე, ყოველივეს თავი და მოქმედი გიორგი და თამარი იყვნენ: „ხოლო იმერეთს თაობდა აბაშიძე და დედოფლობდა ასული მისი, და მორჩილებდნენ სრულიად ყოველნი“⁵. ასეთ ყოფაში ძალაუფლებამომცლილმა სვიმონმა იმერეთი მიატოვა და ქართლში გაიქცა.

1 ქართლის ცხოვრება, IV, გვ. 859.

2 ქართლის ცხოვრება, IV, გვ. 873; ა. ბარამიძე, ნარკვევები, II, გვ. 174.

3 ქართლის ცხოვრება, IV, გვ. 860—861.

4 იქვე, გვ. 861.

5 იქვე, გვ. 860.

მიუხედავად უსაზღვრო ძალაუფლებისა, თავკერძა და გათავხედებულ-
ლი გ. აბაშიძე გარკვეულ წინააღმდეგობას მაინც აწყდებოდა. მას ახლა
რაჭა გადაუდგა, მაგრამ ძალამ თავისი გაიტანა: „...შეკრიბნა სპანი იმერე-
თისა აბაშიძემ, შეუტდა რაჭას, მოსწუა, მოსტყუევნა, დაიმორჩილნა და
მოვიდა იმერეთს“¹.

იმერეთის სამეფო ტახტისათვის ბრძოლას ბოლო არ მოელო, საქმე-
ში მამია (მესამე) გურიელი ჩაერია, მან ახალციხის ფაშა მოქრთამა და
სვიმონის მეფედ აღდგენაზე დაითანხმა. ეს უკანასკნელი თავისთან მიი-
პატიჟა და თავის დაზე დააქორწინა (ანიკას გაყარა). ამით შემფოთებულ-
მა გ. აბაშიძემ და მისმა მოკავშირე გ. ლიპარტიანმა ჯარი შეკრიბეს,
გურიელს შეუთვალეს სვიმონი მოეკლა და თვითონ გაამეფებდნენ. მარ-
თალია, გურიელმა სიძე-მეფის უშუალო მოკვლა არ იკისრა, მაგრამ აბა-
შიძესა და ლიპარტიანს ამაზე დათანხმდა. „მშინ წარავლინეს ამათ კაცნი
და ცოლისა თვისისა თანა მწოლი სვმონი; ოდეს განვიდოდა ბუნებისა სამ-
ქირნოსა აღგილსა, ჰკრეს თოფი და მოკუდა სვმონ მეფე...“².

ზნედაცემულმა და მორალურად გადაგვარებულმა თავადებმა ასე
შეკრეს პირი და 1701 წ. გაამეფეს ახალციხის ფაშასთან დაახლოებული
მამია გურიელი.

სვიმონ მეფის ღალატით მოკვლამ და გურიელის გამეფებამ ქართ-
ლის მეფე ერეკლე შეაშფოთა, მან ქართლ-კახეთის ლაშქარი შეკრიბა,
მაგრამ ეტყობა ოსმალებთან შეჯახების შიშმა მას იმერეთში ლაშქრობაზე
ხელი ააღებინა.

გურიელის ღროსაც იმერეთს მედროვე მამა-შვილი განაგებდა „...სა-
მეფონი დაბანი, აგარანი და შემოსავალნი ეპყრა აბაშიძეს და ასულსა
მისსა თამარს და მოახლედ მათდა იყვნენ წარჩინებულთა და აზნაურთა
ძენი და თვთ იგინიცა“³. ძალაუფლებასა და შემოსავალს მოკლებული
გურიელი იძულებული გახდა მეფობას გასცლოდა და გურიაში დაბრუნე-
ბულიყო.

ფორმალური მეფის გაძევების შემდეგ გ. აბაშიძემ და მისმა ასულმა
საბოლოოდ მოიხსნეს ნილაბი და ქვეყნის მართვა-გამგეობა მოურიღებ-
ლად განაგრძეს, მათ პასუხის გაცემას ვერაფერ უხედავდა.

აღსანიშნავია, რომ XVIII ს. დასაწყისში გ. აბაშიძისა და გ. ლიპარ-
ტიანის მეგობრობა-მოყვრობის შედეგად იმერეთ-ოდიშის მმართველ წრე-
თა მეტოქეობა და ურთიერთბრძევა ერთობ შენეულა, მაგრამ ოდიშზე
აფხაზთა თავდასხმები ინტენსიურად გრძელდებოდა. ამით შეწყუბუნებულმა
ლიპარტიანმა თავის სიმამრს მიმართა დახმარებისათვის: „...რამეთუ მიე-
ლოთ აფხაზთა ეგრისის მდინარემდე და აოჯრებდნენ ოდიშს კლვითა და
ტყუეობითა. უსმინა აბაშიძემ შემოიკრიბნა სპანი იმერთა, წარვიდა და
შთავიდა აფხაზეთს. ვერ წინალუდგა შარვაშიძე, მოსტყუევნეს აფხაზეთი,

1 ქართლის ცხოვრება, IV, გვ. 861.

2 იქვე, გვ. 862.

3 იქვე.

აღიღო ალაფი დიდი, დააზავა ლიბარტიანი და შარვაშიძე, გამოუხუნა ქუეყანა მიღებული და მძევალნი, მერმე წამოვიდა და მოვიდა იმერეთს¹.

მემატიაანის ცნობით, გ. აბაშიძე ახალციხის ფაშასაც ნაკლებად ემო-
რჩილებოდა. მან შინა არეულობითა და რუსეთის დაპირისპირებით შერ-
ყეულ ოსმალებს ხარკისა და ძღვენ-საჩუქრების მიცემაც შეუწყვიტა. ამას-
თან ტყვეთა სყიდვაც საგრძნობლად შემცირდა. ყოველივე ამის გამო ფა-
შამ გ. აბაშიძე ხონთქართან დაასმინა: „განრისხნა ხონთქარი მუსტაფა და
წარმოაგლინა არზრუმის ფაშა სპითა დიდითა ზღვთ და კმლით, რათა დაპ-
ყონ წელი შვიდი იმერეთს და მოაოწრონ სრულიად ციხეებითურთ. წარ-
მოემართა არზრუმის ფაშა კერძოთა გურიისათა. ხოლო ქება თვისი წარ-
მოაგლინა სპითა ახალციხეს, რათა შემოიკრიბოს სპანი სამცხისანი და
შთავიღეს იმერეთს“².

ოსმალთა სალაშქრო მზადება იმერეთშიც შეიტყვეს, მით უფრო
იცოდნენ, რომ სეიმონის მოკვლის გამო ხონთქარი იმერეთის დარბევას აპი-
რებდა, იქაურ მეფედ ქართლიდან ახალციხეში წაყვანილი გიორგის (სეი-
მონის ძმას) ამზადებდა. გ. აბაშიძემ თავისთან მიიხმო გ. ლიბარტიანი, რა-
ჭის ერისთავი, წულუკიძე, მიქელაძე, კილაძე, ჩიჭავაძე, ჩხეიძე, იაშვილი,
მხეიძე, წერეთელი, ლორთქიფანიძე, ნიჟარაძე, ქვარიანი, აფხაზეთის კა-
თალიკოსი გრიგოლი, ქუთათელი ევდომოსი, გენათელი ნიკოლოზი და
სხვები, რომლებიც ერთგულებასა და საერთო მტრის წინააღმდეგ ერთი-
ნობაზე დააფიცა: „დღეის შემდგომათ იმერეთის წასახდენათ და ასაოხ-
რებლად ჩვენ თათარს არც პირი მივსცეთ და თუ ვინ იცის და თათარი
ლაშქრით არ ჩამოვიღეს იმერეთის წასახდენად, ჩვენც არც მივიდეთ მას-
თან და უწინამძღუროთ, და არც არა მათი ვიწამოთ რა ამ იმერეთის წახ-
დენის საქმეზედ...“³. ლაშქარი შეკრიბეს, გზები ჩაკეტეს, ხოლო მოსახ-
ლეობა მიუვალ ადგილებში გახიზნეს.

სალაშქროდ მომზადებულმა არზრუმის ფაშა ქოსა ხალილმა 1703 წ.
აგვისტოში გურია დაიკავა, ქეპასა* და ახალციხის ჯარმა ზეკარი გადმო-
ლახა, ცეცხლმსროლელი იარაღით კაკას ხიდის მცველების წინააღმდეგო-
ბა დაძლია და ბაღდადში შეიჭრა. ოსმალები ზღვით წამოვიდნენ და ოდი-
შის ნაპირები დაიკავეს.

სხვადასხვა მხრიდან შემოსეულმა მტრის უზარმაზარმა ჯარებმა ქვეყ-
ნის სიღრმეში სწრაფი შემოჭრა ვერ მოახერხეს, რადგან ქართველთა მედ-
გარი წინააღმდეგობის შედეგად მათ შეთანხმებული მოქმედების საშუა-
ლება მოესპოთ: „...ვერარაჲ სცნა სარასკარმან სპათა თვისთა, ვერც რა
ქებაჲმ სარასკარისა, ვინაჲთგან იყვნენ გზანი ყოველგნით შეკრულნი“⁴.

¹ ქართლის ცხოვრება, IV, გვ. 863.

² იქვე.

³ საქართველოს სიძველენი, ტ. I, თბ., 1920, ე. თაყაიშვილის გამოც., გვ. 44—45.

* ქეპა-ხონთქარის აღმასრულებელი მოხელე, ოსმალთა მთავარსარდლის ქოსა ხა-
ლილ-ფაშას მოადგილე იყო.

⁴ ქართლის ცხოვრება, IV, გვ. 863.

ამ უაღრესად მძიმე და კრიტიკულ მომენტში ქართველებში კვლავ იჩინა თავი ჩვეულმა შინგამცემობამ და ლალატმა, ფიცისა და ქვეყნის მოლაღატე მამია გურიელი და გიორგი მიქელაძე ხალილ ფაშასთან გამოცხადდნენ, მათ მეგზურობაც იკისრეს და სხვა მხრიდან შემოკრიბილი მოკავშირეთა მოძრაობაც შეატყობინეს. ერთიმეორესთან დაკავშირებული ოსმალთა ჯარები იმერეთის შუაგულისკენ გაემართნენ. ქეპა არგვეთში შეიქრა და ჰალატყის კოშკებს მიადგა. მიუხედავად ქართველ მცირერიცხოვან მცველთა თავგანწირული წინააღმდეგობისა, ოსმალებმა თხრილები გადალახეს და კოშკები ააფეთქეს. ამის შემდეგ მტერმა სებეკას ციხეც შემუსრა და ქვეყნის შუაგულიც დაიკავა.

თავგანწირული წინააღმდეგობის მიუხედავად, ოდიშში შექრილმა ოსმალებმა რუხის ციხე-სიმაგრე და ცენტრი დაიკავეს. ამასთან, სამეგრელოს აფხაზთა ლაშქარიც შემოესია.

ამ ლაშქრობის (დიდი თურქობის) შემდეგ ოსმალებმა მთელი დასავლეთ საქართველოს (მთა-ბარის) საბოლოო დაუფლება და შემომტკიცება განიზრახეს. ამ მიზნით ოსმალებმა გამოუყენებელი ციხეები დაანგრიეს, ხოლო თავისთვის ხელსაყრელ სტრატეგიულ ციხეებში, აგრეთვე ახლად აშენებულში (მაგ., ბათუმის, ქუთაისის, ფოთის, ანაკლიის, რუხის, ბაღდათის და სხვ.) თავისი გარნიზონები ჩააყენეს¹.

მართალია, ოსმალებმა იმერეთისა და სამეგრელოს ცენტრები დაიკავეს, მაგრამ დასავლეთ საქართველოს მთელი მთა-ბარის დაპყრობა და იქ სამუდამო დამკვიდრება მაინც ვერ მოახერხეს, რადგან ოსმალთა ქვეყანაც შინაფეოდალური ომით იხრწნებოდა. საქმე იმაშია, რომ აჯანყებულმა ჯარმა კონსტანტინეპოლი აიღო, სულთანს მუსტაფა მეორე კი ტახტიდან გადმოაგდო. მიუხედავად იმისა, რომ მუსტაფას ძმამ აჰმედ მესამემ იანიჩართა აჯანყება ჩაახშო და ძალაუფლება ჩაიგდო, უზარმაზარი სამხედრო ხარჯებით და შინა არეულობით გამოფიტულ ხაზინას უკვე აღარ შეეძლო ახალი ხარჯების გაღება, ამიტომ მათ დასავლეთ საქართველოში ხანგრძლივი დარჩენა და მისი მთა-ბარის ძირფესვიანი მოთხრა ვერ შეძლეს, თავისი მრავალრიცხოვანი ჯარები უკან გაიწვიეს.

უკან დაბრუნებამდე არზრუმის ფაშამ გ. აბაშიძესთან მოლაპარაკება გააბა, რათა იმერეთს ძველებური ხარკი ეკისრა, მის მეფედ გიორგი ბატონიშვილი დასმულიყო და შორაპნის ციხე დანგრეულიყო. ყოველმხრივ შევიწროებულ აბაშიძეს სხვა გზა არ ჰქონდა, წამოყენებულ მოთხოვნებზე მოჩვენებითი თანხმობა განუცხადა, მაგრამ, როდესაც ოსმალთა მთავარი ძალები უკან გაუდგნენ გზას ქაიხოსრო იაშვილის მეთაურობით, იმერელთა, რაჰველთა და ლეჩხუმელთა* ლაშქარი ფერსათის მთაზე წამოეწია მტერს, რომელსაც დიდი ზარალი მიაყენა (ბრძოლაში მოკვდა კოლის ფაშა. დაიქრა ახალციხის ფაშა და სხვ.). ამასთან, უწესრიგოდ გაქ-

1. ჩხატარაი ივილი. დასავლეთ საქართველო XVIII ს. პირველ ნახევარში, საქ. ისტ. წარკვეტილი. IV. 1973, გვ. 459.

* მანს, ლეჩხუმი. ჯიბ კიდევ. იმერეთის მეფეს ემორჩილებოდა.

ცეულ მტერს დაატოვებინეს „ალაფნი ურიცხუნი, ცხენნი, ჯორნი და აქ-
ლემნი კიდებულნი“, აგრეთვე მძევლები და სსვ¹.

ჩანს, ოსმალთა მთავარი ძალების უკან დაბრუნების მიუხედავად, მა-
თი შერჩეული გიორგი ალექსანდრეს ძე იმერეთის მეფედ დაჯდა, მაგრამ
მის ირგვლივ მხოლოდ გ. მიქელაძე და მისთანანი შემოიკრიბნენ, ამიტომ
ძალაუფლებასმოკლებული გიორგი მეექვსე უმეტესად ქუთაისის ციხეში
იყო ჩაკეტილი. გ. აბაშიძე ისევ ჭვეყნის ფაქტობრივი მმართველი იყო, ამი-
ტომ გ. ლიპარტიანი და მოლაღატე მ. გურიელიც მას ემორჩილებოდნენ².

როდესაც აბაშიძემ პოზიცია გაიმაგრა, მან გ. მიქელაძეს ძველი და
ახალი ცოდვები გაუხსენა, ჭვეყნიდან გააძევა და მისი მამული, სამიქე-
ლაო-საჭილაო, ლიპარტიანს გადასცა³.

ღროებითი სიწყყნარე ოდიშში კვლავ არეულობამ შეცვალა. გიორგი
ლიპარტიანს ახლა თავისი ძმა, ლეჩხუმის თავი იესე გადაუდგა. ის გიორ-
გი მეფეს ეახლა ქუთაისში, აგრეთვე ქართლის გამგებელ ვახტანგს და მას-
თან მყოფ გ. მიქელაძეს დაუკავშირდა ღვიძლი ძმის წინააღმდეგ ერთობ-
ლივ მოქმედებაზე. შეშინებულმა ლიპარტიანმა მყისვე ლეჩხუმში გაი-
ლაშქრა, იქიდან იესე და მისი მომხრეები გააძევა და უფროსად თავისი სა-
შუალო შვილი ბეჟანი დააყენა. 1704 წელს გ. ლიპარტიანმა დადიანად
თავისი უფროსი შვილი კაცია გამოაცხადა⁴, ხოლო ჭყონდიდლობა მესა-
მე შვილს — გაბრიელს უბოძა. მიუხედავად ამისა, მეტატიანის ცნობით,
გ. ლიპარტიანი ისევ უფროსობდა და შვილებიც ემორჩილებოდნენ⁴.

იმერეთის სამეფოს დეცენტრალიზაცია XVIII საუკუნეშიც გრძელ-
დებოდა და ღრმავდებოდა. თავადები თავიანთი საგამგებლო ადგილ-მა-
მულის გაფართოებას და საბოლოო დასაკუთრებას ესწრაფოდნენ. ამას-
თან, მიუხედავად იმისა, რომ ქურდ-ავაზაკობა და ტყვეთა სყიდვა აცრ-
ძალა, ყოველივე ძველებურად გრძელდებოდა. ყოველგვარი სისამაგლის-
სა და დანაშაულის თავიდათავი, სწორედ ყველაზე ძლიერი თავადები
იყვნენ.

ქვეყანა კარგად ვერ იყო დაწყნარებული, გლეხობა ჯერ კიდევ თურ-
ქებთან ბრძოლაში დაღუპულ ახლობლებს გლოვობდა და მეურნეობის
აღდგენას ცდილობდა, რომ იმერეთისა და მეზობელი მხარეების მმართველი
წრეები ისევ შფოთმა მოიცვა. პატივმოყვარე თავადთა ნაწილმა ვერ
აიტანა გ. აბაშიძის ასეთი უზომო განდიდება და მის წინააღმდეგ შეთქმუ-
ლების ქსელი დახლართა. მოწინააღმდეგეთა ჯგუფში აღმოჩნდნენ იმერე-
თის თავადთა უმრავლესობა, კათალიკოსი გ. ლორთქიფანიძე, გენათელი,
რაჭის ერისთავი პაპუნა, ლიპარტიანის შვილები და სხვა, რომელთა ზურ-
გში იმერეთის ფიქტიური მეფე გიორგი მეექვსე და ქართლის ჯანშინი
ვახტანგი იდგნენ.

1 ქართლის ცხოვრება, IV, გვ. 865.

2 იქვე, გვ. 866.

3 იქვე.

4 ამიერიდან დადიანობენ ჩიქოვანები.

4 ქართლის ცხოვრება, IV, გვ. 866.

როდესაც თავის წინააღმდეგ გ. აბაშიძემ დიდი ძალა დაინახა, მან გ. ლორთქიფანიძისა და გენათელის მეშვეობით, საქმის მშვიდობიანი მოგვარება სცადა, მაგრამ შეთქმულებთან შესარიგებლად გაგზავნილი მღვდელმთავრები უკან არც კი დაბრუნდნენ. როდესაც ყველაფერი გამოაშკარავდა, გ. აბაშიძემ და მისმა მოკავშირე გ. ლიპარტიანმა ძალას მიმართეს, ლაშქარი შეკრიბეს და ვაკეში დაბანაკდნენ. აქეთკენ გაემართა გიორგი მეფისა და რაჭის ერისთავის ლაშქარიც: „წარავლინა მარბიელნი, რაჭველნი და იმერელნი რაოდენნიმე მათ თანა და შეესივნენ დაბნებთა ვაკისათა. მცნობელმან აბაშიძემ, უბრძანა სპათა თვსთა, მოეტევენ, მოსრნეს და შეიბყრნეს უმრავლესნი რაჭველნი, ტყუე-ჰყვენეს და დაყიდნეს სრულიად“¹.

დამარცხებულმა ერისთავმა კვლავ ახალი ლაშქარი შეკრიბა, მას შეუერთდნენ მამისადმი განაწყენებული კაცია დადიანი (ჩიქოვანი) და მისი ძმები ბეჟანი, გაბრიელი და სხვები, აგრეთვე ზურაბ, სვიმონ და ვახუშტი აბაშიძეები (გ. აბაშიძის ძმისწულები), რომელთაც გიორგი მეექვსეს დაუჭირეს მხარი. მიუხედავად ამისა, ეს უკანასკნელი ქუთაისიდან გასვლას ვერ ბედავდა, თუმცა მეფე და აბაშიძე დღენიადაგ ერთიმეორეს აწიოკებდნენ. ამიტომ, მემბტიანის თქმით, იმერეთში „იყო გდომა მარადის“².

როგორც სხვაგან, დასავლეთ საქართველოს თავად-აზნაურებიც ხშირად იცვლიდნენ პოზიციას, თავისი ინტერესების შესაბამისად ისინი ერთი დაჯგუფებიდან მეორეში გადადიოდნენ და უმოწყალოდ ლაღატობდნენ გუშინდელ მოკავშირეს. ასე მოიქცა რაჭის ერისთავი, როდესაც მასთან ძაძებჩაქმული გ. ლიპარტიანი მივიდა და შთააგონა, რომ ის აბაშიძის ახლობელი იყო და უჭერო იყო მის წინააღმდეგ ბრძოლა, უცებ პირი იბრუნა: „უსმინა ერისთავმან, შეკრბნენ ორნივე სპითა თვსითა, მოვიდნენ და დადგნენ ფარცხანაყანევს; აქეთ აბაშიძე შეკრებილი სპითა წარვიდა მათ თანა, რათა შეკრბნენ და მოვიდნენ მეფესა ზედა“³.

რასაკვირველია, მეფე გიორგიმაც თავისი ლაშქარი შეკრიბა და 1709 წ. მოწინააღმდეგეებისკენ გაემშურა: „...მსწრაფლად ვლეს ღამე იგი და დილასა დაესხნენ ლიპარტიანსა და ერისთავსა და იქმნაცა ბრძოლა ფიცხელი...“⁴.

მემბტიანის რწმუნებით, ამ ბრძოლაში მეფემ გაიმარჯვა, მან დატყვევებული მეგრელები და რაჭველები ვერცხლში გაყიდა. გიორგი მეექვსე ამით არ დაკმაყოფილდა: მან კაცხისა და სუერის ციხეებსაც შეუტია, მაგრამ გ. აბაშიძე ვერაფრით შეიბყრო და ქუთაისში დაბრუნდა. მალე მეფემ რაჭაში გაილაშქრა: „გარდავლო ნაჯიხურევი და დადგა შაორს“. მაგრამ წულუკიძის, იაშვილისა და ჭაფარიძის რაზმებმა მეფის ლაშქარი შეაჩე-

1 ქართლის ცხოვრება. IV, გვ. 868.

2 იქვე.

3 იქვე. გვ. 868—869.

4 იქვე. გვ. 869.

რეს, ხოლო ღამით შოშიტა ერისთავის რაზმი იმერეთის ჯარის განლაგებაში შეიპარა და სახლთუხუცესი ჩხეიძე მოკლა. განარისხებული მეფე შეტევასზე გადავიდა და მოწინააღმდეგეს ხოტევაძედ მისდია, მაგრამ ერისთავი ვერ მოიხელთა და უკან დაბრუნდა. მალე მან აბაშიძის ციხე ნავარძეთზეც მიიტანა იერიში, მაგრამ, ბრძოლაში წარმატების მიუხედავად, ვერც ერთი მოწინააღმდეგე თავადი ვერ ჩაიგდო ხელში. ამ დროს მეფესთან კაცია დადიანი და ბეჟან ჩიქოვანი (ლეჩხუმის თავი) გამოცხადდნენ და თავიანთი მამის წინააღმდეგ ოდიშში გალაშქრება თხოვეს.

მეფემ ნავარძეთში დატოვებულ რაზმს ქველი წერეთელი ჩაუყენა სათავეში, თვითონ ოდიშში გასწია. ლიპარტიანი მეფისა და შვილების ლაშქარს ვერ შეება და აფხაზეთში გაიქცა, ხოლო მისი შვილი კაცია დადიანი თავის სამფლობელოს დაეუფლა¹.

ქველი წერეთლის რაზმმა ბოლოს და ბოლოს ნავარძეთის ციხე აიღო, მაგრამ გ. აბაშიძე მაინც ვერ ჩაიგდო, სამაგიეროდ, მეფის ოდიშში ლაშქრობის დროს, შოშიტა ერისთავი იმერეთს დაესხა თავს და ქალაქის მოსახლეობა ააწიოკა.

ოდიშიდან დაბრუნებისთანავე იმერეთის მეფემ გურიაში გაილაშქრა. გურიელმა ციხეს შეაფარა თავი, მეფის ლაშქარმა მისი მამული დაარბია, მოსახლეობის ნაწილი კი ტყვედ წაასხა.

ნავარძეთის შემდეგ წერეთლის რაზმმა კაცხის ციხეს შეუტია. მიუხედავად ზარბაზნებით სროლისა, აბაშიძის მეციხოვნეთა წინააღმდეგობა ვერ დაძლია, იძულებული გახდა ციხისათვის ალყა მოეხსნა და უკან დაბრუნებულიყო.

კაციას მოქმედებით უკმაყოფილო გ. ლიპარტიანი ოდიშს ისევ თვითონ დაეუფლა. მალე ის და გურიელი მეფე გიორგის შეურიგდნენ. ახლა ნაცვლად იმისა, რომ მეფე აოხრებული ქვეყნის დაწყნარებასა და აღდგენას შედგომოდა, ის 1711 წ. ლიპარტიანს შეუთანხმდა შოშიტა ერისთავი გაენადგურებინათ. ამ მიზნით მეფემ რაჭაში გაილაშქრა. „მოსწუა მოსტყუენა სხოვადმდე“, მაგრამ ერისთავი ვერ ჩაიგდო².

ვასლუში ბაგრატიონის დახასიათებით, გიორგი მეფე მსუბუქი ყოფაქცევის, მომხვეჭელ-ვერცხლისმოყვარე, ანგარებიანი და უნდო პიროვნება იყო, ამიტომ შოშიტა ერისთავმა, ბეჟან ლეჩხუმის ბატონმა, ზურაბ აბაშიძემ, გურიელმა და გ. ლიპარტიანმა მას შეთქმულება მოუწყვეს; იმერეთიდან გააძევეს და მის ადგილზე 1711 წ. მამია გურიელი გაამეფეს (გიორგი მეექვსე ქართლში გაიქცა, იქ აფარებდა თავს გ. აბაშიძე)³.

ქართლიდან ახალციხეში წასულ გიორგი მეექვსესე გიორგი და ზურაბ აბაშიძეებიც შეუერთდნენ. ისინი, ისაყ ფაშის ჯარის თანხლებით, გვიან ღამით ლეჩხუმში წავიდნენ, საიდანაც, ბეჟან ჩიქოვანის ლაშქართან ერთად, არგვეთში გასწიეს. ეს გარემოება, რასაკვირველია, მამია გური-

¹ ქართლის ცხოვრება, IV, გვ. 870.

² იქვე.

³ იქვე.

ელმაც შეიტყო, რომელმაც იმერეთის, გურიისა და რაჭის ლაშქარი შეკრიბა და მოწინააღმდეგეებს შეება. ბრძოლა მოხდა 1712 წ. ჩხარში, სადაც გურიელი და მისი მომხრეები დამარცხდნენ (ბრძოლაში მოკვდა გ. წულუჭიძე) და უწესრიგოდ გაიფანტნენ.

გიორგი მეექვსემ მეფობა დაიბრუნა. მან ჩხარის ბრძოლაში ტყვედ ჩაგდებული რაჭველები, გურულები და მოწინააღმდეგე იმერლები ოსმალურს მიჰყიდა.

რაჭაში გაქცეული მამია გურიელი ქართლის მეფე ვახტანგ მეექვსის და მისი შვილის ბაქარის დახმარებით ჯერ ქართლში, შემდეგ ჭავჭავაძეთში წავიდა, შემდეგ ასან ფაშის (სიძის) დახმარებით ისევ გურიას დაეუფლა.

რამდენიმე ხნის შემდეგ იმერეთში ისევ ინტრიგა დაიწყო. ახლა ზურაბ აბაშიძემ მეფეს ჩააგონა, რომ გ. ნიჟარაძე მას შეთქმულებას უწყობდა, რაც საკმარისი აღმოჩნდა იმისათვის, რომ მეფეს ეჭვიმტანილისათვის თვალები დაეთხარა და ცოლიც წაერთმია. უმაქნისო და უპრინციპო მოქმედების გამო მეფეს აუხედრდნენ აბაშიძე, ერისთავი, ჩიქოვანი, დადიანი და გურიელი, რომლებმაც თავიანთი რაზმებით ოკრიბაში მოიყარეს თავი. მეფემ და მისმა მომხრეებმაც იქითკენ გასწიეს და 1713 წ. ნოემბერში მოწინააღმდეგეს დაეცენ. უმცირესობაში დარჩენილები სასტიკად დამარცხდნენ, მათი მეომრების ნაწილი გურიელმა დაატყვევა და ოსმალურს მიჰყიდა.

იმერეთის მეფობა ისევ გურიელმა ჩაიგდო ხელთ. მაგრამ ორი თვის მეფობის შემდეგ, 1714 წ. იანვარში გარდაიცვალა.

ხონთქარის ბრძანებით ისაყ ფაშამ იმერეთის მეფედ ახალციხეში გაქცეული გიორგი მეექვსე დასვა.

სანამ მეფის საკითხი გადაწყდებოდა, ერთმანეთს გადაეყიდნენ ლეჩხუმისა და რაჭის მფლობელები. მათ იმერეთის სხვა თავადებმაც მიბაძეს და ერთიმეორეს ანადგურებდნენ. ამასობაში იმერეთში დაბრუნებულმა გიორგიმ რაჭის ერისთავის და შეირთო ცოლად (საქუთარ ცოლს — როდამ დეოფთალს, რომელიც შვილთან ერთად იყო სვანეთში გახიზნული, გაეყარა). სამაგიეროდ, ბუჟან ჩიქოვანმა ზურაბ აბაშიძე და პაატა ფხვიძე (მხეიძე) მიიმხრო და მეფე — ერისთავს დაუპირისპირდა.

თავის მხრივ, მეფემ ისევ დადიანს გადაიბირა და პაატა მხეიძის მოსპობა განიზრახა, მაგრამ ეს უკანასკნელი საწირის ციხეში შეიხიზნა და უვნებელი გადარჩა¹.

ერთმანეთს ებრძოდნენ ოდიშ-ლეჩხუმის ჩიქოვანებიც. ლეჩხუმის მფლობელ ბუჟანს დადიანობა უნდოდა, მაგრამ ამას ოდიშის მფლობელი მამამისი ეწინააღმდეგებოდა. მაშინ ბუჟანმა მეფე გიორგი მოქრთამა (დიდ-ძალი ვერცხლი მისცა), ის ჯერ ერისთავს გადაეკიდა, ხოლო შემდეგ მამამისს და 1715 წ. დადიანობაც ჩაიგდო.

მერყევი და მომხვეჭელი მეფე ახლა ბუჟან დადიანს გადაეკიდა და

¹ ქართლის ცხოვრება, IV, გვ. 874.

ოდიში დაატოვებინა. მალე მეფე გ. ლიპარტიანსაც შეუტრიგდა, რომელსაც ოდიშის მფლობელობა დაუბრუნა. რაკი ბეჟან ჩიქოვანი არ ცხრებოდა, მეფემ და ლიპარტიანმა მის წინააღმდეგ გალაშქრება განიზარაზეს.

ლეჩხუმის მფლობელი დარწმუნდა, რომ ძალით ვერაფერს გახდებოდა, ამიტომ ცბიერ პოლიტიკას მიმართა: მან კათალიკოს გრიგოლს დაუფიცა, რომ თუ მამა შეუტრიგდებოდა, მისი მონა-მორჩილი იქნებოდა. ლიპარტიანი დარწმუნდა, რომ შვილმა ურჩობა მოინანია და ლეჩხუმში ესტუმრა. მოსაჩვენებლად ბეჟანმა მამას შესანიშნავი ნადიმი მოუწყო, მაგრამ გათენებისას ყველა სტუმარი განაიარაღა, მამა ციხეში გამოამწყვდია და აიძულა დედამისს შერიგებოდა. ამის შემდეგ ბეჟანმა „...შეიპყრნა მისანდონი მამის თვისისანი, მოსრნა და უმკვდრო ჰყენა, სხუანი დაჰყიდნა დედაწულით და დაიპყრნა ოდიში თვთ და იწოდა დადიანად“¹.

დასავლეთ საქართველოს სამეფო-სამთავროებში ინტრიგა, შუღლი და ძმათამკვლელი ომი კვლავ გრძელდებოდა. მითუფრო, რომ ამას მსუბუქი ყოფაქცევის მეფე აძლევდა ტონს. მან 1715 წ. ზამთარში ზურაბ აბაშიძის მამული დაარბია. სამაგიეროდ, აბაშიძემ და ბეჟან დადიანმა ახალციხის ფაშა მოქრთამეს და ოსმალთა ჯარით ქუთაისი ააოხრეს, მეფე და მისი ამაღა რაჭაში გააქციეს. საქმე არც ამით დამთავრდა, ერთი თვის შემდეგ მეფე და ერისთავი, რაჭისა და იმერეთის ლაშქრით, სიმონეთში მივიდნენ. მათ წინააღმდეგ გაემართნენ ქუთაისში დაბანაკებული ოსმალები და მეგრელთა ლაშქარი. ბრძოლა მოხდა 1716 წ. ზაფხულში სიმონეთში, სადაც მრავალი ქართველი დაიღუპა, ძალთა უთანასწორობის გამო, მეფე და მისი მომხრეები დამარცხდნენ. ბ. დადიანი და ზ. აბაშიძე ამით არ დაკმაყოფილდნენ და ქართლში გაქცეული მეფის ახლობლებს დაერივნენ. ისინი სვანეთსაც მისწვდნენ, სადაც როდამ დედოფალი და მისი ვაჟიშვილი აფარებდნენ თავს და იქაც ჩვეული ვერაგობა ჩაიდინეს.

გამარჯვებულმა დადიანმა და ზ. აბაშიძემ, ახალციხის ფაშის ნებასურვილით, იმერეთის მეფედ გიორგი გურიელი დასვეს. შემდეგ ბ. დადიანი რაჭის ერისთავს შეუტრიგდა და კიდევაც დაუმოყვარდა.

როგორც ჩანს, რაჭის ერისთავი გურიელის მეფობას ვერ ეგუებოდა, თან სიმონეთში დამარცხების სიმწარეც ვერ მოინელა, ამიტომ დრო იხელთა და სალომინაოში დაუხვდა გურიიდან ქუთაისში — მეფესთან მძიმავალ მებარგულებს, რომელთაც მეფის ქონება წაართვა, ხოლო შეპყრობილები ვერცხლში გაყიდა. მოსალოდნელი საფრთხის გამო გიორგი გურიელმა მეფობა მიატოვა და გურიაში გაიქცა.

მეფის გაძევების შემდეგ დადიანმა, ერისთავმა და ზ. აბაშიძემ იმერეთი გაიყვეს და მთელი ძალაუფლება ხელში ჩაიგდეს. მალე მათ გურიაც დაარბიეს, გიორგის ნაცვლად მისი ძმა ქაიხოსრო (ყოფილი მონაზონი) დასვეს გურიელად, თვითონ კი ქრთამითა და ნადავლით დბრუნდნენ. აღსანიშნავია, რომ აღნიშნულმა სამეფულმა არც ახალციხეში გაძე-

¹ ქართლის ცხოვრება, IV, გვ. 876.

ვებული გიორგი მეფე შეუშვეს იმერეთში. რაკი ახალციხისა და არზრუმის ფაშები ერთიმეორეს ეომებოდნენ და მათ საქართველოში ლაშქრობა არ შეეძლოთ, გიორგი მეფე დახმარების სათხოვნელად 1717 წ. ხონთქართან წავიდა სტამბულში, სადაც რამდენიმე ხანს დარჩა.

ამასობაში, არზრუმის ფაშას მეშვეობით, გიორგი გურიელმა თავისი ძმა ქაიხოსრო დაამარცხა და გურიელობა დაიბრუნა, მაგრამ მას არც გურიის თავადაზნაურები ასვენებდნენ და არც დადიანი, ბოლოს კიდევაც გააძევეს ბათუმში, მაგრამ შემდეგ ისევ უკან დაბრუნდა და ისევ გურიელობდა.

იმერეთ-სამეგრელოსა და რაჭის მფლობელთა მეგობრობაც დროებითი გამოდგა. 1717 წ. ზამთარში დადიანი და ერისთავი თავს დაესხნენ ზურაბ აბაშიძეს, რომელმაც სუერის ციხეში შეაფარო, მაგრამ მომხდურებმა მამული აუწიოკეს. დადიანი შემდეგ თავის ძმა მანუჩარსაც მიუხტა ლეჩხუმში და დეზვირის ციხეში გამოამწყვდია. რამდენიმე ხნის შეზღვევდა დადიანმა, ერისთავმა, ზ. აბაშიძემ და გ. გურიელმა კავშირი შეკრეს და ძალმომრევე ცხოვრებას განაგრძობდნენ. ისინი ყველა მოწინააღმდეგეს სპობდნენ ან მაჰმადიანებზე ყიდდნენ.

1719 წ. აგვისტოში, ხონთქარის ბრძანებით, სტამბოლიდან ბრუნდება გიორგი მეექვსეც, რომელიც ისაყ ფაშას ჯარით იმერეთში შევიდა, იქ მოკავშირეთა ზ. აბაშიძის, დადიანისა და ერისთავის ლაშქარი დახვდა, მაგრამ თავადთა ლაშქარმა მრავალრიცხოვან მტერს ვერ გაუძლო და უკან დაიხია. დადიანი და აბაშიძე სამეგრელოში გაიქცენ, ხოლო ერისთავი — რაჭაში: „მაშინ ოსმალთა მოსრნეს და შეიპყრნეს სპანი მათნი მრავალნი. მერმე მოსტყუვევნეს ოკრიბა, შემუსრნეს ციხენი და კოშკნი. შემდგომად წარვიდნენ ოდიშს; ვერ წინაღუდგა დადიანი მუნცა. უყვეს ეგრეთვე და მოწუეს ეკლესიანიცა. ხოლო უღონო ქმნილმან დადიანმან მისცა ქრთამი დიდი, დაიზავა, უკუმოიქცა მეფე და დადგა ქუთათაისსავე. მერმე ზავჰყო მთავართა მათ თანა და დაიპყრა იმერეთი. მერმე განუტევა ოსმალნი და იყოფოდა მშვიდობით“¹.

დასავლეთ საქართველოში ნამდვილი მშვიდობა არც ამის შემდეგ დამყარდა. სამეფო ტახტზე მეოთხედ დაბრუნებულ მეფეს კვლავ დიდი თავადები დაუპირისპირდნენ. ბოლოს და ბოლოს, 1720 წ. მარტში, ბ. დადიანმა და შ. ერისთავმა, თხმელის ციხეში ნადიმობისას, სვიმონ მეფე აბაშიძის მსახურებს მოაკვლევინეს. ამის შემდეგ ერისთავმა კაცხის ციხიდან მეფის განძეულობაც დაიტაცა. შეთქმულები არც ამით დაკმაყოფილდნენ და იმერეთი ისევ გაინაწილეს.

რა თქმა უნდა, საქმეში ისევ ოსმალები ჩაერივნენ, ხონთქარის ბრძანებით, იმერეთის მეფედ გიორგის მემკვიდრე ალექსანდრე უნდა დანიშნულიყო. მალე ახალციხის ფაშამ და შავშეთის ბეგმა უფლისწული იმერეთში მოიყვანეს. ამასობაში მოკავშირე თავადებს შორის შუღლი ჩამო-

¹ ქართლის ცხოვრება, IV, გვ. 880.

ვარდა, შოშიტა ერისთავი ალექსანდრეს მიემხრო, ხოლო დადიანი და აბაშიძე მათ დაუპირისპირდნენ. ოსმალებმა ჯერ იმერეთი დაიპყრეს (ეუცხვათის ციხეში თავისი მეციხოვნეები ჩააყენეს), შემდეგ დადიანს გაეკიდნენ ლეჩხუმში, რომელიც საშინლად ააოხრეს და ქუთაისში დაბრუნდნენ. ბოლოს დადიანმა მოახერხა ოსმალები მოეჭრათ (თორმეტი ქისა ვერცხლით). სამაგიეროდ, მან მოწინააღმდეგე ოტია ჩხეიძეც მოაკვლევინა და მეფის მეურვეობას დაუფლდა.

ვახუშტი ბაგრატიონის ცნობით, დადიანმა ბოლოს მეფეც დაისიდა და მასზე უზომო გავლენაც მოიპოვა, ის იმერეთის ფაქტობრივი მბრძანებელი გახდა¹. როგორც სხვა დროს, ახლაც შურმა იჩინა თავი. დადიანს, პირველ რიგში, საკუთარი ძმა ჭყონდიდელი დაუპირისპირდა. მან კავშირი შეკრა თამარ დედოფალთან და თავისი ძმა დადიანი ახალციხისა და არზრუმის ფაშებთან დაასმინა. როგორც ჩანს, დადიანმა და მეფემ ოსმალებს უფრო დიდი ქრთამი მისცეს და მოწინააღმდეგეთა დასჯის უფლება მიიღეს. სიძე-სიმამრმა თამარი დეხვირის ციხეში გამოკეტეს, ხოლო გაბრიელს ჭყონდიდლობა წაართვეს. მალე დადიანი და ალექსანდრე რაჭის ერისთავს, მის ძმა გენათელს და ზ. აბაშიძესაც გადაემტერნენ, რომელთაც არაერთხელ აუწიოკეს მამული და სამწყსო.

მემატიანის რწმუნებით, დადიანი არც სიძე ალექსანდრე მეფის ერთგული იყო, მან არაერთხელ მოისურვა მეფის სიკვდილი, მაგრამ თავისი ასულის შიშით ეს ვერ განახორციელა².

მეფისა და დადიანისაგან ათვალწუნებულმა ერისთავმა და აბაშიძემ არაერთხელ მიმართეს დახმარებისათვის ქართლის მეფე ვახტანგ მეექვსეს, მაგრამ ოსმალთა რიდით ამ უკანასკნელმა ვერაფერი გაბედა. ერისთავმა რამდენჯერმე სცადა მეფისადმი შეთქმულებაც, რადგან ვერაფერი გააწყო, ძალის გამოყენება სცადა, 1725 წ. რაზმით დაესხა თავს სკანდის ციხეში მყოფ ალექსანდრეს, მაგრამ ციხე ვერ აიღო და ახლომახლო სოფლების აწიოკებით და ტყვეების წაყვანით დაკმაყოფილდა.

აღსანიშნავია, რომ XVIII ს. პირველ ოცეულში, შინა ფეოდალური არეულობის გამო, ოსმალები ნაკლებად ახერხებდნენ საქართველოს საქმეებში სამხედრო ძალით ჩარევას, მაგრამ ურთიერთმებრძოლი ქართველი თავადები მათ საქართველოს მანაც არ ავიწყებდნენ, დიდი ქრთამის ფასად ისინი ხშირად სამშობლოს დასარბევად მოჰყავდათ.

XVIII ს. 20-იან წლებში ოსმალებმა განიზარახეს შავი ზღვის აღმოსავლეთ სანაპიროს მტკიცე დაპატრონება. მათ ფოთის ციხე ააშენეს და ფაშა დასვეს. მალე ოსმალებმა რუხის ციხესიმაგრე დაანგრიეს და მისი ნანგრევებით ანაკლიის ციხე (რედუტ კალე) ააშენეს. ამასთან ოსმალებმა შავი ზღვის სანაპირო ციხეებში გარნიზონები ჩააყენეს, ხოლო უფრო შორს მდებარე ციხეები დაანგრიეს³.

1 ქართლის ცხოვრება. IV. გვ. 830.

2 ი. ქ. ვ. ე. გვ. 882.

3 ი. ქ. ვ. ე. გვ. 883.

მიუხედავად მტრის ასეთი მოწოლისა, დასავლეთ საქართველოს მმართველი წრეები ერთიმეორის წინააღმდეგ ტრადიციულ ძმათამკვლელ ომს განაგრძობდნენ. საკმარისი იყო რომელიმე მეზობელი თავადი გაძლიერებულიყო ან მეფის კარზე აღზევებულიყო, რომ მისი წინააღმდეგ სხვა თავადები დარაზმულიყვნენ, ხოლო შესაძლო შემთხვევაში მისგან არაფერი დაეტოვებინათ.

XVIII ს. მეორე მეოთხედის დასაწყისში განსაკუთრებით მწვავე ხასიათს ატარებდა დადიანისა და რაჭის ერისთავის ბრძოლა. 1725 წ. ბოლოს დადიანმა და მეფემ ერთიანი ლაშქრობა მოაწყვეს რაჭაში, მათ ჯერ წულუკიძის მამული ააოხრეს, შემდეგ ქვემო რაჭა სევამდღე და ტყვეებითა და ალაფით დატვირთული დაბრუნდნენ. მომდევნო წელს სიძე-სიმამრმა და ზურაბ აბაშიძემ ერისთავის ერთგული ლევან აბაშიძის მამული გაატიალეს.

ბოლოს და ბოლოს ერისთავმა დადიანთან და მეფესთან შერიგება ამჯობინა (ცოლად შეირთო დადიანის ასული მარიამი, გიორგი გურიელის ქვრივი). ამასობაში ბ. დადიანი კიდევ უფრო გაძლიერდა, ის სამეგრელოსთან ერთად იმერეთსაც მართავდა. ცხადია, დადიანის ასე განდიდება ზურაბ აბაშიძემ ვერ აიტანა, მან დადიანი ახალციხის ფაშა ისაყთან დაასმინა.

ისაყ ფაშამაც არ დააყოვნა და თავისი შვილის — უსუფის სარდლობით, 1728 წ. იმერეთში ჯარი გამოაგზავნა. როდესაც გეგუთში დაბანაკებულ ოსმალებთან დადიანი და მისი შვილი ოტია გამოცხადდნენ, კარავში შესულ ბეჟანს მაჰმად ბეგმა ქურღულად ჩასცა ზურგში ხანჯალი, ოტიამ კი გაქცევა მოახერხა.

მეფემ მოლაპატე ზ. აბაშიძისათვის სამაგიეროს გადახდა გადაწყვიტა, მაგრამ სანამ ის შორაპნის ციხეს დაეცემოდა, ზურაბმა ეს უქანასკნელიც და ბაღდაღის ციხეც ოსმალებს დააკავებინა.

ოდიშში მისვლისთანავე ოტია დადიანად დაჯდა, მაგრამ მას მისი ძმა — კაცო აუმხედრდა. დადიანმა ის შეიპყრო და ერისთავს კუარას ციხეში გამოამწყვდევინა. თავის მხრივ, ერისთავი მოწინააღმდეგე იაშვილს შეესია სადმელის ციხეში. მეფემ ერთგული თავადის მისაშველებლად ლევან აბაშიძე გააგზავნა, მაგრამ ერისთავმა ის მოტყუებით შეიპყრო და დადიანს გადასცა.

ერისთავის ამგვარი თავხედობით გაბოროტებულმა მეფემ ლაშქარი შეკრიბა და სადმელში გასწია, სადაც ციხე აიღო, მაგრამ ერისთავი გაექცა. ამით შეშინებულმა დადიანმა ლევან აბაშიძე გაათავისუფლა, მაგრამ მალე თვითონც გარდაიცვალა.

მოკლე დროში კაცო ჩიქოვანმაც მოახერხა კუარას ციხიდან გაქცევა, მაგრამ დადიანად უკვე გრიგოლ ოტიას ძე იჯდა. შემდეგ შოშიტაც გარდაიცვალა და ერისთავობა მისმა უფროსმა შვილმა ჩაიგდო.

1732 წ. მეფე ალექსანდრე, გურიელი და ლევან აბაშიძე გაერთიანდნენ, რაც გრიგოლ დადიანმა ვერ აიტანა. მან ჯერ მეფის ძმა მამუკა გა-

დაიბირა, შემდეგ რაჭის ერისთავი, ბოლოს მარგველები და გეგუთი და-
არბიეს. მეფემ, ლევან აბაშიძემ და გენათელმა ქუთაისისაკენ დაიხიეს,
აქეთ მისდია შეთქმულთა ლაშქარმა: მეგრელების, რაჭველების, ლეჩხუ-
მელებისა და აფხაზების შემადგენლობით, მაგრამ ოსმალების შიშით მათ
ქუთაისის აღება ვერ გაბედეს.

მეფეს ყველაზე მეტად ერისთავის მოქმედება აღელვებდა, მაგრამ,
რადგან ის ვერაფრით ჩაიგდო ხელთ, მას საკუთარი ძმა გენათელი დაუ-
პირისპირა, რომელსაც ამაღლება, სიმონეთი, ძულუხი და სხვა მამულები
უწყალობა (ამიერიდან გენათელის სამფლობელოს ბარის საერისთავო
ეწოდა)¹.

როდესაც დასავლეთ საქართველოს მმართველი წრეები ერთიმეორეს
არბევდნენ, ფოთის ფაშა თავის საქმეს აკეთებდა, მტკიცედ ეუფლებო-
და შავი ზღვის სანაპიროებს სამეგრელოდან-ჩიქეთამდე. ნაცვლად იმისა,
რომ ქართველებს ოსმალთა წინააღმდეგ კოალიცია შეედგინათ, იმერეთის
მეფე ოსმალებს ეხმარებოდა სამეგრელოსა და აფხაზეთის სანაპიროების
დაპყრობაში*. ფოთის ფაშა მარტო ამ დახმარებას არ დასჯერდა და 1733 წ.
ალექსანდრეს ჩიქების წინააღმდეგ ლაშქრობაში მონაწილეობაც მოსთხო-
ვა. ჩანს, ეს უკვე არ შედიოდა ალექსანდრეს ინტერესებში, თან საშიშ
საქმეს წარმოადგენდა, ამიტომ ღამით უკან გაიბარა, მაგრამ გზაში მას
ჯერ ოსმალები გადაეღობნენ, შემდეგ დადიანის რაზმებიც. სანახევროდ
განადგურებული ალექსანდრე იძულებული გახდა დადიანისათვის მძევ-
ლები მიეცა და დაზავება ეთხოვა.

იმერეთ-სამეგრელოს, გურიისა და რაჭა-ლეჩხუმს ჯერ კიდევ ოსმალ-
თა უკანასკნელი ლაშქრობისა და ურთიერთშეთქმულების იარები არ
ჰქონდათ მოშუშებული, რომ მეფის წინააღმდეგ მმართველმა თავადებმა
ისევე შეთქმულება მოაშზადეს. დადიანმა, ერისთავმა და ზ. აბაშიძემ მე-
ფის ძმა მამუკა გადაიბირეს და ლაშქარი შეკრიბეს. როდესაც ეს გამომ-
ქლავნდა, მეფემ მამია (მეოთხე) გურიელი, ლევან აბაშიძე, დადიანის ძმა
კაცო, ბარის ერისთავი გედეონი და მერაბ წულუკიძე შეყარა და თადა-
რივი დაიჭირა. მოწინააღმდეგეთა ძალები 1734 წ. ზამთარში შეებენ ერ-
თიმეორეს ჩიხორში*: „...იქმნა ბრძოლა და მოისრნენ ორგინთვე უმრავ-
ლესნი... მერმე სძლეს ალექსანდრეთა და მოსრვიდნენ მათ, მიეწივნენ
დადიანს, ჰკრეს თოფი და ჩამოვარდა. კუალად დაჰკოდეს დავით აბაში-
ძე; აქათ მოკლეს კაცო, ძმა დადიანისა; მიჰყვნენ ლტოლვილთა, რამეთუ
იყო თოვლი დიდი, მოსრნეს, შეიპყრნეს რაჭველნი და ლეჩხუმელნი და
ოდიშარნი უმრავლესნი და დაყიდეს სრულიად ოსმალთა ზედა“².

¹ ქართლის ცხოვრება, IV, გვ. 886.

* ამ ლაშქრობის დროს შერვაშიძემ მაჰმადიანობა მიიღო და ოსმალებს დაუხაია.

** ჩიხორის ბრძოლა წყაროებით სხვადასხვა წლითაა დათარიღებული (იხ. სეხნია
ჩხეიძე, ცხოვრება მეფეთა. ზ. ჭიჭინაძის გამოც. თბ. 1913, გვ. 60; თ. კორდანი, ქო-
ნიკები, III, თბ., 1967, გვ. 127, 638—639 და სხვ.). მეკლავარების ქ. ჩხატარაიშვილისა
და მ. რეხვიაშვილის აზრით, ჩიხორის ბრძოლა 1732 წელს მოხდა.

² ქართლის ცხოვრება, IV, გვ. 888.

წოდებრივი ტრადიციის (კლასობრივი პრინციპის) გამო ვახუშტი ბაგრატიონი, როგორც ყოველთვის, ჩიხორის ომის მსხვერპლთაგან სახელდებით მხოლოდ თავად-აზნაურებს მოიხსენიებს, მაგრამ, იოლი წარმოსადგენია, ეს და სხვა მსგავსი ძმათამკვლელი ომები რა მძიმე შედეგებით მთავრდებოდა, განსაკუთრებით გლეხებისათვის.

ბუნებრივია, ოსმალებს არც ერთი მფლობელის უსაზღვრო გაძლიერება არ აწყობდათ საქართველოში, მითუფრო მეფის, როგორც ყოველთვის, ისინი ახლაც საქმეში ჩაერჩნენ. მათ მეფეს ტყვე დადიანის განთავისუფლება და ზურაბ აბაშიძის ხელშეუხებლობა უბრძანეს. რადგან მეფეს სხვა გამოსავალი არ ჰქონდა, ასე მოიქცა, სამაგიეროდ, ლეჩხუმის დაბრუნება მოითხოვა*, როცა ვერც ამას მიაღწია საჰილაო-სამიქელაოს მიღებით დაკმაყოფილდა (ეს მამულები მამუკა ბატონიშვილს გადაეცა).

დასავლეთ საქართველოში, ჩიხორის ბრძოლის შემდეგ, მდგომარეობა კიდევ უფრო დაიძაბა. დასავლეთ საქართველო ოსმალებს თავის საკუთრებად მიაჩნდათ, ამიტომ მის მმართველ წრეთა დავასა და შეხლაშემოხლას თავის სასარგებლოდ იყენებდნენ, სხვა სიტყვებით რომ ვთქვათ, საქართველოს საქმეების „მოსაგვარებლად“. თავის კეთილდღეობისათვის მებრძოლი ფეოდალებისაგან, უზარმაზარ ქრთამ-გასამრჯელოს იღებდნენ.

მეფე ალექსანდრე თავისი და ქვეყნის პოზიციების განმტკიცებას ცდილობდა, მაგრამ თავადები მას საშველს არ აძლევდნენ. ამ პიდილოში მეფემ დავით აბაშიძეს და პაპუნა წერეთელს თავები მოჰკვეთა ვარციხის სასახლეში. მეფის ამ ვერაგობის საპასუხოდ ზ. აბაშიძემ, გრიგოლ ერისთავმა და ოტია დადიანმა შეთქმულება მოაწყვეს, მაგრამ მეფე ალექსანდრემ დაასწრო, მან შანშე ქსნის ერისთავის რაზმები და ხუთასი დაქირავებული ლეიკ დაიხმარა და შეთქმულებს შეუტია. როგორც ჩანს, მეფის ზოგიერთმა მომხრემ გამოცდილებით იცოდა, თუ რას ნიშნავდა და რა შედეგები მოჰქონდა თანამომმეთა წინააღმდეგ უცხო ძალის გამოყენებას. ამიტომ ლევან აბაშიძემ მეფეს ურჩია: „რამეთუ არა კეთილ არს ლეკთაგან შემუსვრა ქუეყანისა ჩუენისა, რაჟამს სცნან ადგილნი, თვთვე მრავალსა ბოროტსა შეგუაჩუენებან, ვითარცა უყვეს სხუათა“¹.

ვახუშტი ბაგრატიონის ცნობით მეფემ ისმინა ეს კეთილი რჩევა, ოდიშის დარბევას შეეშვა, ხოლო ლეკები შინ დააბრუნა².

ირანმა 1735 წ. თურქეთი აიძულა აღმოსავლეთ საქართველოს შეშვებოდა. იმის შიშით, რომ იმერეთის მეფე შაჰის მხარეზე არ გადასულიყო და დასავლეთ საქართველოდანაც არ განდევნილიყვნენ, ოსმალები იძულებული გახდნენ იმერეთისათვის შეღავათები მიეცათ.

მიუხედავად ამისა, საქართველოს არც ირანი თმობდა და არც ოსმა-

* ეტყობა XVIII საუკუნის 30-იანი წლებიდან ლეჩხუმი ოდიშის მფლობელ დადიანთა ხელშია, თუმცა ამის ფორმალურ დასტურს იმერეთის მეფეები იძლეოდნენ.

¹ ქართლის ცხოვრება, IV, გვ. 890.

² იქვე.

ლეთი, ისინი აშკარა თუ ფარულ ომს განაგრძობდნენ საქართველოს საბოლოო გამაჰმადიანებისა და დასაკუთრებისათვის.

ამასთან, 1736—1737 წწ. თურქეთს რუსეთიც შეეჯახა, ძალით წაართვა აზოვისა და ოჩაკოვის ციხეები.

ასეთ ვითარებაში, იმერეთის მეფე ალექსანდრემ გამოსავლის ძებნა დაიწყო, რუსეთზე აიღო ორიენტაცია. ამასთან, ირანს ქსნის ერისთავი შანშუც აუჯანყდა. ის იმერეთის მეფის ელჩთან, ტიმოთე ქუთათელთან (გაბაშვილთან) ერთად რუსეთის მეფეს ეახლა მფარველობისა და დახმარების სათხოვნელად, მაგრამ ოფიციალურ ელჩობასა და თხოვნას კვლავ არავითარი რეალური შედეგი არ მოჰყვა¹.

ამასობაში 1741 წ. დადიანმა, ერისთავმა, ზ. აბაშიძემ და შერვაშიძემ, ახალციხის ფაშის მხარდაჭერით, ალექსანდრე იმერეთიდან განდევნეს, ხოლო მის ადგილზე გიორგი ბატონიშვილი (მეფის ძმა) დასვეს.

აღმოსავლეთ საქართველოში გაძევებულმა ალექსანდრემ, ნადირ შაჰის დახმარებით, რამდენიმე თვეში დაიბრუნა მეფობა². მაგრამ მეფე-მთავართა და თავადთა ბრძოლა არც შემდეგ დაეცხრა. თავის ძმა — გიორგისთან ერთად მეფეს დადიანი, ერისთავი და სხვა თავადებიც ებრძოდნენ. მიუხედავად იმისა, რომ მეფე ხშირად უსასტიკეს ზომებს მიმართავდა (მოწინააღმდეგეთა ნაწილს თავებს ჰკვეთდა, ნაწილს ოსმალეთში ჰყიდდა და ა. შ.), შეთქმულება ისევ გრძელდებოდა.

დადიანი და ერისთავი 1743 წ. ისევ აუჯანყდნენ მეფეს, რომელმაც, ლ. აბაშიძესა და ბარის ერისთავთან ერთად, ახალციხის ფაშის ჯარი დაიჭირავა, გრიგოლ ერისთავი ბრძოლისას მოკლა, ხოლო დადიანი გააქცია. მართალია, შემდეგ ალექსანდრემ დადიანი შემოირიგა და რაჰის ერისთავად გრიგოლის ძმა ვახტანგი დასვა, მაგრამ ერთი წელიწადიც არ იყო გასული, რომ ახლა მას მამა-შვილი ზურაბ და ზაალ აბაშიძეები აუჯანყდნენ. მეფემ ეს შეთქმულებიც დაძლია, მაგრამ საბოლოოდ ვერც დადიან-ერისთავი დაიმორჩილა და ვერც იმერეთის დიდი თავადები.

სამეგრელო-რაჰის მფლობელებმა და იმერეთის ზოგიერთმა თავადმა ალექსანდრე მეხუთეს 1749 წ. ერთხელ კიდევ დაატოვებინეს იმერეთი, მაგრამ ოსმალთა დახმარებით მან კვლავ დაიბრუნა იმერეთი და ძალაუფლება. ამ შფოთისა და გამუდმებული შეხლა-შემოხლის ვითარებაში, 1752 წ. მარტში მეფე კიდევაც გარდაიცვალა, მისი ადგილი კი უფლისწულმა სოლომონმა (პირველმა) დაიკავა³.

დასავლეთ საქართველო XVIII საუკუნის შუახანებშიც მძიმე მდგომარეობასა და განსაცდელში იყო. შინა ფეოდალური არეულობა და ბრძოლა კვლავ არანაკლები მასშტაბით გრძელდებოდა, ხოლო რუსეთისა და ირანისაგან შევიწროებული თურქეთი დასავლეთ საქართველოს სამეფო-

1 საქართველოს ისტორიის ნარკვევები, IV, გვ. 476—478.

2 ქართლის ცხოვრება, IV, გვ. 892.

3 საქართველოს ისტორიის ნარკვევები, IV, გვ. 466.

სამთავროებისაგან მეტ ხარკ-გადასახადებს მოითხოვდა. ასეთმა ვითარებაში არა მარტო სამეფო-სამთავროთა ხაზინა დააცარიელა, არამედ მთელი ქვეყანა გამოიფიტა, კიდევ მეტი, მატერიალური დოვლათის შექმნილი საზოგადოება შემცივდა, ქვეყანას გადაგვარება და ფიზიკური განადგურება ემუქრებოდა.

ტახტისა და პირველობისათვის ბრძოლა არც სოლომონის დროს შეწყვეტილა. მიუხედავად საგარეო საშიშროებისა, პირველობისა და მეფობისათვის იბრძოდნენ მამუკა და გიორგი ბატონიშვილები, დადიანი და გურიელი, ერისთავი და იმერეთის მსხვილი თავადები. ბოლოს მეფე სოლომონის მოწინააღმდეგეთა ბანაკში აფხაზ-იმერთა კათალიკოსი ბესარიონი და ზოგიერთი სხვა მღვდელმთავარიც აღმოჩნდა. მართალია, შეთქმულებმა სოლომონი გააქციეს, მაგრამ ახალციხის ფაშის დახმარებით მან ტახტიც დაიბრუნა და ზოგიერთი მოწინააღმდეგეც დასაჯა.

უნდა ითქვას, რომ თავდაპირველად სოლომონმა ვერც როსტომ ერისთავისა და ვერც მისი ძმის ბესარიონის წინააღმდეგ გააწყო ვერაფერი. კიდევ მეტი, როსტომ ერისთავი რაჭის მოსაზღვრე იმერეთის ზოგიერთ სოფელსაც დაეპატრონა.

სოლომონს განსაკუთრებით დადიანთან ურთიერთობა უჭირდა, რადგან თავის ძალითა და სიმდიდრით ის ბევრად არ ჩამოუვარდებოდა მას, მაგრამ მეფემ ცოლად შეირთო დადიანის და, — რითაც მისი წინააღმდეგობის დროებითი განეიტრალებაც მოახერხა.

ძალაუფლების განმტკიცების მიზნით, სოლომონმა ზოგიერთი თავდა-აზნაური დააწინაურა, მათ შორის წერეთლები და აგიაშვილები. ამასთან, სახელმწიფო გლეხების რიცხვი გაზარდა და მათ გადასახადები შემცირა. მალე მეფემ ტყვეთა ყიდვაც აკრძალა¹.

იმერეთის მეფემ იცოდა, რომ თავისი ქვეყნის უბედურების ერთ-ერთი მთავარი მიზეზი იყვნენ ოსმალები, რომელთაც თავისი გარნიზონები ჰყავდათ ქუთაისის, შორაპნის, ცუცხვათის, ბაღდადის ციხეებში და სხვაგან. ოსმალებს არ უჭირდათ საქართველოს საქმეში ჩარევა და ყველაფრის თავის სასარგებლოდ გადაჭრა. სოლომონის ერთ-ერთი უპირველესი საზრუნავი იყო სტრატეგიული ციხესიმაგრეებიდან ოსმალთა გარნიზონების განდევნა, რაც, აგრეთვე მათი ბატონობის ლიკვიდაციის დასაწყისი შეიძლებოდა ყოფილიყო.

სწორედ ამ მიზანს ემსახურებოდა ხრესილის ბრძოლა, რომელიც 1757 წ. დეკემბერში გაიმართა. ამ ომში მეფის ლაშქრის მხარდამხარ იბრძოდნენ სამეგრელოს, ლეჩხუმის, გურიისა და სამურზაყანოს რაზმები, ხოლო ოსმალთა ჯარი ახალციხის საფაშოსა და აჭარის სანჯაყის ნაწილები-საგან შედგებოდა. მტრის რიგებში იყვნენ მოღალატე ლ. აბაშიძისა და რაჭის თავად წულუყიძის რაზმებიც.

¹ შ. ბურჯანაძე, სოლომონ I-ის მეფობის პირველი პერიოდი. გვ. 73 (თსუ შრომები, XI, 1950).

ბრძოლის დასაწყისში სოლომონმა მოკლა თურქთა სარდალი ქეპა, მართალია, ის ლ. აბაშიძემ შეცვალა, მაგრამ ქართველთა გმირულმა ბრძოლამ ოსმალთა განლაგებაში ბზარი გააჩინა. მეფის ძხარეზე გადმოვიდა გონს მოსული წულუკიძის რაჭველთა რაზმი. ცხარე ბრძოლაში ქართველთა მეწინავე რაზმმა მოკლა მოღალატე აბაშიძეც, შეიპყრო გოლა ფაშა, სპასპეტი, ბაშ-ალა და სხვა, რამაც ძლიერ დააბნია მტერი. ბოლოს საქართველოს ლაშქარმა ბრწყინვალე გამარჯვება მოიპოვა, მტრის ჯარის ნაწილი დატყვევებულ იქნა, ნაწილმა გაქცევით უშველა თავს¹.

რასაკვირველია, ოსმალები იოლად არ თმობდნენ პოზიციას, მითუფრო მათ მთელი კავკასიის დასაკუთრება უნდოდათ. ამიტომ 1758 წ. დეკემბერში მათ, ახალციხის ფაშას მეთაურობით, ქურდული შემოსევა მოაწყვეს იმერეთში. ოსმალებთან ერთად ამ ლაშქრობაში ხუნძახელი ლეკებიც მონაწილეობდნენ. მტერმა იმერეთის რიგი სოფლები ააოხრა და დიდი ნადავლი გაიტაცა. რამდენიმე თვის შემდეგ ოსმალთა შემოსევა ისევ განმეორდა, მაგრამ სოლომონ მეფის ლაშქარმა მათ საკადრისი პასუხი გასცა; მნიშვნელოვანი ზარალის შემდეგ მომხდური მტერი ისევ თავქუდმოგლეჯილი გაიქცა.

ქვეყნის თავდაცვისუნარიანობის განმტკიცებასთან ერთად, სოლომონ პირველი ეკლესია-მონასტრების აღდგენას და ამით ხალხის რწმენის განმტკიცებას შეუდგა. მეფემ თავადაზნაურები აიძულა ეკლესიისაგან დატაცებული ყმა-მამულები უკან დაებრუნებინათ. ამასთან, სოლომონმა ღვთისმსახურება გააძლიერა და ეკლესიებს ზოგიერთი ვალდებულება შეუქვეცა.

სოლომონ მეფემ პრინციპული და ენერგიული ბრძოლა დაიწყო ტყვეთა სყიდვის აკრძალვისათვის. მიუხედავად ოსმალთა კატეგორიული მუქარისა, სოლომონმა 1759 წ. დეკემბერში საეკლესიო კრებას (რომელსაც იმერეთის, სამეგრელოს, გურიის, აფხაზეთისა და რაჭა-ლეჩხუმის მღვდელმთავრებთან ერთად, საერო თავადაზნაურებიც ესწრებოდნენ) დაადგინა, რომ ტყვის ყიდვა აკრძალულიყო, დამნაშავე სიკვდილით დაესაჯათ².

სოლომონ პირველი შემდგომ ციხესიმაგრეების მშენებლობასა და მოწესრიგებას, აგრეთვე ურჩ თავად-აზნაურთა შეზღუდვას შეუდგა. მართალია, მეფემ რაჭის ერისთავთა წინააღმდეგობა ვერაფრით გატეხა, მაგრამ, სამაგიეროდ, მან არაერთი თავად-აზნაურის გვარეულობა დააწინაურა და მოიმადლიერა, მათ შორის: ავიაშვილები, წერეთლები, იაშვილები, ლორთქიფანიძეები, წულუკიძეები, მაჭავარიანები და სხვ.

ქ. ჩხატარაიშვილის აზრით, „1757—1759 წლებში გატარებულმა ღონისძიებებმა იმერეთის მეფეს დასავლეთ საქართველოში დიდი ავტორიტეტი

¹ ნ. დადიანი, ქართველთ ცხოვრება. გვ. 178; ს. კაბაძე, წერტილები და მასალები საქართველოს ისტორიისათვის, 1914. გვ. 85; სეკნაძეძის ისტორიის ნათესავების, IV. გვ. 638—639.

² Акты, собранные Кавказской археологической комиссией, т. I, с. 56.

მოუპოვა. ეს ღონისძიებები ფართო მასების ინტერესებსაც პასუხობდნენ, თუ გავითვალისწინებთ იმ წარმოუდგენლად მძიმე პირობებს, რომელშიაც მოსახლეობას XVIII საუკუნის შუა ხანებში უხდებოდა ცხოვრება, ცხადი გახდება, რომ სოლომონს მშრომელი მასებისა და ფეოდალთა პროგრესული ნაწილის სრული მხარდაჭერა უნდა დაემსახურებინა. სწორედ ეს იყო უმთავრესი პირობა დამოუკიდებლობისათვის ბრძოლის მომავალი წარმატებისათვის, დღე ელეოდა ოსმალთა ბატონობას იმერეთში¹.

სოლომონ მეფის ბრძოლას ოსმალთა წინააღმდეგ მეტი წარმატება და შედეგი ექნებოდა მოლაღატე და შინგამცემი თავად-აზნაურები რომ არ ყოფილიყვნენ. მაგალითად, თეიმურაზ მამუკასძე, რომელიც ოსმალებს შეეკრა და, მეფედ დასმის შემთხვევაში, მათ ტყვეთა სყიდვის განახლებას დაპირდა. ასეთები სამწუხაროდ არც თუ ცოტანი იყვნენ.

ტყვეთა სყიდვის აკრძალვით, ხარკისა და ძღვენსაჩუქრების მოკლებით და ოსმალთა განუკითხავი თარეშის შეზღუდვით გაბოროტებულმა სულთანმა ახალციხისა და არზრუმის ფაშების, აგრეთვე ბეგებისა და სხვა მოხელეთა მეშვეობით XVIII ს. 60-იან წლებში არაერთი ლაშქრობა მოაწყო დასავლეთ საქართველოში, კერძოდ, იმერეთში. მიუხედავად პროგრესულად განწყობილი ქართველი საზოგადოების, აგრეთვე აღმოსავლეთ სამეფო მესვეურთა მორალური მხარდაჭერისა, სოლომონ მეფემ ვერ შეძლო მრავალრიცხოვანი მტრებისადმი გამკლავება, მით უფრო, რომ დასავლეთ საქართველოში არც მის დროს იყო ერთიანობა. ზოგჯერ, როგორც რაჭის ერისთავი, აგრეთვე დადიანი და იმერეთის ზოგიერთი თავადი (ნებით თუ უნებლიედ), ოსმალების მოკავშირედ გამოდიოდნენ. ასე მოხდა 1766 წ., როდესაც ჰასან ახალციხის ფაშის ჯარის წინააღმდეგ სოლომონის ლაშქარი მარტოდმარტო აღმოჩნდა, რის გამოც, იმერეთი მტერმა დაარბია, ხოლო მეფის ამაღამ წერეთლების მოდინახეს ციხეს შეაფარა თავი.

ამ დამარცხებამ ერთხელ კიდევ დაარწმუნა მეფე, რომ აუცილებელი იყო რუსეთთან კავშირი, მაგრამ ამ მიზნით დაწყებულმა მოლაპარაკებამ ვერც სოლომონს მოუტანა სანუგეშო შედეგი.

აღსანიშნავია, რომ XVI—XVIII საუკუნეებში დასავლეთში, ყველაზე მშვიდობიანად სვანეთის მოსახლეობა ცხოვრობდა. იგი არა მარტო თურქ-ოსმალთა აგრესიისაგან იყო შედარებით მოსვენებული (გეოგრაფიული მდებარეობის, რაჭა-ლეჩხუმისა და ოდიშის წყალობით), არამედ თითქმის არავითარ მონაწილეობას არ იღებდა იმერეთ-ოდიშისა და გურიის მმართველ წრეთა მიერ გაჩაღებულ ძმათამკვლელ-შინაფეოდალურ ომში. ამასთან, სვანეთი დასავლეთ საქართველოს იცავდა მეზობელ ჩრდილო ხალხთა დაწოლისაგან.

1766 წ. ლაშქრობაში გამარჯვების წყალობით ოსმალებმა იმერეთის

¹ საქართველოს ისტორიის ნარკვევები, IV, გვ. 642.

მეფედ თეიმურაზ მამუკასძე დასვეს, ამასთან, მოლაღატე თავად-ანაურთა ხელშეწყობით, ტყვეთა სყიდვა განაახლეს¹.

თურქებმა იმერეთში 4 ათასამდე მოლაშქრე დატოვეს და ციხეებიც გაამაგრეს, მაგრამ დამპყრობლებს ვერც ამან და ვერც მოლაღატე თავადების მხარდაჭერამ უშველა. იმერეთის ლაშქარმა, რომელსაც ლექთა დაქირავებული რაზმიც ეხმარებოდა, შეძლო თეიმურაზისა და მისი მომხრეების ახალციხეში გაძევება და სოლომონისათვის შეფობის დაბრუნება.

მძიმე საშინაო და საგარეო მდგომარეობის მიუხედავად, თურქეთი (პორტა) საქართველოზე ხელის აღებას არ აპირებდა. სულთანის ბრძანებით, იმერეთში სალაშქროდ ემზადებოდა ახალციხის, ერზერუმის, ტრაპიზონის, დიარბექირის, ჭანეთის, ალბანეთის და ყარაბაღის ჯარები. თუმცა თურქეთის მბრძანებელი საქართველოში ძველებური პრივილეგიების მშვიდობიანი აღდგენის წინააღმდეგი არ იყო, რადგან, ჯერ ერთი, თურქეთსა და რუსეთს შორის მწვავედებოდა ურთიერთობა; მეორეც, სოლომონს მხარს უჭერდა ერეკლე მეორეც. ყოველივე ამის გამო, იმერეთთან ომს შეიძლებოდა მნიშვნელოვანი მსხვერპლი გამოეწვია, თურქეთს კი ეს არ აწყობდა.

ბოლოს და ბოლოს იმერეთსა და თურქეთს შორის 1767 წ. საზავო ხელშეკრულება დაიდო, რომლის საფუძველზე იმერეთი თურქეთის პროტექტორატში შევიდა, მას ყოველწლიურად თურქეთისათვის 60 ქალიშვილი უნდა მიეცა².

როგორც ჩანს, სოლომონმა შემდეგ გაითვალისწინა თურქეთის მძიმე მდგომარეობა და უარი განუცხადა ხარკის გადახდაზე.

1768 წ. იმერეთის მეფეს აუჯანყდნენ თეიმურაზი, გიორგი, დადიანი, ერისთავი, გურიელი და სხვები. ომი მოხდა ჩხარში (ცხრაწყაროსთან), სადაც გაიმარჯვა სოლომონმა, რომელმაც თეიმურაზ და გიორგი ბატონიშვილები ტყვედ ჩაიგდო, სხვებმა კი გაქცევა მოახერხეს. მიუხედავად იმისა, რომ იმერეთში ახალციხის ჯარის შექრა იყო მოსალოდნელი, სოლომონმა ერისთავს ლექთა დაქირავებული რაზმები შეუსია, რომელთაც რაჭის ზოგიერთი სოფელი ააწიოკეს, მაგრამ ერისთავმა სამეგრელოში გააღწია თავი. იმერეთის მეფემ 1769 წ. იანვარში ერთხელ კიდევ გადაწყვიტა როსტომის ხელში ჩაგდება და რაჭაში გაილაშქრა, მაგრამ კვლავ ამაოდ. სამაგიეროდ, სოლომონმა ბესარიონი კათალიკოსობიდან გადააყენა და მის ადგილზე თავისი ძმა იოსები დანიშნა³.

რაჭაში ყოფნის დროს სოლომონმა რუსეთის ელჩებს თურქეთის წინააღმდეგ მოკავშირეობა აღუთქვა. 1769 წ. მაისში მეფე როსტომსაც

¹ მ. თამარაშვილი, კათალიკოსა ქართველთა შორის, თბ., 1902, გვ. 385; შ. ბუჩქაძე, სოლომონ I-ის მეფობის პირველი პერიოდი, გვ. 97—101.

² О. П. Маркова, Россия, Закавказье и международные сношения в XVIII веке, М., 1966, с. 136; А. Цагарели, Грамоты. I вып. II, с. 1—2.

³ შ. ბუჩქაძე, სოლომონ I-ის მეფობის., გვ. 107.

შეურიცდა მოჩვენებით, ამით დაიმედებული ერისთავი და მისი შვილები სოლომონს ეწვივნენ ვარციხეში, მან კი ისინი შოტყუებით შეიპყრო და ყველას თვალები დასთხარა. ამიერიდან მეფემ რაჭის საერისთავო გააუქმა, ერისთავთა ყოფილი მამულებისა და ქონების ნაწილი სახასოდ გამოაცხადა, ხოლო ნაწილი ერისთავთა მიერ დასჯილ, თავის ერთგულ თავადაზნაურებს უწყალობა. ასე მოუსპო სოლომონმა ერისთავსა და მის შთამომავალს იმერეთის მეფეებისადმი მეტოქეობის შესაძლებლობა.

მართალია, სოლომონის გარდაცვალების შემდეგ რაჭის საერისთავო დროებით აღსდგა, მაგრამ მას დიდი ხნის არსებობა არ ეწერა, ისევ მალე გაუქმდა. სამაგიეროდ, რაჭაში წულუკიძეთა და წერეთელთა სათავადოები აღმოცენდნენ, მაგრამ იმერეთის სამეფოში ისინი მაინცდამაინც დიდი როლით არ გამოირჩეოდნენ, ამასთანავე რუსეთთან შეერთებისთანავე მათაც შეწყვიტეს არსებობა. აღსანიშნავია, რომ რაჭის წერეთლებისა და წულუკიძეების უმრავლესობა იმერეთის მეფეებისადმი ერთგულებით გამოირჩეოდნენ.

სულ სხვანაირად წარიმართა ლეჩხუმის საკითხი, რომელიც იმერეთის მეფესა და დადიანს შორის დიდი ხნის გადაუტრეღი დავის საგანი გახდა.

თ ა ვ ი მ ე ო თ ხ ა

რ ა ზ ა - ლ ე ჩ ხ უ შ ი X V I I I ს ა უ კ უ ნ ე შ ი

1. რ ა ზ ა

რაჭის საერისთავოში საზოგადოებრივ-ეკონომიკური ურთიერთობა XVIII საუკუნეში კვლავ ბატონყმურ-დამოკიდებულებითი ურთიერთობის საფუძველზე ვითარდებოდა. XVIII საუკუნეში რაჭის ერისთავ-თავადები უფრო მდიდარი და დამოუკიდებელი ფეოდალები ხდებიან.

XVIII საუკუნეში რაჭის მოსახლეობა დაახლოებით 5000 კომლს შეადგენდა, აქედან 1300 კომლი უშუალოდ ერისთავთა განკარგულებაში იყო¹.

რაჭის ერისთავებმა XVIII ს. მეორე ნახევარში კიდევ მეტი ძალა და დამოუკიდებლობა მოიპოვეს. ამის ერთ-ერთი მიზეზი იმერეთის მეფეთა ძალაუფლების დასუსტება იყო. რამდენადაც ერისთავთა ყმა-მამული იზრდებოდა და მათი გავლენა ძლიერდებოდა, იმდენად ისინი შეუვალი ხდე-

¹ ს. კაკაბაძე, მცხოვრებო რიცხვი იმერეთის სამეფოში XVIII ს. მეორე ნახევარში, თბ., გვ. 45-47; მისივე, კვლევა-ძიებანი საქართველოს ისტორიის საკითხების შესახებ, თბ., 1929, გვ. 44.

ბოდნენ და იმერეთის მეფეთა დაქვემდებარებისაგან თავისუფლდებოდნენ.

როგორც ო. სოსელია მიუთითებს, XVIII ს-ში რაჭის ერისთავების ყმა-მამული სამეფო გადასახადებისაგან ფაქტობრივად თავისუფალი იყო. კერძოდ, რაჭის მთელი მოსახლეობიდან სახელმწიფო გადასახადს (საურს) მხოლოდ 200 კომლი იხდიდა¹.

მეფეთაგან შეუვალობისა და შედარებით დამოუკიდებლობის მოპოვების პარალელურად, ერისთავები სულ უფრო ზღუდავდნენ და ავიწროვებდნენ თავადაზნაულებს. მათი უმრავლესობა: ლორთქიფანიძეები, გამრეკელიძეები, დარახველიძეები, ლომინაძეები, დემეტრაძეები, საკანდელიძეები, ლაჭყეაძეები, ბუბაშვილები, გამყრელიძეები, ბაქრაძეები და სხვები, ერისთავთა უშუალო გამგებლობაში იმყოფებოდნენ.

ერისთავთა ძალაუფლების გაძლიერების მთავარი წყარო და საფუძველი მიანიჭ ყმა-მამულის ზრდა იყო. ეს განსაკუთრებით საგრძნობი გახდა XVIII საუკუნის მეორე და მესამე მეოთხედში, როცა იმერეთის მეფეებს ოდიშის მთავრებიც ავიწროვებდნენ.

ფეოდალური ანარქიით და უცხო მტერთა შემოსევებით მარჯველ სარგებლობდნენ რაჭის ერისთავებიც, რომლებიც პოლიტიკური სიტუაციის წყალობით, თანდათან დიდ ძალასა და დამოუკიდებლობას იხვეჭდნენ.

ქვეყნის შინა და გარეშე ძალთა დაპირისპირების შედეგად რაჭის ერისთავებმა XVIII საუკუნის შუა ხანებში თითქმის მთელი რაჭა დაიქვემდებარეს და ძალაუფლება განიმტკიცეს. მათ გლეხებზე შეადგენდნენ: დემეტრაძეები, სირაძეები, საბანიძეები, ბრეგვაძეები, დაუშვილები, ფორჩხიძეები, ხშიადაშვილები, გოგილაშვილები, ნაეროზაშვილები, პატარიძეები, კაშიები, კრიხელები, მეტრეველები, არჩვაძეები, ბოჭორიშვილები, მაისაშვილები, გოგობერიშვილები, გელაშვილები, კობერიძეები, ტოროშელიძეები, ლობჯანიძეები, გაგნიძეები, კერესელიძეები, მერკვილაძეები, ქრისტესიაშვილები, ლილუაშვილები, ჭანელიძეები, ხურციძეები, მაკარიძეები, ფხაკაძეები, სვანიძეები, მჭედლიძეები, არეულაძეები, ჩხობაძეები, არაბიძეები, ბერძენიძეები, კუხიანიძეები და სხვა, რომლებიც როგორც ბეგარა-გადასახადებით, აგრეთვე ლაშქარ-ნადირობით უშუალოდ მათ გამგებლობაში იმყოფებოდნენ.

თუ თავდაპირველად რაჭის აღდგენილ საერისთავოში ერისთავთა განკარგულებაში მხოლოდ რამდენიმე სოფელი შედიოდა (ონჭქევი, სორღითი, ჭურისთავი, წესი, მინდა, ბარაკონი, ხიდისკარი, ლიხეთი, ამბარი და ურაფი), შემდეგ მათ შეძლეს რაჭის სხვა სოფლებიც ჩაეგდოთ, კერძოდ: ონი, უწერა და გლოლა, ბოლოს კი სხვაეა, შარდომეთი, სომიწო, სორი,

¹ ო. სოსელია, ფეოდალური ხანის დასავლეთ საქართველოს ისტორიიდან, თბ., 1966, გვ. 187—188; მისივე ნარკვევები ფეოდალური ხანის დასავლეთ საქართველოს სოციალურ-პოლიტიკური ისტორიიდან, თბ., 1973, გვ. 79—80.

ფსორი, ქაშკვი, მუხურა, თავასა, მეჭვრეთი, ღები, ველტყევი, უხუთი, ეწერი, სადემეტრო, ფუტიეთი, გორა, ინაშაური, ბაში, შხივანა, შქმერი, წედისი, ბუგეული, ღარი, გრავი, მუხლო, ბარი, ამბროლაურის ნაწილი, კვაცხუთი, ხიმში, ჯვარისა, კვირიკეწმიდა, ქედისუბანი, ნიკორწმიდის ნაწილი, თლული, ჭრებალო, ბოსტანა, ბაჯი, ქვედაშავრა, მრავალძალი, გენდუში. ღვარდია, ხონქკარი, ხირხონისი და სხვ.

ყმა-მამულის გაზრდამ და პოლიტიკური ძალაუფლების ჩაგდება მ რაჰის ერისთავთა საგვარეულო XVIII საუკუნის შუახანებში იმერეთის თავადთა შორის ერთ-ერთ პირველ ადგილზე მოაქცია. ამან მიგვანიშნებს ისიც, რომ ერისთავი იმერეთის სამეფო დარბაზის ერთ-ერთი საპატიო წევრი იყო*. ამასთან რაჰის ერისთავი ზოგჯერ „სპასპეტ-სპასალარის“, „სტრატიატ-ვიპატოსის“, აგრეთვე „ლიხთიმეირისა და ამიერის მთავრისა და მსაჯულის“, „რაჰის მპყრობელის“, „ლიხთიმერთა სარდლისა და რაჰის მპყრობელის“ და სხვა ტიტულით მოიხსენიება.

ყოველივე ამის გამო, რაჰის ერისთავი ხშირად თავს მეფის ტოლად და სწორად თვლიდა, რაც, აგრეთვე რაჰის ერისთავის ძალაუფლების უზომო გაზრდის მაჩვენებელი იყო.

აღნიშნულის საფუძველზე, ო. სოსელიამ მართებულად დაასკვნა, რომ XVII—XVIII საუკუნეებში რაჰის საერისთავო სათავადოდ გადაიქცა, ხოლო ერისთავი იგივე სათავადოს უფროსად, რომელიც მემკვიდრეობით გადაეცემოდა შთამომავალს¹.

რასაკვირველია, ერისთავები (ანუ სათავადოს გამგებლები) არა მარტო გლახობასა და რიგით აზნაურებს მბრძანებლობდნენ, არამედ ხშირად ავიწროებდნენ ისეთ თავად-აზნაურებსაც, რომელთაც პირადი სამემკვიდრეო ყმა-მამული გააჩნდათ. XVII საუკუნის მეორე ნახევრიდან დაწყებული, როცა რაჰის ერისთავების თავადური ძალაუფლება და მისწრაფება აშკარად გამოიკვეთა, ისინი არამც თუ ადგილობრივ, არამედ ხშირად მეზობელ (წერეთლებს, აბაშიძეებს და სხვ), თავადებსაც ავიწროებდნენ და ზღუდავდნენ. კიდევ მეტი, საკმარისი იყო უმნიშვნელო საბაზი, რათა პატივმოყვარე ერისთავები (შოშიტა მეორიდან მოყოლებული) მეფესაც უპირისპირდებოდნენ და პირველობას ეცილებოდნენ. მრავალთაგან ამის ერთი მკაფიო მაგალითია პაპუნა მეორის დამოკიდებულება იმერეთის მეფე ალექსანდრე მეორესადმი, რომელსაც ერისთავმა არაერთხელ დააკარგინა ძალაუფლება და ბოლოს კიდევაც იმსხვერპლა. ასე მოხდა XVIII ს. პირველ მეოთხედშიც, როცა რაჰის ერისთავმა გიორგი მეფის წინააღმდეგ მხარი დაუჭირა გიორგი აბაშიძესა და დადიანს: „...სამთა ამთ მთავართა

* ეს გარემოება ჯერ კიდევ ადრე შეუნიშნავთ იმერეთის მეფესთან მოსალაპარაკებლად გამოგზავნილ რუს ელჩებს. რომელთაც რაჰის ერისთავს იმერეთის მეფის „პირველი კაცი“ ანუ „პირველი ბოიარი“ უწოდეს (იხ. სტოლინიკი ტოლოჩანოვისა და დიაკი იველიუვის ელჩობა იმერეთში, 1650—1652 წწ. მ. პოლიევკოვის გამოც., ტფ., 1926, გვ. 102, 170, 193, 195.

¹ ო. ს. ს. ე. ლ. ი. ა., ნარკვევები... გვ. 82.

განიყვეს იმერეთი თჳს-თჳსნი მჯარენი და დაიპყრნეს¹. შემდეგ 1720 წელს მეფეც მოკლეს, შოშიტა მეორემ მეფის ციხესიმაგრე კაცის აიღო და გაძარცვა².

ძალაუფლების გაფართოებისათვის ბრძოლაში რაჭის ერისთავები არაფერს ერიდებოდნენ, არც საკუთარი სამფლობელოს მსხვერპლსა და არც სამეფოს დასუსტებას. იმ დროს, როდესაც თურქ-ოსმალები დასავლეთ საქართველოს ძარცვა-განადგურებას ეწეოდნენ, ნაცვლად ერთიანი ძალებით მტრის წინააღმდეგ გაერთიანებული ბრძოლისა, რაჭის ერისთავმა 1724 წ. იმერეთი დალაშქრა და გაათილა, სამაგიეროდ, მომდევნო წელს მეფე ალექსანდრემ რაჭის საერისთავო ააოხრა³.

რაჭის ერისთავი შოშიტა მესამე დღენიადაგ ალექსანდრე მეხუთეს ეურჩებოდა: „...რამეთუ რაჭველთაგან იყო მარადის კდომა და კირთება იმერეთისა“...⁴.

თანხმობა და მშვიდობა არც ერისთავთა საგვარეულოს შიგნით სუფევდა. ზოგჯერ ერისთავის თანამდებობაზე რამდენიმე მეტოქე აღმოჩნდებოდა ხოლმე. მეფე ცდილობდა სუსტი და მორჩილი ერისთავი ჰყოლოდა, ამ მიზნით ერთიმეორის წინააღმდეგ აქეზებდა ერისთავობის პრეტენდენტებს და ბრძოლით ასუსტებდა მათ. რაკი იმერეთის მეფე ალექსანდრემ (მეხუთემ) რაჭის ურჩი ერისთავის წინააღმდეგ სხვა ვერაფერი იღონა, საერისთავოს წვრილ ერთეულებად დაშლა სცადა. ამ მიზნით მეფემ გედევან გენათელიც წააქეზა, თავი დაანებებინა ეპისკოპოსობას და ეხმარებოდა, რათა ერისთავი გამხდარიყო. მეფის ასეთი პოლიტიკის შედეგად რაჭის მოსაზღვრე იმერეთის ტერიტორიაზე ე. წ. ბარის საერისთავო ჩამოყალიბდა: „რამეთუ ესე ბარის ერისთავი იყო გენათელი და ძმა შოშიტა ერისთავისა. ამან წარგუარა ცოლი ძმისწულსა თჳსსა, პაპუნას. ასული ვახტანგ მეფისა, შეირთო თვთ და მოვიდა მეფისა თანა. ამან შეიწყენარა შურითა ერისთავისათა და მისცა საერისთო მამული იმერეთს-შინანი და უწოდეს ბარის ერისთავად“⁵.

1734 წ. რაჭის ერისთავმა, დადიანმა და ზურაბ აბაშიძემ მამუკა ბატონიშვილი (მეფის ძმა) გადაიბირეს და იმერეთში გასწიეს: „...მაშინ ალექსანდრემ ჩიხორს მღვთმძან შემოიკრიბა: გურიელი მამია, აბაშიძე ლევან, ძმა დადიანისა კაცო, ბარის ერისთავი, მერაბ წულუკიძე და იმერნი სხუანი ნეშტნი, დილასა მოვიდნენ იგინი და ეკუთვნენ ურთიერთს, იქმნა ბრძოლა და მოსრნენ ორგნითვე უმრავლესნი... მერმე სძლეს ალექსანდრესთა და მოსრვიდნენ მათ, მიეწივნენ დადიანს, ჰკრეს თოფი და ჩამოვარდა. კულად დაჰკოდეს დავით აბაშიძე, აქათ მოკლეს კაცო, ძმა დადიანისა; მიჰყუნენ ლტოლვილთა რამეთუ იყო თოვლი დიდი, მოსრნეს,

1 ქართლის ცხოვრება, IV, გვ: 877.

2 იქვე, გვ: 910.

3 იქვე, გვ: 911.

4 იქვე, გვ: 884.

5 იქვე, გვ: 886.

შეიპყრნეს რაქველნი და ლეჩხუმელნი და ოდიშარნი უმრავლესნი და დაპყიდეს სრულიად ოსმალთა ზედა¹.

მართალია, რაჭის ერისთავი ერთხანს შეუერიგდა მეფეს, მაგრამ 1740 წ. გრიგოლ ერისთავმა კავშირი შეკრა ოტია დადიანთან, აფხაზეთის მთავართან და ოსმალებთან. მოკავშირეები თავს დაესხნენ ვარციხეს, სადაც მეფე-დედოფლის ოჯახმა თავს გაქცევით უშველა, მაგრამ მომხდურებმა მცველთა ნაწილი დახოცეს და სასახლე გაანადგურეს.

გამარჯვებულმა ერისთავმა და მისმა მომხრეებმა მხარი გაუმაგრეს ოსმალებს, რომელთაც იმერეთის მეფედ გიორგი ბატონიშვილი დასვეს. მიუხედავად იმისა, რომ ოსმალების მოსყიდვით ალექსანდრემ კვლავ დაიბრუნა მეფობა, რაჭის ერისთავი, დადიანი და სხვა მოწინააღმდეგეები მას საშველს არ აძლევდნენ.

1743 წ. რაჭის ერისთავი გრიგოლი იმერეთის მეფესთან ბრძოლაში დაიღუპა. სამაგიეროდ, ერისთავად გრიგოლის ძმა ვახტანგი დაჯდა, მაგრამ ისიც მამა-პაპის კვალს გაყვა და ქვეყანას ასუსტებდა.

ვახტანგ ერისთავმა და მისმა მოკავშირეებმა ალექსანდრე მეფეს კვლავ მამუკა ბატონიშვილი დაუპირისპირეს, იგი ერთხანს მეფედაც დასვეს, მაგრამ არც თუ დიდი ხნით, ალექსანდრემ თავისი ძმა დაამარცხა და ძალაუფლება დაიბრუნა.

ერისთავი არც სოლომონ პირველის მეფობის დროს გამოდიოდა ქვეყნის ცენტრალიზაციის მომხრედ. პირიქით, იგი, თავის მოქმედებით, დღენიდაც ქართველი ხალხის მტრების, ოსმალების წისქვილზე ასწამდა წყალს. მაშინ, როდესაც სოლომონ პირველი ყოველნაირად ესწრაფვოდა იმერეთიდან ოსმალთა განდევნას, როსტომ ერისთავი (ლეონ და გედუგან აბაშიძეებთან ერთად) იმერეთის მეფეს და ქვეყნის გამაერთიანებელ პროგრესულ ძალებს ებრძოდა.

ერისთავი არც თავის სამფლობელოს თავადაზნაურებს და არც მათ მომხრე გლეხებს ინდობდა. XVIII ს. 50-იან წლებში მან ააწიოკა იმერეთის მეფის მომხრე ჯაფარიძეები, იაშვილები და წულუკიძეები, ხოლო მათი ყმა-მამული თვითონ მიიტაცა. შემდგომში ასეთივე ბედი ეწიათ ყიფიანებს, გამრეკლიძეებს, ლიპარიშვილებს, გოცირიძეებსა და სხვ. აღნიშნულ თავადაზნაურთა ყმა-მამულთან ერთად, ერისთავი რაჭაში მდებარე მეფის სახასო მამულებსაც დაეუფლა და ფაქტობრივად მთელი რაჭის ერთპიროვნულ ბატონ-პატრონად გადაიქცა.

საისტორიო წყაროები როსტომ ერისთავს უმდიდრეს და ძლიერ მფლობელად მიიჩნევენ, მის ცეცხლმსროლელ რაზმებს — უძლეველ ძალად, ხოლო ერისთავის მარნებსა და ბელლებს ღვინით და ხორბლით სავსედ ხატავს.

თანამედროვეთა ცნობებით, როსტომ ერისთავი ეკლესიებისა და სასახლეების მშენებელი, წიგნიერი და მოხერხებული პიროვნება იყო. მის

¹ ქართლის ცხოვრება, IV, გვ. 888.

ჯოგებს თითქოს მთა და ბარი ძლივს იტევდა, თითქოს ერისთავი სიმდიდრით მეფე სოლომონ პირველს აღემატებოდა¹.

შესაძლებელია, თანამედროვეები, როსტომის სიმდიდრეს, პიროვნებასა და ძალაუფლებას განგებ აზვიადებენ, მაგრამ, რაც არ უნდა იყოს, ის კი ფაქტია, რომ როსტომის სახელს უკავშირდება რაჭაში ბარაკონისა და ველტყევის ეკლესიათა, აგრეთვე იერუსალიმში დედათა მონასტრის აშენება². სხვათა შორის, როსტომ ერისთავმა და მისმა ძმამ ბესარიონ კათალიკოსმა კათოლიკობაც მიიღეს³.

რაჭის ერისთავი არა მარტო ლიხთიმერეთში ითვლებოდა მდიდარ და გავლენიან პირად, არამედ მას საკმაოდ დიდ ანგარიშს უწევდნენ ლიხთიმერეთსა და საქართველოს ფარგლებს გარეთაც.

ცხადია, ყოველივე ამის მიღწევა როსტომ ერისთავს მარტოდმარტო არ შეეძლო. იგი დიდ ძალასა და გავლენას დასავლეთ საქართველოს სხვა თვითნება ფეოდალების მეშვეობით, აგრეთვე ქართლ-კახეთის სამეფო მესვეურთა მხარდაჭერით იხვეჭდა.

როსტომ ერისთავი ერეკლე მეორის ერთგულ მოკავშირედ ითვლებოდა. როგორც ერისთავი, აგრეთვე მეფე ერეკლეც მუდამ მზად იყო ერთიმეორეს დასაჭრითა და სხვა საშუალებით დახმარებოდნენ.

სხვათა შორის, როსტომ ერისთავს პატივით მოიხსენიებდა რუსეთის იმპერატორი ეკატერინე მეორეც⁴.

ცხადია, ასეთი ძალისა და სახელის მქონე ერისთავს არ სურდა ქვეყნის გამაერთიანებელ ძალას დამორჩილებოდა. როსტომ ერისთავი თავს მეფის სწორად და ტოლად მიიჩნევდა, რაც შესანიშნავად აისახა ხალხურ ფოლკლორშიც:

„ხელი აიღე რაჭაზედ.

მიხვდი, რომ აღარ გმორჩილობ სწორი გიდგები ძალაზედ,
რაჭის ბეგარას ავიღებ, არ გერიღები ამაზედ...

თო მიბირებ ამოწყვეტას, აწ მობრძანდი, რაოას ყოვნი,

ციხე მიღვას მაღალ კლდეზე და ზედ აკრავს ბარაკონი!

ხიოის-კარში მცველები მყავს და კოშკები სამაგრონი!

ჩემი იყო, ქვე წავართვი კუდარო და რაჭა-ონი!

ჩემი წინაპარი იყო ერისთავი კახაბერი.

თმარ მეთის მამობილსა ყმანი ჰყავდა ორად ბერი.

მე ვარ მისი ტომისაჲან. ვერ მატირებ, ტყვილა მღერი,

გემორჩილო, არ განსავარ ქაჯაი შენი გერი“⁵.

1 Грамоты и другие исторические документы XVIII столетия, относящиеся к Грузии, т. I, под ред. А. А. Цагарели, СПб., 1891, с. 195; სოლომონ მეფე და როსტომ ერისთავი, ისტ. ნარკვევი, 1936, გვ. 92—98.

2 გ. ბ. ზ. ო. რ. ი. ძ. რაჭის ისტ. ძეგლები, საქ. მუზ. „მოამბე“, VII, 1931—1932, გვ. 245—246; მ. ი. ს. ი. ე. საქ. მუზ. „მოამბე“, VIII, 1933—1934, გვ. 292; ტიმოთე გაბაშვილი, მიმოსვლა, რლ. მეტრეველის გამოც., თბ. 1956, გვ. 81; პ. იოსელიანი, განხილვა რამდენიმე ზედ წარწერათა, -ცისკარი“, 1865, მაისი.

3 მ. თ. მ. ა. რ. ა. შ. ვ. ი. ლ. ი. ისტორია კათოლიკობისა ქართველთა შორის, 1902, გვ. 366.

4 Грамоты... I, с. 82.

5 სოლომონ მეფე და როსტომ ერისთავი, გვ. 60—61.

განდიდებისა და დამოუკიდებლობის გზაზე მდგომი როსტომ ერისთავი (აგრეთვე დასავლეთ საქართველოს სხვა ფეოდალები) სოლომონ პირველს, რომელსაც დასავლეთ საქართველოს გაერთიანების, ტყვეთა სყიდვის აკრძალვისა და ოსმალთა ბატონობის მოსპობის ფართო გეგმა ჰქონდა დასახული, გასაქანს არ აძლევდა. კიდევ მეტი, რაჭის ერისთავმა კავშირი შეკრა ქვეყნის ცენტრალიზაციის მოწინააღმდეგე რეაქციულ ძალებთან და 1752 წ. სოლომონ მეფე ახალციხეში გააქცია. მართალია, მეფემ ხელისუფლება დაიბრუნა, მაგრამ მან რაჭის ერისთავს მინც ვერაფერი მოუხერხა და იძულებული გახდა მას შერიგებოდა.

მიუხედავად ფორმალური დაზავებისა, როსტომ ერისთავი თავისას მინც არ იშლიდა, 1757 წ. კვლავ სცადა მეფის ძალაუფლების დამხობა, მაგრამ რაჭის სხვა თავად-აზნაურები თვითონ მას დაუპირისპირდნენ, კერძოდ: ჭაფარიძეები, წულუკიძეები, იაშვილები და სხვები, რომლებიც მეფეს მიემხრნენ. ამასთანავე, დადიანიც მის მოწინააღმდეგეთა ბანაკში აღმოჩნდა. მიუხედავად არგვეთის ძლიერი თავადის, ლევან აბაშიძის მხარდაჭერისა, რაჭის ერისთავს დამარცხება ემუქრებოდა, ამიტომ გაბოროტებული როსტომი საქართველოს დაუძინებელ მტრებს ოსმალებს შეეკრა. ცხადია, ამ უკანასკნელებს არ აწყობდათ სოლომონის სიძლიერე, მითუფრო ის უცხო მოძალადეთა დამარცხებისა და ტყვეთა სყიდვის აღკვეთას ლამობდა. პაპუნა ორბელიანის ცნობით, ოსმალთა დახმარებით გალაღებული რაჭის ერისთავი და ლევან აბაშიძე 1757 წ. იმერეთს შეესივნენ. ბრძოლა მოხდა სრესილში: „დაუმარცხა იმერეთის მეფემ სოლომან ურუმის ჭარს, რომ ლევან აბაშიძეს და რაჭის ერისთავს მოეყვანათ მის წასახდენათ, მოკლეს ლევან, ამოწყვიტეს ჭარი მისი და ურუმნი სულ ხელთ დარჩათ, სამი ფაშები ცოცხალნი დაიჭირეს...“¹.

მიუხედავად ამისა, მეფემ თავისი მოწინააღმდეგე ერისთავი საბოლოოდ მინც ვერ დაიმორჩილა და იძულებული გახდა შერიგებოდა.

ერისთავსა და მეფეს შორის მტრობა ისევ ვანახლდა. მტკიცე ხელისუფლებისა და ქვეყნის ცენტრალიზაციის მოსურნე სოლომონის წინააღმდეგ ოსმალები არაფერს ზოგავდნენ, ისინი უხვ დაპირებებსა და დიდ დახმარებას პირდებოდნენ რაჭის ერისთავსა და მის მოკავშირეებს, რომლებიც მტრის საქმეს ემსახურებოდნენ და რეაქციულ როლს ასრულებდნენ. ამდენად, შემთხვევითი როდია ისტორიკოსის მიერ როსტომ ერისთავის მოქმედების ასეთი შეფასება: „კვალადცა მსგავსებითა იუდასითა აღილო მახვილი მეფესა თვისსა ზედა“². რთულ საშინაო და საგარეო ვითარებაში იმერეთის მეფეს სხვა შესაძლებლობა არ ჰქონდა, თუ არა შინგამცემი და რეაქციონერი ერისთავ-მთავრებისა და თვითნება თავადების შეწყალება. დაუსჯელად დარჩენილი, მოღალატე ერისთავ-მთავარი ან

¹ ქართლის ცხოვრება, ნაწ. მეორე, უ. ჩუბინოვის გამოც., სპ., 1854, გვ. 473.

² საქართველოს სიძველენი, III, თ. ე ო რ დ ა ნ ი ა ს გამოც., გვ. 569.

თავადი მეორედ და მესამედ უფრო საზარელ ბოროტებას ჩაღიდა, ძირს უთხრიდა საქართველოს ერთიანობასა და ძლიერებას.

XVIII ს. 60-იან წლებში როსტომ ერისთავმა ოსმალებთან ერთად, არაერთხელ ააოხრა იმერეთი¹.

როსტომ ერისთავმა და სხვა რეაქციონერმა თავადებმა 1765 წ. სოლომონ პირველი კვლავ განდევნეს მეფობიდან და მის ადგილზე თურქ-ოსმალების ყურმოჭრილი მონა თეიმურაზი (როსტომის სიძე, სოლომონ პირველის ბიძაშვილი) დასვეს. თეიმურაზი ოსმალებს დიდი ხარკით, უხვი საჩუქრებითა და ტყვეთა გაცხოველებული ვაჭრობით ამდიდრებდა. დეცენტრალიზაციის მომხრე ძალების მიერ გაჩაღებულ შინაფეოდალურ ომს დასაველეთ საქართველოს მოსახლეობა დაცემისა და სრული განადგურებისაკენ მიჰყავდა. ეს არ შეიძლება არ დაენახა პროგრესულ, ქვეყნის ცენტრალიზაციის მომხრე ძალას, რომელმაც სოლომონ მეფეს 1768 წ. ჩხარის ბრძოლაში ოსმალებთან და მათ მომხრეებთან გამარჯვება და მეფობის დაბრუნება მოუტანა. ამიერიდან იმერეთის მეფის ერთ-ერთი მიზანი რაჭის ერისთავთა საგვარეულოს მოსპობა გახდა.

ცხადია, რაჭის ურჩ ერისთავთა დამხობა სოლომონ პირველს თავის ძალაუფლების განმტკიცებისათვის თავიდანვე სჭირდებოდა, მაგრამ, საფიქრებელია, რომ მის უპირველეს ამოცანას ოსმალების მოგერიება წარმოადგენდა, ამიტომ ჩანს, შინაური მტრების წინააღმდეგ ძალის გამოყენებას ერიდებოდა, მაგრამ რაკი საბოლოოდ დარწმუნდა, რომ ქვეყნის საშინაო მდგომარეობის განმტკიცების გარეშე საგარეო მტრების დამარცხება და მოგერიება შეუძლებელი იყო, 1767 წ. ლეკები მოიმხრო და როსტომის შეპყრობა განიზრახა.

განსაცდელში ჩავარდნილი ერისთავი სამეგრელოში გაიქცა, ხან სად აფარებდა თავს და ხან სად, ხან ახალციხის ფაშას ემუდარებოდა დახმარებას, ხან ყაბარდოს მთავარსა და ხან ლეკებს. როსტომი ქართლ-კახეთის მეფე ერეკლეს მიმხრობასაც ცდილობდა, მაგრამ ამაოდ. სოლომონმა ჯერ რაჭა ააწიოკა, შემდეგ ერისთავის საგვარეულოს სრულ მოსპობასაც შეუდგა².

რაკი ძალით ვერაფერს გახდა, სოლომონ მეფემ ხერხს მიმართა და რაჭის ერისთავს ერთგულების ფიცით შერიგება შესთავაზა. ასეთი გზით 1769 წ. მეფემ შეძლო ერისთავისა და მისი ოჯახის დაპატიმრება, რასაც სასტიკი წაშვებაც მოჰყვა: „ამან მეფემან აღხოცა ერისთავობა რაჭისა, შეიპყრა ერისთავი რაჭისა როსტომ და ძე მისი გიორგი და სხვანი მცირე-

¹ Грамоты... I, с. 15—16; მეფე სოლომონ პირველის და რაჭის ერისთავის როსტომის ურთიერთობიდან... ვახ. „კომუნარი“ (ამბროლაური), 1959, 16 აგვისტო; შ. ბურჯანაძე, სოლომონ პირველის მეფობის პირველი პერიოდი, სახ. უნივერსიტეტის შრომები, XLI, 1950, გვ. 96—102.

² დავით ბატონიშვილი, ახალი ისტორია, თბ., 1941. ბაგრატ ბატონიშვილი, ახალი მოთხრობა, თ. ლომოურის გამოც., გვ. 10; Грамоты... с. 31—32, 73, 418—422; ქართლის ცხოვრება, II, შ. ჩუბინოვის გამოც. გვ. 474.

წლოვანი შვილნი მისნი და დასწვნა ამათ ყოველთა თვალნი, ვინათგან სწამობდა ორგულებასა და მამულნი მისნი რომელნიმე მისცნა თავადთ წერეთელთ პაპუნასა და ძმასა მისსა ზურაბს და რომელნიმე თვით დაიპყრა სამეფოდ თვისად¹.

რაჰის ერისთავისა და მისი შთამომავლობის განადგურებას ერთ-ერთი თანამედროვე ასე აგვიწერს: მეფემ დასდვა წერილი წყევით და შეჩვენებით მსოფლიოთა პატრიარხთაგან, რათა დასასრულამდე ქვეყნისა ძენი და ძის ძენი და შთამომავლობანი რაჰის ერისთავთა „არღარა მიღებულ იქმნენ მემკვიდრედ რაჰისა“².

XVIII ს. 70-იან წ. საქართველოში მოგზაური ერთი იტალიელი მისიონერი ლეონი გვამცნობს, რომ სოლომონ მეფის ბრძანება როსტომ ერისთავის შთამომავლისათვის თვალების ამოშანთვაზე, მხოლოდ ნაწილობრივ იქნა შესრულებული. ზოგიერთს თვალეები ღრმად არ ამოწვეს და მცირე სინათლე დაუტოვეს³. ამგვარ ცნობას სხვა წყაროებიც ადასტურებენ⁴.

რაც შეეხება როსტომის ერთ-ერთ ძმას — ბესარიონს, რომელიც იმერეთის კათალიკოსი იყო, სოლომონს უფრო ადრე გადაუყენებია, მაგრამ მას ოდიშიში გაქცევა მოუხერხებია და იქ დადიანის წყალობით კვლავ კათალიკოსი გამხდარა⁵.

რაჰის ერისთავთა საგვარეულოს ტრაგიკული დასასრული მოხდა 1769 წ. ვარციხის სასახლეში. როსტომის შვილი ვაჟიშვილიდან მეფეს ცოცხალი მხოლოდ ოთხი გადაურჩა, მათ შორის: გიორგი, მეთოდე (ბერყოფილი, უკანასკნელ ხანს იგი მეფის მდივანბეგი იყო), დიმიტრი და იოანე. ოთხივე ძმა მეფეს ციხეში დაუმწყყდევია, მაგრამ მათ თურქეთში გაქცევა მოუხერხებიათ⁶.

საქმე მარტო ერისთავის ოჯახის უღმობელი დასჯით როდი დამთავრდა, მეფემ ჩამოაჭევითა და უფლებები შეუზღუდა ერისთავთა მიერ აღზევებულ ყველა თავად-აზნაურს. ამასთანავე, ერისთავთა მთელი ყმა-მამული და უძრავ-მძრავი ქონება მეფემ სახასო მამულად გახადა.

როსტომ ერისთავი და მისი შვილები, რომლებიც სამშობლოდან გადაიხვეწენ, თურქ-ოსმალთა თუ თანამომქმეთა დახმარების მიუხედავად ამაოდ მცდელობდნენ ყმა-მამულისა და ძველი დიდების დაბრუნებას.

რაჰის ერისთავთა საგვარეულოს წარმომადგენელთაგან დაკარგული უფლებებისა და პატივის აღდგენისათვის ლაშქრობა პირველად მეთოდემ

1 ნ. დადიანი, ქართველთ ცხოვრება, თბ., 1962. შ. ბურჯანაძის გამოც., გვ. 179.

2 საქართველოს სიძველენი, III გვ. 570.

3 გავ. „კომუნისტი“ (ამბროლაური), 1959 წ. 16 აგვისტო, № 96.

4 დავით ბატონიშვილი... გვ. 54.

5 ბ. ლომიძე, მასალები დასავლეთ საქართველოს XVII—XVIII ს-თა ისტორიის ქრონოლოგიისათვის, მასალები საქ. და კავკასიის ისტორიისათვის, ნაკვ. 31, 1954, გვ. 134—135; გულდენშტედტის მოგზაურობა საქართველოში, გ. გულაშვილის გამოც., I, თბ., 1982, გვ. 321.

6 ო. ს. ოსელია, ნარკვევები... გვ. 103—105.

მოაწყო, რომელიც ლეკებისა და ოსმალების ჯარით 1774 წ. იმერეთში შეიჭრა, მაგრამ ჩხერის ბრძოლაში სოლომონ მეფემ მოწინააღმდეგის ძალები არამარტო დაამარცხა, არამედ მეთოდურ ტყვედ ჩაიგდო და მას ხელახლა დაუშანთა თვალები.

დაბრმავებული მეთოდე ერთხანს ერეკლე მეორემ შეიფარა (რომელმაც სარჩო-საბადებლად ქართლის სოფელი ტირძნისი მიუჩინა), მაგრამ, როგორც ჩანს, მან სოლომონთან შერიგება და ბოლოს ბარაკონის ეკლესიის ყმა-მამულის დაბრუნებაც მოახერხა¹.

რაც შეეხება როსტომის ყველაზე უფროს ვაჟიშვილს გიორგის, რომელსაც ცალი თვალი შერჩა, ის სტამბოლში სულთანის სამსახურში იმყოფებოდა ქიორ-ბეის სახელით.

როდესაც უმემკვიდრეო სოლომონ პირველი გარდაიცვალა და იმერეთის სამეფო ტახტს რამდენიმე პრეტენდენტი (დავით გიორგის ძე და დავით არჩილის ძე) გაუჩნდა, ქიორ-ბეიმ იმერეთს მოაშურა და სამეფო ტახტის ჩაგდება მოიწადინა. მაგრამ იმერეთის მეფობა ახლა უკვე არა მარტო ქართველი ფეოდალური წრეების საშინაო საქმე იყო, არამედ იგი თურქ-ოსმალეთისა და რუსეთის დავის საგანიც გახდა. ცხადია, რუსეთის იმპერიამ იმერეთის სამეფო ტახტს შავი ზღვის პრობლემას უკავშირებდა და ამ საქმისადმი ხელის შეშევბას ასე ადვილად არ აპირებდა, ამიტომ თურქეთი იძულებული იყო თავის კანდიდატურაზე ხელი აეღო, ხოლო იმედგაცრუებულ ქიორ-ბეი იძულებული გახდა კვლავ სტამბოლში დაბრუნებულიყო, მითუფრო, რომ იმერეთის მეფედ უკვე მისი ცოლის ძმა დავით გიორგისძე დაჯდა².

რაჭის ერისთავთა შთამომავალი იმერეთის ახალმა მეფემ მხოლოდ ნაწილობრივ შეიწყალა. ეს, პირველ რიგში, ქიორ-ბეის შვილებს ანტონსა და ლევანს შეეხო, რომელთაც ერისთავთა ყოფილი ყმა-მამულის ნაწილი უწყალობა და, სამაგიეროდ, ერთგული სამსახურის შესრულება უბრძანა³. როგორც ჩანს, იმერეთის მეფემ რაჭიდან გაძევებულ ერისთავთა ზოგიერთ სხვა წარმომადგენელს რიგითი მემამულის უფლებები და გარკვეული ყმა-მამული მისცა.

მემამულე ერისთავთა უფროსობა იმერეთის მეფემ თავის დისწულს ანტონს (ქიორ-ბეის შვილს) დააკისრა, მაგრამ რაკი ამ უკანასკნელმა საქმეებს თავი ვერ გაართვა, მეფემ 1785 წ. სტამბოლიდან მამამისი ქიორ-ბეი (თავისი სიძე) მიიწვია და ერისთავად დასვა⁴.

ქიორ-ბეიმ მხოლოდ ორი წელიწადილა იუფროსა და 1787 წ. იოსებთან ბრძოლაში დაიღუპა.

¹ ო. ს. ო ს ე რ ი ა, ნარკვევები... გვ. 107.

² ი კ ე ე.

³ საქართველოს სახ. მუზეუმის ისტ. დოკუმენტები და არქივები... შ. ბურჯანაძის გამოც. II, თბ., 1953, გვ. 10.

⁴ მასალები საქართველოს ისტორიისათვის, შეკრებილი დავით გიორგისძისა და მისი ძმებისა, შ. ჯანაშვილის გამოც., ტფ., 1906; შ. ბურჯანაძე, იმერეთის სამეფოს პოლიტიკური ისტორიისათვის, 1734—1789 წწ., ხელნაწერთა ინსტ. „მოამბე“, II, გვ 91—92; დავით ბატონიშვილი, ახალი ისტორია... გვ. 60.

ამის შემდეგ რაჭის ერისთავთა სახლს ერთხანს კვლავ ანტონი მეთაურობდა, მაგრამ მისი ერისთავობა ისევ დროებითი გამოდგა, რადგან იმერეთის ახალმა მეფემ სოლომონ მეორემ, ერისთავთა ის წარმომადგენლები, რომლებიც წინამორბედმა მეფემ დაიხსლოვა და ნაწილობრივ აღადგინა, კვლავ დაამდაბლა, ხოლო მათი ყმა-მამული ისევ სამეფო საკუთრებად გამოაცხადა. მან ანტონი იმერეთში ჩაიყვანა და იქ ამალღების სასახლე მისცა. საბოლოოდ ანტონ ერისთავი ზეინდარში გადავიდა და იქ დაასრულა თავისი სიცოცხლე.

სამაგიეროდ, ახალმა მეფემ სხვა ერისთავიშვილები შეიწყალა, მათ შორის შოშიტა და ოტია იმერეთში დაასახლა და მნიშვნელოვანი ყმა-მამული მისცა; ბეჟან, გრიგოლ, დავით და გიორგი ერისთავიშვილებსაც გარკვეული მამულები და მემამულური უფლებები უბოძა¹.

სოლომონ მეორემ არც რაჭა დატოვა უყურადღებოდ, თავის დასაყრდენის გასაძლიერებლად იქ წესი (სასახლითა და ბარაკონით), ხიდისკარი და ციხე — „მინდა“ (თავისი შემოგარენით) 1804 წ. თავის ერთგულ ფეოდალს — სოლომონ ლიონიძეს (ლეონიძეს) უწყალობა².

მაგრამ, როგორც ო. სოსელია აღნიშნავს, სოლომონ ლიონიძე და ყველა ის ერისთავიშვილი, რომელიც ბოლოს დაწინაურდა რუსეთის ხელისუფლების წინააღმდეგ ბრძოლის გამო, იძულებული გახდა 1810 წ. მეფე სოლომონ მეორესთან ერთად, ოსმალეთში გახიზნულიყო და თავის ყმა-მამულს საბოლოოდ გამოთხოვებოდა.

იმერეთის რუსეთთან შეერთებისა და იქ მდგომარეობის ერთგვარი მოწესრიგების შემდეგ, მეფის მთავრობამ გარკვეული პრივილეგიები და მამულები უწყალობა იმ ერისთავიშვილებს, რომლებიც იმერეთის უკანასკნელი მეფის მიერ იყვნენ დევნილი, მათ შორის ანტონ ერისთავიშვილს, რომელსაც ერთგული სამსახურის გამო 1812 წ. პოლკოვნიკის ჩინი და რაჭის ყოფილ საერისთავოში 14 სოფელი: ურავი, ამბარი, ლიხეთი, წესი, მინდა, ხიდისკარი, ხონჩკარი, ხირხონისი, სომიწო, ფსორი, ჟაშკვი, თავასა და მეჯვრეთი, აგრეთვე არგვეთში სახაზინო სოფელი მუხურა უბოძა³.

ახალი მმართველობის შემოღებისთანავე რაჭა, როგორც ცალკე ფეოდალურ-ადმინისტრაციული ერთეული, საბოლოოდ გაუქმდა, ხოლო მეფის მთავრობისადმი ერთგულ ერისთავიშვილებს მხოლოდ მემამულური უფლებები დარჩათ.

* * *

რაჭაში ფეოდალურ-წარჩინებულ გვარეულობათა შორის გამოირჩეოდნენ იაშვილები, რომელთა დაწინაურებასა და გაათავადებას ო. სოსელია XV საუკუნის მიწურულად ათარიღებს⁴.

XVII საუკუნეში იაშვილთა სათავადო უკვე რამდენიმე სოფლისაგან

¹ საქართველოს სიძველენი, III, გვ. 569—570.

² ო. სოსელია, ნარკვევები... გვ. 109.

³ ო. სოსელია, ნარკვევები..., გვ. 110.

⁴ * ქ ვ ე, გვ. 122.

შედგებოდა, კერძოდ: საღმელის (აქ იყო მათი რეზიდენცია), ძირაგეულის, კლდისუბნის, ბეთლემისა და ნაწილობრივ ბოსლევისაგან. ჩანს, იაშვილები ზოგჯერ კვარასა და მის ციხე-სიმაგრესაც ფლობდნენ¹.

XVIII საუკუნის დასაწყისში იაშვილებს აზნაურთა ორი გვარეულობა — ტუნაძეები და მხეიძეები ეკუთვნოდათ, ხოლო გლეხებიდან: აგლაძეები, გოგიაძეები, ენუქიძეები, დარახველიძეები, დიაკონიძეები, კაპეტიაძეები, კაციტაძეები, მჭედლიძეები, კერესელიძეები, კუბლაშვილები, ობოლაძეები, ოშხერელები, ჭაბუკიანები, ფხაკაძეები და სხვ.²

იაშვილებს დიდი პატივი და გავლენა ჰქონდათ მოპოვებული არა მარტო რაჭაში, არამედ იმერეთის სამეფო კარზეც, მათი წარმომადგენელი ხშირად დარბაზის წევრი (მღვინეთუხუცესი, მდივანბეგი და სხვ.) იყო, ხოლო მათი ყმა-მამული უმეტესად შეუვალაობით (ინუნტეტი) სარგებლობდა. ერთ-ერთი საბუთიდან ჩანს, რომ XVIII ს. პირველ ნახევარში იაშვილების განკარგულებაში მყოფ 160 გლეხის კომლიდან საურს მხოლოდ ათიოდე გლეხი იხდიდა, ხოლო საუღიეროს — არც ერთი.

სამეფო კარისადმი დიდი ერთგულებისა და მხარდაჭერის გამო იაშვილები ხშირად განიცდიდნენ ერისთავების მხრივ თავდასხმასა და აწიოკებას.

რაჭის გაძლიერებულმა ერისთავებმა, XVIII ს. პირველ მეოთხედში იაშვილთა სათავადოს ბოლო მოუღეს, ხოლო ამავე საუკუნის 50-იან წლებში მათ იაშვილთა ნაწილი ამოწყვიტეს, ნაწილიც რაჭიდან გააძევეს.

აქედან გამომდინარე, გასაკვირი როდია, რომ რაჭაში ერისთავობის გაუქმებისა და ერისთავთა დასჯის შემდეგ იაშვილებმა კვლავ წინა პლანზე წამოიწიეს.

ბუნებრივია, ერთგულების გამო იმერეთის მეფეები იაშვილებს დიდი პატივით ეპყრობოდნენ და ყმა-მამულით აჯილდოებდნენ. ერისთავთა მიერ დევნილი იაშვილები მამულს იმერეთშიც იღებდნენ, ამასთანავე ისინი რაჭაში სახასო მამულის მოურავად, მდივანბეგად ან სხვა მოხელედ ინიშნებოდნენ.

იაშვილები ზოგჯერ საეკლესიო დარგშიც წინაურდებოდნენ და დიდ თანამდებობებსაც იღებდნენ. მაგალითად, ალექსანდრე მეხუთის დროს ჯერ ბააკა, ხოლო შემდეგ სვიმონ იაშვილი ცაგერის ეპისკოპოსები გახდნენ, იაშვილთა წარმომადგენლები სხვადასხვა დროს ბედიისა და ხონის ეპისკოპოსებადაც მოღვაწეობდნენ³.

იაშვილთა გვარეულობა განსაკუთრებულ ერთგულებას იჩენდა მე-

¹ სტოლინი ტოლოჩანოვისა და დიაკი ივლევის ელჩობა იმერეთში., გვ. 105; დასავლეთ საქართველოს საეკლესიო საბუთები, II, გვ. 145.

² დასავლეთ საქართველოს საეკლესიო საბუთები, I, გვ. 74, 93, 106; წ. II, გვ. 171.

³ დასავლეთ საქართველოს საეკლესიო საბუთები, I, გვ. 131; წ. II, გვ. 37—38; ისტორიული დოკუმენტები იმერეთის სამეფოსა და გურიის-ოდისის სამთავროებისა, წ. I, შ. ბურჯანაძის გამოც., თბ., 1958, გვ. 77; ე. თ. ა. ი. შ. ვ. ი. ლი, ხონის ეკლესია და მისი სიძველენი, ძველი საქართველო, III, გვ. 30.

ფე სოლომონ პირველისადმი, რომელმაც რაჭის საერისთავო გააუქმა, ერისთავთა ოჯახი ააწიოკა, ხოლო იაშვილებს მამული და ძველი დიდება დაუბრუნა.

იმერეთის სამეფო ტახტისადმი ერთგულების გამო, ცხადია, იაშვილებს, არა მარტო ერისთავები, არამედ დადინები და სხვებიც მტრობდნენ. 1769 წ. დადინმა ლალატით მოკლა იაშვილთა საგვარეულოს ერთ-ერთი მეთაური (იმერეთის სარდალთან — ქაიხოსრო წერეთელთან ერთად)¹.

სამეფო კართან დაახლოებული იაშვილები ხშირად იყვნენ ჩაბმული ტახტის მაძიებელ პრეტენდენტთა ბრძოლაში. სოლომონ პირველის გარდაცვალების (1784 წ.) შემდეგ იაშვილები მიემხრნენ დავით არჩილის ძეს, ამის გამო ღროვებით გამარჯვებულმა დავით ვიორგის ძემ იაშვილები სოფელ ზარათის ყმა-მამულის ჩამორთმევით დასაჯა, მაგრამ, სამაგიეროდ, გამარჯვებულმა დავით არჩილის ძემ იაშვილები კვლავ დააწინაურა და ერთ-ერთ დასაყრდენად გაიხადა. სოლომონ მეორემ იაშვილთა წარმომადგენელი დანიშნა გეგუთის მოურავად, რომელსაც ისინი იმერეთის რუსეთთან შეერთების შემდეგაც დიდხანს ინარჩუნებდნენ.

რაც შეეხება იაშვილთა სათავადოს, იგი როგორც ფეოდალურ-ადმინისტრაციული ერთეული ახალი მმართველობის შემოღებისთანავე გაუქმდა. მეფის მთავრობამ, იაშვილთა ნაწილს, რომელმაც მას მხარი დაუჭირა. მემამულეთა უფლებები დაუტოვა, ხოლო მოწინააღმდეგეები ყმა-მამულის ჩამორთმევით და, საერთოდ, სამშობლოდან გაძევებით დასაჯა.

რაჭის თავადაზნაურთა გვარეულობებიდან გამოირჩეოდნენ, აგრეთვე ჭაფარიძეები, წულუკიძეები და სხვ.

ჭაფარიძეები განსაკუთრებით გაძლიერებულან XV საუკუნეში (როდესაც რაჭის ძველი საერისთავო გაუქმებული იყო). ეს კარგად ჩანს ჭაფარიძეთა „სასისხლო საქმის სიგელიდან“, რომელშიაც აღნიშნულია, რომ მეფეს რაჭაში „ჭაფარიძის ტოლი თავადი არ ჰყავდა“, რომ „ჭაფარიძენი მწუელ მძლავრნი კაცნი იყვნენ“².

ამ „სიგელიდან“ ჩანს ისიც, რომ ალექსანდრე მეფე რაჭის ჭაფარიძეებს იცავს სვანებისაგან. ეს თავისთავად იმას მოწმობს, რომ ეს გვარეულობა მეფესთან იყო დაახლოებული და დიდი პრივილეგიებით სარგებლობდა.

სავარაუდოა, რომ ერისთავობის გაუქმების შემდეგ ჭაფარიძეები „მთა რაჭის“ მნიშვნელოვან ნაწილს ფლობდნენ და თავისი ქონებრივ-უფლებრივი მდგომარეობით უძლიერესი თავადები იყვნენ. საისტორიო წყაროები მოწმობენ, რომ თავად ჭაფარიძეთა რეზიდენცია გლოლაში იყო.

თავის გვარჩამომავლობისა და ქონებრივ-სოციალური მდგომარეობის

¹ ი. ს. სოლომონ პირველის სახელის საბუთები. წ. I, გვ. 131; წ. II, გვ. 37—38; ი. ს. სოლომონ პირველის სახელის საბუთები. წ. I, გვ. 77; ე. თაყაიშვილი, ხონის ეკლესია. წ. I, გვ. 20.

² ი. ს. სოლომონ პირველის სახელის საბუთები. წ. II, თბ., 1941, პ. ინკორპორაცია გამოც., გვ. 32.

წყალობით XVII—XVIII საუკუნეებში ჯაფარიძეთა წარმომადგენლები დიდი პატივით სარკველობდნენ მას შემდეგაც, როცა რაჭის საერისთავო აღდგა. შემთხვევითი არ არის, რომ XVII საუკუნის შუა ხანებში (ალექსანდრე მეფის დროს), როდესაც ხოსია ჯაფარიძე იმერეთის სამეფოს ელჩად გაიგზავნა რუსეთში (ტოლოჩანოვისა და იეველვის იმერეთში ელჩობისას 1650—1651 წწ.) ამავე გვარის მეორე წარმომადგენელი — ლომკაცი იმერეთის სამეფოს სახლთუხუცესი და ელჩი იყო¹.

ფეოდალური შუღლით გამოწვეული დაქვეითების მიუხედავად, ჯაფარიძეებს მნიშვნელოვანი ადგილი ეკავათ რაჭის საერისთავოს გამგებლობაშიც, მაგალითად, XVIII ს. 30-იან წ. გრიგოლ ერისთავმა შიომ ჯაფარიძე ლეღვის მოურავად დასვა, ოღონდ იმ პირობით „თუ თქუნენ (ე. ი. ჯაფარიძე — გ. გ.) და ან თქვენი შვილები ჩემი ერთგული და სიტყვის მომსმენენი იყვნენ და რაც ჩვენი სიტყუა და ბრძანება მოგივიდესთ, ის გაგვითათო, ერთგულად და უტყუვარად მემსახუროთ, აღარც მოგეშალოთ ჩემგან და არცა სხვათა ჩვენთა შემდგომთა ერისთავთაგან“².

მეფისადმი ერთგულებისათვის როსტომ ერისთავმა არაერთხელ ააწიოკა როგორც იაშვილები, აგრეთვე ჯაფარიძეები, წულუკიძეები და სხვები, რომელთაც ყმა-მამულსაც ართმევდა³.

მიუხედავად ყველაფრისა, ჯაფარიძეებს ანგარიში ეწეოდათ რაჭის ერთ-ერთი უძლიერესი ერისთავის — როსტომის დროსაც. ამას ადასტურებს აფხაზეთის კათალიკოსის ბესარიონის (როსტომ ერისთავის ძმის) „იმედისა და პირობის წიგნი“ სოფრომ, ვახტანგ, გიორგი და მერაბ ჯაფარიძეებისადმი, რომელშიც ნათქვამია, რომ ეს ჯაფარიძეები ერისთავის „ერთგული და სიტყვის მორჩილი“ იქნებოდნენ, მათ როსტომისაგან „წახედნით და გაღარიბებით არა დაუშავდებათ რა“⁴.

მერაბ ჯაფარიძემ, 1768 წ. როსტომისაგან წყალობად მიიღო ვენახი: „...წყალობის წიგნი დაგიწერეთ და მოგეცით ჩვენ, ბატონმან ერისთავმან როსტომ, შვილმან ჩვენმან გიორგიმ, ბარძიმ, მეთოდიმ, მამუკამ, ნიკოლოზ, იოანემ, დიმიტრიმ, სხვათა ჩვენთა შვილთა და მომავალთა შენ, ჩვენს დიდ ერთგულს და კარგის მღომს ჯაფარიძეს მერაბს, შენს შვილს გიორგის, ნიკოლოზს, იობს, სხვათა შენთა შვილთა და მომავალთა ასე და ამა პირსა ზედან: ჩვენი ერთგული და კარგის მღომი იყავით, ვენახი გვთხოვეთ, ქრთამიც მოგვართვით... და მოგეცით შეუბანს იოსებაშვილის ურიის ნაქონი ვენახი; მოგვიცემია და გიბედნიეროს ღმერთმან ჩვენს ერთგულობაში მკვიდრად და ყოველის კაცის უცილობლად“⁵.

1 ქართლის ცხოვრება, IV, გვ. 832; დასავლით საქართველოს საეკლესიო საბუთები, წ. 1, გვ. 131; ტოლოჩანოვის იმერეთში ელჩობის შესწავლილი აღწერილობა, 1650—1651 წწ., ი. ცინცადის გამოც., თბ., 1970, გვ. 143—144.

2 ისტორიული კოლმენტი... წ. 1, გვ. 72.

3 AKAK, T. V, c. 91; თავად ჯაფარა ჯაფარიძის წერილი თავად როსტომ ერისთავისადმი, ა. წერეთლის კრებული, 1699, № 7, II განყ. გვ. 4.

4 ისტორიული დოკუმენტები... წ. 1, გვ. 117.

5 იქვე.

7. გ. გასვიანი

ამავე საბუთიდან ჩანს, რომ მერაბ ჭაფარიძისადმი ამგვარი წყალობის დროს ვახტანგ ჭაფარიძეც ერისთავ როსტომის ერთგული კაცი ყოფილა.

როგორც აღვნიშნეთ, სხვა თანამოძმეთა მსგავსად, რაჭის ფეოდალებიც ურთიერთ ძარცვა-ხოცვით იყვნენ გართული, თუმცა ზოგჯერ ისინი ერთმანეთს ერთგულობდნენ კიდევ. მაგალითად, ვახტანგ ჭაფარიძე როსტომ ერისთავს ამხედრებია, მაგრამ საქმეში ერისთავის ძმა — ბესარიონ კათალიკოსი ჩარეულა და მოქიშპენი იმ პირობით შეუბრუნებია, რომ ჭაფარიძე ერისთავის მოყვრის-მოყვარე და მტრის-მტერი ყოფილიყო, სამაგიეროდ ერისთავი მისი მოკეთე და მწყალობელი იქნებოდა¹.

XVIII ს. 60-იან წ. სოფლების სარეკისა და ბაჯის რამდენიმე გლეხის ოჯახი ჭაფარიძეთა მფლობელობაში იმყოფებოდა, მაგრამ მათ ეს გლეხები ფალავანდიშვილებს მისცეს ვალში გირაოდ.

როგორც ირკვევა, ჭაფარიძეებს XVIII საუკუნეში უკვე ძველი ძალა და სახელი აღარ ჰქონიათ, მართალია, ერისთავების დარბევის (1769 წ.) შემდეგ, მათ ძველი ყმა-მამულის ნაწილი დაუბრუნდა, მაგრამ მიუხედავად ამისა, ისინი უკვე რიგით მემამულეებად ითვლებოდნენ.

2. ლეჩხუმი

საქართველოს ერთიანი სახელმწიფოს ცალკეულ სამეფო-სამთავროებად დაშლის შემდეგ, რაქსთან ერთად, ლეჩხუმიც იმერეთის სამეფოს შემადგენლობაში შედიოდა. როგორც მეფის სახასო მამული.

როგორც აღვნიშნეთ, თავის მოხერხებული გეოგრაფიულ-სტრატეგიული მდებარეობის წყალობით ლეჩხუმმა თანდათან დიდი მნიშვნელობა მოიპოვა.

ვახუშტი ბაგრატიონის ცნობით, ლეჩხუმი მდიდარი იყო ქვითკირის მრავალრიცხოვანი ციხესიმაგრეებით, რომელთა უმრავლესობა მაღალ ადგილზე მდებარეობდა და კლდეებითა და ბუნებრივი ზღუდეებით იყო დაცული. ამიტომ ლეჩხუმის ციხეები მტრისათვის მიუდგომელ-აუღებელი იყო. ვახუშტის აზრით, ლეჩხუმის ციხესიმაგრეთაგან განსაკუთრებით გამოირჩეოდნენ მაღალ კლდეებზე ნაშენი: თაქუერი, დეხვირი, მური და ჭყვიში. იგი დეხვირის ციხეზე წერს: „...რომელსა უპყრავს იგი, მორჩილებასა მისსა შინა არიან სრულიად“. ხოლო მურის ციხეზე დასძენს, რომ იგი „არავისაგან შემუსვრილ-აღებული არ ყოფილა“².

მიუხედავად მთიან-კლდიანი მდებარეობისა და მცირემიწიანობისა, ლეჩხუმი ეკონომიკურადაც დაწინაურებული იყო, აქ თითქმის ყველა სასოფლო კულტურა ხარობდა, რაც საქართველოს ბარისათვის იყო დამა-

¹ ისტორიული დოკუმენტები..., წ. I, გვ. 117.

² ქართლის ცხოვრება, IV, გვ. 748—749.

ხასიათებელი. ვახუშტი ბაგრატიონის სიტყვებით რომ ვთქვათ, „...თუმცა არს ლეჩხუმი მთის ადგილად თქმული, გარნა არს ევენახიანი, ხილიანი, მოვალს ყოველნი მარცვალნი, თვნიერ ბრინჯ-ბამბისა, გარნა სიეიწროვისა და კლდიანობისათჳს ათა ეგოდენი სიმრავლით“¹.

ლეჩხუმი როდი ჩამორჩებოდა სოციალურ-კულტურულადაც. როგორც აღინიშნა, მისი მოსახლეობა ადრიდანვე იყოფოდა სხვადასხვა სოციალურ წოდებად. ვახუშტი წერს: „მოსახლენი არიან აზნაურნი და გლეხნი რამეთუ არ არს მოსახლე, რომელსა არა ედგას კოშკი ქეითკირისა“² და შენობანი ყოველნივე ქეითკირისანი“³.

ლეჩხუმის დაწინაურებასა და მისი როლის გაზრდაში დიდი მნიშვნელობა ჰქონდა მოსახლეობის კარგ ბრძოლისუნარიან თვისებას: „და არს (ლეჩხუმი — გ. გ.) მთითა და კლდითა ფრიად მაგარი, და კაცნი მუნებურნი მბრძოლნი და შემეპართებელნი, ჰაეროვანნი, ტანოვანნი, მწნენი და მორჩილნი უფალთა თჳსთა...“³.

XVII—XVIII საუკუნეების ლეჩხუმის დაწინაურებულ თავად-აზნაურთა გვარეულობებიდან აღსანიშნავია: ახვლედიანი, გელოვანი, ჩიქოვანი, ჩარკვიანი, ლაშხიშვილი, ყიფიანი, ნემსიწვერიძე და სხვ. ამ გვარეულობათაგან განსაკუთრებულ წარმატებას მიაღწიეს ჩიქოვანებმა, ახვლედიანებმა, გელოვანებმა და ლაშხიშვილებმა, რომლებმაც არა მარტო ლეჩხუმის მებატონეობა, არამედ იმერეთის სამეფო კარზე და ოდიშის სამთავროში უდიდესი გავლენა მოიპოვეს.

ერთ-ერთი წყალობის სიგელიდან ჩანს, რომ ლეჩხუმის მკვიდრი ხოსია და გიორგი ახვლედიანები იმერეთის მეფე ალექსანდრე მესამის ერთგული და თანამდგომი თავადები იყვნენ, რისთვისაც მეფემ მათ ღვირვის სოფელი (ციხით), სოფელი ცხუკუშერი და, აგრეთვე სოფელი ტვიშის რამდენიმე გლეხის კომლი უწყალობა⁴. სხვა საბუთიდან ჩანს, რომ ხოსია ახვლედიანი მთელი ლეჩხუმის თავი და საერთო მებატონე იყო⁵.

XVII ს. შუახანებში ლეჩხუმის ერთ-ერთი წარჩინებული გვარი გელოვანი ორგულობის გამო მეფემ ჩამოაქვეითა. ამაზე ცაგერის ეპისკოპოს გაბრიელის (ჩიქვანის) შეწირულების ერთ-ერთ წიგნში ვკითხულობთ: „აწ გელოვანს მეფის (ალექსანდრე მესამის — გ. გ.) დალატი შეაჩნდა, გაუწყრა მეფე...“⁶. მოლაღატე გელოვანები ალექსანდრე მეფემ ზემო სვანეთში გააქცია და ყმა-მამულები ჩაძოართვა⁷. ამ აქტის შემდეგ

1-ქართლის ცხოვრება, IV, გვ. 749.

* სხვათა შორის, ზოგიერთ ეთნოგრაფ მკვლევარს კოშკების არსებობა სვანეთის გვაროვნულობის მაჩვენებლად მიაჩნია, როგორც ვხედავთ, კოშკი თავისთავად არ შეიძლება გვაროვნულობას გამოხატავდეს, პირიქით, ეს ნაგებობა, როგორც წესი ფეოდალიზმს ახასიათებს.

2 ქართლის ცხოვრება, IV, გვ. 749.

3 იქვე.

4 დასავლეთ საქართველოს საეკლ. საბუთები, წ. I, გვ. 63—64.

5 იქვე, გვ. 72—73.

6 ქართული სამართლის ძეგლები, III, გვ. 517.

7 სვანეთის საისტორიო ძეგლები, ნ. II, გვ. 51—52; იქ. თ ა ყ ა ი შ ვ ი ლ ი, არქეოლოგიური ექსპედიცია ლეჩხუმ-სვანეთში 1910 წ., გვ. 114—116.

გელოვანები დიდხანს არ ჩანან ასპარეზზე, მაგრამ ლეჩხუმის ოდიშთან შეერთების შემდეგ ისინი კვლავ აღზევებული ჩანან და როგორც ლეჩხუმში, აგრეთვე დადიანთა კარზე დიდ როლს ასრულებენ.

საქართველოს სამეფო-სამთავროებად დაშლის პროცესში ლეჩხუმში ახვლედიანები და ლაშხიშვილები ბატონობდნენ, როგორც სხვა კუთხეების გაბატონებული წოდება, ისინიც შინა ფეოდალურ ომში იყვნენ ჩაბმული. ვახუშტი ბატონიშვილის დახასიათებით: „არამედ უამებთა ამათ შინა განდიდნენ მთავარი და მიიტაცებდიან თვს-თვსად მჭარეთა და არღარა იყო მორჩილება ეგდენი მეფეთა: იწყეს ტყუის ყიდვა სააჯნოდ ქრისტეს მოსყიდულთა მაჰმადიანთა ზედა. კუალად ნდომა, შფოთი, კირთება ერთმან მეორესა ზედა და ოჯრება ქუეყანათა“¹. ამ ბრძოლის ერთ-ერთი მონაწილე იყო ლაშხიშვილთა წარმომადგენელი ხოსიაც, რომელიც იმერეთის სამეფო კარზე ერთ-ერთ ცენტრალურ ფიგურად იქცა².

XVII ს. 60-იან წ. ხოსია ლაშხიშვილმა კავშირი შეკრა ქართლის მეფე ვახტანგთან (შანაოზად წოდებულთან), მათ დასაყვლეთ საქართველოში პირველობისათვის მებრძოლი ოდიშის მთავარი — ვამიყ დადიანი დაამარცხეს. შემდეგ სვანეთში გააქციეს და მოკლეს: „...რამეთუ შეჩენითა ხოსია ლაშხიშვილისათა მოკლეს სუანეთს დადიანი ვამიყ ბრძანებითავე ვახტანგ მეფისათა“³.

ლეჩხუმის მებატონე ხოსია ლაშხიშვილი იმდენად გაძლიერდა, რომ იგი აქტიურ როლს ასრულებდა იმერეთის სამეფო ტახტზე მეფეთა ცვლაში. კერძოდ, მაშინ, როდესაც დარეჯან დედოფალმა თავისი ქმარი ბაგრატი დააბრმავა და ვახტანგ ჭუჭუნაშვილი შეირთო. ამ ცოლ-ქმარმა დაიახლოვეს ლეჩხუმის მებატონე ლაშხიშვილი და ქვეყანას ძალით განაგებდნენ. მაგრამ მალე იმერეთის თავადებმა ლეჩხუმის მებატონე ლაშხიშვილი გადაიბირეს და მეფე-დედოფალი მოსპეს.

სამეფო კარზე დიდი როლის შესრულებამ ხოსია ლაშხიშვილი ყოველმხრივ გააძლიერა. რამდენიმე ხნის შემდეგ ლაშხიშვილი და რაჭა-ლეჩხუმის ზოგიერთი თავად-აზნაური უსინათლო ბაგრატს მიემხრო, გაერთიანებული ძალით მათ 1670 წ. დაამარცხეს (ჩხარის ბრძოლაში) სეხნია ჩხეიძე, აგრეთვე ოდიშის მთავარი დადიანი და ბაგრატს მეფობა დაუბრუნეს. რაჭა-ლეჩხუმთან კავშირში ბაგრატ მეფემ (1671 წ.) ვეგუთშიც სძლია თავის მოწინააღმდეგეებს⁴.

ბოლოს ლეჩხუმის მებატონე (იმერეთის სამეფო კარის ერთ-ერთი დასაყრდენი) ხოსია ლაშხიშვილიც დაამარცხდა, რომლის შემდეგ ლაშხიშვილთა წარმომადგენელი დიდ ასპარეზზე უკვე არ ჩანს.

სამაგიეროდ, XVII ს. მეორე ნახევარში წინა რიგებში გამოჩნდნენ

1 ქართლის ცხოვრება, IV, გვ. 833.

2 იქვე, გვ. 839.

3 იქვე, გვ. 836.

4 იქვე, გვ. 840.

ჩიქოვანები (ჩიქვანები, ჩიქუანები), რომელთაც როგორც ლენხუმში, აგრეთვე იმერეთსა და ოდიშში დიდი ძალა და პატივი მოიპოვეს¹.

ჩიქოვანები იმერეთის სამეფო კარზე, ჭერ კიდევ, ალექსანდრე მესამის დროს დაწინაურდნენ. ამ გვარის წარმომადგენელთა ასპარეზზე გამოსვლა და მომძლავრება დაიწყო XVII ს. 50-იან წ., როდესაც ალექსანდრე მესამემ გაბრიელ ჩიქოვანს ცაგერლობა უბოძა. დაწინაურებულმა გაბრიელმა ჭყონდილობა და ბოლოს ბედიელობაც მიიღო². ცხადია, გაბრიელი ამ დროს დადიანს დაუახლოვდა და მისი ნდობაც დაიმსახურა.

როდესაც ქართლის მეფე ვახტანგმა ვამიყ დადიანი დაამარცხა (სვანეთში გააქცია და იქ მოაკვლევინა) და დადიანად ლევან მესამე დასვა (1660 წ.), გაბრიელ ჭყონდიდელი შეიპყრო, ქართლში წაიყვანა და შუალავერის ციხეში გამოამწყვდია. მაგრამ პატიმრობიდან გაქცეული გაბრიელი „მოვიდა და დაიპყრო ჭყონდილობავე, და იქმნა მისნაღო ლევან დადიანისა ყოველსა სინა“³.

დიდგავლენიანმა გაბრიელმა თავისი ძმა კაცია იმერეთის მეფესაც დაუახლოვა, განსაკუთრებით კი დადიანს, ამ უკანასკნელმა იგი თავის უახლოეს მრჩეველად და მეურვედ დაისვა: „ესე კაცია ძმის ჭყონდიდლის გამო განდიდნა და იქმნა პატივეცემულ მეფეთაგან და ამის გამო უსმენდნენ ლეჩხუმელნიცა“. კაცია თავისი მოხერხებით იმერეთსა და ოდიშში ყოველისშემძლე გახდა. როგორც ცაგერის სოფლის ნაყურალემის ეკლესიის ფრესკებიდან და წარწერებიდან ჩანს, კაცია ჩიქვანი გახდა „ლეჩხუმისა და სალიპარტიანოს პატრონი, ოდიშის თავი, აგრეთვე იმერეთისა და ოდიშის სარდალი“⁴.

რა თქმა უნდა, კაცია ჩიქოვანის დაწინაურებით (მეორე კაცად გადაქცევით) ოდიშის მთავარს თავისი მიზნის მიღწევა — ლეჩხუმის ხელში ჩაგდება სურდა.

ცხადია, კაცია ჩიქოვანის ასე უზომო განდიდებას ოდიშის დიდებულები ვერ შეეგუენ, მითუფრო, რომ კაცია წარმოშობით ლეჩხუმელი (ნასვანარი), ღარიბი აზნაურის ოჯახიდან იყო, რომლის მამა, თურმე, „სვანეთს ტვრითთა თვისთა ზიდედა თაფლსა და გამოიზრდებოდა“⁵. თვითონ დადიანის მეურვე და სალიპარტიანოს მფლობელი იმდენად ძლიერი და მოხერხებული გახდა, რომ თავის მეუფე-დადიანის მეშვეობით, მოწინააღმდეგე წარჩინებულებს მუსრს ავლებდა.

კაცია ჩიქოვანი (ლიპარტიანად წოდებული) კიდევ უფრო ყოველისმძლე გახდა მას შემდეგ, რაც ლევან მესამის მემკვიდრე მანუჩარი (დადიანთა ძველი დინასტიის უკანასკნელი, კანონიერი მემკვიდრე) მძევლად

¹ ქართული სამართლის ძეგლები, III, გვ. 516—517; სტოლნიკი ტოლოჩანოვისა და დიკი იველვის ელჩობა იმერეთში... გვ. 193—195.

² ქართული სამართლის ძეგლები, III, გვ. 580; ექ. თაყაიშვილი, არქეოლოგიური ექსპედიცია ლეჩხუმ-სვანეთში... გვ. 73.

³ ქართლის ცხოვრება, IV, გვ. 842.

⁴ ექ. თაყაიშვილი, არქეოლოგიური ექსპედიცია ლეჩხუმ-სვანეთში... გვ. 74—76.

⁵ ქართლის ცხოვრება, IV, გვ. 842.

ყოფნისას გიორგი გურიელმა მოკლა. ამიერიდან კაცია ჩიქოვანი ოდიშის თავი და ფაქტობრივი გამგებელი გახდა. იგი, როგორც დაუნდობელი პირი, თავის ძმასთან ერთად განაგრძობდა მოწინააღმდეგე მეგრელთა მეთოდურ და საბოლოო მოსპობას, „ამით მოიყვანა ოდიში ქუეშე თვისსა, ვიდრე პყრობამდე თვისად“¹.

კაცია ჩიქოვანის გარდაცვალების შემდეგ (1681 წ.), მისმა მემკვიდრეებმა ოდიშის სამთავროს სათავეში მოქცევაზე და ლეჩხუმის დასაკუთრებაზე კიდევ უფრო ენერგიული ბრძოლა გააჩაღეს. გიორგი კაციას ძემ ჯერ მამამისის სამფლობელო — სალიპარტიანო დაიჩემა, შემდეგ მამის მსგავსად, მეტოქე და ურჩი დიდებულების განადგურება განაგრძო და დადიანობისკენ იკაფავდა გზას.

ლეჩხუმელ ჩიქოვანთა წარმომადგენლებთან ერთად, სადადიანოს ხელში ჩაგდებას ლაშობდა გურიის მთავარი გიორგიც, რომელიც ერთხანს იმერეთის გამგებელი გახდა.

ამასობაში გიორგი ლიპარტიანმა; მოწინააღმდეგე და მეტოქე მეგრელთა დასაოკებლად, აგრეთვე გიორგი გურიელის წინააღმდეგ, დადიანად დასვა ლევან მესამის უკანონო შვილი ლევან მეოთხე, მაგრამ ოდიშის ფაქტობრივი გამგებელი მაინც თვითონ იყო.

დასავლეთ საქართველოს მეფე-მთავართა შორის პირველობისათვის ბრძოლა XVII ს. 80-იან წ. კიდევ უფრო გააწვავდა. ამ პილიში ახლა დადიანი, გურიელი, რაჭის ერისთავი, იმერეთის თავადი ბეჟან ლორთქიფანიძე და ლეჩხუმის ზოგიერთი მემამულე დაჭფუდნენ, ისინი 1684 წ. როკითში შეებრძოლნენ იმერეთის მეფე ალექსანდრესა და მის მომხრეებს, მაგრამ სასტიკად დამარცხდნენ (სხვათა შორის ბრძოლის დროს დაიღუპნენ რაჭის ერისთავი შოშიტა, გიორგი გურიელი და სხვ.).

მიუხედავად დამარცხებისა, გიორგი ლიპარტიანის პოზიცია არ შერყეულა, მან ლევან მეოთხის (დადიანის) მეოხებით იწყო „სრვა და კლვა წარჩინებულთა ოდიშისათა, ყიდვა უწყალოდ ტყუეთა მაჰმადიანთა ზედა და ეპყრა სალიპარტიანო, და ნებითა მისითავე აყო ლევან დადიანად“².

გიორგი ლიპარტიანმა, მოხერხებული პოლიტიკით, თანდათან განამტკიცა თავისი ძალა და გავლენა. მისი რჩევით ლევან დადიანი იმერეთის მეფე ალექსანდრეს დაემძახლა, რამაც კიდევ უფრო აამაღლა მისი ძალაუფლება: „არამედ სახელით ოდენ იყო დადიანი ლევან, გარნა მოქმედი ყოველისავე იყო ლიპარტიანი“³.

მიუხედავად ყოველივესი, გიორგი ლიპარტიანი ვერ ბედავდა ვერც დადიანად (ოდიშის მთავრად) დაჯდომას და ვერც ლეჩხუმის ერთპიროვნულ დამკვიდრებას. იგი, ჯერ კიდევ იძულებული იყო ლევან დადიანის მეგობარიც ყოფილიყო და იმერეთის მეფესთანაც კეთილურთიერთობა ჰქონოდა.

1 ქართლის ცხოვრება, IV, გვ. 845.

2 იქვე, გვ. 849.

3 იქვე, გვ. 850.

ჩანს, XVII ს. 80-იანი წლების მიწურულში, ლეჩხუმი ჯერ კიდევ იმერეთის სამეფოს შემადგენლობაში შედიოდა. ამას მოწმობს ისიც, რომ 1687 წ. და შემდეგაც ლეჩხუმი იმერეთის მეფე ალექსანდრეს მხარეზე იბრძოდა, ჯერ ქართლის მეფის წინააღმდეგ, ხოლო, შემდეგ იმერეთის სამეფო ტახტის მაძიებელ არჩილის, დადიანის, ერისთავისა და მათი დაჯგუფების წინააღმდეგ. ამ ბრძოლაში, რომელიც გუელის თავზე მოხდა, „ლეჩხუმელნი იყვნენ ალექსანდრეს კერძოდ...“¹. აქედან კარგად ჩანს, რომ ლევან მეოთხე დადიანი და ლიპარტიანი საკუთრად არ ფლობენ ლეჩხუმს. რასაც, აგრეთვე ვახუშტი ბაგრატიონის შემდეგი სიტყვებიც ადასტურებს: „შემდგომად ეზრახა ლიპარტიანს ალექსანდრე მეფე და მისცა თავობა ლეჩხუმისა და, ვინაჲთგან იყო ლიპარტიანი უღთო, ცრუფიც, უპირო, ტყვეს მყიდველ, მიერთო ალექსანდრეს“².

მოვლენათა შემდგომი მსვლელობიდან ჩანს, რომ ალექსანდრე მეფემ გიორგი ლიპარტიანს ლეჩხუმი კვლავ წაართვა, შესაძლებელია მერყევი და ცბიერი ქცევის გამო. ახლა გიორგი ლიპარტიანი არჩილს (ალექსანდრეს მეტოქეს) შეუჩნდა, — ოღონდ ლეჩხუმი მიეცა და სამუდამო ერთგულებას ჰპირდებოდა. როდესაც საწადელს ვერც ამ გზით მიაღწია. ის 1691 წელს ქუთაისის ციხეში გამოკეტილი ოსმალების მხარეზე გადავიდა და მათ არჩილ მეფის რეზიდენცია ააოხრებინა.

იოკვევა, რომ XVII საუკუნის მიწურულში გიორგი ლიპარტიანი ეპიზოდურად მაინც ეუფლებოდა ლეჩხუმს. იმერეთის სამეფო ტახტის მესვეურებმა კარგად იცოდნენ, რომ ვის მხარეზეც იქნებოდა გიორგი ლიპარტიანი, „მპყრობელი ოდიშ-ლეჩხუმისა, — ძლიევაცა მისი იქმნებოდა“³. ამიტომ ტახტის თითოეული პრეტენდენტი ცდილობდა ლიპარტიანის გულის მოგებასა და მიმხრობას.

ტახტისა და პირველობის მაძიებელ ფეოდალთა ურთიერთჰიდილმა, აგრეთვე მეზობელი მამულიანური ქვეყნების ხშირმა შემოსევებმა დაასუსტა საქართველოს ცენტრალიზაციის მომხრე პროგრესული ძალები, დაკნინდა და განადგურდა მატერიალური დოვლათის მწარმოებელი გლეხობა, ამავე დროს, ტყვეთა სყიდვაც დროის მუღმივი თანამგზავრი გახდა. ცხადია, ამით არაერთმა მედროვემ ისარგებლა, მათ შორის გიორგი ლიპარტიანმაც, რომელმაც იმდენად დიდი ძალა მოიპოვა, რომ დადასხვ. გააძევა და მთელ ოდიშს დაეპატრონა, შემდეგ „თავობდა ლეჩხუმსაცა კნინდა დაპყრობად“⁴.

მართალია, გიორგი ლიპარტიანი მტკიცედ მაინც ვერ დაეუფლა ლეჩხუმს, მაგრამ მიზნის მიღწევაში მას ხელს უწყობდა იმერეთში გაძეფებული ქაოსი, რომელიც პროგრესულ ძალებს და, საერთოდ, სამეფო ხე-

1 ქართლის ცხოვრება, IV, გვ. 851.

2 იქვე.

3 ნიკო დადიანი, ქართველთ ცხოვრება, თბ., 1962, შ. ბურჯანაძის გამოც., გვ. 166.

4 ქართლის ცხოვრება, IV, გვ. 856—857.

ლისუფლებას აცნინებდა. თანამედროვე მემატიანის დახასიათებით. იმერეთში „...არღარა იყო პირმტკიცეობა. არამედ განრყუნეილნი, ფიცის მტეხელნი, ტყვეს-მყიდველნი, მჭდომნი, მკრეხელნი, უკეთურნი, არათუ წარჩინებულნი, გარნა მდაბიურნიცა“¹.

ამ დროს, იმერეთსა და ოდიშს ფაქტობრივად ორი მედროვე: გიორგი აბაშიძე და გიორგი ლიპარტიანი დაეუფლნენ. ერთობლივი ძალით მათ ჯერ იმერეთის მეფის მომხრე ლეჩხუმის მეზატონეები და მოსაპლეობა დაიმორჩილეს: „...გათხარეს მთა რაჭა-ლეჩხუმისა თოვლიანი და შევიდნენ ლეჩხუმს, ურჩნი მოსწუნეს, მოსტყუევნეს და დაუმორჩილა ლიპარტიანსა“². შემდეგ ურთიერთ დაემძახლენ და 1701 წ. სვიმონ მეფე მოიშორეს. ერთობლივი ძალით მათ (ქაიხოსრო იაშვილის სარდლობით) ოსმალებიც დაამარცხეს: ბრძოლის დროს მოკლეს კოლის ფაშა, ახალციხის ფაშა დაჭრეს, ხოლო ხონთქარის დასაყრდენი სერასკირი გააქციეს. ყოველივე ამის შემდეგ „გარნა აბაშიძე უმეტეს განდიდნა და განმდიდრდა, რამეთუ დადიან-გურიელი მოწოდებითა მისითა მის წინაშე იყვნენ მარადის“³.

აბაშიძესთან კავშირით გიორგი ლიპარტიანმა 1704 წ. ჯერ საქილაოსამოქალაქო დაიპყრო, შემდეგ გიორგისთან (მეფე ალექსანდრეს ძესთან) კეთილკავშირურობის მეოხებით თავისი ძმა იესე (იოსები) გააძევა ლეჩხუმიდან, რომლის უფროსობა (თავადობა) თავის შვილს ბეჟანს მისცა. დაბოლოს (1704 წ.), უფროსი შვილი კაცია დადიანად — ოდიშის მთავრად დასვა, ხოლო მომდევნო შვილს გაბრიელს (რომელიც მონაზონი იყო) ქყონდილობა უბოძა. თვითონ გიორგი „ლიპარტიანობდა კუხალად და იყვნენ მორჩილებასა შინა მისსა ძენი მისნი“⁴.

ამასობაში, გიორგი ალექსანდრეს ძემ და მისმა მომხრეებმა აბაშიძეს მოსთხოვეს ხელი აეღო იმერეთზე და საკუთარი მამულით დაკმაყოფილებულიყო, მაგრამ ამ უკანასკნელს კვლავ თავისი სიძე ლიპარტიანი (რომლის მეუღლე უკვე გარდაცვლილი იყო) და რაჭის ერისთავი მიემხრნენ. სამაგიეროდ ლიპარტიანს გადაუდგნენ თავისი შვილები კაცია და ბეჟანი (მათ ამის საბაბად გამოიყენეს ლიპარტიანის მიერ თავიანთი დედის მიტოვება და ცოლად აბაშიძე თამარის შერთვა), რომლებიც გიორგი ალექსანდრეს-ძეს მხარეზე გადავიდნენ.

ამ ორ დაჯგუფებას შორის ბრძოლა 1709 წ. მეფე გიორგის მომხრეების სასარგებლოდ დამთავრდა, მათ ჯერ აბაშიძე დაამარცხეს, შემდეგ რაჭა-ოდიში და გურიაც დალაშქრეს.

კაცია დადიანის გარდაცვალების შემდგომ წლებში ოდიშს კვლავ მამამისი — გიორგი ლიპარტიანი განაგებდა. ლიპარტიანმა, გურიელმა,

1 ქართლის ცხოვრება, IV, გვ. 859.

2 იქვე, გვ. 860—861.

3 იქვე, გვ. 866.

4 იქვე, გვ. 866—867.

რაჰის ერისთავმა და ბეჟან ლეჩხუმის ბატონმა. იმერეთის მეფე გიორგი ქართლში გააქციეს..

ამიერიდან დასავლეთ საქართველოს მეფე-მთავართა და ფეოდალთა შორის ბრძოლა, რომელშიც ლეჩხუმის თავი ბეჟან ჩიქოვანიც აქტიურად მონაწილეობდა, კვლავ დიდხანს არ დაცხრა. ბრძოლა არა მარტო სხვადასხვა დაჯგუფებას შორის წარმოებდა, არამედ თითოეული დაჯგუფების შიგნითაც.

ლეჩხუმის მებატონე ბეჟან ჩიქოვანი 1714 წ. იმერეთში გამეფებულ გიორგი გურიელს მიემხრო, ამის ძალით მან ოდიშიდან მამა გააძევა, ხოლო საკუთარ ძმას — გაბრიელს ჭყონდიდლობა წაართვა, ბოლოს მან მოწინააღმდეგეები ამოწყვიტა და დადიანობაც დაისაკუთრა*. მალე ბეჟან დადიანმა (ზურაბ აბაშიძის დახმარებით) მოტყუებით შეიპყრო მამამისი, ციხეში დაამწყვდია და იძულებული გახდა პირველ ცოლს — მიქელაძის ქალს (რომელიც ბეჟანის დედა იყო) შერიგებოდა და ასე ეცხოვრა ბოლომდე.

დასავლეთ საქართველოს მესვეურ ფეოდალთა შეხლა-შემოხლაში მნიშვნელოვან როლს ასრულებდნენ არა მარტო გადადიანებული ჩიქოვანები, არამედ ის ჩიქოვანებიც, რომლებიც ლეჩხუმში ან სალიბარტია-ნოში (კვათში, ლესაჯეში, თარგამულში, ჟოლევი, ნამკოლუში, ლეძაძამიეში, თამაკონში და ნოქალაქევი) ცხოვრობდნენ და ბატონობდნენ.

იჩქევეა, რომ სამეგრელოში დაწინაურებული ჩიქოვანები თავდაპირველად იმერეთის მეფეთა თანხმობით (ზოგჯერ ძალით) ეპიზოდურად ეუფლებოდნენ ლეჩხუმს, მაგრამ ბეჟანის გადადიანების შემდეგ ეს კუთხე ოდიშს უერთდება და დადიან-ჩიქოვანთა ხანგრძლივ გამგებლობაში გადადის. ამიერიდან უკვე იმერეთის მეფეები იშვიათად ახერხებდნენ ლეჩხუმის ჩაგდებას.

საქმე იმაშია, რომ ბეჟან დადიანი მკიდროდ შეეკრა იმერეთის ძლიერ ფეოდალ ზურაბ აბაშიძეს, დაუმოყვრდა რაჰის ერისთავს, დაუმეგობრდა გურიელს, უკავშირდებოდა ოსმალებსაც. ყველაფერი ეს საკმარისი იყო იმისათვის, რომ ის ადვილად გამკლავებოდა იმერეთის მეფეს და ხელიდან არ გაეშვა ლეჩხუმი, მითუფრო, რომ მას საკუთარ, საბატონო მამულად მიიჩნევდა.

ლეჩხუმი დადიანთა ხელში იყო ალექსანდრე მეხუთის მეფობის დროსაც (1721—1751 წწ.), როდესაც ოსმალთა დახმარებით ბეჟან დადიანი ალექსანდრე მეფის მოურნედ დაჯდა. მალე ალექსანდრემ ცოლად შეირთო დადიანის ასული, ამით კიდევ უფრო განმტკიცდა ოდიშის მთავრის

*ბეჟან ჩიქოვანის გადადიანების თარიღად ვახუშტი ბაგრატიონი და ნ.ო. დადიანი 1715 წელს ასახელებენ (იხ. ქართლის ცხოვრება, IV, გვ. 876. აგრეთვე ქართველთა ცხოვრება, გვ. 172). ხოლო ო. სოსელიას მტკიცებით, ეს 1714 წელს მოხდა. რასაც საეკლესიო შეწირულობის საბუთიც ემთხვევა (იხ. ნარკვევები უფ. ზ. ხანის დასავლეთ., გვ. 317). ჩანს, ეს უკანასკნელი თარიღი სწორია.

მდგომარეობა: „არამედ თუმცა იყო ალექსანდრე მეფედ, გარნა ბეჟან დადიანი იყო მოქმედი და მმართველი ყოვლისა საქმისა“.¹

შეკავშირებული დადიანი და მეფე ადვილად უსწორდებოდნენ მოწინააღმდეგეებს, მათ არაერთხელ ააწიოკეს რაჭის საერისთავო, აგრეთვე მოქიშპე იმერელი თავადები.

დასავლეთ საქართველოში ფეოდალური არეულობა კვლავ შეუწყობდა გრძელდებოდა, სათავადოთა სისტემა შეუზღუდველად ბატონობდა. მეფის ძალაუფლება სულს დაფავდა, მისი კუთვნილი ციხე-სიმაგრეები და მამულები მთავრებსა და თავადებს ჰქონდათ მიტაცებული. ამასთანავე, დასავლეთ საქართველოში ოსმალთა გავლენაც დღითიდღე ძლიერდებოდა. ოსმალებმა 1723 წ. დაიპყრეს ფოთი, სადაც დასვეს ფაშა, რომელიც ზღვის აღმოსავლეთ სანაპიროს მმართველად დანიშნეს. ოსმალებმა მალე ძველი რუხის ციხე დაანგრიეს და ანაკლიის ააშენეს. ამავე დროს, მათ ხელში იყო ბათუმი, ციხისძირი და სოხუმი, სადაც თავის ნება-სურვილით მოქმედებდნენ.

შინა ფეოდალური არეულობა და ძმათამკვლელი ომი ხელს უწყობდა დასავლეთ საქართველოში ტყვეთა სყიდვის გაძლიერებას და მწარმოებელი კლასის მოსპობას. ოსმალები ფიზიკურად ანადგურებდნენ, ან ძალით ამაჰმადიანებდნენ ქართველებს, რითაც საქართველოს სამულამო დასაკუთრებას ცდილობდნენ.

ბუნებრივია, ოსმალებს არ აწყობდათ ქართველი მეფის ან რომელიმე მთავრის გაძლიერება. იმერეთის თავად ზურაბ აბაშიძის გამცემლობით, ოსმალებმა 1728 წ. გაძლიერებული ბეჟან დადიანი კარავში შეიტყუეს და იქ, ახალციხის ფაშის უსუპის მეშვეობით, ლალატით მოკლეს.

იმავე წელს დადიანად ოტია ბეჟანის-ძე დაჯდა, მაგრამ მას საკუთარი ძმა კაცო გადაუდგა. ოტიამ, გრიგოლ ერისთავის დახმარებით, შეიპყრო მოქიშპე ძმა და კვარას ციხეში გამოამწყვდია.

სამთავროს მესვეურთა შეცვლამ ოდიშში ფაქტობრივად არაფერი შეცვალა. დასავლეთ საქართველო, ისევ მეფე-მთავართა და თავადთა ომის, აგრეთვე ოსმალთა შემოსევა-აწიოკების ასპარეზად დარჩა.

ოტია დადიანმა 1732 წ. შეკრიბა ოდიშ-ლენჩხუმის ჭარი და აფხაზეთ-რაჭის თავადების, აგრეთვე ზურაბ აბაშიძის დახმარებით ალექსანდრესა და მის მომხრეებს (მათ შორის იყო პატიმრობიდან გაქცეული კაცო ჩიქოვანიც) შეესია. ასე ოხრდებოდა და ნადგურდებოდა დასავლეთ საქართველოს მშრომელი მოსახლეობა.

დადიანის მტრობის საპასუხოდ ალექსანდრე მეფემ კავშირი შეკრა საქართველოში დაბანაკებულ ოსმალებთან და ოდიშის სამთავრო ააწიოკა. დროებითი დაზავების შემდეგ, დადიანისა და მეფის ძალები კვლავ ერთიმეორეს შეეჭახნენ. ერთ ბანაკში შედიოდნენ: ოტია დადიანი, რაჭის ერისთავი გრიგოლი, იმერეთის თავადი ზურაბ აბაშიძე და მეფის ძმა მა-

¹ ქართლის ცხოვრება, IV, გვ. 882; ნ. დადიანი, ქართველთა ცხოვრება, გვ. 174.

შუკა, ხოლო მეორეში: ალექსანდრე მეხუთე, მამია გურიელი. ლევან აბა-
შიძე, კაცო ჩიქოვანი, ბარის ერისთავი, მერაბ წულუკიძე და სხვები.

ამ ორ დაჯგუფებას შორის გენერალური ბრძოლა 1734 წ. ზამთარ-
ში გაიმართა ჩიხორში, სადაც არაერთი ქართველი დაიღუპა, მათ შორის
ყველაზე მეტი ლეჩხუმელი და რაჭველი მოლაშქრეები. მეთაურთაგან
ბრძოლის დროს მოკვდა დადიანის ძმა კაცო და სხვ. დაიჭრა ოტია და-
დიანიც, რომელიც გამარჯვებულმა მეფემ ტყვედ ჩაიგდო.

როდესაც ტყვეობაში მყოფი ოტია დადიანი გამოკეთდა, მეფემ მას
განთავისუფლება აღუთქვა, რაშიც ლეჩხუმის დაბრუნება მოსთხოვა. მაგ-
რამ შემატანის თქმით, დადიანმა არ ინება ლეჩხუმის მიცემა, სამაგიერ-
ოდ, მეფე სამიქელაო-საჭილაოს დაეახულდა და დადიანი გაათავი-
სუფლა¹.

მეფის მომხრეებსა და მათდამი დაპირისპირებულ დადიან-ერისთავ-
აბაშიძის ამაღლას შორის მტრობა არც შემდეგ შენეულა. დადიანმა, ერის-
თავმა და ზურაბ აბაშიძემ საიდუმლო მოლაპარაკება გააბეს მეფისადმი
მოულოდნელ და ერთობლივ თავდასხმაზე. შეთანხმებისამებრ დადიანმა
ოდიშ-ლეჩხუმისა და აფხაზთა ლაშქრით. გრიგოლ ერისთავმა რაჭველთა
და ზურაბმა თავისი ძალებით, 1740 წელს, იერიში მიიტანეს ვარციხის
სასაზღვზე, რომელიც რამდენიმე დღის ალყის შედეგად კიდევაც აიღეს
და ძირფესვიანად ააოხრეს, მაგრამ მეფე ვერ შეიპყრეს.

ერთი წლის შემდეგ დადიანმა, ერისთავმა და მათმა მომხრეებმა კაე-
შირი შეკრეს ოსმალებთან, იმერეთი დალაშქრეს, ალექსანდრე მეფე ქარ-
თლში გააძევეს, ხოლო მის ადგილზე გიორგი (მეფის ძმა) დასვეს.

მალე ალექსანდრე მეხუთე ოსმალებს შეუტრიგდა და 1742 წ. ახალ-
ციხის ფაშის მეშვეობით მეფობა დაიბრუნა. დადიანი, ერისთავი და ბა-
ტონიშვილი გიორგი, ოსმალთა დახმარებით, მეფეს მიუხდნენ გეგუთში,
გააფთრებულ ბრძოლაში გამარჯვების შედეგად ალექსანდრე მეხუთემ
მეფობა დაიბრუნა, ხოლო მისი ძმა გიორგი დადიანთან გაიქცა. დადიანი
და ერისთავი 1743 წ. ისევ გეგუთს შეესივნენ, მაგრამ მეფემ და მისმა
მომხრეებმა (ოსმალთა დახმარებით) ორივე მომხდური დაამარცხეს, რა-
ჭის ერისთავი გრიგოლი ბრძოლაში დაიღუპა.

მეფე-მთავარ-ერისთავთა და დიდგვაროვან ფეოდალთა შორის შულ-
ლი და პირველობისათვის ბრძოლა XVIII ს. 50-იან წლებშიც გაგრძელ-
და. კიდევ მეტი. ამ ბრძოლამ ახლა უფრო მრისხანე და ყოვლისმომცვე-
ლი ხასიათი მიიღო. მართალია, იმერეთის სამეფო ტახტზე ახლად ასულ-
მა სოლომონმა (1749 წ.), უპირველეს ამოცანად, ოსმალთა განდევნა დაი-
სახა (მათ ხელში იყო ქუთაისის, შორაპნის, ცუცხვათის, ბაღდადისა და
იმერეთის სხვა ციხეები). მაგრამ, რაკი ამისათვის მას საკმაო ძალები არ
ჰყავდა, სამოყვრო კავშირი შეკრა ოტია დადიანთან (მისი ასული შეირ-
თო), რამაც მეფეს შესაძლებლობა მისცა საქართველოში შემოსული ოს-

¹ ბარათოს ცხოვრება, IV, გვ. 888.

მალები არაერთგზის დაემარცხებინა. მაგრამ ამ კეთილშობილური საქმისათვის ბრძოლაში მეფეს ახლაც მოძმე თავადები უშლიდნენ ხელს. მეფისადმი დაპირისპირებულმა ლეონ აბაშიძემ და სხვა შინგამცემმა თავადებმა იმერეთში მოსყიდული ოსმალთა ლაშქარი შეიყვანეს. სოლომონ მეფე იძულებული გახდა დადიანისათვის ეთხოვა დახმარება: „...ვინათგან კაცი მამაცი დადიანი ოტია მოუძღურებული იყო მოხუცებულობისა გამო, ამისათვის წამოუვლინა ძე თავისი კაცია სპითა ოდიშ-ლეჩხუმ-აფხაზთა, და აქათ მეფემან შეიკრიბნა რამოდენიმე იმერნი, გარნა უმეტესი მიბირებული იყო აბაშიძის ლეონისა მიმართა, და შეერთებულნი მეფე და კაცია დადიანისძე მიუხთენ ხრესილს მყოფს ოსმალთა განდიდებულთა მხედრობათა და შეიქმნა ბრძოლა სასტიკი, სადა მამაცად ბრძოდნენ მენგრელნი და ლეჩხუმელნი და განსდრიკნეს თათარნი“¹.

ხრესილის ბრძოლაში, 1756 წ.², დაიღუპა ლეონ აბაშიძე, ხოლო მისი თანამებრძოლი გედევან აბაშიძე ტყვედ ჩავარდა, ბრძოლაში დაეცა აგრეთვე ახალციხის ფაშა, ჯარის სარდალი (სპასპეტი) და სხვა მრავალი. სოლომონის მომხრეთაგან მრავალმა მებრძოლმა ისახელა თავი, მათ შორის აფხაზმა ხუტუნია შერვაშიძემ, რომელმაც თავის სიცოცხლის ფასად თექვსმეტი ოსმალ მოკლა.

როგორც დავინახეთ, XVIII ს. 20-იანი წლებიდან მოყოლებული, ლეჩხუმს დადიან-ჩიქოვანები განაგებდნენ. ეს კარგად ჩანს არა მარტო ხრესილის ბრძოლის ამსახველი მასალიდან, არამედ კაცია დადიანის პირადი ისტორიიდანაც. ისტორიკოსის გადმოცემით, კაცია დადიანმა თავისი მეორე მეუღლე (ელისაბედი — თეიმურაზ მეფის ასული) 1770 წ. მურის სასახლეში დაასაფლავა³.

იმერეთის მეფეს ხელი არასოდეს აუღია ლეჩხუმის დაბრუნებაზე. მაგრამ შინაურ და გარეშე მტრებთან გამუდმებული ბრძოლა ამის საშუალებას არ აძლევდა. საქმე იმაშია, რომ მოქიშპე თავადებისა და ოსმალების გამკლავება სოლომონს დადიანთან კავშირით თუ შეეძლო, ამიტომ, ის იძულებული იყო ლეჩხუმის დაკარგვას შერიგებოდა (დროებით მაინც), ოღონდ ოსმალები მოეგვრიებინა და რაჭის ერისთავთა საგვარეულო მოესპო.

რუსეთის მიერ ომში გამარჯვების წყალობით, XVIII ს. 70-იან წლებში საქართველოში თურქ-ოსმალების თარეში შენეულა. ამასთანავე, იმერეთის სამეფოსთან ჰიდილში რაჭის ერისთავებიც განადგურდნენ. ამიტომ სოლომონს საშუალება მიეცა ლეჩხუმისათვის მიეხნა. იმერეთის მეფე ლეჩხუმს თავის საკუთრებად თვლიდა, მაგრამ გადადიანებული ჩიქო-

¹ ნ. დადიანი, ქართველთ ცხოვრება, გვ. 178.

* ხრესილის ბრძოლის თარიღად პ. ორბელიანი 1757 წელს ასახელებს (იხ. ამბავი ქართლისანი, ქართლის ცხოვრება, 1854, გვ. 473). ამასვე აღასტურებს ექ. თაყაიშვილის გამოქვეყნებული მასალა (იხ. ფელი საქართველო, წ. II, განყ. III, გვ. 72). ო. სოსელიას მიაჩნია, რომ ეს უკანასკნელი თარიღი სწორია.

² ნ. დადიანი, ქართველთ ცხოვრება, გვ. 179.

ვანებიც მას საკუთარ მამულად მიიჩნევდნენ და ცოცხალი თავით არ თმობდნენ.

მემატინე მოგვითხრობს, რომ, როცა მომენტი დადგა, იმერეთის მეფემ დაიფიქვა გაჭირვების უამს დადიანთა სამსახური და ლეჩხუმის დაბრუნება მოიწადინა: „არბედა მეფე ოდიშს მრავალჯერ და ეკირთებოდა, გარნა არცა დადიანი აყენებდა და მრავალჯერ ესეცა არბედა იმერეთ-რაჭასა და ესრეთ განვლო უამმან საქამომან“¹.

ჩიქოვან-დადიანებმა ლეჩხუმის დამკვიდრების შემდეგ მისი მოსაზღვრე ქვემო სვანეთის ნაწილი — ლენტეხის თემიც დაიმორჩილეს (XVIII ს. შუა ხანებში), ამაზე მეტყველებს ის ფაქტიც, რომ დადიანს აფხაზების წინააღმდეგ რუხის ბრძოლაში, ლეჩხუმლებთან ერთად, ქვემო სვანებიც ჰყავდა: „დადიანმა შეკრიბა სპანი თვისნი ოდიშ-ლეჩხუმისა და სვანეთი-სა და დაებანაკა რუხს კიდესა ზედა ეგურისასა“². მართალია, დადიანთა ტიტულატურაში „სვანეთის მფლობელობა“ აღრეც მოიხსენიება, მაგრამ ამას უფრო სიმბოლური მნიშვნელობა ჰქონდა, მაგრამ XVIII ს. 70-იან წლებში ლენტეხის თემი მართლაც დადიანთა ხელში იყო, ამიერიდან ისინი მთელი ქვემო და ზემო სვანეთის ჩაგდებას ცდილობდნენ.

XVIII ს. 80-იან წლებში დადიანები კვლავ რეალურად ფლობდნენ ლეჩხუმს, რაც იქიდანაც ჩანს, რომ სოლომონ პირველის გარდაცვალების შემდეგ ლეჩხუმი იმერეთის სამეფო ტახტის მამიებელთა (დავით გიორგისძისა და დავით არჩილისძის) მხარეზე კი არ იყო, არამედ დადიანი კაცის ხელში³.

როგორც კი კაცია დადიანი გარდაიცვალა, ახლად გამეფებულმა დავითმა (გიორგისძემ) ლეჩხუმის ხელში ჩასაგდებად ოდიშის სამთავროს შეუტია, ყრმა გრიგოლ დადიანი ლეჩხუმში გაიქცა და მურის ციხეში გამაგრდა. რამდენიმე ხნის შემდეგ პოზიციამომაგრებული დადიანი დავით არჩილისძეს (სოლომონ მეფეს) დაუკავშირდა და ორივემ ერთად დავითი (გიორგისძე) იმერეთიდან გააძევეს.

ლეჩხუმს ყოველმხრივ დიდი მნიშვნელობა ენიჭებოდა XVIII საუკუნეში. ამიტომ შემთხვევითი არ იყო იმერეთ-ოდიშის მესვეურთა შორის გააფთრებული დავა მის ხელში ჩასაგდებად. ლეჩხუმის საბოლოო მიმხრობა-ჩაგდების მიზნით არაფერს ერიდებოდა არც იმერეთის მეფე და არც დადიანი. ერთგულების მოპოვებისა და მტკიცე დასაკუთრების მიზნით დადიანი დიდ პრივილეგია-უფლებებს აძლევდა ლეჩხუმის მებატონეებს, ამის მაგალითია ქაიხოსრო გელოვანი. იგი დადიანმა ჯერ ლეჩხუმის მოურავად დანიშნა (XVIII ს. 80-იან წლებში), შემდეგ თავის მარჯვენა ხელად აქცია და დიდი უფლებამოსილებით შემოსა: „უამსა ამას

1 ნ. დადიანი. ქართველთ ცხოვრება, გვ. 179.

2 იქვე, გვ. 180.

3 იქვე, გვ. 183.

დიდ-შემძლე კაცი ყმა დადიანისა გელოანი ქაიხოსრო, რომელი მოურაობდა ლეჩხუმს და მძლავრობდა ოდიშსაცა¹.

ლეჩხუმის გამო იმერეთ-ოდიშის მესვეურთა ბრძოლა თანდათან მწვავე ხასიათს იღებდა. სოლომონ მეორემ მოახერხა გრიგოლ დადიანისათვის საკუთარი ძმა მანუჩარი და გელოვანი აემხედრებინა, მაგრამ დადიანი მედგარ წინააღმდეგობას უწევდა, რადგან სამეგრელოსა და ლეჩხუმის თავად-აზნაურთა უმრავლესობა მის მხარეზე იყო. ამასთან მის ხელში რჩებოდა ჭაჭვითის (ჭაჭვინჯის) და მურის ციხესიმაგრეები, რომელთაც მედგარად იცავდნენ ერთგული მცველები პეტრე მხეიძისა და ხოსია გასვიანის მეთაურობით².

დადიანს განსაკუთრებით სჭირდებოდა გელოვანი, რომელსაც დიდ წყალობას ჰპირდებოდა. მეფისა და ძმის მხრივ შევიწროებული გრიგოლ ბოლოს ლეჩხუმში გადაბარგდა, სადაც ქაიხოსრო გელოვანმა და სრულიად ლეჩხუმმა „ნისცეს ფიცი დადიანსა ურთგულებისა და ციხენი ყოველნი, და დაიპყრა დადიანმა სრულიად ლეჩხუმში“³. ლეჩხუმის მეშვეობით გრიგოლმა მალე მთელი ოდიში დაიბრუნა, შემდეგ მეტოქე ძმას შეურიგდა, რომელსაც ლიპარტიანობა უბოძა.

პოზიციის განმტკიცებისთანავე გრიგოლ დადიანმა გაიხსენა გელოვანის ადრინდელი ორგულობა და მისი თავიდან მოცილება გადაწყვიტა. ამ მიზნით დადიანმა საიღუმლო მოლაპარაკება გამართა სოლომონ მეორესთან, რომელიც, აგრეთვე დიდად განაწყენებული იყო გელოვანის ორპირი მოქმედებით. ბოლოს დადიანმა მოახერხა გორდში მყოფი გელოვანის მოსპობა და მისი ყველა მომხრის თავიდან მოშორება⁴.

მიუხედავად გელოვანის წინააღმდეგ ღრობით მხარდაჭერისა, სოლომონი დღენიადაგ დადიანის დასუსტებასა და ლეჩხუმის დაბრუნებას მტდელობდა. ამ მიზნით მეფემ კვლავ საიღუმლო მოლაპარაკება დაიწყო მანუჩარ ლიპარტიანთან, რომელიც ისევ დადიანად გამოაცხადა. მაგრამ, მიუხედავად იმისა, რომ იმერეთის მეფემ, საკუთარი ძალებით და დაქირავებულ ლეკთა რაზმებით შეუტია ოდიშს, ვერაფერი გააწყო.

ბოლოს სოლომონ მეფემ ისევ მანუჩარი, აგრეთვე თავადი ბააკა ჩიქოვანი გადაიბირა და 1802 წ. ლეჩხუმში გაილაშქრა, სადაც ჭყვიშის ციხესიმაგრეს შემოარტყა ალყა, მაგრამ გრიგოლ დადიანმა მურის ციხეში გაასწრო და იქ გამაგრდა.

გრიგოლ დადიანი ხედავდა, რომ ზოგიერთი შინაურიც ლალატობდა და მტერს ვერ გაუმკლავდებოდა, ამიტომ ხერხს მიმართა, სოლომონს შესთავაზა: ოღონდ მანუჩარს ნუ დაეხმარები და რასაც მთხოვ აგისრულებო.

1 ნ. დადიანი, ქართველთ ცხოვრება, გვ. 183.

2 იქვე, გვ. 188.

3 იქვე, გვ. 189.

4 იქვე, გვ. 190.

მეფემ აღუთქვა: „უკეთუ მომცემ ციხესა ჰყვიშისასა და მომდგომსა მისსა, მე დაუტევებ მანუჩარს ყოვლად შეუწყენვლად“¹.

რაკი დადიანმა ჰყვიშის მიცემაზე თანხმობა მისცა, მეფემ მანუჩარს ზურგი შეაქცია და საომარი მოქმედება შეწყვიტა. მარტო დარჩენილი მანუჩარ დადიანი დეხვირიდან ბააკა ჩიქოვანთან გაიქცა ორბელში, სადაც მალე დარწმუნდა, რომ მეფე მხოლოდ თავის გამორჩენაზე ზრუნავდა და მათი სიკეთე არ სურდა.

მოკავშირეთა გარეშე დარჩენილმა მანუჩარმა და ბააკა ჩიქოვანმა დადიანს ცოდვების პატიება და შერიგება სთხოვეს, ამაზე თანხმობის მიღების შემდეგ დადიანს მთელი ლეჩხუმი შემოუბრუნდა.

გამარჯვებულმა დადიანმა იმერეთის მეფეს ჰყვიშის ციხისა და მისი შემოგარენის დათმობაზეც უარი განუცხადა. რა თქმა უნდა, ამას მეფე ვერ შეურიგდა და ჰყვიშის ციხე სამხედრო ძალით ჩაიგდო. ამასთანავე სოლომონმა მთელი ლეჩხუმის დაპყრობაც განიზრახა, მან ისევ ლეკთა რაზმები დაიქირავა და ლაილაში დაბანაკდა. მიუხედავად ლეჩხუმისა და სამეგრელოს რაზმების მედგარი წინააღმდეგობისა, იმერეთისა და ლეკთა რაზმებმა უსახელოც ჩაიგდეს. იმერეთის მეფემ გაიმარჯვა დეხვირთანაც, საიდანაც დადიანმა მურისაკენ დაიხია და იქ გამაგრდა. მაგრამ საბოლოოდ ვერც იქ გაძლო და იძულებული გახდა ლეჩხუმიდან სამეგრელოში გაქცეულიყო.

სოლომონ მეორე მთელ ლეჩხუმს დაეპატრონა, სადაც მოურავად ქაიხოსრო გელოვანის შვილი — ბერი დანიშნა, თვითონ კი იმერეთში დაბრუნდა.

მეფე-დადიანს შორის პირველობისა და ლეჩხუმისათვის ბრძოლა ამით როდი დამთავრდა. გრიგოლ დადიანი აფხაზთა მთავარ ქელაიშ-ამ-მედ-ბეგს შეუთანხმდა, რომ ერთად გაელაშქრათ მეფის წინააღმდეგ, მაგრამ მალე დარწმუნდნენ, რომ ძალა არ ეყოფოდათ და დროებით თავი შეიკავეს. თავის მხრივ, სოლომონ მეფე მოსვენებას უკარგავდა სამეგრელოს, მაგრამ დადიანის საბოლოო განადგურებისათვის ძალა არც მას ჰყოფნიდა.

რთულ საშინაო და საგარეო ვითარებაში გრიგოლ დადიანმა გადაწყვიტა, აღმოსავლეთ საქართველოს სამეფო მესვეურთა მაგალითისამებრ რუსეთის იმპერატორისათვის ქვეშევრდომობა და მფარველობა ეთხოვა. საქართველოს მთავარმართებლის ციციანოვის შუამდგომლობითა და დახმარებით, 1803 წელს გრიგოლ დადიანმა იმპერატორ ალექსანდრეს ერთგულების და ქვეშევრდომობის ფიცი მისცა. რუსეთის მფარველობასა და ქვეშევრდომობაში შესვლის შემდეგ, გრიგოლ დადიანმა ალექსანდრე ნეველის ორდენი და ხელისუფლების ოფიციალური ნიშნები მიიღო.

ზურგგამაგრებულმა დადიანმა მალე მოურავი გელოვანი და ქვემო

¹ ნ. დადიანი, ქართველთ ცხოვრება, გვ. 190.

სვანეთის თავადებიც გადაიბირა და ლეჩხუმ-ქვემო სვანეთიც რუსეთის ქვეშევრდომობაში შეიყვანა, თუმცა ჭყვიშის ციხესიმაგრე ისევ იმერეთის მეფის ხელში რჩებოდა.

თ ა ვ ი მ ა ხ უ თ ა

რ ა ზ ა - ლ ე ჩ ხ უ მ ი X I X ს ა უ ჯ უ ნ ი ს კ ი რ ვ ე ლ ნ ა ხ ე ვ ა რ შ ი

1. დასავლეთ საპართველოს შეერთება რუსეთთან და იმერეთ-სამეგრელოს მმართველი წყა

XIX საუკუნის დასაწყისში მეფის თვითმპყრობელობამ დიდი წარმატებები მოიპოვა საქართველოსა და მთელ ამიერკავკასიაში. თავის მხრივ, საქართველოს სამეფო-სამთავროების მესვეურებმა ირან-თურქეთისაგან თავის დასაცავად და დამოუკიდებლობის შესანარჩუნებლად რუსეთის ძლიერი სახელმწიფოს მოკავშირე-მფარველად გამოყენება სცადეს. „რუსეთის სახელმწიფო, რომელიც საკუთარი ინტერესებიდან გამომდინარე, ყურადღებით ხვდებოდა ამ ცდას“¹.

აღმოსავლეთ საქართველოს შეერთების შემდეგ დღის წესრიგში დადგა რუსეთთან დასავლეთ საქართველოს შეერთებაც. მართალია, ეს საქმე პოლიტიკურად უკვე მომზადებული იყო, მაგრამ საჭირო იყო მისი პრაქტიკული განხორციელება.

რაკი რაჭა-ლეჩხუმი იმერეთ-სამეგრელოს შემადგენლობაში შედიოდა, რუსეთთან მათი შეერთება იმერეთ-სამეგრელოსთან ერთად მოხდა.

რაგორც ცნობილია, დასავლეთ საქართველოს რუსეთთან შეერთება ერთბაშად არ მომხდარა, ამ მხრივ პირველი ნაბიჯი სამეგრელოს მფლობელმა დადიანმა გადადგა. მართალია, აღმოსავლეთთან ერთად, დასავლეთ საქართველოს რუსეთთან შეერთებაც ისტორიულად შემზადებული იყო, მაგრამ მის პრაქტიკულ განხორციელებას, ბევრი დაბრკოლება ელოდებოდა: ჯერ ერთი. საგარეო ფაქტორი (თურქეთისა და სხვა მამკვიდრიანი სახელმწიფოების აშკარა წინააღმდეგობა), მეორე, დასავლეთ საქართველოს მმართველ წრეებს შორის პირველობისა და ძველებური ბატონობის შენარჩუნებისათვის ბრძოლა.

საქმე იმაშია, რომ სოლომონ მეორე თავს მთელ დასავლეთ საქართველოს მეფედ თვლიდა, ამდენად რაჭა-ლეჩხუმის რუსეთთან შეერთებას თავის ნება-სურვილის საქმედ მიიჩნევდა. მაგრამ დასავლეთ საქართველო ახლა ერთ პოლიტიკურ-ადმინისტრაციულ ერთეულს როდი წარმოადგენ-

¹ ი. ნ. ბერძენიშვილი, რეცენზია, Махарадзе Н. Б., Восстание в Имеретии 1819-20 гг., თბილისი „საბჭო“, ტ. XIII, 1943, გვ. 289.

და, ის დიდი ხანია რამდენიმე დამოუკიდებელ ერთეულად იყოფოდა, ამიტომ თითოეული სამფლობელოს მმართველი წრე რუსეთის იმპერიის მესვეურებთან დამოუკიდებელ მოლაპარაკებას აწარმოებდა, მითუფრო სამეგრელოს მთავარი, რომელიც იმერეთის მეფეს უკვე არაფერში არ ემორჩილებოდა.

სამეგრელოს (ოდიშის) მთავრებმა რუსეთის იმპერიის ხელისუფალთან დიდი ხნის წინ დაწყებული კავშირ-ურთიერთობა XVIII ს. დასასრულსა და XIX ს. დასაწყისში კიდევ უფრო განამტკიცეს. აღმოსავლეთ საქართველოს შემდეგ მეფის რუსეთის მფარველობასა და ქვეშევრდომობაში ყველაზე ადრე სამეგრელოს სამთავრო შევიდა.

როდესაც თვითმპყრობელობა დარწმუნდა, რომ მას ვერავინ დააბრკოლებდა, გადაწყვიტა სამეგრელოს შესაერთებლად უშუალო და პრაქტიკული ნაბიჯი გადაედგა.

სამეგრელოს მთავარ გრიგოლ დადიანთან უშუალო მოლაპარაკების წარმოება საქართველოს მთავარმართებელ თავად ციციანოვს (ციცი-შვილს) დაევალა. ცარიზმის ინტერესების ამ დამკველმა კარგად დაინახა, რომ დასავლეთ საქართველოს შეერთება იმერეთ-სამეგრელოს მესვეურებთან ცალ-ცალკე მოლაპარაკებით უნდა გადაჭრილიყო. მითუფრო, რომ დადიანი (თავის მეტოქესთან შედარებით) ნაკლებ პრეტენზიებს აყენებდა, ამასთან, საქართველოს მთავარმართებელს ემოიქნენლებოდა და მაღალი ეპითეტით ამკობდა (ბრძენს, მამასა და მასწავლებელს უწოდებდა).

ცხადია, რეალური ვითარების შეფასებამ სამეგრელოს მმართველი დაარწმუნა, რომ იმერეთის მეფის პრეტენზიისა და თურქ-ოსმალთა აგრესიისაგან მას და მის სამფლობელოს მხოლოდ რუსეთის ქვეშევრდომობაში შესვლა იხსნიდა.

მართალია, თვითმპყრობელობა მთელ დასავლეთ საქართველოს ერთდროულ შეერთებას ესწრაფოდა, მაგრამ იძულებული გახდა ეს შედარებით იოლი საქმის მოგვარებით — სამეგრელოს შეერთებით დაეწყო, მითუფრო, რომ სამეგრელო პირდაპირ შავ ზღვას ებჯინებოდა. ამასთან, თვითმპყრობელობას აწყობდა საქმე პატარა მფლობელთან ჰქონოდა, ვიდრე პრეტენზიების მქონე დიდ მეფესთან. ჩანს, თავის დროზე ამან განსაზღვრა თვითმპყრობელობის მიერ დადიანზე ორიენტაციის აღება, რაც თავისთავად მოასწავებდა იმერეთის მეფის და დასავლეთ საქართველოს სხვა მფლობელთა პოზიციის დასუსტებას.

როდესაც დასავლეთ საქართველოს მიმართ თვითმპყრობელობის პოლიტიკას ვეხებით, უნდა გვახსოვდეს, რომ სამეგრელოს თავდაპირველი შეერთება მარტო დადიანთა ერთგულებამ არ განაპირობა (უეჭველია, ამასაც გარკვეული მნიშვნელობა ჰქონდა), საქმე იმაშია, რომ ყველაზე პირდაპირ ეს შეესაბამებოდა შავი ზღვის პრობლემას. ამასთან, ცარიზმმა აღმოსავლეთ საქართველოს მეფობა უკვე გააუქმა და, ბუნებრივია. ვერც დასავლეთ საქართველოში აიტანდა რომელიმე მეფის არსებობას, რაც თა-

ვისთავად არც იმერეთის მეფისთვის არ უნდა ყოფილიყო საოღუმლო. ამიტომ იყო, რომ მან სამკედრო-სასიცოცხლო ბრძოლა გამოუცხადა თვითმპყრობელობას. ყოველივე ამან იმერეთის უშუალო შეერთება რუსეთთან დააბრკოლა.

ოდიშის მთავართა ერთგულება თვითმპყრობელობისადმი თავისი ხალხის კეთილდღეობისათვის ზრუნვით როდი იყო ნაკარნაავე. დადიანებს უპირველეს ყოვლისა, თავისი საკუთარი ბატონობის და კეთილდღეობის შენარჩუნება ამოძრავებდა, რაკი მათ ბატონობას იმერეთის მეფის თუ სხვა მეზობელ მამკადიანთა მხრივ მეტი საფრთხე დაემუქრა, ისინი თვითმპყრობელობას მიეტმასნენ. ამით სცადეს თავიანთი ბატონობა გაემგრებინათ და გაეხანგრძლივებინათ. გრ. დადიანი 1802 წ. დეკემბერში მეფის სპეციალურ რწმუნებულს ა. სოკოლოვს სწერდა: სურვილი მაქვს რუსეთის მოწყალე მეფის მფარველობაში შევიდე, რათა მეფე სოლომონისაგან ვიხსნა თავი. თუ ჩემი ეს სურვილი არ დაკმაყოფილდა, იძულებული ვიქნები ოტომიანიანთა პორტას ქვეშევრდომობაში შევიდეო¹.

გულუბრყვილობა იქნებოდა იმისი მტკიცება, რომ მეფის თვითმპყრობელობა საქართველოსაკენ ქართველი ხალხის ინტერესების დასაცავად მოეშურებოდა (მიუხედავად იმისა, თუ რუსეთთან შეერთებამ საქართველოს ობიექტურად რა შედეგი მოუტანა). მეფის თვითმპყრობელობას მხოლოდ საკუთარი ინტერესები ამოძრავებდა.

საქართველოს მთავარმართებელი ციციანოვი 1803 წ. პირველ მარტს ალექსანდრე იმპერატორს მოახსენებდა, რომ დადიანი სოლომონ მეფისაგან შევიწროებული და თავის საზღვრებიდან განდევნილი იყო. თუკი იმპერატორი ინებებს, სამეგრელოს მფლობელი რუსეთის ქვეშევრდომი გახდება და ფოთს რუსეთის ჯარი დაეუფლებო².

რასაკვირველია, ცარიზმი დიდი გულისწადილით ეკიდებოდა შავი ზღვის პრობლემის მოგვარებას, ბუნებრივია, დიდად აინტერესებდა მისი ერთ-ერთი ფორპოსტის — სამეგრელოს ზღვის სანაპიროს ჩაგდება.

საქმის აწონ-დაწონისა და სიტყვიერი შეთანხმების საფუძველზე 1803 წ. 26 ივნისს ციციანოვი გრ. დადიანს სწერდა, რომ რუსეთის ქვეშევრდომობაში შესვლასთან დაკავშირებით მალე შეედგინა და წარედგინა „სათხოვარი პუნქტები“. ამ პუნქტებში ლაბარაკი უნდა ყოფილიყო ერთგულებისა და ქვეშევრდომობის მიღებაზე, რუსეთის სამხედრო ნაწილის დაბანაკებაზე სამეგრელოში და მისი შენახვის პირობებზე, სამეგრელოს შინა მმართველობის შენარჩუნებაზე და სისხლის სამართლის საქმეების რუსული კანონებით წარმოებაზე.

ციციანოვის მითითება ეხებოდა აგრეთვე, გრ. დადიანის მიერ ნდო-

¹ AKAK, T. II, c. 453; დ. ბ ა ტ ო ნ ი შ ვ ი ლ ი, ახალი ისტორია., თ. ლომოურის გამოცემა, თბ., 1941, გვ. 35; ზ. ე დ ი ლ ი, უკანასკნელი დღეანი იმერეთის სამეფოსი. ვაზ., „დროება“, 1910, № 67.

² AKAK, T. II, c. 456.

ბით აღქურვილი პირის გაგზავნას თბილისში. სადაც. საბოლოო სახით უნდა ჩამოეყალიბებინა „სათხოვარი პუნქტები“.

როდესაც საკითხი უკვე მომწიფდა, ციციანოვმა 1803 წ. ოქტომბერში წერილი მისწერა გრაფ ვრონცოვს, თუ საბოლოოდ როგორ გაეფორმებინათ სამეგრელოს შესვლა რუსეთის ქვეშევრდომობაში. ციციანოვის აზრით, სამეგრელოს შეერთების ნიშნად. საჭირო იყო რუსეთში გრ. დადიანის მემკვიდრის გაგზავნა სწავლა-განათლების მისაღებად (და არა აზიური წესით მძევლის მიღება).

როგორც აღვნიშნეთ, ცარიზმი იმერეთის შეერთებასაც ესწრაფოდა, მაგრამ იმერეთის მეფე თავს იკავებდა რუსეთის ქვეშევრდომობის მიღებაზე. ასეთ მიზეზად ის ასახელებდა დადიანისა და გურიელის მისაღმი დაქვემდებარების არ ცნობას და, რაც მთავარია, მისაღმი ლეჩხუმის მიუკუთვნელობას. თუმცა, როგორც ჩანს, სოლომონის თავშეკავებას, პირველ რიგში მეფობის მოსპობის შიში განაპირობებდა.

ბუნებრივია, სოლომონს შეგნებული ჰქონდა, რომ მას მთელ დასავლეთ საქართველოს მეფედ აღიარება და ლეჩხუმის მიცემაც ვერ იხსნიდა. რუსეთის მფარველობისა და ქვეშევრდომობის მიღებით, ბოლოს მისი მეფობა აღმოსავლეთ საქართველოს მსგავსად გაუქმდებოდა. ამიტომ ყოველნაირად ცდილობდა რუსეთის ქვეშევრდომობაში შესვლაზე უარი ეთქვა.

წინასწარი შეთანხმების შემდეგ, მეფის მთავრობის სპეციალური რწმუნებული პოლკოვნიკი მაინოვი ჰალადიდში ეწვია გრ. დადიანს, რომელსაც ხელი მოაწერინა წინასწარ შეთანხმებულ „სათხოვარ პუნქტებზე“¹. ამასთანავე, იმპერატორის სახელით დადიანს გადასცა ხელისუფლების სათანადო ნიშნები, გენერალ-მაიორის წოდების საბუთი და ჭილღო — ალექსანდრე ნეველის ორდენი².

დადიანმა და მისმა წრემ 1803 წ. 2 დეკემბერს ფიცი დადეს იმპერატორის ერთგულებასა და ქვეშევრდომობაზე, თუმცა სამთავროს ზოგიერთმა თავად-აზნაურმა ფიცის ცერემონიალში მონაწილეობა ვერ მიიღო³.

მართალია, გრ. დადიანის „სათხოვარ პუნქტებში“ ლეჩხუმის კუთვნილების თაობაზე პირდაპირ და მკაფიოდ არაფერი იყო ნათქვამი, მაგრამ მე-7 პარაგრაფში ეწერა: „ინებზეთ ჩემთვის რათა მაქვენდეს ნაწილი რაოდენიმე ჩემთა სამთავროთა შორის, უკეთუ მადანი რამე იპოოს, ვინაიდგან ხილულ არს ადგილ-ადგილ ლეჩხუმთა და სვანთა შორის ნიშნები ოქროსა და ვერცხლისა და ტყვიისა. ხოლო ტყვიისა არა ნიშანი მხოლოდ, არამედ სრულად იპოვების და ესე იმოქმედოს სახელმწიფოდ, გარნა ნურცა მე დავშთები უნაწილოდ, ვინადგან სიყრმით ჩემითგან აღვისურვე უავლუსტესისა ველმწიფისა მონება“³.

იმპერატორის მიერ გ. დადიანისადმი მიცემულ სიგელში ნათქვამი

¹AKAK, т. II, с. 464, 465.

² იქვე.

³ იქვე, გვ. 461.

იყო, რომ რუსეთის ქვეშევრდომობაში შევიდა „სამეგრელო და მისდამი დაქვემდებარებული ოლქი“¹.

საქართველოს მთავარმართებელმა 1804 წ. 20 იანვარს იმპერიის კანცლერს ვორონცოვს გაუგზავნა დადიანის „სათხოვარი პუნქტები“ და წერილი, რომელშიაც შეატყობინა, რომ 19 იანვარს მან სამეგრელოსაკენ გააცილა გრენადერთა პოლკი, გენერალ ტუჩკოვის მეთაურობით, თუმცა მთავარმართებელი შიშს გამოთქვამდა, რომ დადიანებისადმი მხარდაჭერით გაგულისებული იმერეთის მეფე წინააღმდეგობას გაწევდა².

მეზობელ მაჰმადიანთა აგრესიით შეწუხებულმა იმერეთის მეფეებმა, მათ შორის სოლომონ მეორემ კარგად იცოდა, რომ რუსეთს შეეძლო საქართველოს დაცვა. ამიტომ მეფედ დაჯდომისთანავე მან ბესარიონ გაბაშვილი მოამზადა ეკატერინე მეორესთან მოსალაპარაკებლად (რაც გაბაშვილის გარდაცვალების გამო არ შედგა). მაგრამ სოლომონის აზრით, ამ მოლაპარაკების უპირველესი მიზანი უნდა ყოფილიყო იმერეთის მმართველი დინასტიის უშიშარი ბატონობისა და მთელი ქვეყნის მშვიდობიანი ცხოვრების უზრუნველყოფა.

იმერეთის სამეფო კარი შემდგომშიაც ცდილობდა რუსეთთან დაკავშირებას, მაგრამ ინტერესთა სხვადასხვაობისა და საერთაშორისო რთული ვითარების გამო XIX საუკუნის დასაწყისამდე ამას რეალური შედეგი არ მოჰყვა³.

1801 წ. იანვარში იმერეთის მეფემ კვლავ მოსინჯა ნიადავი რუსეთთან თავის სასარგებლო კავშირის გაფორმებაზე, მაგრამ იმპერატორმა ალექსანდრემ სოლომონს შეუთვალა, რომ ყიუჩუქ-კაინარჯის საზავო ხელშეკრულებით საქართველო თურქეთის გავლენის სფეროში შედიოდა, თითქოს ეს გარემოება მას უფლებას არ აძლევდა საქართველოს სამეფოს მესვეურებთან რაიმე კავშირი გაეფორმებინა⁴.

აღმოსავლეთ საქართველოში მყარი პოზიციის მოპოვების შემდეგ მეფის თვითმპყრობელობა უკვე ნაკლებად ერიდებოდა თურქეთ-ირანის განაწყენებას, პირიქით, იგი საბაბს ეძებდა საქართველოს და, საერთოდ მთელი შავი ზღვის ხელში ჩაგდებისათვის. ასეთ საბაბად მან იმერეთის ყოფილი მეფის — დავითის ქვრივი ანა დედოფალი გამოიყენა, კერძოდ, ცარიზმი სოლომონ მეორეს აძალებდა მუხხურის ციხეში გამომწყვდეულ კონსტანტინე ბატონიშვილი გაენთავისუფლებინა⁵. თუმცა აქ საქმეზე ა. სოკოლოვის მისიამ ვერაფერი გააწყობა.

სოლომონის მოქმედებით განაწყენებულმა ა. სოკოლოვმა 1802 წ. აგვისტოში გენერალ ლაზარევს მისწერა: იმერეთში ვიმყოფებოდი რა

¹ АКАК, т. II, с. 468.

² იქვე, გვ. 465.

³ Бутков П. Г. Материалы для новой истории Кавказа с 1722 по 1903 г., СПб., ч. II, с. 285.

⁴ АКАК, т. I, с. 559.

⁵ დ. ბატონიშვილი, ახალი ისტორია., გვ. 81; Соколов А. Е. Путешествие в Имеретию... и обратное оттуда путешествие в Грузию, М., 1874, с. 158.

⁶ დ. ბატონიშვილი, ახალი ისტორია., გვ. 22.

ერთი თვის მანძილზე, მაღალი დავალების შესასრულებლად. იძულებული გაეხდი უკან დაებრუნებულიყავი. ჩანს, კონსტანტინეს განთავისუფლების გარდა ა. სოკოლოვის იმერეთის მმართველი წრის საერთო განწყობილების დაზვერვაც ევალეობდა, მაგრამ ამ მხრივ მან დიდი სანუგეშო ვერაფერი ნახა: «Царь Соломон, не склоняясь на требования Е. И. В. по предмету миссии моей, хотя с сожалением и представлял мне убедительнейшия по его мнению на то препятствия, однако же главнейшая упорство тому причина та, что с. в. имеет величайшее участие в замыслах Багратионов освободить Грузию из подданства России и, возобновив царство, возвестить на престол онаго царицы Юлона»¹.

ა. სოკოლოვის რწმუნებით, შეთქმულებაში მონაწილეობდნენ მეფე ერეკლეს ქვრივი, უფლისწულები — ვახტანგი და ალექსანდრე, აგრეთვე სხვა ბაგრატიონები, რომლებიც იმერეთში იმყოფებოდნენ. ა. სოკოლოვის აზრით, იმერეთის მეფე რუსეთის წინააღმდეგ კავშირს კრავდა მეზობელ აზიელ მფლობელებთან, რომლებიც თითქოს იარაღით ემზადებოდნენ საქართველოში მყოფი რუსი რაზმებისადმი თავდასასხმელად და აღმოსავლეთ საქართველოს სამეფო ტახტის აღსადგენად. სოკოლოვის მტკიცებით, ამ საქმის ერთ-ერთი მთავარი ინიციატორები ახალციხის ფაშა და დაღესტნის მმართველები იყვნენ.

ა. სოკოლოვი რუსეთის საწინააღმდეგო მოქმედებაში განსაკუთრებით სოლომონ ლიონიძეს (ლეონიძეს) ადანაშაულებდა. თითქოს იგი არა მარტო ბაგრატიონებს აერთიანებდა, არამედ კახეთისა და ქიზიყის თავდაზნაურებსაც.

ბოლოს ა. სოკოლოვი ლაზარევს აცნობებდა, რომ მისი იმერეთში ყოფნის დროს სოლომონმა ჭარი (სამი ათასამდე ცხენოსანი და ფეხოსანი, ერთი ქვემეხით) წაიყვანა ლეჩხუმში გრ. დადიანის წინააღმდეგ².

იმერეთის მეფე, ცხადია უკმაყოფილო იყო აღმოსავლეთ საქართველოში მეფობის გაუქმებით, მას ეშინოდა, რომ მეფის მოხელეები ბატონიშვილ კონსტანტინეს მის წინააღმდეგ გამოიყენებდნენ, ამიტომ, ბუნებრივია, კონსტანტინეს განთავისუფლებაზე თავს იკავებდა და თანამოძმე ბაგრატიონებთან ერთად თავის მეფობის განმტკიცებაზე, აგრეთვე აღმოსავლეთ საქართველოში მეფობის აღდგენაზე ზრუნავდა.

ბუნებრივია, სოლომონის მოქმედება ადვილად შეინიშნეს მეფის გამოცდილმა მოხელეებმა და დიპლომატებმა, მათ ხელთ ჩაიგდეს სოლომონის ზოგიერთი საიდუმლო წერილი მეზობელ მაჰმადიან მფლობელებისადმი.

გენერალმა ლაზარევმა, რომელიც იმერეთის ვითარებაზე უკვე საკმაოდ ინფორმირებული იყო, 1802 წ. 15 აგვისტოს წერილით მიმართა სოლომონს, რომელსაც ბრალს დებდა რუსეთის წინააღმდეგ მოქმედება-

¹ АКАК, т. I, с. 572.

² იქვე, გვ. 573.

ზე. გენერალი დაჟინებით მოითხოვდა სოლომონს განემარტა, თუ რატომ და რა მიზნით კრებდა იგი სამხედრო რაზმებს¹.

ჩანს, თვითონ მცფვეც კარგად გრძნობდა, რომ რუსეთის მთავრობა მის სამეფოს უმიზნებდა, ბუნებრივია, იგი ძალასა და ენერჯიას არ იშურებდა როგორმე დამოუკიდებლობა შეენარჩუნებინა, მაგრამ რუსეთთან ურთიერთობის გამწვავებასაც ერიდებოდა, მითუფრო, რომ სახარბიელო მდგომარეობა არც სამეფოს შიგნით და არც მეზობელ მაჰმადიან მფლობელებთან ჰქონდა.

მეზობელ მაჰმადიანებთან ურთიერთობას სოლომონი მაინც ერთმორწმუნე რუსეთთან კავშირს არჩევდა. ამას მოწმობს მისი წერილი გენერალ კნორინგისადმი, რომელსაც აცნობებდა, რომ სპარსეთის შაჰი ბაბა-ხანი (ფათალი-ხანი) მას რუსეთის წინააღმდეგ აქეზებდა. სოლომონი მზად იყო რუსეთთან მეგობრული კავშირი ჰქონოდა, მაგრამ იმასაც აგრძნობიხებდა, რომ თუკი საქმე მოითხოვდა, მას შეეძლო მაჰმადიანი მოკავშირეები ჰყოლოდა.

რა თქმა უნდა, იმერეთის მეფის მოქმედება მეფის თვითმპყრობელობის ფიზიკურ თვალს არ ეპარებოდა. იგი ყველაფერს იგებდა, რასაც მეფე ფიქრობდა და რაც იმერეთში და მის ირგვლივ ხდებოდა.

ცარიზმის სპეციალური რწმუნებულის, პოდპორუჩიკ სიმონოვიჩის 1802 წ. აგვისტოს რაპორტში გენერალ ტუჩკოვისადმი ვკითხულობთ: კულაროს ოსების მეოხებით შევიტყვე, რომ რაჭაში თავი მოიყარეს იმერეთისა და რაჭის შეიარაღებულმა რაზმებმა, რომლებიც რუსებზე თავდასასხმელად ემზადებიანო².

ჩანს, ეს ცნობა სინამდვილეს არ შეესაბამებოდა, იგი სიმონოვიჩის სიფრთხილით ან შიშით იყო ნაკარნახევი, რადგან უცხო მხარესა და გარემოში მყოფ რუს მოხელეებს თვითდამშვიდების უფლება არ ჰქონდათ. სიფრთხილის მიზნით სიმონოვიჩმა დაუყოვნებლივ მიმართა კულაროს ოსებს, რათა ისინი არავითარ შემთხვევაში იმერეთის მეფეს არ აპყროლოდნენ, რადგან თითქოს იმერლები მათი მტრები იყვნენ. სიმონოვიჩი ოსებს ურჩევდა, რომ რუსების მხარეზე ყოფილიყვნენ და საჭიროების შემთხვევაში რაჭის გადასასვლელები ჩაეკეტათ³.

თვითმპყრობელობა სოლომონისადმი დადიანის წინააღმდეგ მოქმედების გამოც იყო განაწყენებულნი. მეზობელ მაჰმადიანებთან ურთიერთობა და აღმოსავლეთ საქართველოს სამეფო დინასტიის წარმომადგენლებთან კავშირი სოლომონს რუსეთის უბოროტესი მტრების სიაში აქცევდა. თვითმპყრობელობის საწინააღმდეგო მოქმედების გამო იმერეთის მეფეს განმარტებას განმარტებაზე თხოვდნენ.

ისედაც პოზიციებადსუსტებული სოლომონი ყოველნაირად გაურბოდა ცარიზმის მოხელეებთან კონფლიქტს და უმტკიცებდა, რომ მას რუ-

¹ AKAK. T. I. c. 571.

² აქვე.

³ აქვე.

სეთის იმპერიის წინააღმდეგ არავითარი მტრული განზრახვა არ ჰქონდა. იგი 1802 წ. 25 აგვისტოს ლაზარევს განუმარტავდა. რომ მან წინაპართაგან მემკვიდრეობად მიიღო ტახტი და სამფლობელო, აგრეთვე უფლება ჯარის შეყრა-განტყვების. რაც შეეხებოდა რაზმების თავშეყრას, სოლომონის მტკიცებით, ეს გრიგოლ დადიანის ურჩი მოქმედების შედეგი იყო. დადიანისა, რომელიც „მდაბალთა ჩიქუანთაგან გაქეთილშობილდა და მთავრად დაიდგინა სამეფოთა ჩუენთა ოდიშ-ლენჩხუმთა შინა“. სოლომონი აღნიშნავდა, რომ დადიანმა მრავალგზის იწება მის წინააღმდეგ გამოსულა, რომ „იმერეთის მეფემ სჯულიერთა მოყვრობითა და ქრისტიანობითა კაცთმოყვარეობითა მრავალგზის აპატია შეცდომა“. თუკცა დადიანმა არაერთხელ დაიფიცა ჩვენდამი ერთგულებაზე, მაგრამ მაინც არაერთხელ გატება ფიცი და ჩვენს წინააღმდეგ გაილაშქრაო¹.

სოლომონი პირდაპირ განმარტავდა, რომ მის მიერ ჯარის შეყრა მხოლოდ დადიანის მტრულმა მოქმედებამ გამოიწვია. რის გამოც მისმა რაზმმა ლენჩხუმის შვიდი ციხე (თავისი სოფლებით) დაიკავა და მურის ციხეში მყოფ დადიანს შეუტია. სოლომონი გადაპრით ირწმუნებოდა, რომ თეოთონ არავითარ შემთხვევაში პირველი არ დაიწყებდა ცარიზმის წინააღმდეგ მოქმედებას².

სოლომონმა ასეთივე განმარტება მისცა გენერალ კნორინგსაც, რომელსაც აუწყა, რომ რაზმების შეყრა მხოლოდ და მხოლოდ გრ. დადიანის ურჩობამ და ლენჩხუმის მიტაცებამ გამოიწვიაო³.

დადიანის წინააღმდეგ სოლომონის მოქმედებამ დიდად შეაშფოთა მეფის მოხელეები. 1802 წ. 10 სექტემბერს „სოვეტნიკი“ კოვალენსკი კნორინგს აცნობებდა, რომ იმერეთის მეფემ ჯარით გადალაზა სამეგრელოს საზღვარი და ლენჩხუმის დიდი ნაწილი დაიკავა. რომ, არსებული რვა ათასი მებრძოლის გარდა, სოლომონი კიდევ კრებდა ჯარს, ამასთან, თითქოს ის ახალციხის ფაშასა და ლეკებსაც თხოვდა მებრძოლების მიშველიებას ათასი კაცის ოდენობით. კოვალენსკი კნორინგს იმასაც ატყობინებდა, რომ დადიანი მათი რჩევით შეურიგდა თავის დედასა და ძმას — მანუჩარს⁴.

მეფის მოხელეთა პროტესტის მიუხედავად სოლომონ მეფე მედგრად უტყევდა დადიანს, რომელიც მის წინააღმდეგ ცარიზმის მთავარი დასაყრდენი იყო. მეფის მოხელეებმა იცოდნენ, თუკი სოლომონი დადიანს დაამარცხებდა, ეს მათი პოლიტიკის მარცხიც იქნებოდა. ამით იყო ნაკარნახევი გენერალ ტუჩკოვის მიერ 1802 წ. 16 სექტემბერს ლაზარევისადმი გაგზავნილი — გაზვიადებული რაპორტიც, რომელშიც შეწუხებული ატყობინებდა, რომ იმერეთის მეფემ დაიპყრო და ააწიოკა ლენჩხუმის ნაწილი, რომ ლაილაშის ციხეში დაბანაკებული სოლომონი შეპყრობით

1 АКАК, т. I, с. 571.

2 იქვე.

3 იქვე, გვ. 574.

4 იქვე, გვ. 575.

ემუქრებოდა მურის ციხეში მყოფ დადიანს. ამასთან ტუჩკოვი ატყობინებდა, რომ სოლომონს მალე ლექთა ათასკაციანი რაზმიც მიეშველებოდა, მაგრამ იმედს გამოთქვამდა, რომ ძნელად ასაღებ მურის ციხეში გამაგრებული დადიანი თავს დაიცავდა, მითუფრო, რომ საჭირო შემთხვევაში მას აფხაზთა მთავარი ქელეშ-ბეგიც დაეხმარებოდა. აქვე ტუჩკოვი ატყობინებდა, რომ ლეჩხუმის ერთ-ერთი უძლიერესი თავადი გელოვანი, რომელიც უწინ დადიანის ქვეშევრდომი იყო, ახლა სოლომონთან ერთად იყო და მას ემხრობოდა¹.

ტუჩკოვი არც აღმოსავლეთ საქართველოს ბაგრატიონთა წარმომადგენლების მტრულ მოქმედებას ივიწყებდა და ლაზარევს ატყობინებდა, რომ იულონ და ფარნაოზ უფლისწულები ქუთაისში იმყოფებოდნენ და კავშირი ჰქონდათ ალექსანდრე უფლისწულთან, რომელიც, თითქოს, 12 ათასი მაჰმადიანი მეზრძოლის გამოყვანას აპირებდა აჯანყებული კახელების დასახმარებლად. ტუჩკოვის აზრით, თითქოს სოლომონიც ემზადებოდა ჯარის გამოსაყვანად ბაგრატიონი უფლისწულების დასახმარებლად და რუსების წინააღმდეგ ოსებსაც ამზადებდა².

რამდენადაც მეფის მთავრობა დადიანის ინტერესებს იცავდა, იმდენად უფრო ბოროტდებოდა სოლომონი და უფრო გააფთრებით ებრძოდა სამეგრელოს მფლობელს. მეფესა და დადიანს შორის მტრობის ერთი მთავარი მიზეზი იყო ლეჩხუმი, რომლისათვის ბრძოლას ეწირებოდა მრავალი თანამომე. ამ ბრძოლაში, იმერეთისა და სამეგრელო-ლეჩხუმის მოსახლეობასთან ერთად, ხშირად ახალციხისა და აფხაზეთის, რაჭისა და გურიის მოსახლეობაც, აგრეთვე ლეკებიც ებმებოდნენ, რაც ხშირად მოლაშქრეებისა და მშვიდობიანი მოსახლეობის მასობრივი აწიოკებით მთავრდებოდა.

როგორც ჩანს, ლეჩხუმისათვის დავისას (1802 წ. ნოემბერში) დადიანს აფხაზეთის მთავარმა ქელეშ-ბეგმა მიაშველა 20 ათასი მეზრძოლი, მაგრამ აფხაზები უშუალო ბრძოლაში არ ჩაებნენ და უკან დაბრუნდნენ³. ერთი ცნობის თანახმად, უმწეო მდგომარეობაში დარჩენილმა გრ. დადიანმა იმერეთის მეფეს პატიება სთხოვა და ერთგულების ფიციც მისცა⁴. როგორც ჩანს, იმერეთის მეფემ, თავის მხრივ, დადიანად გრიგოლის მშაოტია გამოაცხადა. ამას მოწმობს სოლომონის 1803 წ. იანვრის წერილი კოვალენსკისადმი. რომელსაც სწერდა, თითქოს გრ. დადიანი მისი ხელდებული იყო, მაგრამ მას გადაუდგა და მაჰმადიანთა ჯარით ბრძოლა დაუწყო, თითქოს ამის გამო გადააყენა იგი დადიანობიდან და ამიტომ დაიბრუნა ლეჩხუმი. აქიდან გამომდინარე, სოლომონი თავს იმართლებდა და იმედს

¹ АКАК, т. I, с. 575.

² იქვე.

³ იქვე, გვ. 577-578.

⁴ იქვე, გვ. 578.

გამოთქვამდა, რომ ამ მოქმედებისათვის იმპერატორი მას არ დაადანაშაულებდა¹.

იმერეთის მეფის წარმატება დადიანის წინააღმდეგ, რასაკვირველია, თვითმპყრობელობას მოსვენებას უკარგავდა. მისი მოხელეები საგულდაგულოდ ზვერავენ დასავლეთ საქართველოს და ყველა შესაძლო ზომას ხმარობდნენ თავიანთი პოზიციის გასაძლიერებლად.

ლენჩხუმის გამო მეფე-მთავარს შორის გაჩაღებულ ბრძოლაზე საქართველოს მთავარმართებელი, თავადი ციციანოვი იმპერატორ ალექსანდრეს მოახსენებდა, რომ ყოველივე სოლომონის მიზეზით ხდებოდა, რომ იგი უმიზეზოდ ავიწროებდა ალაღმართალ დადიანს².

საკმაოდ შორისმჭვრეტელი, სიტუაციის კარგი შემფასებელი და კარგი დიპლომატი სოლომონი იძულებული იყო ზოგიერთ დამოძაბვეც წასულიყო, მან პატიმრობიდან გაანთავისუფლა კონსტანტინე დავითის ძე და თავის მემკვიდრედ გამოაცხადა³.

შეუძლებელია ყოველივე კონსტანტინეს განთავისუფლებას მივაწეროთ, მაგრამ ამიერიდან თვითმპყრობელობამ სოლომონთან დამოკიდებულებაში უფრო რბილ ტაქტს მიმართა. ამას მოწმობს 1803 წ. აგვისტოში იმპერატორ ალექსანდრეს მიერ სოლომონის ალექსანდრე ნეველის ორდენით და სიგელით დაჯილდოება. სიგელში ნათქვამი იყო: „...ჩვენი სურვილია მიგიღოთ თქვენ ჩვენს წმინდა თავად ალექსანდრე ნეველის ორდენის მქონეთა რიგებში, რისთვისაც გიგზავნით გულზე სატარებლად ბრილიანტებით მორთულ ნიშნებს“⁴.

ურთიერთობის ასეთმა ცვლილებამ იმერეთის მეფეს იმპერატორის მოწყალების ერთგვარი იმედი აღუძრა და გადაწყვიტა ხელსაყრელ პირობებში მიეღო რუსეთის მფარველობა, რაც მითუფრო საჭიროდ მიიჩნია, რამდენადაც მან დამოუკიდებლად ვერაინ დაიმორჩილა.

იმერეთის სამეფო დარბაზი 1803 წ. აგვისტოში იმპერატორთან მოსალაპარაკებლად აგზავნის სოლომონ ლეონიძეს, რომელმაც პეტერბურგში წაიღო წინასწარ შემუშავებული ტრაქტატის პროექტი. მასში ჩამოყალიბებული იყო, თუ რა პირობებში უნდა შესულიყო იმერეთი რუსეთის მფარველობა-ქვეშევრდომობაში.

სოლომონის მიერ წამოყენებული პირობის საფუძველზე. იმპერატორი იმერეთის სამეფოს მიიღებდა თავის მფარველობაში, რაც იმპერატორს ყველა სახელმწიფოსათვის უნდა ეცნობებინა; იმერეთის მეფის წარგზავნილები უშუალოდ იმპერატორს უნდა მიეღო; ქვეშევრდომობაში შესულ იმერეთის მეფეს უნდა მიეღო სიგელი, რომლის საფუძველზე (თუკი ეს საჭირო იქნებოდა) საქართველოს მთავარმართებელს იმერეთში 1000 კაცისაგან შემდგარი ჯარი უნდა გაეგზავნა; ამასთან, სოლომონის მემკვიდ-

¹ AKAK, t. II, c. 340—341.

² იქვე, გვ. 340.

³ ა. კიკვიძე, საქართველოს ისტორია (XIX საუკუნე), თბ., 1954, გვ. 66.

⁴ AKAK, t. II, c. 352.

რეებს უფლება უნდა ჰქონოდათ სამეფო ტახტის მემკვიდრეობით (წესი-სამებრ) მართვისა.

ქვემოთ ჩამოთვლილი იყო იმერეთის მეფის ვალდებულება რუსეთის იმპერატორისადმი, აგრეთვე მხარეთა პირობები, რაც სარგებლიანობას მოუტანდა ორივე მხარეს.

მოცემულ პროექტში პირდაპირ არაფერი იყო ნათქვამი დასავლეთ საქართველოს მეფე-მთავრების ურთიერთობა-დამოკიდებულებაზე, მაგრამ წარდგენილი ტექსტიდან ჩანდა, რომ სოლომონი დასავლეთ საქართველოს მეფედ აღიარებას მოითხოვდა, რაც თავისთავად იმას ნიშნავდა, რომ დასავლეთ საქართველოს ყველა მფლობელი მის ქვემდგომად ჩათვლილიყო¹.

თვითმპყრობელობა დიდი ხნის წინ იყო ინფორმირებული დასავლეთ საქართველოს მესვეურ-მფლობელთა მოქმედებასა და სურვილზე, იმაზეც, რომ დადიანი ჩქარობდა რუსეთის ქვეშევრდომობის ოფიციალურ მიღება-გაფორმებას. ამიტომ, რასაკვირველია, ცარიზმი არ დათანხმდა იმერეთის სამეფო კარის მიერ წამოყენებულ პირობებზე, მითუფრო სოლომონის პრეტენზიას მთელი დასავლეთ საქართველოს მეფედ ცნობაზე, ამას ემატებოდა გრ. დადიანის ინტრიგა და ციციანოვის მიერ სოლომონის არაერთგზის დასმენა ანტიცარისტულ მოქმედებაზე. ყოველივე ამან განაპირობა იმპერატორის კარზე იმერეთის ელჩის ს. ლეონიძის ცივად მიღება და მისი უშედეგოდ დაბრუნება².

იმერეთის ელჩის პეტერბურგში ყოფნის დროს, იმპერიის ვიცე-კანცლერმა, გრაფმა ვორონცოვმა ციციანოვს მისწერა, რომ იმერეთის მფლობელის ვერაგობის მშვიდობიანი გზით გასწორება შეუძლებელი იყო და ავალბედა, რომ ის აზიურად კარგად შეეშინებინა და უვნებელი გაეხადა. რაც შეეხებოდა ლეონიძის მისიას, ამაზე ვორონცოვი წერდა, რომ იგი უფლებამოსილი იყო იმერეთის საკითხი თვითონ დაემთავრებინა და გადაეჭრა, ამიტომ მას თქვენთან ვაგზავნი³.

იმპერიის ხელისუფლებამ საქართველოს მთავარმართებელს მიუთითა: «Здесь не только не колеблются в принятом намерении занять войсками Российской Империи, но напротив того ожидают... Возможно будет, Ваше сиятельство, без дальнего отлагательства приступить к занятию Имеретии»⁴.

მართალია, პ. ციციანოვმა იმერეთის საკითხი ვერ გადაჭრა, მაგრამ სამეგრელოს საქმე ბოლომდე მიიყვანა, თურქეთმა კი აშკარა წინააღმდეგობა ვერ გაბედა.

სამაგეროლ, ლეჩხუმის გამო სოლომონი დადიანთან ბრძოლას განაგრძობდა. 1804 წ. თებერვალში იმერეთის მეფემ თხოვნით მიმართა

¹ АКАК, т. II, с. 352.

² დ. ბატონიშვილი, ბ. ბატონიშვილი, ახალი მოთხრობა, გვ. 85: АКАК, т. II, с. 362.

³ АКАК, т. II, с. 362.

⁴ იქვე, გვ. 363.

პ. ციციანოვს არ წაერთმია მისთვის ლეჩხუმის პროვინცია, რომელიც ოდიშგანვე იმერეთის კუთვნილება იყო და ახლა ძალით დაიკავა. ამასთან დაკავშირებით ციციანოვმა უპასუხა, რომ ლეჩხუმი ჯერ დადიანს უნდა დაბრუნებოდა. ხოლო შემდეგ მისი კუთვნილების საქმე განხილულიყო. ამ ულტიმატუმის საპასუხოდ სოლომონის წარმომადგენლები ქ. წერეთელი და ს. წულუკიძე ციციანოვს არწმუნებდნენ, რომ იმერეთის მეფე მზად იყო რუსეთის მფარველობაში შესულიყო, ოღონდ ლეჩხუმი მას უნდა დარჩენოდა. ამასთან, ისინი ციციანოვს თხოვდნენ თავისი წარმომადგენელი გაეგზავნა იმერეთში, რათა ოფიციალურად გაეფორმებინათ სოლომონის შესვლა რუსეთის მფარველობაში.

სამეგრელოს შეერთებისთანავე მეფის თვითმპყრობელობა შეუდგა სამეგრელოს შავი ზღვის სანაპიროს შემოშორებულ-გამაგრებას. საგარეო საქმეთა მინისტრმა, თავადმა ჩარტორიციკიმ 1804 წ. 20 მარტს ციციანოვს მისწერა, რომ ფოთი უნდა გამხდარიყო რუსეთის ერთ-ერთი ფორპოსტი შავ ზღვაზე. იგი მთავარმართებელს სთხოვდა როგორმე ფოთის შესყიდვის საშუალება გამოენახა ისე, რომ პორტასთან ურთიერთობა არ გამწვავებულყო¹.

თვითმპყრობელობის მხარდაჭერით გრ. დადიანიც განაგრძობდა ლეჩხუმის დაბრუნებისათვის ბრძოლას. იგი 1804 წ. 4 აპრილს პ. ციციანოვს სწერდა, რომ 2 აპრილს სისხლისღვრის გარეშე შეძლო ლეჩხუმის ზოგიერთი ადგილის დაბრუნება, გარდა დეხვირის ციხისა, რომელიც იმერეთის რაზმებს ეკავათ. ამასთანავე დადიანი სწერდა, რომ ლეჩხუმიც ითხოვდა რუსეთის ქვეშევრდომობის მიღებას. დადიანი სოლომონს აბეზღებდა, რომ მის წინააღმდეგ ის რაჰის რაზმს იყენებდა და ახალციხისა და აფხაზეთის მიმხრობასაც ცდილობდა.

დადიანი იმედოვნებდა, რომ თვითმპყრობელობის მხარდაჭერით და რუსი რაზმების დახმარებით, ფოთსაც აიღებდა და ყოველივეს შეინარჩუნებდა, რაც, საერთოდ მას ეკუთვნოდა².

სანამ იმერეთის წარმომადგენელი ლეონიძე პეტერბურგიდან უკან დაბრუნდებოდა, საქართველოს მთავარმართებელს უკვე შემუშავებული ჰქონდა თვითმპყრობელობის მიერ იმერეთის მეფისადმი დამოკიდებულების გეგმა.

პეტერბურგიდან დაბრუნებული ლეონიძე თბილისში მიიღო ციციანოვმა, რომელმაც უსთავაზა, რომ სოლომონი შეხვედროდა უშუალო მოსალაპარაკებლად. რაკი სხვა გზა არ ჰქონდა, იმერეთის მეფე ამაზე დათანხმდა. მოლაპარაკებისას გაირკვა, რომ რუსეთის მფარველობაში შესვლის ის პირობებიც, რომელიც იმერეთის მეფემ პეტერბურგს წარუდგინა. თავდაყირა იდგა. ციციანოვმა სოლომონს უსთავაზა, რომ ის რუსეთის მფარველობაში კი არა, ქვეშევრდომობაში შესულიყო. ამასთან. დადებუ-

¹ AKAK. T. II. c. 369.

² იქვე, გვ. 470—471.

ლიყო არა ტრაქტატი, როგორც ორივე მხარის საპირობო ხელშეკრულება, არამედ სოლომონის სათხოვარი, რომელიც მუხლებად უნდა ჩამოყალიბებულიყო.

ცხადია, ასეთი პირობა უკიდურესად ამცირებდა სოლომონის უფლებამოსილებას, ვიდრე ეს მას ჰქონდა ნავარაუდები. ციციანოვის მიერ შეთავაზებულ პირობით სოლომონს, როგორც ქვეშევრდომს, ფაქტობრივად არაერთად უფლება არ ეძლეოდა, მითუფრო სხვა სახელმწიფოებთან ურთიერთობის, აგრეთვე თავის ქვეყანაში, სისხლის სამართლის და სხვა მნიშვნელოვანი საქმეების წარმოებისა. მეფე იმდენად გამოუვალ მდგომარეობაში აღმოჩნდა, რომ მზად იყო ყოველივეზე დათანხმებულიყო, ოღონდ ლეჩხუმი მის სამეფოს შემადგენელ ნაწილად გამოცხადებულიყო¹.

რაკი სოლომონმა ლეჩხუმზეც ვერ მიიღო მტკიცე პირობა, ეს ქვეშევრდომობის მიღებაზე უარის თქმის საბაბად გამოიყენა.

დიპლომატიური მოლაპარაკებების შემდეგ ციციანოვმა ძალას მიმართა და იმერეთში სამხედრო ნაწილის შეყვანა ბრძანა². ეს უკვე იმას ნიშნავდა, რომ იმერეთი რუსეთის ხელში აღმოჩნდებოდა.

სოლომონი იძულებული გახდა რეალური ვითარებისათვის გაეწია ანგარიში და 1804 წ. აპრილში დათანხმებულიყო რუსეთის ქვეშევრდომობაში შესვლაზე, მან ხელი მოაწერა თხოვნა-სავედრებელ პუნქტებზე, რომელიც 17 მუხლისაგან შედგებოდა³.

„მუხლნი სათხოვრისანში“ იმერეთის მეფე სოლომონი რუსეთის ხელმწიფე-იმპერატორს მონებრივ და ერთგულ სამსახურს აღუთქვამდა. „ბ“ პუნქტით გურიის სამთავრო იმერეთზე დამოკიდებულად ცხადდებოდა, ხოლო დადიანსა და ლეჩხუმთან დაკავშირებით „იბ“ პუნქტში ნათქვამი იყო: „ყოველნი ტყვენი თავადისა დადიანისა სამფლობელოდგან წამოყვანილნი უკუნეაქიყო, და ეგრეთვე ციხეებიცა აღებულნი ოდიშსა და ლეჩხუმსა შინა მათთა გარეშემოთურთ დავცალო და არა ოდესმე არღა ვდაობდე მათ, და მოკლედ ვსთქუა, არცა მე და არცა მონაცულებთა ჩემთა თავადისა დადიანის სამფლობელოჲსადმი არა ოდეს არა რაიმე ძიება გვაქუნდეს“⁴.

სათხოვარ პუნქტებზე ხელმოწერასთან ერთად, სოლომონმა იმპერატორის „მონისაებრ“ ერთგულებაზე, მორჩილებასა და თავდადებული სამსახურის შესრულებაზე, აგრეთვე საიდუმლოს მტკიცედ შენახვაზე დაიფიცა. რუსეთის ერთგულებაზე დაიფიცეს აგრეთვე სოლომონის სამეფო კარის წევრებმაც⁵.

¹ ო. სოსელია, წერეთლიანთ სათავადოს ისტორიიდან, ანალები, თბ., 1947, 83-259.

² AKAK, т. II, с. 368.

³ საქ. ცსია, ფ. 2, ანაწ. 1, ს. 1275, ფურც. 19—26; მ. გონიკიშვილი, იმერეთი XVIII—XIX საუკუნეთა მიჯნაზე, თბ., 1979, გვ. 97—108.

⁵ იქვე, ფურც. 19.

⁴ საქ. ცსია, ფ. 2, ანაწ. 1, საქ. 1275, ფურც. 22.

მართალია, წერილობითი პირობის საფუძველზე, სოლომონს უნდა დაეცალა ლეჩხუმის ციხესიმაგრეები, მაგრამ, როგორც ჩანს, მან სიტყვიერი პირობა მიიღო, რომ თუკი სათანადო საბუთებს წარადგენდა, ლეჩხუმის კუთვნილების საქმე განიხილებოდა და იმპერატორი სამართლიან გადაწყვეტილებას გამოიტანდა.

როგორც ვხედავთ, რუსეთის ქვეშევრდომობის ოფიციალური აღიარებით, იმერეთის სამეფო კარმა არამც თუ მთელი დასავლეთ საქართველოს მბრძანებლის უფლება ვერ მიიღო, არამედ იმერეთის დამოუკიდებელი მართვის უფლებაც დაკარგა, ხოლო ლეჩხუმის საკითხი, რომლის კუთვნილების განსჯა მეფის მთავრობამ იკისრა, უპერსპექტივო ჩანდა.

მართალია, მეფის რუსეთის ქვეშევრდომობის აღიარების შემდეგ იმერეთში თავდაპირველად ძველებური მმართველობა დარჩა, მაგრამ შეზღუდული სახით, 1810 წ. კი მეფის მმართველობა გაუქმდა.

სოლომონის მიერ რუსეთის ქვეშევრდომობის აღიარებიდან ერთი თვის შემდეგ, იმერეთში რუსეთის წარმომადგენლად დაინიშნა გენერალი ლიტვინოვი, რომელსაც სამი ოფიცერი და 50 ჯარისკაცი მიეცა¹.

სხვა მნიშვნელოვანი საქმეების მოგვარებასთან ერთად, ლიტვინოვს უნდა ეზრუნა იმერეთის მეფისა და დადიანის შერიგებაზე, მათ შორის სადაო საქმეების მშვიდობიან გადაწყვეტაზე იმგვარად, რომ დადიანის უფლებები არავითარ შემთხვევაში არ შელახულიყო.

რადგან იმერეთში მყოფ მცირე სამხედრო რაზმს არ შეეძლო თვითმპყრობელობის მითითებისამებრ იმერეთ-სამეგრელოს მეფე-მთავარს შორის სადაო საკითხის პრაქტიკული გადაჭრა, საქართველოს მთავარმართველი ცდილობდა მოღავე მხარეები სიტყვით დაეშოშინებინა და სადაო საქმეების სამართლიან განსჯას დაჰპირებოდა. ყოველ შემთხვევაში, მეფის მოხელეები დადიანის მხარეზე იყვნენ, მაგრამ, რთულ ვითარებაში, ისინი სოლომონის წინააღმდეგაც ვერ ილაშქრებდნენ, რადგან ეშინოდათ საქმე არ გამწვავებულიყო.

სოლომონ მეორის მიერ რუსეთის ქვეშევრდომობის აღიარების შემდეგ, საქართველოს მთავარმართველმა წერილით მიმართა დადიანს, რომ მას გარემოება აიძულებდა ლეჩხუმის ის ნაწილი, რომელიც სოლომონს ეკავა, მისთვისვე დაეტოვებინა იქამდე, სანამ სადაო საქმეს იმპერატორი არ გადაჭრიდა საბოლოოდ. ციციანოვი დადიანს სთხოვდა, რომ მას მოთმინება გამოეჩინა, რითაც მეტს მოიგებდა².

ლეჩხუმის საკითხის ასეთი განსჯა არც დადიანს აკმაყოფილებდა და არც სოლომონს. ამიტომ ორივე განაგრძობდა ურთიერთბრძოლას.

დადიანის ზემოქმედებით ლეჩხუმის თავადებმაც მიმართეს ციციანოვს, რომელსაც მისწერეს: სოვეტნიკ მაინოვის მეშვეობით მივიღეთ ბრძანება, რომ იმერეთის მეფესთან შერიგებისას თქვენ გადაგიწყვე-

¹ АКАК, т. II, с. 379.

² АКАК, т. II, с. 472.

ტიათ — ლეჩხუმში რაც მეფის ხელთ არის — მასვე დარჩეს, მანამ მისი უდიდებულესობა იმპერატორი არ მიიღებს საბოლოო გადაწყვეტილებას. საქმის ამგვარ განსჯას ლეჩხუმის თავადები უკანონოდ თვლიდნენ და აღნიშნავდნენ, რომ როდესაც პოლკოვნიკი მაინოვი ჩვენთან მოვიდა და ჩვენმა მფლობელმა უავგუსტესი მონარქის ქვეშევრდომობა და მოწყალების წმ. აღუქსანდრე ნეველის ორდენი მიიღო, ჩვენ ლეჩხუმის მკვიდრებმა, ჩვენი მფლობელის ნებით, მივიღეთ თქვენი ქვეშევრდომობა, რაც სათანადო სიგელზე ხელმოწერით და ბეჭდების დასმითაც დავადასტურეთ. როდესაც ეს პირობა ჩვენ ხელახლა განვაახლეთ, მაშინ დადინისადმი მორჩილებაზე უარი მხოლოდ გელოვანთა ნაწილმა თქვა, ხოლო სხვებმა კვლავ ვალიარეთ ჩვენი მფლობელის მონება (რაც, აგრეთვე წერილობით დავადასტურეთ, იმერეთის მეფესთან შერიგებამდე). მაშინ ჩვენ, ატყობინებდნენ ლეჩხუმის თავადები, მიუხედავად იმერეთის დედოფლის, მისი ძმისა და ვეზირების (დ. აბაშიძისა და ს. წულუკიძის) წინააღმდეგობისა, ჩვენ ვერავინ შეგვაცვლევინა ჩვენი პირობა. შემდეგ თქვენი სურვილით, ჩვენ დავბრუნდით ჩვენს ციხეებში (ჩანს იმერეთის მეფის მიერ დაკავებულში — გ. გ.), რაც თქვენი უწინდელი ბრძანება როდი იყო, მაგრამ იძულებული გავხდით თქვენს ბრძანებას დავმორჩილებოდით.

„ლეჩხუმის მკვიდრი მონები“ პ. ციციანოვს ემუდარებოდნენ, რომ თუ მათ უბედურებასა და მახვილს არ არგუნებდა, ნუ უბრძანებდა დადინისადმი ჩამოცილებასა და სხვის მსახურებას. „ჩვენ სიკვდილამდე ვერ ჩამოვცილდებით ჩვენს მფლობელს“, — წერდნენ ისინი¹.

წერილს ხელს აწერდნენ: მოლარეთუხუცესი ოტია ჩიქოვანი, ლეჩხუმის სარდალ-მოურავი ბერი გელოვანი, კაცია ჩიქოვანი, ნიკოლოზ ჩიქოვანი და ვახტანგ ასათიანი.

გენერალი ლიტვინოვი თავდაპირველად ლოიალურად იქცეოდა და ფორმალურად სოლომონსა და დადიანს შორის შემრიგებლურ პოლიტიკას ეწეოდა. იმერეთის მეფე და დადიანი მოჩვენებით კიდევაც შერიგდნენ, მაგრამ ერთიმეორის წინააღმდეგ ფარულ ომს განაგრძობდნენ.

საქართველოს მთავარმართებელი 1804 წ. 18 მაისს ლიტვინოვს ავალებდა, რომ სოლომონისა და დადიანის შეჯახება არ დაეშვა და ლეჩხუმში ისინი ძველ პოზიციებში დაეტოვებინა. ამასთან დაკავშირებით, ლიტვინოვმა არაერთხელ დაარიგა მოწინააღმდეგე მხარეები, რათა მოთმინება და მორჩილება გამოეჩინათ. ლიტვინოვმა წერილობით მიმართა სამეგრელოს მამასახლისებს („სტარშინებს“), თავადებსა და აზნაურებს, აგრეთვე მთელ ხალხს, რათა ხელი აეღოთ მეზობლებთან მტრობაზე და ტყვეთა სყიდვა არ დაეშვათ².

¹ AKAK, T. II, c. 472.

² AKAK, T. II, c. 475.

საქართველოს მთავარმართებელი მარტო ლიტვინოვის დარიგებით როდი დაკმაყოფილდა. მან 1804 წ. 9 ივნისს წერილი გაუგზავნა სოლომონს, რომელსაც საყვედურობდა, თუ რა უფლებით ავიწროებდა დ.დიანს და აწიოკებდა მის სამფლობელოს. იგი სწერდა, რომ სად ნაბულა. ერთ სახელმწიფოს შიგნით ერთმანეთთან ომი, ამასთანავე დაბეჯითებით თხოვდა ერთიმეორეს ნუ ერჩოდნენ¹.

თავისი ინტერესების შებღალავით გაბოროტებული სოლომონი ციციანოვს სწერდა, რომ მან იმპერატორის ქვეშევრდომობა შიშის გამო კი არ მიიღო (თუმცა იმასაც არ მალავდა, რომ ციციანოვს შეეძლო უბედურების მოტანა), არამედ სიყვარულის, ერთმორწმუნეობისა და ჰირადი სარგებლობისათვის. ყოველივეში, რაც ხდებოდა, სოლომონი დ.დიანს აღანაშაულებდა, თითქოს მხოლოდ ის იყო შერიგების მოწინააღმდეგე².

დ.დიანმა სოლომონის წინააღმდეგ ამოქმედა ლეჩხუმის თავადები ბააკა ჩიქოვანი და გრიგოლ ახვლედიანიც, რომლებიც აგრეთვე ციციანოვთან ჩიოდნენ.

დადიანები იმერეთის მეფეს აღანაშაულებდნენ იმაშიც, რომ მისი მოქმედება თითქოს ხელს უშლიდა სვანეთში ოქრო-ვერცხლისა და ტყვიის მოძიებას. მათი განხჯით, ლეჩხუმის თავადები სვანეთის თავადებთან მეგობრობდნენ და ლეჩხუმის დაკარგვით ისინი სვანეთზეც კარგავდნენ გავლენას, ამასთან, დადიანის მტკიცებით, ასეთ ვითარებაში, თითქოს ფოთის ჩაგდებაც შეუძლებელი იყო³.

მეფის მოხელეთა აქტიური ჩარევის მიუხედავად, სოლომონსა და დ.დიანს შორის ქიშპობა გრძელდებოდა, იმერეთში დაბანაკებული სამხედრო რაზმი კი საქმეს ვერ შევლოდა, ამასთან, დასავლეთ საქართველოში მეზობელ მაჰმადიან მფლობელთა გალაშქრებაც მოსალოდნელი იყო.

ლიტვინოვმა არაერთხელ მიიღო მითითება მოწინააღმდეგე მხარეები შეერიგებინა. ამ მიზნით იგი დადიანსაც ეწვია ოდიშში, მაგრამ ამით არ დაკმაყოფილდა და ლეჩხუმშიც წავიდა, სადაც ადგილობრივ თავადაზნაურებს შეხვდა და მათი პოზიციაც საბოლოოდ დაადგინა.

თავის რაპორტში ლიტვინოვი ციციანოვს აღუწერდა ლეჩხუმს და იქაურ ციხე-სიმაგრეებს. მისი ცნობით, ლეჩხუმში იყო 11 ციხე, რომლებიც სხვადასხვა თავადს ეკუთვნოდა.

ლეჩხუმში ყოფნის დროს ლიტვინოვი დაინტერესდა სვანეთითაც, მისი დახასიათებით «Сванеты, власти Дадияни повинующиися, наименее ему вредны, а иногда пособие их ему полезно; народ сей, так, как и многие горцы, храбр, мужествен, трезв, умерен, лю-

¹ АКАК. Т. II, с. 386—387.

² იქვე, გვ. 387.

³ იქვე, გვ. 388.

ბნტ простоту, бедности не чувствует, управляется старшинами; неприступныя горы служат ему защитой и укреплением»¹.

ცარიზმის დაქინებული მოთხოვნით და მის ოფიციალურ მოხელეთა მეცადინეობით 1804 წ. ივნისში მოხერხდა სოლომონისა და დადიანის დროებითი შერიგება, მათ ხელი მოაწერეს აქტს დაზავების შესახებ. შერიგების აქტის პირველ პუნქტში მეფეც და დადიანიც პირობას იძლეოდნენ, რომ იმპერატორის ბრძანების ერთგულნი იქნებოდნენ; მეორე პუნქტით, ისინი მშვიდობიანი თანაცხოვრების პირობას იძლეოდნენ. ორივე მხარე ვალდებულებას კისრულობდა არ დაეშვა ერთიმეორის ყმა-მამულის დატაცება, დარბევა, დატყვევება, საქონლის წასხმა და სხვ. თუ მათ შორის ისეთი სადაო საკითხი აღიძრებოდა, რომელშიც ვერ შეთანხმდებოდნენ, მაშინ საქმის გადასაჭრელად საქართველოს მთავარმართებლისათვის უნდა მიემართათ: მესამე (ბოლო) პუნქტში ნათქვამი იყო: «სრულიად ქვეყანასა შინა ჩვენსა, რათა მივსცეთ მშვიდობიანი მდგომარეობა და სამართლიანი გზა და კვალი, რათა სცხოვრობდნენ ყმანი ჩვენნი ანუ ერნი კეთილთა მდგომარეობითა»².

როგორც ვხედავთ, მოცემულ აქტში კონკრეტულად არაფერი იყო ნათქვამი. ლეჩხუმზე, რადგან საქართველოს ადმინისტრაციის დაპირებით ამ საქმეს, სამართლიანობის საფუძველზე, იმპერატორი გადაწყვეტდა

შერიგების მიუხედავად მეფესა და დადიანს შორის მშვიდობა მაინც არ დამყარდა, ლეჩხუმს არც ერთი თმობდა და არც მეორე. სოლომონი კვლავ მთელ ლეჩხუმზე აცხადებდა პრეტენზიას, მაგრამ ეს უქანასკნელი დადიანს თავის სამფლობელოდ მიაჩნდა, თვითმპყრობელობა კი საბოლოო პასუხზე თავს იკავებდა.

ლიტვინოვის ცნობით, 1804 წ. გაზაფხულზე ლეჩხუმში 11 ციხიდან 5 მეფე სოლომონს ეპყრა, 3 უშუალოდ დადიანს, ხოლო სამივე ადგილობრივ თავადებს, რომლებიც დადიანს ან სოლომონს ემხრობოდნენ. ლეჩხუმის აზნაურები შეძლებით თითქოს გლეხებისაგან არ განსხვავდებოდნენ.

ცარიზმის მოხელეები დადიანის მხარეზე იყვნენ და ლეჩხუმის საქმის სამართლიან გადაჭრაზე სოლომონს ცრუ დაპირებას აძლევდნენ, სოლომონი ამას კარგად ხედავდა, მაგრამ თავს ზევით ძალა არ ჰქონდა, ვერაფერს ბედავდა.

საქმის გამწვავების შიშით, თავდაპირველად ვერც მეფის მოხელეები იღებდნენ მტკიცე გადაწყვეტილებას, მაგრამ სამეგრელოში ახალი სამხედრო ნაწილისა და არტილერიის დასადგურების შემდეგ, ისინი უფრო მკაცრ პოლიტიკას დაადგნენ. ლიტვინოვმა სამხედრო რაზმი წაიყვანა ლეჩხუმში, სადაც ერთხელ კიდევ დააზუსტა ვითარება და სოლომონის წინააღმდეგ აშკარა მოქმედებას შეუდგა.

¹ АКАК, т. II, с. 410.

² იქვე.

იმერეთის მეფემ კვლავ ციციანოვს მიმართა თხოვნით — ლეჩხუმი მისთვის მიეკუთვნებინა, მაგრამ საქმე პირუკუ ტრიალდებოდა, ლიტვინოვმა ლეჩხუმში მყოფი სოლომონის რაზმი შეაფიწროვა და სურსათ-საწოვების მისაღები გზა გადაუჭრა. სოლომონის პროტესტზე ლიტვინოვი თავს იმით იმართლებდა, რომ თითქოს მას ლეჩხუმის საკითხის გადაჭრა სოლომონის სასარგებლოდ უნდოდა, მაგრამ თითქოს ადგილობრივი თავადები აუჯანყდნენ¹.

სოლომონი კარგად ხედავდა, რომ ლეჩხუმი ხელიდან ეცლებოდა, მაგრამ სამხედრო ძალის გამოყენებას ვერ ბედავდა. მიუხედავად იმისა, რომ საქმე წაგებული იყო, იმერეთის მეფე ფარ-ხმალს არ ყრიდა და ციციანოვს სწერდა: თქვენ რომ უძველესი დროიდან ჩემი სამფლობელოსადმი კუთვნილი ლეჩხუმის მოცემაზე დასტური არ მოგეცათ, მე იმპერატორის მონებას არ მივიღებდი და ხელს არ მოვაწერდი სათხოვარ აქტსო².

იმერეთის მეფე მარტო რუსი მოხელეების ხვეწნა-მუდარით როდი კმაყოფილდებოდა, თავისი პოზიციის გასამაგრებლად იგი დიპლომატიური ხერხის და რთულ საერთაშორისო ვითარების გამოყენებასაც ცდილობდა. ეს გარემოება კარგად ჩანს მის მიერ 1804 წ. 14 სექტემბერს საქართველოს მთავარმართებლისადმი გაგზავნილ წერილში, რომელშიც ვკითხულობთ: „ვერც სპარსელების მადღურობა და ვერც სხვა მეზობელ მაჰმადიანთა განრისხება ვერ შეცვლის ჩემს რწმენასა და გადაწყვეტილებას მის უდიდებულესობის იმპერატორისადმი ერთგულებაზე“. სოლომონი შეახსენებდა, რომ თუკი ის, თავის დროზე, ლეჩხუმში დაკავებული ციხესიმაგრეების დატოვების გარანტიას არ მიიღებდა, მაშინ რუსეთის ქვეშევრდომობაზე ხელს არ მოაწერდა. იგი მთავარმართებელს მიმართავდა ლიტვინოვისადმი ებრძანა, რათა დეხვირის ციხე და მისი შემოგარენი სოფლები მისთვის დაეტოვებინა და იქ მყოფი რაზმისათვის სურსათ-საწოვების მიწოდება დაენებებინა³.

იმერეთის მეფე არაერთხელ შეახსენებდა ციციანოვს, რომ მის მიერ რუსეთისადმი დაკავშირების საფუძველი ლეჩხუმის დატოვების იმედი იყო და სხვა არაფერი, მაგრამ ეს იმედი ჯერ არ მიმართლდებოდა. იგი განსაკუთრებით უკმაყოფილებას გამოთქვამდა გენერალ ლიტვინოვზე, სამაგიეროდ, ლიტვინოვის საქმიანობას თვითმპყრობელობა დიდი ხოტბა-ქებით იხსენიებდა, თითქოს ის თავისი კეთილშობილური განკარგულებით ლეჩხუმის საკითხს და, საერთოდ, მეფესა და დადიანს შორის დავას მშვიდობიანი გზით ჰკრიდა⁴.

ლეჩხუმზე დავის გამწვავების გამო 1804 წ. 12 ნოემბერს ციციანოვმა წერილით მიმართა სოლომონს, რომელსაც განუმარტა, რომ რუსეთის

1 AKAK, т. II, с. 412.

2 იქვე.

3 იქვე.

4 იქვე, გვ. 121.

ქვეშევრდომობა ლეჩხუმის მიკუთვნების იმედით არ მიიღო, რომ ამაზე იგი მხოლოდ ზოგადი დაპირებით დაკმაყოფილდა¹.

დადიანი ცდილობდა ლიტვინოვის დახმარებით სოლომონი დეხვირის ციხიდანაც გაეძევებინა, მაგრამ მის დასახმარებლად ლეჩხუმში წასულ ბატალიონს, სურსათ-სანოვავის უკმარობისა და, რაც მთავარია, იმერეთში თურქეთისა და მისი ვასალების შეჭრის საფრთხის გამო, უჭირდა ადგილზე დარჩენა, მითუფრო რომ ქუთაისსა და სამეგრელოშიც მცირე რუსული რაზმები იყვნენ.

ლიტვინოვი მხოლოდ პირადი მოქმედებით როდი კმაყოფილდებოდა, იგი აბეზლებდა და ასმენდა იმერეთის მეფესა და მისი დარბაზის წევრებს, ს. წულუკიძეს, ს. ლეონიძეს, რ. ნიჟარაძესა და სხვებს, რომელთაც რუსეთის უბოროტეს მტრებად ნათლავდა².

ვითარების რეალური განსჯის შემდეგ იმერეთის მეფემ გადაწყვიტა ლეჩხუმიდან თავისი რაზმი უკან გაეწვია, მაგრამ გრ. დადიანის მოულოდნელმა გარდაცვალებამ (ხმები გავრცელდა, რომ ამაში სოლომონის ხელი ერია) მას ლეჩხუმის ჩაგდების იმედი ჩაუსახა.

იმერეთის მეფემ ერთხელ კიდევ მოსინჯა ლეჩხუმის საქმე, მაგრამ სხვებთან ერთად, ახლა მას ბერი გელოვანიც დაუპირისპირდა³. სოლომონმა არც ამის შემდეგ აიღო ხელი ლეჩხუმის ძალით თუ ხეყნა-მუღარით დაპატრონებაზე.

დასავლეთ საქართველოში შექმნილ მდგომარეობაზე 1804 წ. 24 ნოემბერს ლიტვინოვი რაპორტს უგზავნის ციციანოვს, რომელსაც ამცნობს გო. დადიანის გარდაცვალების შემდეგ ოდიშში შექმნილ სურათს და წინადადებას აძლევს ოდიშის მართვა-გამგეობის ორად გაყოფაზე. მისი აზრით, საკუთრივ ოდიშის მართვა-გამგეობა დადიანის ძმებს ბესარიონ ჭყონდიდელს, გიორგის და სახლთუხუცეს ჩიქოვანს უნდა დაკისრებოდა; ლეჩხუმის მმართველობა კი ნიკო დადიანს (გრ. დადიანის ბიძაშვილს) და მოურავ ბერ გელოვანს, რომელთაც თავიანთი ერთგულება რუსეთს უკვე დაუმტკიცესო. რაც შეეხებოდა სისხლის სამართლის საქმეებს, ის ორივეგან რუს ჩინოვნიკებს უნდა ეწარმოებინათ.

გრ. დადიანის ანდერძით მთელი ოდიშის (ლეჩხუმიმთურთ) მთავარი უნდა ყოფილიყო მისი უფროსი ვაჟიშვილი ლევანი, რომელიც მძევლად ჰყავდა აფხაზეთის მთავარ ქელეშ-ბეგს⁴.

სხვათა შორის, ოდიშის მთავრის პრეტენდენტი იყო მანუჩარ დადიანიც, რომელიც მეფის მოხელეებს უმტკიცებდა, რომ მთელი ხალხი მას უჭერდა მხარს და რომ ის რუსეთის ერთგულ სამსახურს შეაღწევდა სიცოცხლეს. თუკი ეს არა, მაშინ სალიპარტიანოს (რომელიც ადრე ხვდა) მიკუთვნებას მაინც მოითხოვდა.

¹ АКАК, т. II, с. 414.

² იქვე, გვ. 413.

³ იქვე.

⁴ იქვე, გვ. 490.

1804 წ. შემოდგომაზე რუსეთსა და სპარსეთს შორის იმდენად დაიძაბა ვითარება, რომ ამას ომი მოჰყვა, მოსალოდნელი იყო ომში თურქეთის ჩაბმაც, მითუფრო, რომ მას მოკავშირეები აქებებდნენ. ამან თვითმპყრობელობა აიძულა სამხრეთისაკენ შეტევა შეენელებინა, ხოლო დასავლეთ საქართველოში სამხედრო რაზმები გაეძლიერებინა. მალე ქუთაისში ოთხასამდე მებრძოლი შევიდა პოლკოვნიკ ტარასოვის მეთაურობით.

რეზიდენციაში ახალი ძალის ჩაყენებამ სოლომონი აიძულა უფრო უსაფრთხო ადგილზე — ვარციხეში (ახალციხის ახლოს) გადასულიყო.

იმერეთის მეფე ახლა ვარციხიდან განაგრძობს მეფის მოხელეებისადმი წინააღმდეგობას და ლეჩხუმისათვის ბრძოლას. იგი თავის წერილებში არაერთხელ საყვედურობდა მეფის მოხელეებს, რომ ლეჩხუმის მიკუთვნებაზე მას პირობა არ შეუსრულეს. რასაკვირველია, ვალში არც მეფის მოხელეები რჩებოდნენ, 1805 წლის იანვარში ციციანოვი სოლომონს სწერდა, რომ პირობა თვითონ სოლომონმა დაარღვია, რაც თითქოს იმაში გამოიხატებოდა, რომ მას კავშირი ჰქონდა რუსეთის მტრებთან (ბაბა-ხანთან და სელიმ-ყიფიანთან), აგრეთვე ბაგრატიონ-ფელისწულებთან, რომელთაც სოლომონმა თავშესაფარი მისცა (ბაგრატიონებს უკვე რუსეთში გადასახლება ჰქონდათ ნაბრძანები)¹.

იმერეთის მეფემ 1805 წ. თებერვალში მიიღო უმაღლესად დამტკიცებული სიგელი, რომელშიაც ფიქსირებული იყო 1804 წ. ივნისიდან იმერეთის სამეფოს რუსეთის ქვეშევრდომობაში შესვლა².

სიგელით იმერეთის საქმეები უშუალოდ საქართველოს მთავარმართებელს დაექვემდებარა, ხოლო მეფეზე და მის ვალდებულება-მოვალეობაზე მარტო ზოგადად იყო ლაპარაკი, ლეჩხუმზე კი საერთოდ არაფერი იყო ნათქვამი³.

აღნიშნული სიგელი მეფემ და მისმა პირებმა სათანადო ფიცისა და წირვა-კურთხევის ქვეშ მიიღეს. ეს კი იმას ნიშნავდა, რომ მიუხედავად მრავალი ჭირვეულობისა, იმერეთის შეერთება რუსეთთან უდავო ფაქტი იყო, რაც თავისთავად სოლომონის საბოლოო მარცხს ნიშნავდა.

იმერეთის მეფესა და დადიანებს შორის ლეჩხუმისათვის ბრძოლა კვლავ გრძელდებოდა, მაგრამ ეს ახლა უფრო დიპლომატიური გზით წარმოებდა, ვიდრე იარაღის ძალით, რადგან უკვე შუაში რუსეთის სამხედრო ძალები იდგნენ.

ციციანოვი თავის, აგრეთვე რუსეთის საგარეო საქმეთა მინისტრის, თავადი ჩარტორიციის სახელით, იმერეთის მეფეს დიპლომატიურად სწერდა, რომ ლეჩხუმთან დაკავშირებით მას დეპუტატები უნდა გაეგზავნა პეტერბურგში, წინააღმდეგ შემთხვევაში მისი კუთვნილების საქმეს იმპერატორი დამოუკიდებლად გადაწყვეტდა. რაც შეეხებოდა ლეჩხუმის ციხეებიდან იმერეთის რაზმების გამოდევნას და იქ რუსი რაზმების ჩაყე-

¹ AKAK, T. II, c. 450.

² შ. გ. ო. ნ. ი. კ. შ. ვ. ო. ლ. ი. დასახელებული შრომა, გვ. 114—115.

³ იქვე.

ნებას, ამაზე ციციანოვი აცნობებდა, რომ ეს მხოლოდ სისხლისღვრის თავიდან აცილების მიზნით მოხდა¹.

საგარეო ვითარების გამწვავების და იმერეთის საქმეების დაძაბვის გამო, თვითმპყრობელობა სოლომონის წინააღმდეგ უხეშ ძალადობას ერიდებოდა. იგი მეფეს მაინც მორიდებულად და თვალთმაქცურად აწყნარებდა, თითქოს ლეჩხუმის საქმე სამართლიანად გადაწყდებოდა, ხოლო საკითხის საბოლოო გადაწყვეტამდე, სადავო ციხეების ირგვლივ მდებარე სოფლებიდან შემოსავალს შიილებდა. ციციანოვი ლიტვინოვს სთხოვდა სოლომონისათვის ეცნობებინა, რომ თუკი ის კონსტანტინე უფლისწულს მათ გადასცემდა და წერილობით პირობას დადებდა რუსეთის მტრებთან ყოველგვარი კავშირის გაწყვეტაზე, მაშინ საკითხის საბოლოო განხილვამდე, ლეჩხუმის ციხეებს დაუბრუნებდნენ და იქაურ შემოსავალსაც დაუტოვებდნენ².

რაც დრო გადიოდა ლეჩხუმისათვის დავა იძაბებოდა. შესაძლოა, სოლომონის პრეტენზიამაც დააჩქარა ოდიშის მთავრად გრ. დადიანის მემკვიდრის ლევანის დამტკიცება. 1805 წ. 26 იანვარს საქართველოს მთავართებელმა ციციანოვმა მიიღო უმალლესად დამტკიცებული რესკრიპტი ოდიშის მთავრად ლევან დადიანის დამტკიცებაზე. ლევანი გამოცხადდა ოდიშ-ლეჩხუმის „ვლადეტელნი კნიაზად“. იქამდე, ვიდრე მთავარი ოცი წლის შესრულდებოდა, სამეგრელო უნდა ემართა საბჭოს, რომელშიაც სამეგრელოს ოთხი წარჩინებული თავადი უნდა შესულიყო. საბჭოს უფროსი უნდა ყოფილიყო გრიგოლის ქვრივი ნინო, რომელიც მთავრის მეურვედ და სამეგრელოს დედოფლად გამოცხადდა³.

ლევანის სამეგრელოს მთავრად დამტკიცების გამო აფხაზეთის მთავარი იძულებული გახდა 1805 წ. გაზაფხულზე, იგი ტყვეობიდან გაენტავეისუფლებინა. მალე ლ. დადიანს დაევალა პეტერბურგში გასაგზავნი დეპუტაციის მომზადებაც. დეპუტატთა ამ რიცხვში თავდაპირველად ბ. გელოვანიც იყო ნავარაუდები, მაგრამ ლიტვინოვი ამის წინააღმდეგი იყო, რადგან მის გარეშე ლეჩხუმში წესრიგის დამყარება შეუძლებლად მიიჩნდა.

სამეგრელოს მხრიდან პეტერბურგში გასაგზავნი დელეგაციის შემადგენლობაში შევიდა ნიკო დადიანი, რომელიც ისტორიის, და კერძოდ, ლეჩხუმის საქმის კარგ მცოდნედ ითვლებოდა (იგი გრ. დადიანის დროს აქტიურად მონაწილეობდა სამეგრელოს მართვა-გამგეობაში). დეპუტატებად გაგზავნას მოითხოვდნენ მანუჩარ და ტარიელ დადიანები, მაგრამ მათ უარი ეთქვათ, რადგან ისინი ხშირად სოლომონს ემხრობოდნენ და იარაღით ხელში იბრძოდნენ გრ. დადიანის წინააღმდეგ, დეპუტატობაზე ასევე უარი ეთქვა ცნობილ თავად ოტი ჩიქოვანს.

სამეგრელოს სამთავროს მესვეურები პეტერბურგში წასვლამდე სა-

¹ AKAK, т. II, с. 451

² იქვე, გვ. 451—452.

³ იქვე, გვ. 499.

გულდაგულოდ მოემზადნენ ლეჩხუმის საკითხზე, მათ არაერთი ლეგენდა და ცნობა შეთხზეს, თითქოს თამარ მეფის დროიდან მოყოლებული ლეჩხუმი დადიანების ხელში ყოფილიყო¹.

მალე, 1805 წ. მარტში, სამეგრელოს მმართველი საბჰოც შეიქმნა, მის შემადგენლობაში შევიდნენ ბ. ჰყონდიდელი (გრ. დადიანის ძმა), ნ. დადიანი (გრ. დადიანის ბიძაშვილი), ბერი გელოვანი (ლეჩხუმის მოურავ-სარდალი), გიორგი ჩიქოვანი (გოფმარშალი) და ნინო ბაგრატიონ-დადიანი (თავმჯდომარე)².

სოლომონმა 1805 წ. 13 მარტს ლეჩხუმის თაობაზე წერილთ მიმართა საქართველოს მთავარმართველს, რომელსაც ატყობინებდა, რომ მან უკვე მოამზადა პეტერბურგში გასაგზავნი დეპუტატები, ამასთანავე იგი ციციანოვს წინდაწინ სთხოვდა, წერილობით შეეტყობინებინა, მისი აზრით ვის მიეკუთვნებოდა ლეჩხუმი, ან დაუჭერდა თუ არა მას მხარს. თუკი, სწერდა სოლომონი, თქვენ ამისი წინააღმდეგი ხართ, მაშინ პეტერბურგში გაწმობლებას მირჩევნია საკითხი სულ არ დავსვათ³. მიუხედავად იმისა რომ მთავარმართველმა პირდაპირ არაფერი უპასუხა, 1805 წ. აპრილში სოლომონმა შეარჩია პეტერბურგში გასაგზავნი დეპუტატია ზ. წერეთლის, ს. ლეონიძის, ს. მაჭავარიანის შემადგენლობით და გზას გაუყენა. მაგრამ, როგორც გამოირკვა, საქართველოს ადმინისტრაციის აზრით, ს. ლეონიძე და სხვებიც არასასურველი პირები იყვნენ, ამიტომ 53 დღე თბილისში შეჩერების შემდეგ, ისინი იმერეთში დააბრუნეს⁴.

ხანგრძლივი მგზავრობის შემდეგ სამეგრელოს დეპუტატები ნიკო და ბექან დადიანები, პროტორეა იოსელიანი და სხვები პეტერბურგში ჩავიდნენ, მათ იმპერატორს ჩაუტანეს საქართველოს მთავარმართველის სარეკომენდაციო რაპორტი, რომელშიაც, სხვათა შორის, ჩაწერილი იყო ნინო დადიანის აზრი, თითქოს „ლეჩხუმი თამარ მეფის დროიდან კაცია ჩიქოვანსა და მის მემკვიდრეებს ეკუთვნოდათ მემკვიდრეობით“, თითქოს ამას „მარტვილის სასაფლაოს წარწერაც ადასტურებდა“.

მთავარმართველის დასტურითაც „ლეჩხუმი ყოველთვის დადიანებს ეკუთვნოდათ“, მაგრამ მისი რწმუნებით, გრ. დადიანისა და სამეგრელოს სხვა მესვეურთა სისუსტის წყალობით ლეჩხუმის ნაწილი სოლომონმა ძალით ჩაიგდო ხელშიო.

მთავარმართველის განსჯით, ლეჩხუმი დადიანებს უნდა მიეკუთვნებოდა. თუნდაც იმიტომ, რომ «...политические наши виды требуют, дабы уменьшать власть тех, кои не питают в себе верноподданнической преданности к России. Поведение же царя Соломона с самого вступления его в подданство В. И. В. не дает причины сомневаться о неблагорасположении его к Российскому правлению,

¹ АКАК, т. II, с. 504.

² იქვე, გვ. 505.

³ იქვე, გვ. 431—432.

⁴ იქვე, გვ. 446.

обличасмом разговором Саид-Ахмед-Эриб-Эфендия, приезжавшего из Константинополя с Д. С. С. Литвиновым, который мною препровожден к товарищу министра иностранных дел кн. Чарторыйскому»¹.

ციციანოვის გადმოცემით, ჰყვივის ციხე თვითონ დადიანმა მისცა სოლომონს, რასაც თითქოს დადიანისავე ხელთ არსებული დოკუმენტები და დეპუტატები ადასტურებდნენ. აქვე დასძენდა, რომ საჰილაოს (რომელიც აგრეთვე სოლომონს ეპყრა) დადიანისადმი კუთვნილებას თვით მეფის მიერ გაცემული სიგელი ამტკიცებდა (წერილს თან ახლდა სოლომონს მეორის მიერ შედგენილი სიგელი გრ. დადიანისადმი საჰილაოს წყალობაზე).

ციციანოვი სარეკომენდაციო წერილში დაასკვნიდა: „სამართლიანობა მოითხოვს პატივი ეცეს ჩვენდამი წარმოდგენილ საბუთებს ლეჩხუმის დადიანებისადმი კუთვნილებაზე“².

ფაქტია, რომ საქართველოს ერთიანი სამეფოს დაშლის შემდეგ ლეჩხუმი იმერეთის სამეფოში შედიოდა, როგორც მეფის სახასო მამული, მაგრამ XVIII ს. 20-იანი წლებიდან ის ჩიქოვან-დადიანებმა დაისაკუთრეს და ოდიშის სამთავროს შეუერთეს (თუმცა დადიანთა ხელში ლეჩხუმის ყოფნა ზოგჯერ იმერეთის მეფის წყალობით ხდებოდა), ამიტომ რეალურად. ლეჩხუმი უკვე დადიანების კუთვნილებას შეადგენდა, მითუფრო, რომ იგი გადადიანებულ ჩიქოვანთა ოდინდელ სამშობლოს წარმოდგენდა.

სხვა საქმეა ამაზე მეფის მოხელეთა დამოკიდებულება. როგორც ვნახეთ, მეფის მთავრობისათვის უფრო ხელსაყრელი იყო დადიანებისადმი მხარდაჭერა და იმერეთის არასაიმედო მეფის ხელისუფლების შეზღუდვა-დასუსტება. სწორედ, ერთგული თუ ორგული ურთიერთობა განაპირობებდა ცარიზმის დამოკიდებულებას, ანტიპატიებს თუ სიმპატიებს იმერეთის მეფის, დადიანისა თუ სხვებისადმი.

მიუხედავად იმისა, რომ ლეჩხუმის საკითხი ფაქტობრივად უკვე დადიანის სასარგებლოდ იყო გადაჭრილი, ციციანოვი არაერთხელ შეახსენებდა სოლომონს, რომ ლეჩხუმის კუთვნილების საბუთები, დეპუტატების მიწვევებით, წარედგინა პეტერბურგში, სადაც დადიანებს უკვე თავისი საბუთები ჰქონდათ წარდგენილი და იმპერატორს უნდა განეხილა.

სოლომონი რწმუნდებოდა, რომ ლეჩხუმის საკითხი დადიანების სასარგებლოდ იჭრებოდა, რომ ციციანოვი და ლიტვინოვი მის საწინააღმდეგოდ მოქმედებდნენ. ამიტომ შემთხვევითი როლი იყო, რომ სოლომონი ორივე მათგანს თავის თავისუფლების შეზღუდვას აბრალებდა და ლიტვინოვს იმერეთის უკანონო მბრძანებლად იხსენიებდა.

1805 წ. 8 დეკემბერს ციციანოვი თვალთმაქცურად იმართლებდა

¹ АКАК. т. II, с. 513.

² იქვე.

თავს სოლომონის წინაშე და საყვედურობდა, თუ ლეჩხუმის კეთენილებაზე რატომ არ არდგენდა საბუთებს პეტერბურგში, იგი წერდა: თქვენ ლეონიძის რჩევა-დარიგებას და ბოროტ ენებს აყევით, ქუთაისიდან მხდლურად გაიქეცით. ამასთან დასძენდა, როგორც ადრე აღვითქვით. რუსეთის მხრივ, არავითარი საფრთხე არ გელოდებათ. მოლაღატე ლეონიძეს ნურათფერს დაუჭერებთ და უკან დაბრუნდით ქუთაისშიო. ციციანოვი ბოლოს კიდევ შეახსენებდა, რომ დეპუტატები გაეგზავნა პეტერბურგში, თუ არა, მაშინ ყოველივე თავისთავისთვის დაებრალეხინა¹.

იმერეთის დეპუტატები პეტერბურგში არ წასულან, როგორც აღვნიშნეთ, ამის მიზეზი თვით ციციანოვი და ლიტვინოვი იყვნენ, მაგრამ ისინი მაინც მეფეს აღანაშაულებდნენ, ამასთანავე თვალთმაქცურად ირწმუნებოდნენ, რომ უწინდელი დელეგაციის დაბრკოლება თითქოს იმან გამოიწვია, რომ დეპუტატები იმერეთის უწარჩინებულესი თავადები არ იყვნენ.

თავის წერილებში სოლომონი ციციანოვსა და ლიტვინოვს იმაში აღანაშაულებდა, რომ მათ ლეჩხუმზე უფლება წინდაწინ იმპერატორის გადაწყვეტილებამდე წაართვეს, ამის მაგალითად ასახელებდა იმასაც, რომ მისი რაზმები ლეჩხუმის ციხეებიდან ძალით გამოარეკეს.

ლეჩხუმისათვის ბრძოლა მიმდინარეობდა თვით ოდიშის სამთავროს შიგნითაც, ერთი მხრივ, დადიანებს შორის, მეორე მხრივ, დადიანებსა და ჩიქოვანებს შორის, მესამე მხრივ, ლეჩხუმის დაჩემება უნდოდათ ადგილობრივ თავად გელოვანებსაც. რომლებიც, აგრეთვე ერთიმეორეს ებრძოდნენ.

მეფის მთავრობა ცდილობდა არა მარტო მეფესა და მთავარს შორის დავის უკონფლიქტოდ მოგვარებას, არამეო თვალყურს ადევნებდა თითოეული თავადის მოქმედებას, როგორც იმერეთში, აგრეთვე სამეგრელოს სამთავროს შიგნით. მეფის მოხელეებმა 1805 წ. ივლისში შეძლეს ერთიმეორისადმი გადაკიდებული სამეგრელოს თავადთა შერიგება. შემდეგ მანუჩარ დადიანისა და სამურზაყანოს მფლობელ შერვაშიძეთა დაფიცება რუსეთის ერთგულებაზე. ამას მოჰყვა სამეგრელოს მფლობელ ლევან დადიანისათვის 1805 წ. 29 აგვისტოს იმპერატორის სიგელის, წმ. ანას პირველი ხარისხის ორდენის, დროშისა და ხმლის გადაცემა. დაჯილდოების ცერემონიალს, სხვა თავადებთან ერთად, დაესწრო მანუჩარ დადიანიც, რომელმაც ახლა ლევანის ერთგულებაზეც დაიფიცა.

აღსანიშნავია, რომ არც ერთ შემთხვევაში ფიცის ცერემონიალს არ ესწრებოდნენ ლეჩხუმის თავადები, რასაც მეფის მოხელეები იმერეთის მეფის ხრიკებად მიიჩნევდნენ². ფაქტი ისაა, რომ ლეჩხუმის თავად გელოვანთა ნაწილი იმერეთის მეფეს ემხრობოდა, რასაც ზოგჯერ მნიშვნელობა ჰქონდა ლეჩხუმის ორიენტაციაშიც.

¹ AKAK, т. II, с. 445.

² იქვე, გვ. 530-531.

ლენჩუმისათვის ბრძოლას იმერეთის მეფე გრაფ გულდოვიჩის დროსაც ენერგიულად განაგრძობდა. ამ მიზნით იგი კვლავ არაერთ თხოვნას წერდა, როგორც ადგილობრივი მოხელეების, აგრეთვე იმპერატორის სახელზე. იგი ლენჩუმის მიუტემლობაზე ახლა გენერალ ლიტვინოვს, თავად ციციანოვს და გენერალ რიკჰოფს ადანაშაულებდა (რადგან იმპერატორის კარზე მისი საწინააღმდეგო სიტუაცია შექმნეს).

ალექსანდრე პირველის გადაწყვეტილებით 1806 წ. მაისში სამეგრელოს მთავარს — ლევან დადიანს გენ. მაიორის ჩინი ებოძა, ნიკო დადიანს — წმ. ეკატერინეს პირველი ხარისხის ორდენი, ბესარიონ ჭყონდიდელს — წმ. ანას პირველი ხარისხის ორდენი. ამასთანავე, დეპუტატებმა ლ. დადიანს, ლენჩუმის მიკუთვნების თაობაზე პეტერბურგიდან სასიამოვნო ამბავი ჩამოუტანეს: «Чтоб в расуждении крепостей и деревень, отнятых в Лечхуме (შენიშვნაში ნაჩვენებია 60 კომლი — გ. გ.) вошел в посредство на основании 4-й статьи условий, имперетинским царем с кн. Цициановым заключенных, и употребил убеждение к повлочному окопанию сего домогательства, наблюдая сколько возможно пользу Мингрельцев, как, потому, что со стороны царя Соломона поступлено тут обманом и силою, так и уважение преданности их и усердия к России, опытом доказанных»¹.

თვითმპყრობელობის თავდაპირველი ვერსიით, ლენჩუმის კუთვნილების გასარკვევად თბილისში უნდა შექმნილიყო კომისია, რომელშიაც სამი-ოთხი რუსი ჩინოვნიკი და იმერეთისა და სამეგრელოს წარმომადგენლები უნდა შესულიყვნენ. ამ კომისიის დასკვნას უნდა დართოდა მთავარმართებლის შენიშვნები, მთელი მასალა პეტერბურგში უნდა გაგზავნილიყო განსახილველად და დასამტკიცებლად. უფრო მოგვიანებით მეფის მთავრობამ ამაზეც ხელი აიღო. საგარეო საქმეთა მინისტრის 1806 წ. 5 ივნისის საილუმლო განწყევებით (მითითებით) ის ციხეები და სოფლები, რომლებიც იმერეთის მეფემ მიიტაცა, შესაძლებლობისთანავე დადიანს უნდა გადასცემოდა². სოლომონზე ნათქვამი იყო, რომ იგი უკვე არ ავლენდა რუსეთისადმი ერთგულებას, რასაც თვითმპყრობელობის მოხელეები იმითაც ადასტურებდნენ, რომ სოლომონმა იმერეთის მოსახლეობას აუკრძალა რუსი სამხედროებისათვის სურსათის მიყიდვა. ამიტომ სამხედრო მოხელეებს სოლომონის მოქმედებისათვის თვალყური უნდა ედევნებინათ. ამასთან, გულდოვიჩი 1807 წ. 22 იანვარს ნინო დადიანს ჰპირდებოდა, რომ მათი ერთგულების სამაგიეროდ რუსეთი მუდამ დაიცავდა სამეგრელოს³.

სოლომონ მეორესა და მეფის მთავრობას შორის დამოკიდებულება თანდათან უფრო დაიძაბა, განსაკუთრებით მას შემდეგ, რაც თურქეთ-რუსეთის ომი დაიწყო. რამდენადაც დასავლეთ საქართველოს ზღვის ნა-

¹ АКАК, т. III, с. 177.

² იქვე.

³ იქვე, გვ. 181.

პირი ომის ასპარეზად შეიძლებოდა ქცეულიყო, იმდენად უფრო საშიშად იქნა მიჩნეული სოლომონის მტრობა. ასეთ რთულ ვითარებაში, თვით-მპყრობელობამ კიდევ ახალი სამხედრო ძალა შეიყვანა დასავლეთ საქართველოში. 1807 წ. თებერვალში თურქები, ქუჩუკ-ბეი შერვაშიძის მხარდაჭერით, სამეგრელოს ტერიტორიაზე შეიჭრნენ, მაგრამ რელუტ-კალე ვერ აიღეს.

ქუთაისში დაბანაკებული გენერალ რიკპოფის გაძლიერებული სამხედრო ნაწილი ახალციხის ფაშასა და სოლომონ მეორის თავდასხმის მოლოდინში იყო. გენერალი რიკპოფი ნინო ბაგრატიონის (გრ. დადიანის ქვრივის) რაზმის მხარდაჭერასა და მზადყოფნას მოითხოვდა¹.

რუსეთის სარდლობამ გადაწყვიტა რადაც არ უნდა დაჯდომოდა, ხელში ჩაეგდო ფოთი, რომელიც თურქთა თავდასხმის ერთ-ერთი ყველაზე მოხერხებული ფორპოსტი შეიძლებოდა ყოფილიყო. ეს ამოცანა გენ. რიკპოფს დაევალა, მაგრამ თურქეთთან 1807 წ. აპრილ-მაისში დროებით-მა დაზავებამ მეფის მთავრობას ამ განზრახვაზე ერთხანს ხელი ააღებინა².

თვითმპყრობელობის მიერ დადიანებისადმი მხარდაჭერა შავი ზღვის პრობლემით, კერძოდ, მისი აღმოსავლეთ სანაპიროს (ფოთის, ხობის, ანაკლიისა და სხვ.) ჩაგდებას წადილითაც იყო განპირობებული. რუსეთს შეეძლო ეს სანაპირო თურქეთის წინააღმდეგ პლაცდარმად გამოეყენებინა. საქმე ის არის, რომ თურქეთის წინააღმდეგ მებრძოლი რუსეთის არმიის საომარი მასალითა და სურსათ-სანოვაგით მომარაგება, კავკასიის ქედზე გამავალი გზით, დიდ სიძნელეებთან იყო დაკავშირებული, ხოლო თუკი სამეგრელოს დაეპატრონებოდა, მაშინ ყირიმიდან (შავი ზღვით) ჭარის შეყვანა და მისი მომარაგება გაცილებით ადვილი და ხელსაყრელი იყო.

თვითმპყრობელობა მოითხოვდა, რომ სოლომონს თურქების წინააღმდეგ აქტიური მონაწილეობა მიეღო, მაგრამ სინამდვილეში, ლეჩხუმის საკითხით განაწყენებული მეფე, ხშირად დიდ უსიამოვნებას აყენებდა მის მოხელეებს. რიკპოფის თხოვნას ფოთის დაპყრობაში დახმარების აღმოჩენაზე სოლომონ მეფემ უპასუხა: „განზრახვა გვექონდა გაგვეწია დახმარება და მზადაც ვიყავით მხარი დაგვეჭირა რუსეთის ჭარისათვის, მაგრამ, ფიცის თანახმად, ლეჩხუმი რომ არ დამიბრუნეთ და სამეგრელოს მთავარს გადაეცით, ამიტომ შევიკავე თავიო. სოლომონ მეფე რიკპოფს სწერდა, გავიგე საიდუმლოება, რომ განზრახულია ჩემი ნათესაეების დაპატიმრება, რაც დიდ სისხლისღვრასა და უბედურებას გამოიწვევს — მთელი იმერეთი ფეხზე დადგება, რაც არც თქვენთვის იქნება სასურველიო“³.

სოლომონ მეფეს მთელი თავისი არსებით სძულდა რუსეთის მთავრობა და მისი მოხელეები. საკვირველი არც ისაა, რომ თავისი შეფობისა

¹ АКАК, т. III, с. 181—182.

² Н. Д у б р о в н и, История войны и владычество... т. IV, с. 136.

³ АКАК, т. III, с. 136—137.

და სამფლობელოს შესანარჩუნებლად სოლომონი არც თურქეთთან კავშირს ერიდებოდა. ეს კარგად იცოდნენ თვითმპყრობელობის სამხედრო მოხელეებმაც. ამიტომ ისინი პეტერბურგის სამეფო კარს არაერთ გაზვიადებულ ცნობას აწვდიდნენ იმერეთის მეფის ღალატზე, მის მზადყოფნაზე ოტომანთა პორტასთან თუ სხვებთან ფარულ კავშირზე, აგრეთვე სოლომონის მცდელობაზე დადიანის მომხრე ლეჩხუმელი თავადაზნაურების გადაბირებაზე და სხვ.

გენერალი რიკპოფი 1807 წ. 8 ივნისს გრაფ გულდოვიჩს უპატაკებდა, რომ ცაგერელი მიტროპოლიტი ცდილობდა ლეჩხუმის ერთ-ერთი ყველაზე ძლიერი მურის ციხე იმერეთის მეფისათვის ჩაეგდო ხელში. მან ამ საქმეში ლეჩხუმის მოურავი ხოსია ყურაშვილიც მიიმხრო და ორივე ერთად მცდელობენ მურის მოურავის — ხოსია გასვიანის მოსყიდვას¹.

კოტა აღრე ლეჩხუმში დაბანაკებული სამხედრო რაზმის მეთაური მაიორი სოტნიკოვი გენერალ რიკპოფს ატყობინებდა, რომ 19 მაისს საეკლესიო სოფლების მოურავმა ხოსია ყურაშვილმა თავისი ხალხი აიძულა, რომ მას დადიანის წინააღმდეგ მოქმედება დაეფიქსირებინა. 200 კაცის შემადგენლობით, ყურაშვილი გასვიანს აიძულებდა, რომ დადიანის ხელში არსებული ციხე მური მისთვის ჩაებარებინა, წინააღმდეგ შემთხვევაში იარაღით ემუქრებოდა. მაგრამ საქმეში ჩაერია ლეჩხუმის მოურავსარდალი ბერი გელოვანი, რომელმაც სოტნიკოვთან ერთად შეიპყრო ყურაშვილი და მისი მომხრეები. რომლებიც ძიებას გადასცეს².

ყოველივე ამის შემდეგ, იმპერატორის კარი არ მალავდა იმერეთის მეფის ღალატზე და ორგულობაზე ლაპარაკს, რაც არც იმერეთის მეფისთვის არ შეიძლებოდა საიდუმლო ყოფილიყო. ამასთან დაკავშირებით, 1807 წ. 29 ივლისს იმერეთის მეფე იმპერატორ ალექსანდრეს დაუფარავად სწერდა, რომ იგი რუსეთის ქვეშევრდომობაში ლეჩხუმის მიღების იმედით შევიდა, რომ მის მიკუთვნებაზე ციციანოვმა დაპირება არ შეასრულა. სოლომონი ახლა იმასაც აცხადებდა, რომ სათხოვარ პუნქტებზე მას ძალით მოაწერინეს ხელი და სხვ.

სოლომონი იმასაც დასძენდა, რომ ციციანოვმა მის წინააღმდეგ მრავალი მტრული აქტი ჩაიდინა, რომ გენერალმა რიკპოფმა ძალით დაიკავა ქუთაისი, ააწიოკა მისი სასახლე, შეიპყრო და შეურაცხყო თავისი სიძე დავით წულუკიძე და სხვ.

სოლომონი იმპერატორს სთხოვდა, რომ მის წინააღმდეგ ძალადობაზე ხელი აეღო, ამასთან სათხოვარი პუნქტებიც ხელახლა შეედგინათ³.

თვითმპყრობელობა იძულებული იყო იმერეთის მეფის მოქმედება დროებით ეთმინა. იგი დაშინებით და დაყვაევებით ცდილობდა სოლომონის მოთვინიერებას. საქართველოს მთავარმართებელი გულდოვიჩი რიკპოფის რაპორტის საფუძველზე 1807 წ. 3 სექტემბერს სოლომონს სწერდა,

¹ AKAK, т. III, с. 183.

² იქვე.

³ იქვე.

რომ საფრანგეთ-რუსეთი უკვე დაზავდნენ, ასევე მოსალოდნელია თურქეთთან დაზავებაცო, ამიტომ ურჩევდა (სინამდვილეში უბრძანებდა) ხელი აეღო ლეჩხუმისა და სვანეთის (იგულისხმება ქვ. სვანეთის ის ნაწილი, რომელიც დადიანს ექვემდებარებოდა) ძალით გადაბირებაზე, აგრეთვე რუსეთის მტრებთან კავშირზე, თორემ იმპერატორის საბოლოო გულისწყრომას დაიმსახუროდა.

მიუხედავად ყველაფრისა, იმერეთის მეფე იხტიბარს არ იტეხდა, იგი საქართველოს მთავარმართებელს და გენერალ რიკპოფს სთხოვდა ქუთაისიდან ჯარი გაეყვანათ და თავისი სასახლე გაენთავისუფლებინათ. საქართველოს მთავარმართებლის და სხვა მოხელეთა პოლიტიკამ იმერეთის მეფე თავიდანვე მტრულად განაწყობა ერთმორწმუნე რუსეთის წინააღმდეგის ყველაფერს აკეთებდა რუსეთთან შორს ყოფილიყო, თუნდაც თავისი ქვეყანა მაჰმადიანთა საჯიჯგნი გამხდარიყო.

მთავარმართებელი გუდოვიჩი კანცლერ რუმიანცევს სწერდა შეეტყობინებინა იმპერატორის აზრი — თუ რა გზას დადგომოდა იმერეთის მეფესთან დამოკიდებულებაში, მას საჭიროდ მიაჩნდა, შესაფერისი მომენტის დადგომისთანავე, სოლომონი ჩამოეცილებინათ მმართველობისაგან. გუდოვიჩის აზრით, მეფის ბლოკირებაში შეიძლებოდა სახლთუხუცეს ზ. წერეთლის გამოყენებაც. ეს უკანასკნელი თითქოს რუსეთის ერთგულებით განირჩეოდა და სოლომონსაც ურჩევდა ამას. გუდოვიჩის დახასიათებით, ზ. წერეთელი ძლიერ შეწუხდა სოლომონის მცდელობაზე იმერეთი პორტას დაუქვემდებაროსო.

როგორც აღვნიშნეთ, პირველობისათვის ბრძოლა წარმოებდა სამეგრელოს მმართველ წრეშიც. დედოფალი ნინო და მისი შვილი ლევან დადიანი უქმაყოფილო იყვნენ ბერი გელოვანის განდიდებითა და პოლიტიკით, ამიტომ მისი მოშორება მოისურვეს. ამის საბაბად გამოიყენეს სახელდახელოდ შედგენილი ორი ყალბი წერილი: ერთი მათგანე ეხებოდა ბ. გელოვანის საიდუმლო კავშირს იმერეთის მეფესთან. თითქოს ლეჩხუმის სარდალ-მოურავი ბ. გელოვანი იმერეთის მეფეს სწერდა, რომ იგი მალე მისულიყო ლეჩხუმში ჯარით, როცა ის გორდსა და ჭყვიშამდე მიალწევდა, მაშინვე ბ. გელოვანი მიეშველებოდა. ლეჩხუმში დაბანაკებულ ასამდე სამხედრო რუსს თავებს წააცლიდნენ და მთელ ლეჩხუმსვანეთს დაიქვემდებარებდნენ¹.

ძიებამ დაადგინა, რომ აღნიშნული წერილი ცაგერის არხიდაკონ ახვლედიანსა და მღვდელ გუგავას დაუწერიათ, მაგრამ, მიუხედავად ამისა, დადიანი იხტიბარს მაინც არ იტეხდა, გელოვანის ოჯახის შევიწროებას განაგრძობდა.

მართალია, თვითმპყრობელობა ყოველმხრივ უქმაყოფილო იყო სოლომონის მოქმედებით, მაგრამ მას ყველაზე მეტად მაინც სოლომონის

¹ AKAK, T. III, c. 138—139.

² იქვე, გვ. 184.

თურქეთთან კავშირი აშფოთებდა. რიკპოფი ზ. წერეთლის მეშვეობით ცდილობდა სოლომონის თითოეული ნაბიჯი გაეგო და თვითმპყრობელობისათვის ეცნობებინა. იგი ზ. წერეთელს სწერდა, რომ სოლომონმა აჯი-იუსუფ-სერასკიარ-ფაშისაგან მიიღო წერილი „რომლითაც ცხადად გამოხატავს, რომელ განმზადებულ არს უკვე, რათა მიეცეს იგი, ყოვლითა მმართველობითა და მფარველობითა თვისითა, მტერთა ჩვენთა“¹.

სოლომონი მოლაპარაკებებს აწარმოებდა ლეკთა ბელადებთანაც. როგორც ჩანს, თურქეთის მხარეზე გადახრისკენ უბიძგებდნენ თავის კარის წევრებიც, რაც თვითმპყრობელობის მოხელეებსაც არ შეიძლება შეუმჩნეველი დარჩენოდათ².

ირანთან და თურქეთთან ომი აიძულებდა თვითმპყრობელობას სოლომონის წინააღმდეგ უფრო ენერგიული ზომები მიეღო, მითუფრო, რომ მის მხრივაც მოსალოდნელი იყო შეიარაღებული წინააღმდეგობის გაწყვეა. ჯუღოვიჩის განკარგულებით, გორში მდგარი პოლკის ნაწილი გადაყვანილ იქნა სურამში, საქირო შემთხვევაში, ის ქუთაისის გარნიზონს უნდა დახმარებოდა. მოახლოებულმა საფრთხემ სოლომონი აიძულა ზ. წერეთელი გაეგზავნა სამხედრო ნაწილის უფროს ტარასოვთან იმის დასადასტურებლად, რომ იგი რუსეთის ერთგულია და მზად იყო იმპერატორისათვის თავისი უახლოესი თავადების შვილები მიეცა მძევლებად.

სოლომონი არაფერს ზოგავდა თავისი მეფობის გასახანგრძლივებლად, მაგრამ იმპერატორს თავისი მიზნები ჰქონდა. მან 1808 წ. 10 თებერვალს ბრძანება გასცა სოლომონ მეფე და მისი ოჯახი პეტერბურგში გადაესახლებინათ და იმერეთში დროებითი მმართველობა მოეწყოთ³.

ასეთი განკარგულების შემდეგ იმერეთის მეფემ უარი თქვა თავისი დაპირების შესრულებაზე — მძევლები მიეცა თვითმპყრობელობისათვის. იგი საბოლოოდ დარწმუნდა, რომ იმერეთის სამეფოს არსებობის დღეები დათვლილი იყო. მეფე შეიარაღებული რაზმების შეკრებას შეუდგა და მეზობელ მამადიანთა დახმარებას ითხოვდა⁴.

გავრცელებული ხმების სინამდვილის დასადგენად, 1809 წ. იანვარში, სამეგრელოში დაბანაკებულმა სამხედრო ნაწილის უფროსმა, მაიორმა მოიზამ სოლომონთან ვარციხეში, ჯერ კაპიტანი სოტნიკოვი გაგზავნა, შემდეგ თვითონაც წავიდა. თუმცა ხმა — სოლომონის მიერ ჯარის თავმოყრასა და ქუთაისის სამხედრო ნაწილზე თავდასხმისათვის მზადებაზე — ტყუილი აღმოჩნდა, მაგრამ სოლომონი რომ თვითმპყრობელობის აშკარა მოწინააღმდეგე იყო, ეს კვლავ დადასტურდა.

დასავლეთ საქართველოში მდგარი რუსი სამხედრო ნაწილების ახა-

¹ საქ. სახ. მუზეუმის ისტორიული დოკუმენტები და არქივები, წ. 1, შ. ბ უ რ ჯ ა ბ ა დ ი ს გამოც., თბ., 1953, გვ. 60.

² Ч уд и н о в В. Имеретинская неурядица... «Кав. сборник», Тифл., 1894, т. XV, с. 273.

³ АКАК, т. III, с. 154.

⁴ Ч уд и н о в В. მითითებული შრომა, გვ. 276.

ლი უფროსი, გენერალ-მაიორი დიმიტრი ორბელიანი კიდევ უფრო ენერგიულად შეუდგა იმერეთის სამეფოს მესვეურთა მმართველობის აღაგმვას. მართალია, იგი საქმის გამწვავებისა და სისხლისღვრის წინააღმდეგი იყო, მაგრამ, აუცილებლობის შემთხვევაში, როცა საქმე მეფის მთავრობის უთუო ერთგულებასა და დავალებას ეხებოდა, არც ამას ერიდებოდა.

იმერეთის სამეფოს სალოკვიდაციო ზომების გატარებას წინამორბედზე არანაკლებ ენერგიულად შეუდგა ახალი მთავარმართებელი ტორმასოვიც. იგი 1809 წ. 29 აპრილს სოლომონს სწერდა, რომ ამ მხარეში, მთავარსარდლად გამოგზავნა, მას იმერეთის სამეფო საქმეების კეთილგონიერულ მოგვარებას ავალებდა. სოლომონს არწმუნებდა, რომ ლეჩხუმის პროვინციის საკითხის გადაჭრა მის მოქმედებაზე იყო დამოკიდებული, რომ ამისათვის აუცილებელი იყო პეტერბურგში სათანადო დეპუტატების გაგზავნა¹.

გენერალმა ტორმასოვიმაც არაერთხელ მიმართა სოლომონს, რომ იგი ქუთაისში დაბრუნებულიყო და დეპუტატები გაეგზავნა პეტერბურგში ლეჩხუმის კუთვნილების დასადგენად, რომ მისი ინტერესები მტკიცედ იქნებოდა დაცული. მაგრამ ამ დაპირების მიუხედავად, სოლომონი ფრთხილობდა და თავს უშიშარ ადგილებში აფარებდა.

სოლომონის ყოველი მოქმედება ცარიზმის მოხელეებს არწმუნებდა, რომ მასთან დიპლომატიურ მოლაპარაკებას უკვე აზრი ეკარგებოდა. თუმცა ტორმასოვი კვლავ დაჟინებით მოითხოვდა, სოლომონი ქუთაისში დაბრუნებულიყო და დეპუტატები პეტერბურგში გაეგზავნა, რომ იმპერატორი სათანადო საბუთებს ელოდა ლეჩხუმის კუთვნილების საბოლოო განსჯისათვის. ყოველივე ამას ახლა კონსტანტინე ბატონიშვილის გადაცემის მოთხოვნაც დაემატა².

სოლომონის ერთ-ერთი მოწინააღმდეგის, ლიტვინოვის განსჯით (იგი 1807 წლიდან აღმოსავლეთ საქართველოს სამოქალაქო საქმეების გუბერნატორი იყო), სანამ იმერეთში ბაგრატიონთა მეფობა იქნებოდა, იქამდე სიმწვიდე ვერ დამყარდებოდა³.

ცარიზმის მოხელეები საბოლოოდ დარწმუნდნენ, რომ სოლომონის მეფობიდან გადაყენება მშვიდობიანი გზით შეუძლებელი იყო, რომ ამისათვის სამხედრო ძალა იყო აუცილებელი, მაგრამ, ბუნებრივია, ისინი კვლავ ცდილობდნენ, რაც შეიძლებოდა ნაკლები სისხლი დაეღვარათ. ამისათვის საჭიროდ მიაჩნდათ იმერეთის გაბატონებული წოდების მოსყიდვა ჩინ-მედლებით და მაღალფარდოვანი სიტყვებით. 1809 წლის გაზაფხულზე ტორმასოვიმაც წერილით მიმართა იმერეთის სასულიერო წოდებასა და თავადაზნაურობას, რომელთაც თავისი სამშობლოს კეთილდღეობის უზრუნველყოფის პირობად რუსეთისადმი ერთგულებასა და მხარდაჭერას

¹ AKAK, т. IV, с. 194, 196.

² იქვე.

³ იქვე, გვ. 223.

სთხოვდა, თვითონ კი თვალთმაქცურად პირდებოდა, რომ თუკი პეტერბურგში სათანადო დეპუტაციას გააგზავნიდნენ, იმპერატორი ლეჩხუმის საკითხს სამართლიანად გადაწყვეტდა.

იმავე წლის გაზაფხულზე საქართველოს მთავარმართებელმა და გენერალმა ორბელიანმა ერთხელ კიდევ მიმართეს მორიგ დიპლომატიურ ხერხს, სცადეს სოლომონი მიეტყუებინათ ქუთაისში და იქ შეეპყროთ, მაგრამ ამაოდ. მთელ დასავლეთ საქართველოში გავრცელდა ხმები, რომ მათ სოლომონის შეპყრობა ჰქონდათ განზრახული, რამაც იმერეთის გაბატონებული წრე ძლიერ ააღელვა. გავლენიანმა თავადებმა ქ. წერეთელმა, ს. წულუკიძემ და რ. ნიჟარაძემ სოლომონის ერთგულებაზე დააფიცეს იმერეთის თავადაზნაურობა და სასულიერო პირები, აგრეთვე რაჭის, ლეჩხუმისა და გურიის ზოგიერთი თავადი. ამასთან, მოსახლეობა დაარბიეს, რომ რუსეთის სამხედრო ნაწილებისათვის არც სურსათ-სანოვაგე მიეყიდათ და არც არავითარი მხარდაჭერა და თანაგრძნობა აღმოეჩინათ. კრიტიკულ მომენტში იმერეთის მმართველი წრე გარკვეულ დახმარებას ელოდებოდა თურქეთ-ირანისაგან, აგრეთვე მეზობელი ფაშებისა და ჩრდილო კავკასიის გაბატონებული წრეებისაგან, მაგრამ ყველაფერი ეს უმიზნო იყო, რადგან თვითმპყრობელობის დამძლევი ძალა უკვე არ არსებობდა.

ცარიზმის მცირერიცხოვან სამხედრო რაზმთან შეტაკების შემდეგ, 1809 წ. ივლისში, სოლომონთან გამოცხადდა იმერეთის თავადაზნაურობა და გლეხთა დახლოებით 5-ათასიანი ჯგუფი, რომელმაც მეფეს ერთგულების ფიცი დაუდო, რომ მას იარაღით დაიცავდა¹.

რამდენიმე დღის შემდეგ სოლომონმა გენერალ ორბელიანის მეშვეობით მიიღო ტორმასოვის წერილი (სინამდვილეში ულტიმატუმი), რათა სამ დღეში დეპუტატები გაეგზავნა პეტერბურგში; თუ მითითებულ ვადაში ამას არ შეასრულებდა, ეს, საერთოდ, უარი იქნებოდა დეპუტატების გაგზავნაზე². ამასთან, მთავარმართებელმა ორბელიანი დაარბია, ყველა საშუალება ეხმარა სოლომონის ახლობელთა და, საერთოდ, იმერეთის მოსახლეობის გადასაბირებლად.

ცარიზმის მოხელეთა ყოველგვარი ცდა — დაეყოლიებინათ სოლომონი და იმერეთის მმართველი წრე, ამაო გამოდგა.

ტორმასოვის ახალი გეგმით სოლომონის წინააღმდეგ უნდა აემხედრებინათ რაჭის თავადები და გურიის მთავარი, შემდეგ განმარტობულ სოლომონს თავს უნდა დასხმოდა რედუტ-კალეში (ყულევში) და ზ. წერეთელის მამულში საგანგებოდ დაბანაკებული სამხედრო რაზმი, რომელთაც რაჭა-ლეჩხუმის თავადები და ლეჩხუმში მყოფი რაზმიც უნდა მიშველებოდა. ამგვარი საერთო ძალით უნდა დაეტყვევებინათ იმერეთის მეფე და მისი მომხრეები³.

¹ АКАК, т. IV, с. 201.

² ი ქ ვ ი, გვ. 206—207.

³ ი ქ ვ ი, გვ. 205.

მარცხით დამთავრდა სოლომონის ქუთაისში დაბრუნების ცდა, აგრეთვე პეტერბურგში დეპუტატების გაგზავნის მოთხოვნაც, ამგვარი საშუალებით სოლომონი ვერ მოიხელთეს. კიდევ მეტი, ეს ფანდი არამც თუ მეფემ და მისმა ამაღამ გაიგო, არამედ მთელმა მოსახლეობამაც შეიტყო, რაც თავისთავად ორბელიანის მოღვაწეობის მარცხსაც ნიშნავდა. შემთხვევითი არ იყო ტორმასოვის დასკვნა, რომ ორბელიანის ქუთაისში გაჩერება ამიერიდან სარგებლობას მოკლებულიაო, საჭიროდ მიაჩნდა მისი სამეგრელოში გადაყვანა¹.

მიუხედავად გარკვეული წარუმატებლობისა, ამ გეგმის ნაწილი კვლავ სამოქმედოდ რჩებოდა, კერძოდ კი, მეფის ახლობელთა გადაბირების ცდა. ტორმასოვი ყურადღებას ამახვილებდა ზ. წერეთელთან და რაჭის თავადებთან დაახლოებაზე. უაღრესად გამოცდილი და მოქნილი ზ. წერეთელი მაინცდამაინც არ იყო მეფობის მოსპობის მომხრე, თუმცა თვითმპყრობელობის მოხელეებს ერთგულად აჩვენებდა თავს. იგი 1809 წ. 30 ივლისს ტორმასოვს სწერდა: „...ვრჩები ერთგული რუსი ხელმწიფის, რომლისათვის მზად ვარ ყოველ საათს სიხარულით დავაქციო სისხლი ჩემი და ჩემი შვილებისაო“². ის ტორმასოვს არწმუნებდა, რომ მას შემთხვევით არ აფასებდნენ ციციანოვი და გუდოვიჩი, რომ იგი რუსეთის ერთგულების გამო შეაევიწროვა სოლომონმა და სხვ.

თავის მხრივ, საქართველოს მთავარმართებელი ტორმასოვი 1809 წ. შემოდგომაზე ქათინაურებით სწერდა ზ. წერეთელს, რომ მშვიდობისა და სიწყნარის დასაცავად იმერეთში აუცილებელი იყო მეფობის გაუქმება და სპეციალური მმართველობის ჩამოყალიბება პოლკოვნიკ სიმონოვიჩის თავმჯდომარეობით, რომ ამ მმართველობის ერთ-ერთი საპატიო წევრი თვით ზ. წერეთელი იქნებოდა³.

თურქეთთან ომის წარმოებისა და ფოთის ციხე-სიმაგრის აღების მიზნით, მეფის მთავრობამ დასაყვლეთ საქართველოში წაიყვანა ახალი ნაწილები. ამ ღონისძიებაში იმერეთის მეფობის ლიკვიდაციაც შედიოდა. 1809 წ. ნოემბერში, გ. ორბელიანის მეთაურობით, რუსეთმა ფოთის ციხე-სიმაგრე ჩაიგდო ხელში⁴.

დასაყვლეთ საქართველოში შეყვანილი ჯარის ერთი ნაწილი სიმონოვიჩმა ფოთიდან იმერეთში გადააადგილა და იქ დაბანაკა. ფოთის აღებამ და ცარიზმის სამხედრო წარმატებამ სამხრეთში სოლომონი წელში გატეხა, იგი იძულებული გახდა იმერეთში სამხედრო ნაწილის დაბანაკებაზე და მისდამი სურსათ-სანოვაგის მიწოდებაზე დათანხმებულიყო, თუმცა ამას სოლომონისათვის უკვე არსებითი მნიშვნელობა არ ჰქონდა, რადგან იმერეთის სამეფოს გაუქმება მაინც გადაწყვეტილი იყო.

¹ П. Шубинский Гробница Имеретинского царя Соломона в Трапезунде. «Исторический вестник», 1913, т. XXXII, с. 283.

² АКАК, т. IV, с. 206.

³ იქვე, გვ. 210.

⁴ იქვე.

სოლომონის შეპყრობაში ტორმასოვი მთავარ იმედს სამხედრო ძალაზე და ზ. წერეთელის მოქმედებაზე ამყარებდა. ამ უკანასკნელს გვარიანი თანხაც გამოეყო, მაგრამ ტორმასოვმა ვერც ამით მოახერხა რაიმე. მიუხედავად გამწვავებული ვითარებისა, მეფესა და ტორმასოვს შორის მიმოწერა კვლავ გრძელდებოდა. სოლომონი 1810 წ. 5 იანვარს მთავარმართებელს კვლავ სწერდა, რომ რუსეთის ქვეშევრდომობის ფიცი და პირობა თვითონ კი არა, არამედ ციციანოვმა დაარღვია: „...უწინარეს თქვენსა მყოფთა დახსნეს ფიცი, პირობა და შეკრულება, და არა დაიცვეს წმინდად და უკეთუ დაიცვეს წმინდად, მაშინ სად არს სამკვიდრო სამფლობელო ჩემი ლეჩხუმი, რომლითა შემოველ ქვეშევრდომობასა ქვეშე და რომელსა ზედა საშინელთა ფიცითა მაქვს ხელმოწერილობა და პირობა თავადის ციციანოვისა: უკეთუ დაიცვეს წმინდად, შემდგომად გვაქნდა ციხე ერთი დეზვირი საშუალ ლეჩხუმისა, რომელსა შინა მოგვიკლეს მეციხოვნე მუნ მყოფთა მოსახლეთა; ვთხოვეთ მას ზედა სამართალი და ნაცვლად სამართლის მოცემისა წაგვართვეს ციხეცა იგი და მისცეს დადიანს“¹.

სოლომონი გადაჭრით თხოულობდა რუსეთის ქვეშევრდომობაში შესვლის პირობათა ხელახალ შედგენას, მან ტორმასოვს ამისი მონახაზიც კი შესთავაზა (ამ პროექტში ლეჩხუმი იმერეთის სამეფოს კუთვნილებად ფიგურირებდა), მაგრამ ტორმასოვმა ეს პროექტი უკან დაუბრუნა და თან მისწერა, „დამტკიცებული, ძველი პუნქტების შეცვლა ვის გაუგიაო“².

ტორმასოვი, ერთი მხრივ სოლომონთან ლოიალურ მიმოწერას აწარმოებდა და თვალთმაქცურად კვლავ დეპუტატების გაგზავნას ითხოვდა, ხოლო მეორე მხრით, სიმონოვიჩს ავალებდა, რომ მეფე როგორმე მახეში გაეხა. ტორმასოვის დავალებით, სიმონოვიჩს სოლომონისათვის უნდა ჩამოეცოლებინა რაჰის თავადები, რითაც მეფის პარტია დასუსტდებოდა, ამავე დროს მას ზ. წერეთელი უნდა დაერწმუნებინა, რომ რაჰას მას გადასცემდნენ სამმართველოდ და ამით მეტ სარგებელს მიიღებდა (სხვათა შორის, ზ. წერეთელი ადრეც რაჰის მოურავი იყო და იქ დიდ შემოსავალს იღებდა). ტორმასოვს მიაჩნდა, რომ იმერეთისაგან გურიაც დამოუკიდებელი უნდა ყოფილიყო ისე, როგორც სამეგრელო. იგი სიმონოვიჩს ავალებდა, რომ, როგორც კი საშუალება მიეცემოდა, სოლომონი ალყაში მოექცია და შეეპყრო³.

1810 წ. 20 იანვარს ტორმასოვი გორში ჩავიდა და იქ შეადგინა სოლომონის სამხედრო ძალით შეპყრობის ვრცელი და დეტალური გეგმა⁴. ტორმასოვის აზრით, სოლომონის შეპყრობაში, რუს სამხედრო ნაწილებთან ერთად, ფართო მონაწილეობა უნდა მიეღოთ ქართველ თავად-აზნაურთა წარმომადგენლებსაც, კერძოდ; გორის თავად-აზნაურთა წინა-

¹ АКАК, т. IV, с. 215.

² იქვე, გვ. 217.

³ იქვე, გვ. 218.

⁴ იქვე, გვ. 221.

მძღოლს ამილახვარს, პოდპოლკოვნიკ ლ. ორბელიანს, მაიორ ა. ბებუ-
თოვს, კაპიტნებს: აბამელიძეს, თარხნიშვილს, ამირაჯიბს, ე. ერისთავს
და სხვებს¹.

21 იანვარს ტორმასოვმა ულტიმატუმი წარუდგინა სოლომონს, რომ
არა უგვიანეს სამ დღეში მძევლები და დეპუტატები წარედგინა და ყო-
ველივე, რაც უწინ იმპერატორის ნება-სურვილის წინააღმდეგ ჩაიდინა,
მოენანიებინა. ნებაყოფლობითი დანებების შემთხვევაში ტორმასოვი სო-
ლომონს ერთგვარ შემწყნარებლობას აღუთქვამდა, ოღონდ უკვე არ უმა-
ლავდა. რომ იგი მეფობიდან იქნებოდა გადაყენებული².

ასეთ ულტიმატუმს ტორმასოვმა პროკლამაციაც მიაყოლა იმერეთის
ხალხისადმი, რომელშიც სოლომონისადმი გულისწყრომას გამოხატავდა
და ზთელ ხალხს მოუწოდებდა თვითმპყრობელობისათვის ერთგულების
ფიცი დაედო. ამასთანავე, მოსახლეობას აფრთხილებდა, რომ მას ყოველ-
გვარი კავშირი გაეწყვიტა სოლომონ მეფესთან, წინააღმდეგ შემთხვევაში
უბედურებით ემუქრებოდა³. ტორმასოვი ახლა არც იმას მალავდა, რომ
თუ სოლომონის ამაღლა წინააღმდეგობას გაწევდა, იმერეთი სამხედრო ძა-
ლით იქნებოდა დამორჩილებული⁴.

ულტიმატუმის შეუსრულებლობის გამო, ტორმასოვმა ერთხელ კი-
დეგ გააფრთხილა იმერეთის სამეფო კარის მესვეურები და ნებაყოფლო-
ბითი დანებება უბრძანა⁵. როცა ამითაც ვერაფერი გააწყო, სიმონოვიჩს
უბრძანა, რომ სამეგრელო-გურიის შეიარაღებული რაზმები მოემზადე-
ბინა.

თვითმპყრობელობამ 1810 წ. 20 თებერვალს საყოველთაოდ გამოა-
ცხადა, რომ სოლომონი გადაყენებული და იმერეთის სამეფო გაუქმებუ-
ლი იყო, მალე იმერეთის ნაწილი რუსეთის ერთგულებაზე დააფიცეს.

ამასთან, იმერეთის ტერიტორია რუსეთის ახალმა სამხედრო ნაწი-
ლებმა დაიკავეს და ხალხის დაფიცებაც გრძელდებოდა. 21 თებერვალს
ერთ-ერთ სამხედრო რაზმის უფროს პრიბილევსკისთან გამოცხადდნენ
ზ. წერეთელი, მისი უფროსი ვაჟიშვილი, გელათის არქიმანდრიტი და ზო-
გიერთი თავდაზნაური, რომელთაც თვითმპყრობელობისადმი ერთგულე-
ბაზე დაიფიცეს.

ცარიზმის მოხელეები იმერეთის მოსახლეობის ნაწილს ერთგულე-
ბაზე აფიცებდნენ, ნაწილი სოლომონთან ცხადდებოდა.

ლენჩუბში კვლავ ძველი ვითარება სუფევდა. იქ სოლომონმა საბო-
ლოოდ დაკარგა ციხესიმაგრეები და ყოველგვარი დასაყრდენი. ამაზე სი-
მონოვიჩი ტორმასოვს უპატიჟებდა: დიდი ხნის წინააღმდეგობის შემდეგ
ლენჩუბ-რაჭა-იმერეთის საზღვარზე მდებარე ჭყვიშის ციხე, რომელიც

¹ АКАК, т. IV, с. 221.

² იქვე, გვ. 219.

³ იქვე.

⁴ იქვე, გვ. 220.

⁵ იქვე, გვ. 222—223.

სოლომონ მეფის რაზმს ეკავა, ჩვენს რაზმებს დანებდა, ციხის უფროსმა ფირან კლდიაშვილმა ჩვენს ერთგულებაზე დაიფიცაო¹.

ქვიციშის ციხესიმაგრე დაუყოვნებლივ დადიანს გადაეცა.

თვითმპყრობელობის ჭარბების მიერ იმერეთის დაკავებას, რაც თებერვალ-მარტში გრძელდებოდა, ზოგან ხალხის შეიარაღებული წინააღმდეგობა მოჰყვა, მაგრამ მთავარმა სამხედრო ნაწილებმა, აგრეთვე სამეგრელო-ლეჩხუმსა და გურიაში დაბანაკებულმა რაზმებმა მთელი იმერეთი დაიკავეს. თავისუფალი მხოლოდ ვარციხის მიდამოები რჩებოდა, სადაც მეფე და მისი ამაღალი იმყოფებოდა. ცარიზმის რაზმებმა ბოლოს ვარციხესა და ბაღდადშიც მიადწიეს, ისინი მეფესა და მის ერთგულ ამაღას ხანის წყლის ხეობისაკენ მიერეკებოდნენ. სასიკვდილო საფრთხეში მოქცეული მეფე და მისი ამაღის წევრები: ქაიხოსრო, გიორგი და სიმონ წერეთლები, დავით და გიორგი ერისთავები, როსტომ ნიჟარაძე, ბერი ლორთქიფანიძე და სხვები, იძულებული გახდნენ ჯარს დანებებულებიყვნენ, თვითმპყრობელობის სამხედრო ნაწილს თბილისში წაპყროდნენ.

სოლომონის ერთგული იმერლები და რაჰველები ზოგან წინააღმდეგობას განაგრძობდნენ, მაგრამ მეფის დატყვევების შემდეგ, 1810 წ. მარტში მთელი იმერეთი და რაჭა რუსეთის სამხედრო ნაწილების ხელში აღმოჩნდა.

ასე დამთავრდა ბაგრატიონთა სამეფო დინასტიის ბატონობა დასავლეთ საქართველოში.

დასავლეთ საქართველოს შეერთებას რუსეთთან პროგრესული მნიშვნელობა ჰქონდა:

ჯერ ერთი, მან დასავლეთ საქართველოში ბოლო მოუღო ძმთა-მკვლელ შინაფეოდალურ ომს, აგრეთვე მოძალადე მამამადიანთა შემოსევებსა და ბატონობას;

მეორე, რუსეთთან შეერთებამ საქართველო არა მარტო ფიზიკური განადგურების საფრთხისაგან იხსნა, არამედ ქართველ ხალხს გაერთიანებისა და სწრაფი კონსოლიდაციის შესაძლებლობა მისცა;

მესამე, რუსეთთან შეერთებამ ქართველი მშრომელები სამუდამოდ დაუკავშირა რუს და რუსეთის სხვა მშრომელებს, რომელთაც ერთობლივი ბრძოლა გააჩაღეს ცარიზმის ანტიხალხური პოლიტიკის, ეროვნული და სოციალური ჩაგვრის წინააღმდეგ;

მეოთხე, რუსეთთან შეერთებამ (ისტორიულმა წანამძღვარმა) ქართველ მშრომელ ხალხს რუსეთის მშრომელებთან მჭიდრო კავშირი, ძლევამოსილი ოქტომბრის რევოლუცია და ეროვნული აღორძინება მოუტანა.

¹ AKAK. T. IV, c. 239.

2. ახალი მმართველობის დაშვება და პოლიტიკური ვითარება

სამეფო ხელისუფლების ლიკვიდაციის შემდეგ იმერეთსა და რაჭა-ში დროებითი მმართველობა („უამიერი მმართველობა“) დამყარდა.

საქართველოს მთავარმართველის წარდგინებით იმერეთ-რაჭის, გურია-სამეგრელოსა და აფხაზეთის ნომინალურ მმართველად დაინიშნა პოლკოვნიკი სიმონოვიჩი, რომელიც დასაჯკეთ საქართველოში მოქმედ სამხედრო ნაწილს ხელმძღვანელობდა და კოლონიზატორულ-ძალმომრეობითი პოლიტიკით ხელმძღვანელობდა.

დროებით მმართველობაში, რომელიც, ძირითადად, იმერეთის ყოფილ სამეფოს განაგებდა, ცარიზმის მოხელეებთან ერთად, ადგილობრივი თავადაზნაურობის წარმომადგენლებიც იყვნენ შეყვანილი.

თავდაპირველად განზრახული იყო, რომ იმერეთის ყოფილი სამეფო ექვს ოკრუგად დაყოფილიყო, მაგრამ, საბოლოოდ ის ოთხ ოკრუგად დაიყო. ერთ-ერთს შეადგენდა რაჭა, რომელშიც საკუთრივ რაჭა და სვანეთის სოფელი უშგულიც შევიდა¹.

რაჭის ოკრუგის მმართველობის სათავეში იდგა რუსი ოფიცერი — ოკრუგის უფროსი, რომელსაც ორი თანაშემწე (ადგილობრივ თავადაზნაურთაგან), თარჯიმანი, კანცელარიის ორი მწერალი (რუსულისა და ქართულის მცოდნე) ჰყავდა, აგრეთვე სახაზინო სოფლების, ციხეების, ტყეებისა და სხვა ქონების ზედამხედველი-მოურავები.

ოკრუგის უფროსი, რომელიც მეფის თვითმპყრობელობის ადგილობრივ ხელისუფლებას განასახიერებდა, სხვადასხვა საქმეებს აწარმოებდა. მას ექვემდებარებოდა მთელი ადმინისტრაციული საქმეები, რომელიც 150-მდე მარჩილის ღირებულებას არ აღემატებოდა (უფრო დიდმნიშვნელოვანი საქმეები, კერძოდ, სისხლის სამართლისა და სხვ. იმერეთის ცენტრალური მმართველობისათვის უნდა გადაეცა).

ვიდრე ადგილობრივი მმართველობის სპეციალური წესები შემუშავდებოდა, ხელისუფლებას ეკრძალებოდა დამნაშავის სიკვდილით დასჯა. ამასთან, სისხლის სამართლის, ტყვეთა სყიდვის, ძარცვის, ღალატისა და სხვა დანაშაულის მძიმე საქმეები, სამხედრო-საველე სასამართლოს უნდა გაერჩია.

თავადაზნაურთა, აგრეთვე გლეხთა სამოქალაქო დავის სხვადასხვა საქმე თავადაზნაურთა სპეციალურ კომისიას დაექვემდებარა, ხოლო მისი შედეგები (სადავო საქმის მნიშვნელობის შესაბამისად) იმერეთის ან საქართველოს ადმინისტრაციას უნდა დამტკიცებინა.

მითითებისამებრ დასახელებულ კომისიას მხოლოდ იმ თავადაზნაურთა საქმე უნდა გამოესწორებინა, ვინც უკანასკნელი ექსპედიციის დროს (1810 წ. იგულისხმება) ცარიზმისადმი ერთგულება და გულმოდგინება გამოიჩინა, დანარჩენთა, ე. ი. მოწინააღმდეგეთა საქმეები, სპეციალურ მითითებამდე, ხელუხლებელი უნდა დარჩენილიყო.

¹ AKAK, T. IV, c. 256—257.

სახელდახელოდ შემოღებული წესები გარკვეულად ზღუდავდა თავად-აზნაურთა უფლებებს ყმებზე. თავად-აზნაურებს სპეციალური სასამართლოს გარეშე არ შეეძლოთ ყმათა ხელყოფა, ყიდვა-გაყიდვა, ფიზიკური დასჯა და სხვ.

გამონაკლის შემთხვევაში, ახლად შემოღებული წესები ოკრუგის უფროსს ნებას რთავდა მიწათმოქმედთა წახალისებას, ამ მიზნით სახაზინო ველების, ტყეების, საძოვარ-საბალახო ადგილების გამოყენებას და სხვ.¹.

ოკრუგის უფროსი და მისი თანაშემწეები, სამხედრო და სამოქალაქო საქმეებთან ერთად, პოლიციურ მმართველობასაც ახორციელებდნენ, ოღონდ მათ მხოლოდ ისეთი საქმის განხილვა შეეძლოთ დამოუკიდებლად, რომლის ღირებულება 50 მანეთს არ აღემატებოდა. ადგილობრივ ადათ-წესის საფუძველზე საქმის განხილვისას თანაშემწე ვალდებული იყო ოკრუგის უფროსიც საქმის კურსში შეეყვანა. სათანადო კანონ-წესების შემუშავებამდე, მთელი იმერეთის დროებითი მმართველობა, ძირითადად, ძველებურ კანონებსა და ადათ-წესებზე უნდა ყოფილიყო დამყარებული.

სამხედრო და სამოქალაქო მმართველობის უზრუნველყოფისათვის (ე. ი. წესრიგის დაცვისათვის) ოკრუგის უფროსს უნდა ჰყოლოდა შეიარაღებული ძალა: ფეხოსან ჯარისკაცთა ასეულის, ოცდაათი ცხენოსანი კაზაკისა და ერთი ოფიცრის შემადგენლობით.

ოკრუგის უფროსს ევალებოდა:

1) თავის სამოქმედო ტერიტორიაზე სრული წესრიგის უზრუნველყოფა;

2) მასობრივ-ინფექციური დაავადების გამოვლინებისთანავე, საქმის ვითარების იმერეთის მმართველობისადმი შეტყობინება;

3) მკვლელობის, ქურდობისა და სხვა დანაშაულობათა წინააღმდეგ სათანადო ზომების მიღება, აგრეთვე სხვა დანაშაულებრივი საქმეების (რომელიც მის კომპეტენციაში არ შედიოდა) საერთო მმართველობისადმი გადაცემა;

4) შეთქმულების, უკმაყოფილო თავყრილობების და სხვა ამგვარი შემთხვევების ზემდგომი მმართველობისადმი შეტყობინება, ყველა შესაძლო ზომის მიღება მათი ლიკვიდაციისა და უვნებლობისათვის;

5) ადგილობრივი საკომუნიკაციო საშუალებების (გზების, ხიდებისა და სხვ.) წესრიგში მოყვანა;

6) დაწესებული გადასახადების აკრეფა, მიწათმოქმედებისა და შრომისმოყვარეობისათვის ხელის შეწყობა და სხვ.².

1810 წ. 10 ივნისს პოლკოვნიკ სიმონოვიჩის ერთხელ კიდევ მიეცა საქართველოს მთავარმართებლის გენერალ ტორმასოვის მითითება იმერეთის ოლქის დროებითი მმართველობის სისრულეში მოყვანაზე და ცალკეულ ოკრუგთა მმართველობის სათანადო დაკომპლექტებაზე.

¹ АКАК, т. IV, с. 257.

² იქვე, გვ. 261.

ტორმასოვის მითითებით, იმპერატორის უდიდებულესობისადმი ღალატსა და შეურაცხყოფაზე სასჯელს სამხედრო-საველე სასამართლო განსაზღვრავდა. ასევე მკვლელობის, ტყვეთა ტაცებისა და მათ მაჰმადიანებზე გაყიდვის, მძარცველ-მოძალადეებისა და სხვა მძიმე დანაშაულობათა საქმეებიც სამხედრო-საველე სასამართლოს უნდა განეხილა.

შედარებით უმნიშვნელო საქმეები კი ადგილობრივ სამოქალაქო სასამართლოს ექვემდებარებოდა. განსაზღვრულ იქნა, რომ პირუტყვისა და სხვა მსგავსი ქურდობის საქმე ვახტანგ ბატონიშვილის სამართლის საფუძველზე განხილულიყო. კერძოდ, დანაშაული ხუთმაგად უნდა ანაზღაურებულიყო (ორი ნაწილი ხაზინას ეძლეოდა, ორი დაზარალებულსა და ერთიც ქურდის მპოვნელს); მიწის, ტყისა და სხვა უძრავი ქონების უკანონო მითვისებაც ვახტანგის კანონის საფუძველზე იხილებოდა და ორმაგი ღირებულების გადახდით ისჯებოდა. თუკი დანაშაული ძალადობის გზით მოხდებოდა, დამნაშავის საქმე (როგორც საზოგადოებრივი მყუდროების დამრღვევის) სამხედრო სასამართლოს უნდა გადასცემოდა.

უსამართლო დასმენის, ცილისწამებისა და მსგავსი დანაშაულის ჩამდენის საქმეც ვახტანგის კანონის საფუძველზე უნდა გასამართლებულიყო, — დამნაშავეს ფულადი ჯარიმა უნდა დაეკისრებოდა.

საღვთო კანონებისა და წმ. ეკლესიის წინაშე დამნაშავე, აგრეთვე ვახტანგის კანონის შესაბამისი სამართლით ისჯებოდა. უმნიშვნელო საქმეებს სახაზინო სოფლებში მოურავები იხილავდნენ და წყვეტდნენ, ხოლო საბატონო სოფლებში და სასულიერო დარგში დამნაშავეთა გამგებელი თავად-აზნაურები და სასულიერო პირები.

მთავარმართებლის მითითებით უნდა მოგვარებულიყო აგრეთვე იმერეთის ყოფილი სამეფო ქონებისა და შემოსავლების საკითხი, რომელიც ახლა ხაზინას უნდა დაქვემდებარებოდა. საქმის საბოლოო გადაწყვეტილებამდე, ამ უწყების გადასახადები ძველებურად უნდა დარჩენილიყო. შესაძლებლობისამებრ ასეთი გადასახადი ფულადით უნდა შეცვლილიყო, გარდა პურისა, რომელიც კვლავ ძველებურად უნდა დარჩენილიყო¹.

მას შემდეგ, რაც იმერეთი უშუალოდ იმპერიის შემადგენლობაში შევიდა (ე. ი. მეფობის გაუქმების შემდეგ), ადგილობრივ თავად-აზნაურთა, აგრეთვე სამღვდელო პირთა უფლებები და პრივილეგიები ძირითადად ძველებურად დარჩა, მაგრამ მათ მაჰმადიანებთან ყმებით ვაჭრობა აეკრძალათ, ხოლო სასულიერო პირებს როგორც მაჰმადიანებთან, ასევე ქრისტიანებთანაც, რადგან რუსული კანონით, ჯერ ერთი, ეს საერთოდ არ შეესაბამებოდა სასულიერო სჯულს და, მეორეც, სასულიერო გლეხები სასულიერო პირების უშუალო კუთვნილებას კი არ შეადგენდნენ, არამედ ეკლესია-მონასტრებისას².

¹ AKAK, т. IV, с. 285.

² იქვე.

სიმონოვიჩს მიეთითა, რომ სახაზინო, საერო და საეკლესიო მამულების საზღვრები ძველ ფარგლებში დაეტოვებინა, როგორც ეს იმერეთის მეფობის დროს იყო. რაც შეეხებოდა დამნაშავეებისათვის ჩამორთმეულ მამულებსა თუ სხვა ქონებას, მის ყოფილ მესაკუთრეებისადმი დაბრუნებაზე, ამ არასასურველ ვითარებაში, თავი უნდა შეეკავებინა. ხოლო, როცა ამისათვის ხელსაყრელი პირობები შეიქმნებოდა, იმერეთის მმართველს ნება ეძლეოდა, იმ პირებისადმი, რომლებიც მეფის თვითმპყრობელობისადმი ერთგულებას გამოიჩენდნენ, კანონიერი დახმარება აღმოეჩინა.

სიმონოვიჩს მიეთითა, რომ თანამედროვე, მერყევე სიტუაციაში, ფრთხილად მოქცეულიყო, თავად-აზნაურთა უფლებების შეზღუდვას მორიდებოდა, მათთვის შთაეგონებინა, რომ ქვემდგომების (იგულისხმება გლეხობა) გალატაკება მათთვისაც საზარალო იყო. ამასთანავე, სიმონოვიჩს მიეთითა, რომ ერთგვარი ანგარიში გაეწია თავად-აზნაურთა მეტიწილად სიღარიბისათვის. ასეთებისათვის ნება დაერთო ყმებით ევაჭრათ (ქრისტიანებს შორის, საქართველოს ფარგლებში — სპეციალური ნებართვით), ოღონდ ოჯახის წევრთა განცალკევება არ შეიძლებოდა¹.

რაც შეეხებოდა მოღალატეებს (თბილისიდან მეფესთან ერთად ახალციხეში გაქცეულებსა და სხვებს) და მათ დასჯას (მათთვის მამულების თუ სხვა ქონების ჩამორთმევას), სიმონოვიჩს დაევალა, რომ ემოქმედა იმპერატორის სარგებლიანობის შესაბამისად, რადგანაც დამნაშავეების დასჯაც და ერთგულების წახალისებაც აუცილებელი იყო წესრიგის დასამყარებლად.

გენერალ ტორმასოვის მითითებით, ერთგულების შემწყვანარებლობა იმიტომაც იყო საჭირო, რომ სხვებსაც მაგალითი გადაეღოთ და მეფის მმართველობას შეგუებოდნენ, ხოლო მტრების დასჯა, მათთვის მამულებისა და სხვა ქონების ჩამორთმევა იმისათვის, რომ მტრები სიღარიბეში ჩავარდნილიყვნენ და ერთგულება ემჯობინათ².

სიმონოვიჩს მიეცა ინსტრუქტაჟი, ნაკლებად შეეცვალა ძველი ადამიანები და ზნე-ჩვეულებები, რასაც ხალხი შეჩვეული იყო, სათანადოდ დაეცვა ძველი უფლებები და პრივილეგიები, რათა ამით თავდააზნაურობა მტერს არ მიმხრობოდა და თვითმპყრობელობას არ დაპირისპირებოდა³.

როგორც ვხედავთ, მეფის მთავრობა საქართველოს თავად-აზნაურთა უფლებებს და პრივილეგიებს კლასობრივი თვალთახედვით უდგებოდა, ამ პრივილეგიებს იმის შესაბამისად აღიარებდა და იცავდა, თუ რა სარგებლობასა და სამსახურს გაუწევდა მის ბატონობას.

ჯერ კიდევ, იმერეთის დროებითი მმართველობის ჩამოყალიბებამდე,

¹ AKAK, T. IV, c. 285.

² იქვე, გვ. 303.

³ იქვე, გვ. 286.

თვითმპყრობელობა შეუდგა სოლომონის მომხრე რაჰის თავად-აზნაურების დასჯას. რაჰაშიც დანგრეულ იქნა ის ციხე-სიმაგრეები (ონის, ხოტევის, სადმელის, ხვანჭკარის და სვირის), რომლებიც ცარიზმის რაზმებმა არ დაიკავეს და შესაძლებელი იყო მტრის მიერ მათი გამოყენება. მაგრამ საქმე ამით არ დამთავრდა.

თბილისის ციხიდან გაქცეულმა მეფემ და მისმა ერთგულმა თავადებმა (რომელთა შორის ერისთავებიც იყვნენ), შეძლეს მთელი იმერეთი აემოძრავებინათ და თვითმპყრობელობისათვის დაეპირისპირებინათ. გაქცეული სოლომონის მოწოდებას თითქმის მთელი იმერეთის მოსახლეობა გამოეხმაურა, 1810 წ. ივნისში იმერეთი უკვე აჯანყების კვამლში იყო გახვეული. სოლომონის ამაღა, რომელსაც ლეკთა რაზმიც (ექვსასიოდე კაცი) ახლდა, ახალციხიდან ბაღდადში გადავიდა, სადაც აჯანყების ცენტრი იყო, ბრძოლა აჯანყებულებსა და მეფის რეგულარულ სამხედრო ნაწილებს შორის თითქმის ორ თვეს გრძელდებოდა. აჯანყებულთა წინააღმდეგ თვითმპყრობელობის ჯარს ეხმარებოდა სამეგრეეობა და გურიის, აგრეთვე აღმოსავლეთ საქართველოს რაზმებიც. უთანასწორო ბრძოლამ მრავალი აჯანყებული შეიწირა და გამარჯვება თვითმპყრობელობას დარჩა.

მიუხედავად იმისა, რომ გაძევებულ მეფესა და მის ერთგულ თავად-აზნაურებს სხვებიც თანაუგრძნობდნენ, აჯანყება რაჰას მინც არ მოედო, რადგან იქ გაძლიერებული რაზმი იყო დაბანაკებული და, ამასთან, ადგილობრივ თავად-აზნაურთა უმრავლესობა მეფის მთავრობის მხარეზე იყო.

სხვათა შორის, სოლომონს თანაუგრძნობდა სამეგრელოსა და ლეჩხუმის ზოგიერთი თავადიც, მათ შორის ბერი გელოვანიც, მაგრამ აჯანყებაში არც ლეჩხუმის მოსახლეობა ჩაბმულა.

აჯანყების დროს და მისი ჩაქრობის შემდეგაც, იმერეთში საშინელი ტრაგედია დატრიალდა. თვითმპყრობელობის რეპრესიებს წყალდიდობა და მოუსავლიანობა მოჰყვა, შემდეგ კი შიმშილი და შავი ჭირიც, რომელიც მთელ დასავლეთ საქართველოს მოედო (სვანეთისა და აფხაზეთის ჩათვლით) და რომელმაც საბოლოოდ მოსახლეობის მესამედზე მეტი იმსხვერპლა: „მოისრნენ ურიცხვნი სულნი, ვითარცა ქართველთანი, აგრეთვე უმრავლესნი რუსთა მხედრობანი და განგრძელდა და ჭირი ივი საქართველოსა შინა ვიდრე ოთხ წლამდისინა: გარნა იმერეთსა შინა ყოველგან აჰაწყდა უმრავლესი სული, რომლისა რიცხვი შეუძლებელ არს აღწერად, რომლისა გამო აღიფხუვრნენ მრავალნი სოფელნი იმერეთსა შინა ძირითურთ ჟამსა ამას“¹.

თუ რა მსხვერპლი მოჰყვა დასავლეთ საქართველოში (1810—1812 წწ.) შიმშილსა და ინფექციურ დაავადებას, ამის ერთგვარ წარმო-

¹ დ. ბატონიშვილი, ბ. ბატონიშვილი, ახალი მოთხრობა, გვ. 98.

დგენას გვაძლევს მეფის მოხელეთა ზოგადი აღრიცხვა, რომლის მიხედვით მარტო იმერეთის ყოფილ სამეფოში 32 750 სული გარდაიცვალა (აქედან 3 000 რაქაში), ხოლო სხვაგან გადასახლდა ან გაიყიდა 9 450 ადამიანი. აღნიშნულ წლებში იმერეთის მოსახლეობა სულ მცირე 42 200 სულით მაინც შემცირდა¹.

იმერეთში, ოდიშსა და გურიაში საშინელი სენის (ყამის) გავრცელებაზე მსგავს ცნობას გვაწვდის ნ. დადიანიც, რომლის მიხედვით, ყამმა უამრავი ადამიანი იმსხვერპლა და მრავალი სოფელი დატოვა ოხრად².

აჯანყების ჩახშობის შემდეგ თვითმპყრობელობა გაჩანაგებულ იმერეთში უკვე თავისი მმართველობის პრაქტიკულ დანერგვასა და უფრო აქტიური პოლიტიკის გატარებას შეუდგა.

ვითარების ერთგვარი გაუმჯობესების შემდეგ, როდესაც მმართველობის პრაქტიკული განხორციელება დაიწყო, წინასწარ შემუშავებულ წესებში გარკვეული ცვლილება იქნა შეტანილი.

იმერეთის მმართველი აპარატი, თავმჯდომარის გარდა, შედგებოდა: სახლთუხუცესის (იგივე დივანის უფროსი), პროკურორის, ოთხი მდივანბეგის, ოთხი მდივნის, ბოქაულთუხუცესის, მეღვინეთუხუცესის, ხაბაზთუხუცესის, ორი ხევისთავის, რუსი მდივნის, რუსი ხაზინადარის, ოთხი თარჯიმნის (ერთი ქართულის, მეორე თათრულის და ორი რუსულის მცოდნე) და კანცელარიის ორი მწერლისაგან.

სახაზინო ციხესიმაგრეებისა და სოფლების მართვა მოურავთა ხელში რჩებოდა. ოკრუგების მმართველი შტატი კი არსებითად უცვლელი დარჩა³.

როგორც იმერეთის ოლქის აპარატის მუშაყებს, აგრეთვე ოკრუგების უფროსებს ხელფასი ვერცხლის ფულით დაენიშნათ, ქართველ სამოქალაქო მოსამსახურეებსა და მოურავებს ძველი ფუნქციები და ხელფასი დარჩათ. იმერეთის ოლქისა და მისი ოკრუგის შტატები და დაფინანსება 1814 წელს დამტკიცდა⁴. დადგინდა, რომ რაქის ოკრუგის მმართველი შტატის ადგილსამყოფელი სხვაგვამი ყოფილიყო.

დებულებით, იმერეთის ოლქის მმართველობის „უმაღლეს ორგანოს“ წარმოადგენდა საერთო კრება, რომელსაც მმართველი და მისი მრჩეველი იწვევდნენ და მათვე ჰქონდათ გადამწყვეტი ხმის უფლება. საკიროების შემთხვევაში საერთო კრებას ესწრებოდნენ ადგილობრივი თავად-აზნაურები, რომელთაც მხოლოდ სათათბირო ხმა ჰქონდათ⁵.

მიუხედავად აღნიშნულისა, იმერეთის ოლქს (თავისი ოკრუგებიანად) ერთპიროვნულად განაგებდა რუსი მმართველი, სამხედრო გენერალი

¹ АКАК. т. V, с. 97.

² ნ. დადიანი, ქართველთ ცხოვრება, გვ. 203.

³ АКАК. т. IV, с. 257.

⁴ აქვე, გვ. 175.

⁵ Эсааза С. Историческая записка об управлении Кавказом, Тифл., 1907.

(თავმჯდომარე), რომელიც აგრეთვე ადგილზე დაბანაკებული ჯარის უფროსიც იყო. სისხლის სამართლის მძიმე საქმეებს სამხედრო-საველე სასამართლო განაგებდა, ხოლო დანარჩენებს ე. წ. „სადივანო“, რომელიც დივანბეგებისაგან შედგებოდა. საბოლოო ჯამში, სასამართლო საქმეების უფროსიც მმართველი იყო.

როგორც კი იმერეთში მმართველობის პრაქტიკული შემოღება გადაწყდა, იმავეთვე დაისვა თვითმპყრობელობის შემოსავლის საკითხიც. მართალია, ჯერ კიდევ არ იყო დადგენილი თუ, საბოლოოდ ხაზინის ხელში რა მოხვდებოდა, მაგრამ ამის გარდა მოსახლეობასაც გარკვეული ვალდებულება უნდა დაკისრებოდა. ჯერ კიდევ, 1811 წ. 25 იანვარს მთავარმართებელი ტორმასოვი იმერეთის მმართველ გენერალ სიმონოვიჩს სწერდა: იმერეთი რუსეთის ერთ-ერთი პროვინციას უნდა წარმოადგენდეს და ახლა აქაც იმავე რაოდენობის გადასახადები უნდა დაწესდეს, რამდენსაც უწინ იხდიდნენ მეფის სასარგებლოდ. იგი სიმონოვიჩს ურჩევდა, რომ იმერეთის გადასახადები განესაზღვრა ადგილობრივი პირობების შესაძლებლობისა და აღმოსავლეთ საქართველოს გადასახადების კვალობაზე¹.

ტორმასოვის მითითებით, იმერეთში გადასახადები, პირველ რიგში, უნდა დაწესებულყო სახაზინო გლეხებზე, რომლებიც ახლა მემამულეებისაგან თავისუფალი იყვნენ. რაც შეეხებოდა საეკლესიო გლეხებს, ტორმასოვის აზრით, მათ მიმართ ჯერჯერობით თავი უნდა შეეკავებინათ, რადგან სამღვდლოება ძლიერი გავლენით სარგებლობდა და მათ დაბევრას მოსახლეობა არ აებუნებინა.

მითითების შესაბამისად, აღრიცხულ იქნა სახაზინო (!ამეფო) გლეხობა. მთელ იმერეთში ის 1685 კომლს აღწევდა, თითოეული კომლის უწინდელი გადასახადი (საური) 2 მარჩილს უდრიდა წელიწადში (მარჩილი 52 ფარას უდრიდა, ხოლო ვერცხლის მანეთი — 120 ფარას). საუდიეროს უწინ მხოლოდ 430 კომლი იხდიდა, რაც 2902 ფუთ ლომს. 1 161 ფუთ ხორბალსა და 12 900 თუნჯ ღვინოს უდრიდა. უწინდელი გადასახადი პირუტყვის სახით (რომელსაც სოფლობით იხდიდნენ) 500 სულს შეადგენდა².

რაჭის სოფლების: გლოლას, ღებისა და კიორას მოსახლე თითოეული კომლი წელიწადში თითო ცხვარს იხდიდა, ხოლო უწერის თითოეული კომლი — 6 ბათმან ხორბალს, რაჭის ზოგიერთ სახაზინო სოფელს (ერთად) წელიწადში ერთი მსხვილფეხა რქოსანი პირუტყვი დაეკისრა, ხოლო რაჭის ოკრუგში შემავალ სვანეთის სოფელ უშგულს — წელიწადში სულ 3 ბათმანი წამალი³ (დენთი, რომელსაც შინ ამზადებდნენ)³.

საქართველოს მთავარმართებლისა და იმერეთის მმართველის დავალებით, 1811 წ. სახლთუხუცესმა ზ. წერეთელმა (მას ახალ მმართველო-

¹ АКАК, т. IV, с. 352.

² იქვე.

³ იქვე.

ბაშიც ეს თანამდებობა დარჩა) აღწერა რაჰის სოფლები და მოსახლეობა. ამ მონაცემების საფუძველზე რაჰა შედგებოდა ოთხი საბატონოსაგან. საერისთავოს, საწულუკიძეოს, საიაშვილსა და საჯაფარიძეოსაგან, აგრეთვე ერთი ეპარქიისაგან¹.

ზ. წერეთლის აღწერის მიხედვით, ციხე მინდა, ხიდისკარი, წესი, ლიხეთი, ურავი და ამბარი უჭველესი დროიდანვე ერისთავთა სამკვიდრო (მეფისაგან ნაწყალობევი) მამულები იყო. თავის დროზე ერისთავებმა მიითქვიეს მათ მიერ ამოწყვეტილი იაშვილების, ჯაფარიძეებისა და წულუკიძეების მამულები, აგრეთვე იმერეთის მეფის სახასო ქონება და აზნაურების: ყიფიანების, ლიპარიშვილების, გამრეკელიძეებისა და სხვათა მამულები, მათ შორის: გლოლა, უწერა, ჭიდროთა, ჭიორა, ღები და სხვა. ფაქტობრივად რაჰის დიდი ნაწილი. ზ. წერეთლის რწმუნებით, სოლომონ პირველმა ერისთავი და მისი საგვარეულო მძიმედ დასაჯა (ზოგი გაწყვიტა, ზოგიერთსაც მამულები წაართვა და სხვ.). მაგალითად, იაშვილების მამულების ნაწილი და ციხე კვარა მეფემ დაისაკუთრა, ნაწილი მაჩაბელს უწყალობა, ხოლო ჯაფარიძეებს თავისი დაუბრუნა². ასევე ერისთავთა ყოფილი ციხე-მამულები: მინდა, წესი, ხიდისკარი, ლიხეთი, გრავი და ამბარი სოლომონმა ლეონიძეს უწყალობა. 1811 წ. ამ ციხეებსა და სოფლებს უკვე მეფის მთავრობის ერთგული ანტონ ერისთავი დაეუფლა. ანტონი, მისი ბიძა და ბიძაშვილები დაეპატრონენ აგრეთვე სოლომონთან თურქეთში გაქცეულ თანამოძმე ერისთავიშვილთა მამულებს.

იმერეთის მეფეთა ნაწყალობევ მამულებს რაჰაში ფლობდა აგრეთვე ზ. წერეთელი, რომელიც ადრე რაჰის მოურავი იყო. რაც შეეხება რაჰის იმ თავად-აზნაურთა მამულებს, რომლებიც იმერეთის აჯანყების დროს ამოწყდნენ, მეფის თვითმპყრობელობის ხაზინა დაეუფლა.

რაჰაში იყვნენ აგრეთვე საეკლესიო გლეხები, რომლებიც თავის დროზე მეფის, ერისთავების ან სხვა თავად-აზნაურების მიერ იყვნენ ეკლესიისადმი შეწირული.

1811 წ. 3 მარტს, იმერეთის მმართველის წარდგინებით, რაჰის ოკრუგის უფროსად ტორმასოვმა დანიშნა ანტონ ერისთავი, რომელიც მთავრობისათვის სანდო პირი იყო³.

მმართველობის ჩამოყალიბებისთანავე მეფის მთავრობა დაინტერესებული იყო იმერეთის მოსახლეობისაგან სარფიანი შემოსავალი მიეღო, მაგრამ მოუსავლიანობამ, აგრეთვე ინფექციური დაავადებით გამოწვეულმა უდიდესმა მსხვერპლმა 1811 წ. გადასახადების აღება შეუძლებელი გახადა. კიდევ მეტი, 1811 წ. ივლისში ტორმასოვი გურეგს ატყობინებდა, რომ წყალდიდობის, ნაადრევი ყინვებისა და თურქების თარეშის გამო, წინა წელს იმერეთს მოუსავლიანობა დაატყდა, ხოლო სუ-

¹ АКАК, т. IV, с. 91.

² ოქცე.

³ ოქცე, გვ. 356.

სხიანი ზამთრის გამო პირუტყვი დაეცა. ამასთანავე, მოსავალი არც წელს (ე. რ. 1811 წ.) მოკიდაო. ყოველივე ამის გამო, იმერეთში 40 ათასი ოჯახი შიმშილობდა¹. ყველაფერ ამას, საშინელი ინფექციური დაავადებაც დაერთო. გამოუვალმა მდგომარეობამ სიმონოვიჩი და ტორმასოვი აიძულა რუსეთიდან (შავი ზღვით) პურის მიწოდება ეთხოვათ, რათა იგი ფულზე ან სესხით გაეცათ².

იმერეთში და რაჭაში გაუგონარი შიმშილობა და ავადმყოფობა მძვინვარებდა 1811 წლის ბოლოსაც. საქართველოს ახალი მთავარმართებელი მარკიზ პაულიჩი გურევეს სწერდა, რომ მას მძიმე სასურსათო მდგომარეობის გამოსასწორებლად აღმოსავლეთ საქართველოდან არ ჰქონდა საშუალება მოსახლეობისათვის სურსათ-სანოვაგე მიეწოდებინა, ამიტომ თხოვდა, როგორმე 15 ათასი „ჩეთვერთი“ პური და 10 ათასი მანეთი (ვერცხლით) ფული გამოეყო, რათა დამშეული და დაავადებული ხალხი ეხსნა³.

მარკიზ პაულიჩი ასეთივე შინაარსის წერილს სწერს პოლიციის მინისტრ ბალაშოვსაც, რომელსაც ატყობინებდა, რომ საჩხერეში, ჩხარსა და რაჭაში დამლუპველი სენის გარდა შიმშილობა სუფევდა, რომლის შედეგად რამდენიმე ათასი ადამიანი დაიღუპაო⁴.

არაერთი თხოვნის შემდეგ 1812 წლის იანვარში თვითმპყრობელობამ იმერეთის დამშეულ მოსახლეობას გამოუყო 10 ათასი მანეთი (ვერცხლით) სესხი სურსათის შესაძენად, ამასთანავე აღუთქვა, რომ გაზაფხულზე ყირიმიდან პურსაც მიაწოდებდა⁵. აღნიშნულთან ერთად, იმერეთის მოსახლეობა დროებით განთავისუფლდა ნატურით გადასახადისაგან და გურიისა და სამეგრელოს მფლობელებს ეთხოვათ, შესაძლებლობის მიხედვით, იმერეთის ხალხისათვის სიმინდი და ღომი მიეყიდათ, ოღონდ ურთიერთობისას დიდი სიფრთხილე დაეცვათ, რათა სენი არ გაეცრცელებინათ⁶.

ბოლოს, მეფის მთავრობამ იმერეთში ყირიმიდან შეზიდა პური, რითაც დიდი დახმარება აღმოუჩინა მოსახლეობას და ბევრი იხსნა შიმშილით სიკვდილისაგან.

მშვიდობა არც ლეჩხუმში სუფევდა, როგორც აღვნიშნეთ, მეფესა და დადიანს შორის ბრძოლაში თვით ლეჩხუმის ზედა ფენებიც აქტიურად იყვნენ ჩაბმული. ლევან დადიანს ეშინოდა, რომ სოლომონს ლეჩხუმის რომელიმე თავადი არ გადაებირებინა, ამიტომ, გარდა იმისა, რომ იქ მოხელედ თავის საგვარეულოს წარმომადგენელი ჰყავდა, ცდილობდა საჩუქრებით და დაპირებით მოესყიდა ყველა იმის გული, ვისაც მნი-

¹ AKAK, T. IV, c. 382.

² იქვე.

³ იქვე, გვ. 93.

⁴ იქვე, გვ. 94.

⁵ იქვე, გვ. 97.

⁶ იქვე.

შენელოვანი როლი შეიძლება შეესრულებინა ლეჩხუმის ორიენტაციის საქმეში. ასეთთა შორის იყვნენ გელოვანები, რომელთაც დადიანები მემკვიდრეობით აძლევდნენ ლეჩხუმის მოურავის თანამდებობას.

ერთ-ერთი ასეთი მოურავთაგანი და ამავე დროს, „ლეჩხუმის მთავარსარდალი“ იყო ბერი გელოვანი, ჩანს, ადრე იგი გრიგოლ დადიანს ერთგულობდა, მაგრამ, შემდეგ ზოგჯერ სოლომონ მეფის მხარეზე იხრებოდა. ყოველ შემთხვევაში, ლევანის დედა ნინო დაეკვდა ბერი გელოვანის ერთგულებაში და მისი თანამდებობიდან მოხსნა მოიწადინა. უნდა ითქვას ისიც, რომ იმერეთის მმართველი სიმონოვიჩი გელოვანს ნდობით ეპყრობოდა, ხოლო თავის დროზე, როდესაც გრ. დადიანი მეტად შევიწროებული იყო სოლომონისაგან, ბ. გელოვანმა მას დიდი სამსახური აღმოუჩინა — ბრძოლით დაიცვა. ამ დამსახურების გამო დადიანმა გელოვანის ვაჟიშვილი კიდევაც დაისიძა.

1810 წ. სამეგრელოს დედოფალმა ნინო დადიანმა გენერალი გრ. ორბელიანი მიიმხრო და ლეჩხუმის მოურავად ნიკო დადიანის დანიშვნა გადაწყვიტა, რაც სიმონოვიჩსაც აცნობა. თუმცა ეს უკანასკნელი 1810 წ. 29 მარტს მთავარმართებელ ტორმასოვს სწერდა, რომ მან დადიანს უარი შეუთვალა გელოვანის გადაყენებაზე, რადგან რუსეთის ერთგული ბ. გელოვანი ხალხში დიდი გავლენით სარგებლობდა. სიმონოვიჩს ეშინოდა მის; გადაყენებას რაიმე უსიამოვნება არ მოჰყოლოდა. სხვათა შორის, სიმონოვიჩი ტორმასოვს იმასაც შეახსენებდა, რომ ბ. გელოვანის მამა ქაიხოსრო, რომელიც აგრეთვე ლეჩხუმის მოურავ-სარდალი იყო, უწინ მტრობის ნიდაგზე დადიანმა თავის თვალწინ მოაკვლევინა და მისი მოკრილი თავი სოლომონ მეფეს გაუგზავნა. სიმონოვიჩი ატყობინებდა, რომ ბ. გელოვანი ბევრს აკეთებდა მათ სასარგებლოდ. იგი შეახსენებდა, რომ გელოვანმა ლეჩხუმის რაზმით დიდი დახმარება აღმოუჩინა ოკრიბისა და რაჭის დამორჩილებაში. ბოლოს, სიმონოვიჩი სწერდა, რომ ლეჩხუმის მოურავ ბერ გელოვანს, თავის ციხეებით, დიდი მნიშვნელობა ჰქონდა. ამიტომ თუნდაც ნინოსთან პირადი მტრობის გამო, მისი გადაყენება მიზანშეუწონლად მიმაჩნიაო¹.

მიუხედავად სიმონოვიჩის რჩევისა, შეეჩერებინა ლეჩხუმის საქმე, ნინო დადიანი თავის გადაწყვეტილებას ბ. გელოვანის გადაყენებაზე არ იშლიდა². ამასობაში ნინო დადიანს სამეგრელოშიც ბევრი მოწინააღმდეგე გამოუჩნდა, კერძოდ, მაზლები: მანუჩარ და ტარიელ დადიანები. ტარიელმა დადიანობა მოიწადინა და სოლომონს სთხოვდა დახმარებას. სიმონოვიჩის რჩევით, ნინო იძულებული გახდა ტარიელისათვის მამულის დაბრუნება აღეთქვა, მაგრამ დაპირება არ შეასრულა. ამის გამო ტარიელ დადიანი თავის რაზმით, აგრეთვე დაქირავებული ახალციხის ფაშისა და

¹ AKAK, T. IV, c. 395.

² იქვე, გვ. 396.

ლექთა ჯარით იმერეთში წამოსულ სოლომონს შეუერთდა. ნინო დადიანის წინააღმდეგ სამეგრელოში იბრძოდა მანუჩარიც, რომელიც, აგრეთვე მეტად შევიწროებული იყო.

ნინო დადიანის დევნის გამო ბერი გელოვანიც უკმაყოფილო იმერლების მხარეზე აღმოჩნდა, ნინოს ლევან გელოვანიც (ბერის ძმა) აუბუნტდა. სხვათა შორის, თავის დროზე ლ. გელოვანიც მეფის მთავრობის მხარეზე იბრძოდა სოლომონისა და ახალციხის ჯარის წინააღმდეგ (სადაც კიდევაც დაიჭრა), ახლა კი ლეჩხუმის ციხეში იყო ჩაკეტილი და დადიანს ებრძოდა.

ნინოს ეშინოდა ლევანისათვის (რომელიც მისი მემკვიდრე იყო) დადიანობა არ წაერთმიათ და არ ცხრებოდა, არავის ინდობდა. მალე მან გელოვანს თანამდებობასთან ერთად მამულებიც წაართვა, ხოლო მის შვილს თავისი ასული მოსტაცა (გააშორა).

1811 წ. მარტში ტორმასოვმა ნინოს წერილით მიმართა, რომელშიც შეახსენა, რომ ქვეყნის შიგნით ასეთი ბრძოლა და დაპირისპირება სასიკეთოს არაფერს მოუტანდა. ტორმასოვი სამეგრელოს დედოფალს სწერდა, რომ მონარქმა მას დიდი უფლებამოსილება არგუნა, მაგრამ ბ. გელოვანისათვის მემკვიდრეობითი მამულის წართმევის უფლება არავის მიუცია, მითუფრო ნასყიდი და შეძენილი მამულის საკუთრების უფლებას რუსეთის კანონებიც იცავსო.

ტორმასოვი ნინოს შეახსენებდა, რომ გელოვანები დამსახურებული და ძლიერი თავადები იყვნენ, რომ მათ დიდი გავლენა ჰქონდათ ლეჩხუმისა და სვანეთში და ამიტომ მათი ხელყოფა საშიში საქმე იყო. ამის გამო ტორმასოვი დაბეჭითებით მოითხოვდა ბ. გელოვანისათვის მამულის, ხოლო შვილისათვის — მეუღლის დაბრუნებას. წინააღმდეგ შემთხვევაში, თუკი რაიმე არეულობა მოხდებოდა, ყოველივეს იმპერატორს შევატყობინებო !.

თავის მხრივ ნინო ყველაფერს აკეთებდა, რათა მოწინააღმდეგე ბოლომდე მოესპო. იგი ბ. გელოვანს, მანუჩარ და ტარიელ დადიანებს რუსეთისადმი მტრობაში და სოლომონ მეფისადმი მხარდაჭერაში აღნაშაულებდა (თითქოს ყულევთან ბრძოლის დროს ისინი რუსეთის გარნიზონის წინააღმდეგ იბრძოდნენ).

ნინო მანუჩარსა და ტარიელს ასმენდა, თითქოს, როდესაც თურქეთის ჯარი ფოთის ციხესიმაგრეში იმყოფებოდა, ისინი ორბელიანის წინააღმდეგ მოქმედებდნენ და ბერი გელოვანი და მისი შვილი სერასკირ ფაშას წინააღმდეგ ბრძოლაში რუსებს არ დაეხმარნენ. ამის გარდა, ნინო ბ. გელოვანს აბეზლებდა — ლეჩხუმშიც უკანონოდ მოქმედებდნენ². სამეგრელოს დედოფალი ამითაც არ დაკმაყოფილდა და გიორგი და ბეჟან მხეიძეებიც დაასმინა, თითქოს ისინი ქრისტიანი ტყვეებით ვაჭრობდნენ

¹ АКАК. т. IV, с. 401—402.

² იქვე, ტ. 5, გვ. 495.

თურქებთან და რუსი რაზმების სურსათ-სანოვაგესაც იტაცებდნენ.

ნინო დადიანი ცდილობდა თავიდან ჩამოეშორებინა ყველა მეტოქე. ის ათასნაირ ფანდს იგონებდა იმისათვის, რომ ტარიელ და მანუჩარ დადიანები, ბეჟან და გიორგი მხეიძეები, აგრეთვე გელოვანები და სხვა მეტოქეები თვითმპყრობელობის დაუძინებელ მტრებად მოენათლა. ყველა ისინი რუსეთში გადაესახლებინათ და სამეგრელოში მარტო თავისი მემკვიდრე დარჩენილიყო.

ტარიელ დადიანი, რომელიც სოლომონთან იმყოფებოდა, მართლაც თვითმპყრობელობის მოწინააღმდეგე იყო, მაგრამ ზოგიერთი თავადი, რომელსაც დადიანი ასმენდა, ნინოზე არანაკლებ ემლიქვნელობდა თვითმპყრობელობას, ამიტომ მეფის მოხელეები ყველას მიმართ ნინოს აზრს არ იზიარებდნენ და ყველა მათგანს რუსეთში გადასახლებას არ უპირებდნენ.

სიმშვიდე არც რაჭაში სუფევდა. იქაური თავადებიც ერთიმეორეს ექიშებოდნენ, თუ ვინ დაიპყრდა უპირველეს ადგილს. ამ მიზნით ზოგი მეფის მოხელეებს ეტმანებოდა, ზოგიერთიც თურქეთში გაქცეულ სოლომონს. ამასთან ერთიმეორეს ეჯიბრებოდნენ ვინ მეტ ყმა-მამულს ჩაიგდებდა. ამას ემატებოდა ოსების თავდასხმებიც ტყვეების, პირუტყვის თუ სხვა სიმდიდრის დასატაცებლად.

1812 წ. ზაფხულში გენერალმა სიმონოვიჩმა დაავალა მაიორ გრიგოლ წერეთელს (სახლთუხუცეს ზურაბის შვილს) აღეკვეთა ოსთა თავდასხმები. მალე გრ. წერეთელი, რაჭის რაზმით, მეზობელ ოსთა წინააღმდეგ გაილაშქრებს, დამნაშავეებს დაატყვევებს, შემდეგ რაჭაში მიიპატიუებს დიგორელ გავლენიან აზნაურებს კუბადისოვს, ძმებს აბესალოვებს და სხვებს, რომელთაც მეფის მთავრობის ერთგულებაზე დააფიცებს¹.

იმერეთთან ერთად სამეგრელოშიც გრძელდებოდა თავად-აზნაურთა შორის ბრძოლა, რასაც შიმშილთან, ინფექციურ სენთან, თურქთა თარეშთან და მეფის მოხელეთა ძალადობასთან ერთად, მშრომელი მოსახლეობისათვის უდიდესი ტანჯვა-წამება მოჰქონდა.

მეფობის გაუქმების შემდეგ (1810-დან 1814 წლამდე), მეფის მთავრობის მმართველობა იმერეთში მხოლოდ ნომინალურ ხასიათს ატარებდა, მაგრამ, როდესაც უფრო მყარი მდგომარეობა შეიქმნა, ცარიზმის მოხელეებმა მოწინააღმდეგეთა მიმართ ენერგიული ზომების გატარება დაიწყეს.

უწინ დამტკიცებულ მმართველობის სტრუქტურაში ახლა ნაწილობრივ ცვლილებები მოხდა. იმერეთში მეფისდროინდელი სახლთ-უხუცესის, ქუთაისის მოურავის, ბოქაულთ-უხუცესის და ხევისთავის თანამდებობები გაუქმდა. მმართველ სიმონოვიჩს უფლება ეძლეოდა, რასაც ზედმეტად ჩათვლიდა, მთავარმართებელთან შეთანხმებით გაეუქმებინა.

¹ AKAK, T. IV, c. 515.

სოფლის მოურავები კვლავ რჩებოდნენ, ოღონდ ოკრუგის უფროსს ყოველმხრივ უნდა დაქვემდებარებოდნენ. ისინი ვალდებული იყვნენ სამოქმედო სოფელში თვითმპყრობელობის სასურველი წესრიგი დაემყარებინათ და დაწესებული გადასახადებიც დროულად აეკრიფათ.

მდგომარეობის ნორმალიზაციისთანავე იმერეთის მმართველი შეუდგა გადასახადების დაწესებას, მაგრამ, როგორც ის გენერალ რტიშევს აწერდა (კავკასიის ხაზის მთავარსარდალს), მოსახლეობის უმრავლესობა გადასახადების გადახდაზე უარს აცხადებდა მეტისმეტი სიღარიბის გამო, ან იმ მიზეზით, რომ უწინ მას არ იხდიდა. იმერეთის მოსახლეობა აცხადებდა, რომ დაწესებული გადასახადები მხოლოდ მაშინ გროვდებოდა, როცა კარგი მოსავალი მოდიოდა და ქვეყნად სიწყნარე სუფევდა. სხვა შემთხვევაში, თითქოს ეს გადასახადები მცირდებოდა, ან სულ უქმდებოდა. მოსახლეობის წინააღმდეგობის გამო, იმერეთის მმართველი იძულებული იყო სახაზინო სოფლებში კომლზე დაწესებული 15 ბათმანი ხორბლისა და 40 ჩაფი ღვინის ნაცვლად, მხოლოდ ნახევარს დასჯერებოდა, თუმცა მისი აღებაც უჭირდა.

რაც შეეხებოდა საბატონო გლეხებს, რომელთა მესამედზე მეტი სხვაგან გახიზნული, ან სენით იყო გაწყვეტილი, სიმონოვიჩი დათანხმდა, რომ მათი უმრავლესობა სახელმწიფო გადასახადებს არ გადაიხდიდა (მხოლოდ თავიანთ მებატონეებს მოემსახურებოდნენ), მაგრამ საბატონო გლეხთა ნაწილს, რომელიც უწინ მეფისადმიც იყო ვალდებული, სახელმწიფო გადასახადები უნდა გაეღო!..

1815 წ. 2 ოქტომბერს იმერეთის მმართველმა გენერალმა სიმონოვიჩმა მიიღო გენერალ რტიშევის ბრძანება, რომ იმერეთის თავადაზნაურობისათვის აეკრძალა ყმათა გასხვისება ოლქის ფარგლებს გარეთ. სიმონოვიჩს მიეთითა, რათა ოკრუგის უფროსები გაეფრთხილებინა. რომ ყმათა გაყიდვა იმერეთშიც მხოლოდ მიწიანად დაიშვებოდა, თანაც ოჯახის წევრთა დაუნაწევრებლად, რომ ასეთი უფლების მიღება მხოლოდ მმართველობის ნებართვით შეიძლებოდა, ამასთანავე ყმის გამყიდველს დაწესებული ბაჟიც უნდა გადაეხადა².

მალე მეფის ადმინისტრაციამ იმერეთში აკრძალა ებრაელებისადმი ქრისტიანის მიყიდვა. ის, ვინც ამას ჩაიდენდა, ისჯებოდა ფასის ორმაგი ანაზღაურებით და ოთხი თვის პატიმრობით. გაყიდული ყმა თავისუფლდებოდა, ან გამომსყიდველ ქრისტიანს (ოლქის ფარგლებში) ეძლეოდა³.

იმის გამო, რომ იმერეთის მხარე (იგულისხმება რაჭაც) მოსახლეობისაგან დაკლილი იყო, ოკრუგების უფროსებს დაევალოთ აღმოსავლეთ საქართველოში თუ სხვაგან გახიზნული ოჯახების უკან დაბრუნებაზე ზრუნვა.

1 AKAK, т. V, с. 479.

2 იქვე, გვ. 485.

3 იქვე, გვ. 492.

აღსანიშნავია, რომ იმერეთში თვითმპყრობელობის მიერ ნავარაუდები მმართველობა სრული სახით ვერც ამჟამად განხორციელდა. იმერეთის მმართველი თვითონ, დამოუკიდებლად წყვეტდა ძირითად საკითხებს, საჭირო შემთხვევაში, იგი მხოლოდ საქართველოს მთავარმართველს ეთათბირებოდა. სასამართლო საქმეების უდიდესი ნაწილი სიტყვიერად ირჩეოდა.

იმერეთსა და რაქაში 1816 წლიდან დაიწყო სხვაგან გახიზნული ოჯახების უკან დაბრუნება. ზოგიერთ სოფელს უკვე ერთგვარი გამოცოცხლებაც დაეტყო. ბუნებრივია, იმას, ვინც უკან ბრუნდებოდა, თავისი სახლ-კარი და ბალ-ვენახი გავერანებულ-დაქცეული ხვდებოდა, ამიტომ მას დიდი გაჭირვება ელოდა, მაგრამ ამის მიუხედავად, 1816 წ. ბოლოს იმერეთში მრავალი ოჯახი დაბრუნდა.

მაშინ, როდესაც ქვეყანა ის-ის იყო შიმშილისა და სენისაგან მიღებული ჭრილობებს იშუშებდა, მეზობელმა მაჰმადიანებმა (ერზრუმისა და ტრაპიზონის ფაშებმა) იმერეთის ჩაგდება მოიწადინეს. 1815 წ. გაზაფხულზე ისინი იმერეთის საზღვრებს მოადგნენ, თან მოსახლეობას ჭაშუშები შეუსიეს, რათა რუსეთის წინააღმდეგ აჯანყებულებიყვნენ, მაგრამ სასურველ მიზანს ვერ მიაღწიეს და უკან დაბრუნდნენ.

* * *

1817—1819 წლებში იმერეთში კვლავ მძიმე და დაძაბული ვითარება შეიქმნა. მოსახლეობა ისევ გაჭირვებასა და შიმშილს განიცდიდა, ხოლო მეფის მოხელეები თავისას მოითხოვდნენ. ყველაფერი ეს თვითმპყრობელობის საწინააღმდეგო მოძრაობას აღვივებდა. ამასთანავე, ბაგრატიონთა მესვეურებს სადღაც ისევ იმედი ჰქონდათ თავიანთი დინასტიის ბატონობის აღდგენისა. ისინი თვითმპყრობელობის წინააღმდეგ მოსახლეობის წაქეზებას შეუდგნენ.

ასეთ ვითარებაში, იმერეთის მმართველმა გენერალმა კურნატოვსკიმ არაერთგზის დააყენა საკითხი მოსახლეობისათვის ერთგვარი შეღავათების მიცემაზე, კერძოდ, 1811—1812 წწ. გაცემული სესხის ნაწილობრივ პატიებაზე. თავის მხრივ, მას საქართველოს ადმინისტრაციამაც დაუჭირა მხარი.

საქართველოს ახალმა მთავარმართველმა ერმოლოვმა 1817 წ. თებერვალში თხოვნით მიმართა იმპერატორ ალექსანდრეს, რათა მეტისმეტი გაჭირვების გამო, იმერეთის ხალხისადმი წყალობა გაეღო და მიღებული სესხი ეპატიებინა. მისი აზრით, ეს გაჭირვებულ ხალხს მთავრობისადმი მადლობის გრძნობით განაწყობდა¹.

დიდი ხვეწნა-მუდარის შემდეგ, 1817 წ. 19 აპრილს, ალექსანდრე პირველმა მართლაც გასცა ბრძანება, რომლის საფუძველზე 1811—1812 წწ.

¹ АКАК, т. VI, ч. I, с. 530.

(შიმშილობისა და ეპიდემიის დროს) იმერეთის მოსახლეობისათვის პურის საყიდლად გაცემული სესხის ის ნაწილი, რომელიც აუღებელი იყო, ხალხისათვის ეპატებინათ¹.

დაძაბული ვიზარების მიუხედავად. მეფის მოხელეები განაგრძობდნენ მოწინააღმდეგე თავად-აზნაურებისათვის წართმეული მამულების ხაზინისადმი გადაცემას და მის აღრიცხვას. ამ მიზნით 1817 წ. ზაფხულში აღწერა ჩატარდა რაჭაშიც, სადაც დაახლოებით 2 940 გლეხის კომლი აღირიცხა, აქედან 897 კომლი თავადებს დარჩა, 1 070 კომლი აზნაურებს, ხოლო დანარჩენი ხაზინას გადაეცა². ამ წელს მთავრობამ რაჭის სახაზინო ქონებიდან 586 მანეთის შემოსავალი მიიღო ვერცხლით.

სხვათა შორის, რაჭის ერისთავთა საგვარეულოს წარმომადგენლებმა — ანტონ და დავით ერისთავებმა (ერისტოვეებმა) იპკერატორს მიმართეს თხოვნით, რათა რაჭასა და იმერეთში აღრე კუთვნილი ყმა-მამული დაებრუნებინა. ამასთან დაკავშირებით მათ სათანადო საბუთებიც წარადგინეს. იუსტიციის საიდუმლო მრჩეველმა კოზოდავლევემა შესაძლებლად ცნო ერისთავთა საქმე საქართველოს ადმინისტრაციას გადასცემოდა განსახილველად. რაც დაკმაყოფილებულ იქნა³.

ამასობაში, იმერეთსა და რაჭაში, ისევ მკვეთრად დაიძაბა ვითარება. რაჭის თავად-აზნაურთა ნაწილმა 1819 წელს შეძლო გლეხობის ნაწილიც აეყოლებინა და მეფის თვითმპყრობელობისათვის დაეპირისპირებინა. ამ წლის ივლისში რაჭის ოკრუგის უფროსი, მაიორი ცაცკა კურნატოვსკის ატყობინებდა, რომ რაჭაში თავი მოიყარა 2 ათასამდე შეიარაღებულმა კაცმა, რომლებიც სხვადასხვა სოფლებში დადიოდნენ საყვირის ჟღარუნით და ხალხს რაზმავდნენ. ოკრუგის უფროსის განკარგულებაში მყოფი რაზმი იძულებული გახდა თავი კვარას ციხისათვის შეეფარებინა. როგორც დადგინდა, ხალხის აღშფოთებისა და გამოსვლის მიზეზი საეკლესიო ყმა-მამულის და ქონების აღწერა და ამაზე გავრცელებული ხმები იყო. ბუნებრივია, საეკლესიო უწყების ახლებურად გარდაქმნა (რეფორმა) მისმა მესვეურებმა პირობების გაუარესებად მიიჩნიეს, ამიტომ წააქეზეს ხალხი.

რაჭის აჯანყებულებმა სოფელი ხიმში დაიკავეს და იმერელ აჯანყებულებს დაუკავშირდნენ, ამასთანავე, მათ გზა გადაუჭრეს ოკრუგის უფროსის დასახმარებლად ქუთაისიდან რაჭაში გაგზავნილ სამხედრო რაზმს, რომელიც სიკვდილის მუქარით აიძულეს წინ არ წასულიყო.

იმერეთის მმართველი იძულებული გახდა ველიამინოვისათვის ეცნობებინა, რომ საეკლესიო რეფორმის განზრახვამ მთელი დასავლეთ საქართველო დაფორიაქა, რომ მას საკმარისი ძალები არ გააჩნდა აჯანყებუ-

¹ АКАК. т. VI. ч. I, с. 530.

² იქვე, გვ. 531.

³ იქვე.

ლი ხალხის დასამორჩილებლად. იგი მთავარმართებელს თხოვდა, სულ მცირე, სამი ფეხოსანი ასეული მაინც მიეშველებინა თავისი არტილერიით¹.

კურნატოვსკი ფრთხილობდა, რადგან ერთი გასროლაც კი შეიძლება აჯანყების სიგნალი გამხდარიყო. მეფის მოხელე ექვობდა, აჯანყებაში იმერეთ-რაქასთან ერთად, სამეგრელო, გურია და სვანეთიც ხომ არ იყვნენ ჩაბმული. საეკლესიო რეფორმის განზრახვასთან ერთად, აჯანყების მიზეზი გახდა ხმები: თითქოს რელიგიური სარწმუნოება უნდა შეცვლილიყო, ეკლესიები დანგრეულიყო და სარეკრუტო ვალდებულება დაწესებულიყო.

კურნატოვსკის მიაჩნდა, რომ აჯანყებულთა დაშოშმინება და ხალხის მხრივ ერთგულების უზრუნველყოფა მხოლოდ ძლიერი სამხედრო ძალით შეიძლებოდა².

აჯანყებულთა გასათიშავად და დასაშოშმინებლად საქართველოს ადმინისტრაციამ ახალი პროკლამაცია გაავრცელა. ველიამინოვი იმერეთის მმართველს აფრთხილებდა, რომ ჯარს პირველს არ ეხმარა იარაღი და როგორმე უსისხლოდ ჩაეჭრო აჯანყება. თუკი აჯანყებულები მაინც გაბედავდნენ ჯარის წინააღმდეგ იარაღის გამოყენებას, მაშინ მათ ისე მოპყრობოდნენ, როგორც უბოროტეს მტრებს და დაუნდობლად დაეთრგუნათ ყველა მოწინააღმდეგე³.

იმერეთის მმართველი იძულებული გახდა სათანადო უწყებისა და მიტროპოლიტ თეოფილესათვის ებრძანა, რათა დაუყოვნებლივ შეწყვეტილიყო საეკლესიო ყმა-მამულის აღწერა.

აჯანყებულებისადმი (რომელშიც რაქის ზოგიერთი საეკლესიო სოფლის მოსახლეობაც იყო ჩაბმული) გაგზავნილ პროკლამაციაში ნათქვამი იყო: რომ საქართველოს ადმინისტრაციამ დიდი მწუხარებით შეიტყო საეკლესიო გლეხობის აჯანყება, რომელშიაც აზნაურებიც მონაწილეობდნენ. აქვე ეწერა, რომ საეკლესიო მართვის გარდაქმნით, მთავრობის მიზანი, თითქოს ხალხის მდგომარეობის გაუმჯობესება, ეკლესიის კეთილმოწყობა, მისი ქონების დაცვა, აგრეთვე სასულიერო სკოლების დაარსება და მღვდელმსახურთა ცხოვრების უკეთ მოწყობა იყო.

პროკლამაციაში ხაზგასმული იყო, თითქოს, მთავრობას განზრახული არ ჰქონდა რაიმე მოგების მიღება; მასში დაუფიქრავად იყო გამოცხადებული: გაიხსენეთ იმერლებო, რომ ორგზის აჯანყება უდიდესი უბედურებით ემუქრებოდა თქვენს მიწა-წყალს, მაგრამ მაშინ მხოლოდ იმპერატორის კაცთმოყვარობამ და მოწყალეობამ გინსნათ საბოლოოდ დადუშვილგან. „ნუთუ, — აცხადებდა ადმინისტრაცია, — თქვენ კიდევ უნდა და-

¹ AKAK, т. VI, в. I, с. 536.

² იქვე, გვ. 537.

³ იქვე, გვ. 539.

ღვაროთ სისხლი და ერთგულების ფიცი გატეხოთ, მაშინ გეშინოდეთ არა მარტო მეფე-მონარქის, არამედ ღმერთის გულისწყრომისაც¹.

პროკლამაციაში ნათქვამი იყო აგრეთვე, რომ თუკი იმერლები ვერ ხვდებოდნენ, რომ ეკლესიის გარდაქმნა მათი კეთილდღეობისათვის იყო განზრახული, მათ თხოვნით უნდა მიემართათ მთავრობისათვის, რაც თითქოს მყისვე დაკმაყოფილდებოდა. აქვე ადმინისტრაცია იტყობინებოდა, რომ საქართველოს უგანათლებულესი ეგზარხი უკვე თავის რეზიდენციაში დაბრუნდა და ეკლესია ძველებურად დარჩებოდა.

დაბოლოს, საქართველოს ადმინისტრაცია აჯანყებულებს მოაგონებდა საფრანგეთის ამბებსაც, სადაც რუსეთმა შეძლო კანონიერი მეფის წინააღმდეგ აჯანყებული 30 მილიონი ფრანგის დათრგუნვა და რას ელოდება პატარა და სუსტი იმერეთი უძლეველი და ძლიერი რუსეთისაგანო².

ამ პროკლამაციის ეკლესიებში წაკითხვისა და ხალხში გავრცელებისთანავე შეწყდა საეკლესიო ყმა-მამულებისა და ქონების აღწერა, მღვდელმთავარი თეოფილე კი აღმოსავლეთ საქართველოში გამოიძახეს.

საქმე იმაში იყო, რომ მეფის მთავრობა დაკავებული იყო დაღესტნისა და, საერთოდ, ჩრდილო კავკასიის ამბებით, ამიტომ იმერეთში ძალის გამოყენებას და იქ დამატებითი სამხედრო ნაწილების გაგზავნას ვერაღებოდა.

მართალია, მეფის მთავრობა დათმობაზე წავიდა, მაგრამ არეულობა კვლავ გრძელდებოდა. მეფის მოხელეები ეჭვობდნენ, რომ არეულობის მოთავეები იყვნენ გენერალ-მაიორი თავადი ზ. წერეთელი, მისი შვილი მაიორი გრიგოლ წერეთელი და პოლკოვნიკი სენნია წულუკიძე. ხმები გავრცელდა, თითქოს აჯანყების მიზანი იმერეთში მეფობის აღდგენა და მეფედ ზ. წერეთლის დაყენება იყო.

1819 წ. 14 ივლისს კურნატოვსკი საქართველოს სამოქალაქო სამმართველოს უფროსს, გენერალ-ლეიტენანტ ველიამინოვს ატყობინებდა, რომ აჯანყებულებს მიზნად ჰქონდათ დასახული მათი რაზმებისადმი თავდასხმა. ეს რაზმები, ძირითადად, რედუტკალეში, მარანში, ქუთაისში, ვაკის ოკრუგში, შორაპანში და რაჭაში იდგნენ (ამ უკანასკნელში მხოლოდ 70 კაცი იმყოფებოდა), ამიტომ თხოვდა სამხედრო ნაწილების სასწრაფოდ მიშველებას³.

აჯანყებულები აქტიურობდნენ რაჭაშიც, სადაც ერთიმეორეს შეჭფიცეს, რომ პირველი სიგნალისთანავე გამოვიდოდნენ თვითმპყრობელობის წინააღმდეგ საბრძოლველად.

რაკი აჯანყება არ ცხრებოდა, ერმოლოვის განკარგულებით, იმერეთში გაიგზავნა საარტილერიო გარნიზონი გენერალ სისოევის მეთაურობით, გადაწყდა აგრეთვე ყირიმიდან იმერეთში ეგერთა ორი პოლკის შე-

¹ AKAK, T. VI, v. I, c. 539.

² იქვე.

³ იქვე, გვ. 540.

ყვანა. თუ აჯანყებულები საომარ მოქმედებას შეუდგებოდნენ, გათვალისწინებული იყო, რომ შორაპნისა და რაჭის სამხედრო რაზმები, სიმცირის გამო, ქუთაისის გარნიზონთან გაერთიანებულნი იყვნენ.

იმერეთში შესულმა სისოევმა სასწრაფოდ დაიბარა მიტროპოლიტები გენათელი და ქუთათელი, რომელთაც მოსთხოვა, რომ ხალხი ხელახლა დაეფიცებინა რუსეთის ერთგულებაზე, მაგრამ ამაზე უარი მიიღო. საქმე რომ შეტაკებამდე არ მისულიყო, ველიამინოვის ბრძანებით, სისოევმა მოსახლეობის ხელშეორედ დაფიცებაზე ხელი აიღო, მაგრამ ზ. წერეთელს მოსთხოვა რაჭის ოკრუგში წასულიყო და აჯანყებულები დაეშალა.

1819 წ. ივლისის პირველ რიცხვებში ზ. წერეთელი მართლაც წავიდა რაჭაში და იქაური აჯანყებულების დაშოშმინებას შეუდგა, თან ქართლში დაბანაკებული გარნიზონის მეთაურს ტიტოვს საიდუმლო წერილი მისწერა, რომელშიც ითხოვდა, რაც შეიძლება იმერეთში მალე წაეყვანა სამხედრო ნაწილი, რადგან აჯანყება თითქოს სამეგრელოში და გურიაშიც მზადდებოდა¹.

რაჭის ოკრუგის უფროსი, იმერეთში მყოფ კორაპუსის უფროსს — გენერალ სისოევს ატყობინებდა, რომ რაჭაში „შავი ხალხი“ და ზოგიერთი აზნაური ჯგუფ-ჯგუფად დადიოდა და მოსახლეობაში რაღაც საიდუმლო მოლაპარაკებას აწარმოებდა. თითქოს ქვემო რაჭიდან მღელვარე ჯგუფები რიონის სათავე სოფლებში წასასვლელად ემზადებოდნენ და მთელი მოსახლეობის გადაბირებას აპირებდნენ.

შესაძლო შეტაკებისას მეტი ძალის გამოყენების მიზნით, გადაწყდა, რომ იმერეთის ოკრუგში მყოფი მცირე რაზმები ძირითად ნაწილებთან გაერთიანებულიყვნენ. რაჭის ოკრუგის უფროსს ებრძანა თავისი რაზმი ყვირილას პოსტზე წაეყვანა, მაგრამ საწულუკიძეოს გლეხებმა გზა გადაუჭრეს და დანიშნული ადგილისკენ არ გაუშვეს. სისოევს ებრძანა, რომ რაჭის რაზმის დასახმარებლად უფრო მოზრდილი სამხედრო ნაწილი წაეყვანა, რათა არც თუ კარგად შეიარაღებული აჯანყებულები დაეშინებინა და სამხედრო რაზმისთვის გზა გაეხსნა.

მეფის მოხელეთა ნაწილი ექვობდა, რომ აჯანყებულებს ახალციხის ფაშასთან ჰქონდათ კავშირი და მათთან შეერთების ეშინოდა, მაგრამ ზოგიერთი მოხელე თავს იმშვიდებდა, რადგან ასეთი მოქმედებით უწინდელი აჯანყების მონაწილეები ძალიან დაისაჯენ და ამიტომ ახლა ამას ვერაფერს გაბედავდა.

იმერეთის აჯანყებულები არც აგვისტოში იყვნენ დამშვიდებული, მაგრამ თვითმპყრობელობის სამხედრო რაზმებთან უშუალო შებმას ვერ ბედავდნენ. თავის მხრივ, აღმინისტრაცია ყველაფერს აკეთებდა, რათა ისინი სისხლისღვრის გარეშე დაემორჩილებინა. საქართველოს მთავარ-

¹ АКАК. т. VI, у. I, с. 545.

მართებული თავის სამოქალაქო მოხელეებს, ერთი მხრივ, პროკლამაციების განუწყვეტელ გავრცელებას ავალბდა, მეორე მხრივ, სამხედროებს აფრთხილებდა, რომ მათ იარაღის გამოყენებით ხალხისათვის საბაბი არ მიეცათ. ამასთან, იგი იმედოვნებდა, რომ აჯანყებულები ცუდად იყვნენ შეიარაღებული და დიდ წინააღმდეგობას ვერ გასწევდნენ¹.

როგორც ჩანს, 1819 წ. შემოდგომაზე იმერეთის ზოგიერთ თავადასა და სამეგრელო-გურუის მფლობელებს შორის მიმოწერა გაიმართა. მეფის მოხელეები შიშობდნენ, რომ დასავლეთ საქართველოს მფლობელებს საიდუმლო კავშირი არ ჰქონდათ თურქეთის სულთანთან და მეზობელ ფაშებთან. გენერალი ველიამინოვი თავს იმით იმშვიდებდა, რომ თავის წარმომადგენლებისა და ფულის მეშვეობით თავისუფლად შეიძლებდა დასავლეთ საქართველოს მმართველი წრეების საიდუმლო კავშირების დადგენას².

იმერეთის მმართველის აზრით, გურია-სამეგრელოს მფლობელების კავშირი თურქეთის მთავრობასთან და იქ გადახვეწილ ბატონიშვილ ალექსანდრე ბაგრატიონთან (სოლომონის მემკვიდრესთან) უდავო იყო. მისი აზრით, საიმედო არც ზურაბ და გრიგოლ წერეთლები იყვნენ, ხოლო ივანე აბაშიძე რუსეთის უბოროტეს და აშკარა მტრად მიაჩნდა.

კურნატოვსკის მტკიცებით, იმერეთის მთელი მოსახლეობა ანტიცარისტულ განწყობაზე იყო და, თითქოს, ყველა თურქულ იარაღს იქნდა³.

მეფის მოხელეები იმედოვნებდნენ, რომ ისინი 1820 წ. ზამთარში მაინც შეძლებდნენ მღელვარე მოსახლეობის დამორჩილებას და მოთავე პირების შეპყრობას. მიუხედავად შემოდგომის მიწურულისა, რაჭის ზოგიერთი სოფლის გლეხობა (ნაწილობრივ აზნაურებიც) წინააღმდეგობას განაგრძობდა. მათ უარი განაცხადეს კაზაკების ცხენებისათვის საკვების მიცემაზე, იმ საბაბით, რომ სათიბები თვითონ ამ ცხენებმა მოძოვესო.

კურნატოვსკი ველიამინოვს სწერდა, რომ 500-მდე შეიარაღებული რაჭველი სოფლიდან-სოფელში დადიოდა და მოსახლეობას აბუნტებდა. ის, ვინც მღელვარებას არ თანაუგრძნობდა, მათ, თითქოს, სასტიკად ექცეოდნენ. ამის მაგალითად კურნატოვსკი ასახელებდა სოფელ სომიწოს მცხოვრებ აზნაურ იაშვილს, რომელსაც მხარდაჭერის გაუწევლობისათვის, აჯანყებულებმა, თითქოს სახლ-კარი დაუნგრეს და 40 ვედრო ღვინო წაართვეს⁴.

იმერეთის მმართველი ჩიოდა, რომ, როგორც უბრალო („შავი ხალხის“), აგრეთვე აზნაურებრს გულისნადების გაგება შეუძლებელი იყო

1 АКАК, т. VI, ч. I, с. 565.

2 იქვე, გვ. 567.

3 იქვე.

4 იქვე, გვ. 569.

ეშმაკური და ქვეშქვეშა მოქმედების გამო. მისი აზრით, თავადებიც ორპირი და პირმოთნე იყვნენ, ამიტომ მათაც არაფერი დაეჯერებათო¹.

საქართველოს მთავარმართებელ ერმოლოვს, აგრეთვე სამოქალაქო მმართველობის უფროს ველიამინოვს, ეგზარხ თეოფილეს და მათ ქვემდევებს მიაჩნდათ, რომ იმერეთის მმართველი (1817 წლიდან) ვერ იჩენდა მოქნილობას, მას ადანაშაულებდნენ არა მარტო უტაქტო მოქმედებაში, არამედ არეულობის წინააღმდეგ გონებაშეხვილური ღონისძიებების მიუღებლობაში და უმალესი წოდებისადმი უყურადღებობაში, ასევე ხელმძღვანელობასთან საჭირო კონტაქტის უქონლობასა და სიფხიზლის მოღუწებაში.

ყოველივე ამან განაპირობა კურნატოვსკის იმერეთიდან წაყვანა და მის ნაცვლად იქ პოლკოვნიკ პუზირევსკის დანიშვნა.

ახალი მმართველი ენერგიულად შეუდგა აჯანყებულთა იზოლაციასა და მის მეთაურთა დაპატიმრებას. საამისოდ მან ყველაზე ხელსაყრელ დროდ მიიჩნია ზამთარი, როდესაც აჯანყებულებს სხვაგან გახიზვნა და თავშესაფარის პოვნა გაუჭირდებოდათ. გადაწყდა, რომ იმერეთიდან გაეძევიებინათ: 1. სოლომონ პირველის შვილი დარეჯანი (ივანე აბაშიძის დედა); 2. მიტროპოლიტი ქუთათელი, 3. მიტროპოლიტი გენათელი, 4. არქიმანდრიტი გრიგოლი (შორაბნიდან); 5. ივანე აბაშიძე; 6. მღვდელი იოსებ გუნცაძე; 7. ბეჟან წერეთელი; 8. პოლკოვნიკები: სეხნია და გიორგი წულუჟიძეები, მერაბ იაშვილი და სხვ.²

იმერეთის ადმინისტრაციის დასკვნით, აჯანყების მთავარი მიზეზი იყო მალაღობრივი თანამდებობის მქონე სამღვდლოება, რომელიც რუსეთის წინააღმდეგ შეგნებულად აქეზებდა ხალხს. იმისათვის, რომ სამღვდლოებას სახელი გატეხოდა და მას ხალხი არ აყოლოდა, საქართველოს მთავარმართებელმა შეადგენინა პროკლამაცია, რომელშიც დაბალი რანგის მღვდელმსახურთა და ეკლესია-მონასტერთა სიღარიბეში დანაშაულებდებოდნენ მღვდელმთავრები: გენათელი, ქუთათელი და სხვები³.

პროკლამაციაში ნათქვამი იყო თითქოს, ეკლესიის გარდაქმნა სამღვდლოებისა და ხალხის ცხოვრების გაუმჯობესებისა და ეკლესიის ხარჯზე გამდიდრებული მღვდელმთავრების შესაბოჰად იყო აუცილებელი.

პოლკოვნიკმა პუზირევსკიმ აჯანყებულთა მეთაურებად მიჩნეული პირების ადგილსამყოფელი შეისწავლა და დაადგინა, თუ ვინ როდის უნდა დაეპატიმრებინა. იმერეთის მმართველმა, 1820 წ. 15 თებერვალს, თავისი გადაწყვეტილება და გეგმა ველიამინოვს აცნობა⁴. საქართველოს ადმინისტრაცია მარტო აჯანყების ჩაქრობასა და მის მეთაურთა დაპატი-

¹ AKAK. T. VI. 4. I. c. 570.

² იქვე. გვ. 576; საქ. ცსი, ფ. 2, ან. 1, ს. 3184, ფურც. 4, 14.

³ იქვე, გვ. 577.

⁴ იქვე, გვ. 578—579.

შრება-გადასახლებას როდი ითვალისწინებდა, მან ხელი არ აიღო საეკლესიო მართვის გარდაქმნაზე. ველიამინოვმა არ დააყოვნა და განკარგულება გასცა, შედგომოდნენ ეკლესია-მონასტრების, მათი მღვდელ-მსახურების, აგრეთვე საეკლესიო-აზნაურებისა და გლეხების ქონების აღწერას, ამავე დროს უნდა შეჭამებულიყო ეკლესიათა მთელი შემოსავალი ნატურითა და ფულით.

ამასთან ერთად, ერმოლოვმა საქართველოსა და იმერეთის ეგზარხი თოფილე გააფრთხილა, როცა საეკლესიო გარდაქმნა განხორციელდებოდა, გადასახადების დაწესების დროს, ანგარიში გაეწია მოსახლეობის სიღარიბისა და უმეცრებისათვის¹.

აჯანყების მოთავეთაგან ცნობილ პირთა ნაწილი დაპატიმრებული და იმერეთიდან გადასახლებულნი იყვნენ (მათ შორის მღვდელმთავრებთან ერთად რიგითი მღვდელი მაისურაძე²). რაჭაში შექმნილი ვითარების გამო, 1820 წ. 8 მარტს პოლკოვნიკი პუზირევსკი ველიამინოვს სწერდა, რომ რაჭის ოკრუგის საიაშვილო და საწულუკიძეო სოფლებში 4 და 5 მარტს მღვლეარება იყო, რაც არავითარ შემთხვევაში მმართველობას არ გამოუწვევიაო. იმერეთის მმართველის აზრით, დაპატიმრებული მიტროპოლიტების გარდა, რაჭაში ვიღაც სხვა წამქეზებლებიც იმალებიანო.

პუზირევსკი ერმოლოვს აცნობებდა, რომ მან რაჭაში გააგზავნა წულუკიძეები, რომელთაც თავიანთი გლეხების დაწყნარება დაავალა, წინააღმდეგ შემთხვევაში ამოწყვეტით ემუქრებოდა. რაც შეეხებოდა საიაშვილოს, მას პუზირევსკი ახსნიათებდა როგორც ურჩს და მთავრობის ღონისძიების მუდმივ მოწინააღმდეგეს, ამიტომ საჭიროდ მიაჩნდა დაუმორჩილებელი სოფლის სამაგალითო დასჯა: «Я послал oznatit mestoположение сей волости. До окончания приготовления, ежели не усмирится, пойду примерно наказать сие преступное селение»³.

წულუკიძეებთან ერთად რაჭაში მაიორი გ. ერისთავი და ახალი ეპისკოპოსი სოფრომიც გაიგზავნა, როგორც ჩანს, ამჯერად საქმე შეტაკების გარეშე დამთავრდა. თუმცა გლეხები შეშფოთებული იყვნენ გ. ერისთავის ძალადობით⁴.

იმერეთის მმართველი აჯანყების მოთავეთა დაპატიმრებას განაგრძობდა. ივანე აბაშიძემ დამით თავი დააღწია სამხედრო რაზმის ალყას და 6 მარტს რაჭაში, იქიდან ლეჩხუმში, შემდეგ სამეგრელოში და ბოლოს გურიაში გაიქცა. განსაკუთრებით დიდი მითქმა-მოთქმა მოჰყვა აჯანყების ერთ-ერთი მეთაურის — მიტროპოლიტ ქუთათელის სიკვდილს. როდესაც ის რუსეთისკენ მიჰყავდათ, გორის გზაზე გარდაიცვალა. ხმები დადიოდა, რომ ის თითქოს რუსმა ჯარისკაცებმა მოკლეს.

¹ АКАК, т. VI, ч. I, с. 579.

² საქ. ცსიი, ფ. 2, ან. 1, ს. 1588, ფურტ. 31.

³ АКАК, т. VI, ч. I, с. 584.

⁴ იქვე.

დასაქერ პირთა სიაში შეტანილმა ზოგიერთმა აჯანყებულმა გაქცევა და გურიაში დამალვა მოასწრო. პუზირევსკი ტრაბახობდა, რომ მისი შიშით ყველა ცახცახებდა. იმერეთის მმართველი დიდ უკმაყოფილებას გამოთქვამდა თვით იაშვილებზეც და ველიამინოვს სთხოვდა მათი დასჯის ნებართვას. პუზირევსკის მიაჩნდა, რომ იაშვილებს მამულები უნდა ჩამორთმეოდათ. ამ თხოვნის საპასუხოდ ველიამინოვი პუზირევსკის აფრთხილებდა, რომ ჭერჯერობით იაშვილებისათვის ხელი არ ეხლო, ოღონდ მათთვის საშუალება არ მიეცა დაკავშირებოდნენ ერისთავებსა და წერეთლებს, რომელთა გარეშე იაშვილებს რაჭაში დიდი ძალა არ შეიძლება ჰქონდეთო. ამასთან, იგი პუზირევსკის არიგებდა, რომ უფრო აზნაურებს დაყრდნობოდა, რადგან თავადები ნაკლებ სანდო არიანო. ველიამინოვს მიაჩნდა, რომ გლეხთა წამქეზებლები თავად-აზნაურებიც იყვნენ, რადგან არეულობის დროს ისინი მეტ სარგებელს ნახულობდნენ.

ჩანს, რაჭის მღელვარე ხალხი სპეციალური მისიისა და დაშინების შემდეგაც არ დაწყნარდა, პირიქით, მომხდარი ამბები მას კიდევ უფრო მეტად აფორიაქებდა და აჯანყებისაკენ უბიძგებდა. ცხადია, ეს არც მეფის მთავრობის მოხელეებისათვის რჩებოდა გაუგებარი, მითუფრო, რომ მათ ბევრი მოსყიდული და დამსმენი ჰყავდათ, მათ შორის თავად-აზნაურთა წრიდან.

ერთ-ერთი საიდუმლო პატაკით, 1820 წ. 22 აპრილს, როსტომ ერისთავი ველიამინოვს ატყობინებდა, რომ რაჭაში მღელვარება გრძელდებოდა და აუცილებელი იყო მათ წინააღმდეგ 4—5-ათასიან კაზაკთა სამხედრო ნაწილის გაგზავნა, სხვანაირად რაჭას იმერეთისაგან ვერ ჩამოვიცილებთო¹.

მეფის მოხელეებისათვის ცნობილი გახდა, რომ იმერეთის აჯანყების ზოგიერთი მეთაური გურიაში აფარებდა თავს. ერთ-ერთი სამხედრო ექსპედიციის დროს, როცა სამხედრო რაზმმა გურიელის სახლში თავშეფარებულ ჩხეიძეს, ძმებს აბაშიძეებს, მღვდელ გუნცაძეს და სხვებს ალყა შემოარტყა. მკვებარა და ქედმძლავლი პუზირევსკი მოკლულ იქნა.

ეს გარემოება თითქოს სიგნალი გახდა აჯანყებულთათვის. ახლა იგი ახალი ძალით გაჩაღდა არა მარტო იმერეთ-რაჭაში, არამედ გურია-სამეგრელოშიც. აჯანყებულთა მცირე რაზმები მოულოდნელად ესხმოდნენ თავს სამხედრო რაზმებს და ხოცავდნენ. აჯანყებულებს კავშირი ჰქონდათ ახალციხის ფაშასთან და იქ განიზნულ ქართველებთან. ამოქმედდა ბატონიშვილი ალექსანდრეც, რომელიც თურქეთის ძალით ცდილობდა იმერეთში გამეფებას.

უკმაყოფილებამ იფეთქა სამეგრელოშიც, სადაც ლევან დადიანის მოწინააღმდეგე გიორგი დადიანის მომხრეებმა სროლა აუტეხეს რედუტ-

¹ АКАК. т. VI. ч. I, с. 590.

კალეში (ყულევში) მიმავალ რუსთა რაზმს. არ ცხრებოდნენ გურიის აჯანყებულებიც.

პუზირევსკის სიკვდილით თავზარდაცემული საქართველოს ადმინისტრაცია შველას ცენტრიდან თხოულობდა. ერმოლოვი 1820 წ. 28 მაისს მთავარი შტაბის უფროსს — თავად ვოლკონსკის სთხოვდა იმპერატორისათვის მოეხსენებინა, რომ თუ თურქეთის ჩაურევლობა მოხერხდებოდა, მაშინ იმერეთის საქმეებს უფრო ადვილად მოეველებოდა. აქვე ატყობინებდა, რომ იმერეთის ამბები, თითქოს, მხოლოდ საეკლესიო გარდაქმნის წინააღმდეგ გამოსული მღვდელმთავრის მოქმედებას გამოეწვიოს.

აჯანყების საშიში ხასიათის გამო, საქართველოს მთავარმართებელმა (კავკასიის ხაზის ჯარების მთავარსარდალმა) ერმოლოვმა თანდათანობით უფრო მკაცრი ღონისძიებების გატარება დაიწყო. მან ბრძანა, რომ, ვინც ამბოხებაში გაეროდა და იარაღს აღმართავდა, ის სიკვდილით დასჯილიყო, ამასთან აჯანყებული სოფლები საფუძვლიანად დაენგრიათ, ხოლო მისი მოსახლეობა ამოეწყვიტათ. ის, ვინც აჯანყებულებს შეიფარებდა, აგრეთვე სასტიკად დასჯილიყო!

ერმოლოვის განკარგულებით, რაჭის ოკრუგის ამბოხებულ მოსახლეობას განსაკუთრებული მეთვალყურეობა უნდა დაწესებოდა — იქაური საზიზღარი მოღალატეები სასტიკად დასჯილიყვნენ. ერმოლოვი გელიამინოვს ავალებდა, რომ მოუხედავად ძნელი მიმოსვლისა, რაჭაში ჯარი გაეგზავნა, ცეცხლითა და მახვილით დაეთრგუნა, საჭიროების შემთხვევაში ოკრუგი გაეუკაცრელებინა².

ერმოლოვი თავად ვოლკონსკისადმი 1820 წ. 8 ივნისს მიწერილ წერილში, რაჭას ახასიათებდა, როგორც იმერეთში ყველაზე საზიზღარს, თითქოს ეს ოკრუგი უმიზეზოდ აჯანყდა თავად-აზნაურთა წაქეზებით. იგი ატყობინებდა, რომ აჯანყების მეთაური ბატონიშვილი დავითი (ვახტანგად წოდებული) მოკლულ იქნა. მიუხედავად მიუღდომელი მდებარეობისა, წერდა ერმოლოვი, რაჭაში ბევრი სოფელი დანებდა, მოწინააღმდეგეთა ნაწილი აწიოკებულია, ხოლო ოკრუგის ზემო ნაწილის მოსახლეობა მიუვალ მთებს აფარებს თავს, მაგრამ ჯარის გამოჩენამ და მკაცრი დასჯის მაგალითებმა მათ შიში ჩაუნერგაო. ერმოლოვი იმედოვნებდა, რომ არეულობა მალე დამთავრდებოდა და ყველა მოღალატეს ხელში ჩაიგდებდა³.

ერმოლოვი ვოლკონსკის აცნობებდა, რომ ზოგიერთი ქართველი მოღალატე ახალციხეში იმყოფებოდა, ხოლო გიორგი დადიანი (ლევან და-

¹ АКАК. т. VI, ч. I, с. 594.

² იქვე.

³ იქვე, გვ. 595.

დიანის ძმა), თავისი ამალით, აფხაზეთის მთებში იმალებოდა, ამიტომ მის დედას (ნინოს) დარაჯები დაუწესეს¹.

პუზირევსკის მოკვლის შემდეგ იმერეთის მმართველად დაინიშნა პოლკოვნიკი გორჩაკოვი, რომელმაც აჯანყებულთა წინააღმდეგ სასტიკი მოპყრობით გენერლის ჩინი და მთავრობის ნდობა დაიმსახურა. იგი იკვეხნიდა, რომ იმერეთში წესრიგს დაამყარებდა, სახაზინო საქმეებს და აღმასრულებელ ხელისუფლებას გააერთიანებდა და მთავრობას დიდ სარგებელს მოუტანდა².

ვითარების ერთგვარი სტაბილიზაციის შემდეგ, გორჩაკოვი აჯანყების მონაწილეების დასჯას შეუდგა. როგორც იმერეთ-რაჭაში, ასევე გურია-სამეგრელოში, ხელისუფლების მოწინააღმდეგე თავადაზნაურთა მამულები ხაზინას უნდა გადასცემოდა, რათა ასეთი სასჯელი ყველასათვის მაგალითი ყოფილიყო.

იმერეთის სახაზინო სოფლების მართვა-გამგეობა ოკრუგების უფროსებს უნდა დაქვემდებარებოდა, მაგრამ, ენის უცოდინარობის გამო, ამ სოფლების დროებით მმართველებად მოურავები უნდა არჩეულიყვნენ, ოღონდ ისეთი თავად-აზნაურები, რომელთაც ბევრი ნათესავი ჰყავდათ და უწინდელი მფლობელებისადმი მტრულად იყვნენ განწყობილი. ამგვარი გზით, თვითმპყრობელობის მოწინააღმდეგეს საშუალება უნდა მოსპობოდა თავისი სამფლობელოდან რაიმე ესარგებლა. მოლაღატე თავადაზნაურობისათვის თავშესაფარის მიმცემი კი სიკვდილით უნდა დასჯილიყო³.

მკაცრი სამხედრო ზომების მიღების შედეგად, 1820 წ. ზაფხულში მოდგომაზე, მოხერხდა იმერეთის აჯანყების საბოლოო ჩაქრობა. აჯანყების მეთაურთა ნაწილი შეპყრობილი და საქართველოდან გადასახლებულ იქნა. აჯანყების რიგითი მონაწილეები სხვადასხვანაირად დაისაჯნენ.

მეზობელ მაჰმადიანთა შემოსევებმა, არაერთმა ამბოხებმა-აჯანყებამ, შიმშილმა და ადგილობრივ მოხელეთა ძალადობამ კატასტროფის პირამდე მიიყვანა იმერეთის ყოფილი სამეფო, განადგურდა მეურნეობა და ქვეყანა სანახევროდ უკაცრიელი გახდა.

ბუნებრივია, ამის გამო მმართველობაც მოუწესრიგებელი დარჩა. მეფის მოხელეთა აზრით, მძიმე ვითარებისა და განსხვავებული ადათ-წესების გამო. იმერეთში კვლავ შეუძლებელი იყო რუსეთის შიდა გუბერნიების მსგავსი მმართველობის დამყარება.

იმერეთის დროებით მმართველობაში გენერალმა გორჩაკოვმა გარკვეული ცვლილებები შეიტანა. იგი შეუდგა სახაზინო საქმეების მოწესრიგებას: მისი მოთხოვნით, იმ გლეხობას, რომელიც ადრინდნვე ეკუთვნოდა ხაზინას, თითო სულზე ერთი მანეთი (ვერცხლით) გადასახადი

¹ АКАК. т. VI. ч. I, с. 595.

² იქვე, გვ. 597.

³ იქვე, გვ. 599.

უნდა დაკისრებოდა, ხოლო აჯანყების მონაწილე (მოლაღატე) თავადაზნაურებისადმი ჩამორთმეულ გლეხობას სულზე — მანეთნახეყარი¹. ამასთან, თარხანობა უნდა გაუქმებულიყო (ასეთი სულ 365 სიგელი აღმოჩნდა) და ამ კატეგორიის გლეხობას ჩვეულებრივი სულადობრივი გადასახადი დაკისრებოდა, კერძოდ, მოლაღატე თავადაზნაურებისათვის წართმეულ გლეხებს სულზე — 50 კაპიკი, ხოლო სხვებს ცოტა მეტი².

ახალი წესები საქართველოს მთავარმართველმა ფინანსთა მინისტრს წარუდგინა, ხოლო ამ უკანასკნელმა მინისტრთა კომიტეტს, რომელმაც იმერეთში სულადობრივი გადასახადის შემოღება და თარხანობის გაუქმება 1824 წ. ძალაში შესულად გამოაცხადა³. ის სასულიერო ოჯახის შთამომავალი, რომელიც 1804 წ. შემდეგ დაიბადა, გადასახადისაგან თავისუფლდებოდა, ხოლო ყველა დანარჩენ სამღვდლო პირს, აგრეთვე ყოფილ ვაჭარს (რომელიც უკვე არ ვაჭრობდა) გლეხის მსგავსი სულადობრივი გადასახადი უნდა გადაეხადა.

1821 წ. იმერეთში (თავისთავად რაჭაშიც) შემოღებულ იქნა საეკლესიო ბაჟი 5%-ის ოდენობით. ამავე წლიდან დაწესდა, რომ გლეხს, რომელიც საჩივარს აღძრავდა, 50-კაპიკიანი სპეციალური სახელმწიფო ბლანკი უნდა ეყიდა.

იმერეთის მმართველი შეუდგა აგრეთვე ეკლესიის ახლებურად გარდაქმნას. ჩატარდა ეკლესია-მონასტრების ქონების, მათი მღვდელ-მსახურებისა და გლეხების უძრავ-მოდრავი ქონების აღრიცხვა.

საქართველოს ეგზარხმა 1821 წ. მთავრობასა და წმ. სინოდს წარუდგინა პროექტი, რომლის საფუძველზე: ა) იმერეთის სამღვდლოება (ვითარცა ყმა) თავისუფლდებოდა თავად-აზნაურთა, აგრეთვე მწყემსმთავართა დამოკიდებულებისაგან უმიწოდ; ბ) საეკლესიო გლეხები და მიწები, რომლებიც რუსეთთან შეერთების შემდეგ, რაიმე მიზეზით მოხვდა კერძომფლობელთა ხელში, რუსეთის სინოდის 1811 წ. გადაწყვეტილების შესაბამისად, ეკლესიასვე უნდა დაბრუნებოდა; გ) იმერეთში (აღმოსავლეთ საქართველოს მსგავსად) საეკლესიო აზნაურები ხაზინის უწყებას უნდა გადასცემოდნენ და საეკლესიო მიწიდან თავისუფალ სახაზინო მიწაზე გადაესახლებინათ⁴.

რამდენიმე წელიწადში ეს პროექტიც დამტკიცებულ-გატარებულ იქნა.

საეკლესიო სფეროში გარკვეული ცვლილებები მოხდა ლეჩხუმშიც (მიუხედავად იმისა, რომ ის სამეგრელოს სამთავროში შედიოდა). 1823 წლიდან (ცაგარელის გარდაცვალების შემდეგ) გაუქმდა მიტროპოლიტის თანამდებობა. ამიერიდან მთელი სამეგრელოს ეკლესია საქართველოს ეგზარხს დაექვემდებარა.

¹ АКАК, т. VI, к. I, с. 608--609; ЦГИА СССР, ф. 560, оп. 6, д. 487, л. 1--4.

² იქვე, გვ. 609.

³ იქვე, გვ. 610.

⁴ იქვე, გვ. 601.

ეკლესიის გარდაქმნასთან ერთად, გაუქმებულ იქნა სასულიერო მოურავების ადგილებიც.

ბუნებრივია, რომ ყველა ეს ღონისძიება მთავრობის სასარგებლო იყო, 1822 წ. იმერეთ-რაჭაში მისმა შემოსავალმა 25 760 მანეთს (ვერცხლით) მიაღწია, აქედან მმართველობის ხელფასი, პენსიები და ექსტრა-ორდინარული ხარჯები 17 200 მანეთს შეადგენდა¹.

მთავრობის შემოსავალი იმერეთში გასავალ ხარჯებს ჭარბობდა, მიუხედავად იმისა, რომ დაწესებული გადასახადები ჭერ სრულად ვერ იკრიბებოდა. იმერეთის მმართველის ცნობით რაჭის სოფლების ღების, გლოლასა და ჭიორას მოსახლეობა, სიღარიბის საბაბით, უარს აცხადებდა მათზე დაკისრებულ გადასახადებზე. ერმოლოვის დასტურით, ამ სოფლების მოსახლეობისაგან გადასახადების აღება დროებით შეჩერდა, მაგრამ საქართველოს მთავარმართებელმა მოგვიანებით ფინანსთა მინისტრს მისწერა, რომ ღების, ჭიორასა და გლოლას ღარიბ მოსახლეობას (ისინი რატომღაც ოსებად არიან მონათლული) სულადობრივი გადასახადი საკომლო გადასახადით შეცვლოდა (სულზე მანეთის ნაცვლად მთელ კომლს დაკისრებოდა ერთი მანეთი), „წინააღმდეგ შემთხვევაში, — წერდა ის, — მოსალოდნელია მათი ამბოხება და მტრულად განწყობილ სხვა მთიელებისადმი მიმხრობა“². საბოლოო ჯამში, რაჭის მთიან სოფლებში მართლაც საკომლო გადასახადები დაწესდა³, რაც მნიშვნელოვანი შედეგით იყო.

თვითმპყრობელობა შეუდგა იმერეთისა და რაჭის მიწების ინტენსიურ ათვისებასაც. მაგალითად, იმპერატორის 1821 წ. ბრძანებით, 1822 წ. თბილისში საფრანგეთის კონსულ გამბას იმერეთში გამოეყო 16 ათასი დესეტინა სახნავ-სავენახე მიწა, ტყე და სათიბი, აქედან რაჭის ოკრუგში (საიაშვილოში) — 2850 დესეტინა⁴.

მალე რაჭაში დაიწყო სახაზინო საკუთრებად გამოცხადებული მიწებისა და სამღებროების იჯარით გაცემა და მათი ექსპლუატაცია.

ქანცგაპოლუებული მოსახლეობა ბოლოს და ბოლოს იძულებული გახდა ბედს შეგუებოდა და შედარებით მორჩილი ყოფილიყო.

მართალია, თვითმპყრობელობამ გარკვეული მსხვერპლი გაიღო იმერეთ-რაჭის აჯანყებათა ჩაქრობაში, მაგრამ, სამაგიეროდ, მან ყოველივე თავის მიზნების მისაღწევად გამოიყენა. მაგალითად, 1820 წ. აჯანყებაში მონაწილეობის გამო, მთავრობის მიერ გ. წულუკიძისათვის წართმეულ ყმათა რაოდენობა რაჭაში შეადგენდა⁵ (ცხრილი 1):

რაჭის გარდა გ. წულუკიძეს ყმა-მამული წაართვეს ქუთაისის ოკრუგში, რაც ორივეგან ერთად შეადგენდა: 37 კომლ აზნაურს (რომლებიც 89 გლეხის კომლს ფლობდნენ) და აგრეთვე 98 კომლ პირად გლეხს.

¹ АКАК, т. VI, у. I, с. 605.

² АКАК, т. VI, у. I, с. 614; ЦГИА СССР, ф. 560, оп. 6, д. 487, л. 2—4.

³ იქვე.

⁴ АКАК, т. VI, у. I, с. 606.

⁵ სესია, ფ. 2, ან. 1, ს. 3184, ფურც. 10—12.

რაქის ოკრუგის სოფლებში	1821 წ. კამერალუ- რი აღწერით — აბ- ნაური			1824 წ. აღწერით ექვემდებარებოდა					
	კომლი	ს ე ლ ი		აბნაურის გლეხი			საკუთარი გლეხი		
		მამრ.	მდედრ.	კომლი	მამრ.	მდედრ.	კომლი	ს ე ლ ი	მდედრ.
აბლსოფელში	—	—	—	3	12	8	1	7	6
იციში	2	5	4	—	2	—	2	7	8
საეციში	1	2	9	6	21	23	10	43	40
ზნაკვაში	1	6	4	15	62	41	26	109	94
მოტეიერში	—	—	—	1	2	2	9	41	33
ჯეარისაში	6	30	40	5	24	36	2	13	11
ბუგეულში	2	8	12	6	31	22	6	19	15
ღვარდიაში	—	—	—	4	21	1	—	—	—
ქეაცხუთში	—	—	—	1	5	3	—	—	—
აბანოეთში	1	1	2	1	4	1	4	25	18
ქედისუბანში	—	—	—	1	6	2	4	13	12
მიქარწმიდაში	—	—	—	1	2	—	—	—	—
ბარეულში	—	—	—	2	10	7	—	—	—
გორისუბანში	5	14	20	3	14	11	—	—	—
პატარა ონში	—	—	—	3	12	9	—	—	—
ტბეთში	—	—	—	2	6	7	—	—	—
დიდი შაერაში	—	—	—	2	9	7	—	—	—
ხონჭიორში	—	—	—	5	24	21	12	69	57
ნიკორწმიდაში	—	—	—	—	—	—	2	12	9
აგარაში	2	6	8	—	4	2	1	3	6
შელიაღელეში	4	15	10	3	8	11	4	13	15
კაჩიეთში	—	—	—	1	4	5	4	20	22
ხოტეეში	6	18	23	7	26	32	—	—	—
ქვემო თლულში	—	—	—	3	14	6	—	—	—
წედისში	—	—	—	6	23	18	—	—	—
უყეშში	—	—	—	2	4	12	1	2	5
	30	105	132	83	350	287	98	396	351

აღნიშნულთან ერთად, რაჭის ოკრუგში ხაზინამ დაისაკუთრა სოფლების: უწერის, გლოლასა და ღების გლეხთა 162 კომლი; საიაშვილო სოფლების: ბოსტანას, სადმელის, ღვარდიის, ძირაგეულის, ჩორჯოსა და კრიხის 119 კომლი (აქედან 102 გლეხის და 17 ახნაურის); გიორგი და ხოსია წულუკიძეებისათვის წართმეული 193 გლეხის კომლი. ხაზინამ დაისაკუთრა, აგრეთვე ჭიორის, სხვაეასა და შხივანას გლეხთა 95 კომლი¹.

იმერეთ-რაჭაში სახაზინო გლეხებისაგან მიღებული შემოსავალი შეადგენდა 9 225 მანეთს (ვერცხლით), აქედან მეათედი მოურაგებს მიჰქონდათ, ხოლო დანარჩენი მთავრობას რჩებოდა. ამის გარდა, სახაზინო გლეხობა იხდიდა 162 ბათმან ხორბალს და 188 ბათმან ღომს².

მეფის თვითმპყრობელობას შემოსავალი შესდიოდა სახაზინო სოფლების სხვაგვს, საკეცისა და მოტყიერის სამღვდლოებიდანაც, რომლებიც ჭერ (1827 წლიდან) ქუთაისის მცხოვრებ ა. ჩარეჭოვს ჰქონდა საიჯაროდ აღებული (წელიწადში იხდიდა 45 მანეთს ვერცხლით), ხოლო შემდეგ იგივე ქალაქის მცხოვრებ ა. კლანტაროვს, რომელიც დაახლოებით ამდენსავე იხდიდა³. შემდეგ (40-იან წლებში) ეს სამღვდლოები კვიზიხიძემ, ბუაძემ და პეტრიაშვილმა აიღეს საიჯაროდ.

ხაზინას საკმაო შემოსავალი შესდიოდა აგრეთვე რაჭის ვენახების, სახნავი მიწების, სათიბებისა და ტყეების საიჯაროდ გაცემის შედეგად. 1830-იან წლებში (8 წლის ვადით) ბოსტანასა და სადმელის სათიბები იჯარით ჰქონდა თავად ნ. იაშვილს, რომელიც ყოველწლიურად 10 მანეთს (ვერცხლით) იხდიდა. 30—40-იან წლებში ახალშენის, ვანისჭალის, ვახტანგოურის, ნაციხურის, საიაშვილოს, საკმეველის, სადმელის, ხიმშისა და ხიდისკარის ბაღ-ვენახები საიჯაროდ ჰქონდა „პრაპორშიკ“ თავად ს. წულუკიძეს, რომელიც ყოველწლიურად 168 მანეთს იხდიდა ვერცხლით⁴. ს. წულუკიძემ შემდეგ საიჯაროდ აიღო, აგრეთვე ბარეულის, გაღმაბლუანის, გამოღმაბლუანის, ნასკვახევის, საკეციჭალის, სანდაუმის, სველედელის სახნავი მიწები, რომელშიც ყოველწლიურად ვერცხლით 300 მანეთს იხდიდა⁵. ს. წულუკიძემევე აიღო სადმელისჭალისა და ბოსტანას სათიბები, რომლებშიც ყოველწლიურად 14 მანეთს იხდიდა⁶.

რაჭის სახაზინო სოფლების დანარჩენ (რაც საიჯაროდ არ იყო გაცემული) ქონებას მოურაგები მეთვალყურეობდნენ, მაგრამ 1839 წ. ეს თანამდებობა თანდათან გაუქმდა (სადაც მოურავი გარდაიცვლებოდა, იქ ახალი არ ინიშნებოდა), სამაგიეროდ, დაწესდა ნაცვალის თანამდებობა, რომელიც სოფლის საზოგადოებას უნდა აერჩია⁷.

1 საქ. ცსია, ფ. 2, ან. 1, ს. 1596, ფურც. 8—9.

2 იქვე.

3 იქვე, ს. 3168, ფურც. 11—12.

4 საქ. ცსია, ფ. 2, ან. 1, ს. 6018, ფურც. 8—9.

5 იქვე, ფურც. 4—5.

6 იქვე, ფურც. 6.

7 იქვე, ს. 5660, ფურც. 1—4.

უნდა აღინიშნოს, რომ რაჭის ოკრუგში დანიშნული მოხელეები თავდაპირველად თავშეკავებულად მოქმედებდნენ და გარკვეულ ზომიერებას იცავდნენ, მაგრამ, როცა ხალხი უფრო დამყოლი და მორჩილი გახდა, მათ ყოველივე დაივიწყეს, ძალადობასა და მექრთამეობას მიჰყვეს ხელი. ამის ერთი მაგალითია რაჭის ოკრუგის უფროსი კაპიტანი ხერხეულიძე, რომელმაც 1840-იან წლებში სხვაეაში, ზემოკრიხში, ბრავალძალში, ხირხონისში, სევაში, ხრეთში, ჳიბრევეში, წედისში, ჩორჯოში, ჟაშკეში, ძეგლევეში, ღვიარაში და სხვა სოფლებში ნატურით გადასახადების (შეშისა და თივის) ნაცვლად ფული აიღო უკანონოდ და 124 მანეთზე (ვერცხლით) მეტი მიითვისა. ამასთანავე ოკრუგის უფროსები და მათი მდივანბეგი სხვა მრავალ უკანონობას ეწეოდნენ, ამიტომ რაჭის გლეხობას პროტესტის ნიშნად მრავალი საჩივარი შეჰქონდა იმერეთის მმართველობაში. ხალხის დაქინებებითი მოთხოვნით მთავრობა იძულებული გახდა ხერხეულიძე და მისი თანამშრომლები სამუშაოდან გაენთავისუფლებინა¹.

მრავალ უკანონობასა და დანაშაულს ჩადიდნენ იმერეთის მმართველობის თანამშრომლები. „სტატს სოვეტნიკი“ პერეკრესტოვი, მდივანი რადჩენკო, ხელოსანი ბაქრაძე, რაჭის ოკრუგის უფროსი კაპიტანი სოკოლოვი, მისი თანაშემწე ი. ბაქრაძე და სხვ.² მეფის მთავრობა იძულებული გახდა ამ თანამშრომელთა ნაწილი მექრთამეობისა და ძალადობის გამო სამსახურიდან დაეთხოვა, მაგრამ პასუხისგებაში მაინც არ გადასცა, რასაც მმართველობა იმით ამართლებდა, რომ თითქოს ეს მოხელეები ქრთამს კანონების უცოდინარობის გამო იღებდნენ.

ურთიერთჩაგვრა ლეჩხუმშიც გრძელდებოდა, დადიანებსა და გელოვანებს შორის სამკვედრო-სასიცოცხლო ბრძოლა მიმდინარეობდა. სხვათა შორის, გელოვანებს, დადიანებთან ერთად, ჩიქოვანებიც დაუპირისპირდნენ. საქმე იმაშია, რომ 1816 წ. ი. დადიანმა ბერ გელოვანს წყალობად მისცა ჩიქოვანისადმი ჩამორთმეული სოფელი სურამში, რომლის დაბრუნება ახლა ყოფილმა პატრონმა მოიწადინა. საქმე იმდენად გართულდა, რომ სურამში ხელიდან ხელში გადადიოდა. მართალია, გელოვანს მხარს უჭერდა იმერეთის მმართველი გორჩაკოვი, მაგრამ მეფის მოხელეები, საბოლოოდ მაინც დადიანების ნება-სურვილს იცავდნენ და ამდენად, გელოვანი დამარცხებულ იქნა³.

1 საქ. ცსია, ფ. 2, ან. 1, ს. 5962, ფურტ. 13.

2 იქვე, ს. 3354. ფურტ. 100—102.

3 იქვე, ს. 1196, ფურტ. 4.

3. რაზის მემარნობა ღა გლეხთა ეკონომიკური მდგომარეობა

როგორც აღვნიშნეთ, რუსეთთან შეერთების შემდეგ, დასავლეთ საქართველოს უდიდესი უბედურება დაატყდა თავს, განსაკუთრებით XIX საუკუნის პირველ ოცწლეულში, როდესაც შიმშილისა და შავი ჭირის შედეგად, იმერეთის მოსახლეობის მესამედზე მეტი გაწყდა, ხოლო ადგილზე მხოლოდ მოსახლეობის ნახევარი დარჩა. ნაწილობრივ ასეთი სურათი იყო რაქაში და ლეჩხუმშიც, სადაც აგრეთვე სენის გამო დიდ მსხვერპლს ჰქონდა ადგილი.

ბუნებრივია, ასეთი ვითარების გამო XIX ს. პირველ მეოთხედში რაქაშიც მრავალი სოფელი დაიქცა, მეურნეობა კატასტროფულად დაეცა (ბალ-ვენახები და ყანები გავერანდა).

მიუხედავად იმისა, რომ XIX ს. 30-იანი წლებიდან დასავლეთ საქართველოში შედარებით მშვიდობა ჩამოვარდა, მოსახლეობის მდგომარეობა მაინც მძიმე რჩებოდა, მით უფრო 39—40-იან წლებში, როდესაც ქუთაისის, შორაპნის და რაჭის ოკრუგებში მოუსავლიანობის შედეგად შიმშილმა იფეთქა. ხალხის უკიდურესი სიდუხჭირის გამო იმერეთის არქიეპისკოპოსმა მმართველობას სთხოვა ნება დართოდა საეკლესიო შემოსავლიდან 700—900 მანეთამდე თავის საუწყებო გლეხების დასახმარებლად გაეღო, რაც შესრულებულ იქნა¹.

მმართველობა იძულებული იყო საბატონო გლეხებისათვის ზრუნვა, თავიანთი მებატონეებისათვის დაევალებინა, ხოლო სახაზინო გლეხებისათვის მმართველობამ 2 746 მანეთი (ვერცხლით), აგრეთვე 3 038 ბათმანი ხორბალი და სიმინდი გამოყო².

უნდა ითქვას, რომ გლეხობაში ყველაზე მძიმე მდგომარეობაში იყვნენ საერო მებატონეთა გლეხები, რომელთაც მცირე მიწა გააჩნდათ და სარჩო-საბადებელი ნახევარ წელსაც ძლივს ჰყოფნიდათ. უკიდურესი გაჭირვებების გამო, რაჭის თვითმოქმედი მოსახლეობის მნიშვნელოვანი ნაწილი გარე სამუშაოზე მიეშურებოდა საქართველოს სხვა კუთხეებში და მის ფარგლებს გარეთაც.

XIX ს. 50-იან წლებში რაჭის მოსახლეობა დაახლოებით 40 875 სულს უდრიდა, აქედან 23 295 მამრობით სულს შეადგენდა³.

1851 წ. რაჭის მაზრაში ხორბლეულის მოსავალი უდრიდა „ჩეთვერ-თებში“ (ცხრილი 2)⁴:

1861 წლისათვის რაჭის მაზრის მეურნეობამ გარკვეული ცვლილებები განიცადა, მაგრამ ასათვისებელი მიწის სიმცირის გამო, ნათესი ფართობი ნაკლებად იზრდებოდა. მოსახლეობის რიცხვიც მეტისმეტად ნელა

1 საქ. ცსო. თ. 2. ან. 1. ს. 6586. ფურც. 1—3.

2 იქვე, ფურც. 5, 71.

3 იქვე, თ. 4. ან. 8. ს. 263, ფურც. 144; ს. 274, ფურც. 184.

4 იქვე, ფურც. 182.

მატულობდა. მეურნეობის მცირე მასშტაბი რაჭაში განაპირობებდა თვით-მოქმედი მოსახლეობის საშოვარზე წასვლის ფართო მასშტაბს.

1851 წ. რაჭის მაზრაში ხორბლეულის მოსავალი უდრიდა „ჩეთვერ-თებში“:

ცხრილი 21

რაჭის მაზრაში	დათესილი		აღებული	
	საშემოდგომო	საგაზაფხულო	საშემოდგომო	საგაზაფხულო
მემამულეებისა და მათი გლეხების	7145	3036	42870	45540
სახაზინო გლეხების	1768	590	10608	8850
საეკლესიო გლეხების	1959	1166	11754	17490

1852 წელს რაჭის მაზრაში პირუტყვის ოდენობა დახლოებით უდრიდა:

ცხრილი 32

ცხენი	მსხვილფეხა რქოსანი	ცხვრები		თბა	ლორი	ქორი	ვირი
		უბრალო მატყლიანი	ნაზმატყლიანი				
1229	18267	13608	202	4143	8921	53	42

1861 წ. რაჭის მაზრაში ხორბლისა და სხვ. მოსავალი უდრიდა „ჩეთვერთებში“:

ცხრილი 43

	დათესილი		აღებული		მოსავალი	
	საშემოდგომო	საგაზაფხულო	საშემოდგომო	საგაზაფხულო	საშემოდგომო	საგაზაფხულო
მემამულეებისა და მათი გლეხების	12600	11759	138690	18800	126000	176250
სახაზინო გლეხების	7800	2500	8580	40000	78000	37500
საეკლესიო გლეხების	5400	1900	59400	30400	54000	28500

რაჭაში საშუალოდ ექვსსულიანი გლეხის ოჯახზე მოდიოდა: 1,2 რქოსანი პირუტყვი და 4 წვრილფეხა, ცხენი და გამწვევი ძალა ყველა ოჯახს როდი ჰყავდა, 1862 წელს რაჭის მთელ მაზრაში დაახლოებით 1903 ცხე-

1 საქ. ცსია, ფ. 4, ან. 8, ს. 263. ფურც. 144; ს. 274, ფურც. 184

2 იქვე, ფურც. 182.

3 Документы по истории Грузии (1862—1917), т. I. ч. I, под ред. проф. Ш. К. Чхетия, Тб., 1954, с. 7.

ნი, ჯორი და ვირი, 23 050 მსხვილფეხა რქოსანი პირუტყვი, 19 500 ცხვარი, 18 500 თხა და 18 740 ღორი იყო¹.

რაჭაში პურის, ქერის, ფეტვის, კვავისა და სხვა ხორბლეულის გარდა თესდნენ ღომსა და სიმინდსაც, მითუფრო ბარ ადგილებში. ხოლო კარტოფილს, უფრო მთიან ადგილებში თესდნენ და მცირე მიწაზე შედარებით კარგ მოსავალს იღებდნენ. რაჭაში მისდევდნენ მებაღეობა-მეზღობოსტენობასაც, დაბლობ ადგილებში მევენახეობას ავითარებდნენ, ზოგან აბრეშუმის ჰეიაც გამოჰყავდათ.

საბანაო მიწის სიმცირე თითქმის მთელ რაჭაში შეიმჩნეოდა, მაგრამ საბალახო და სათიბი ადგილები შედარებით მეტი იყო, თუმცა დიდი ფართობით ვერც ეს გამოირჩეოდა.

რაჭაში, მიწისმოქმედებასა და მესაქონლეობასთან ერთად, მისდევდნენ საოჯახო მრეწველობასაც, აქ ამზადებდნენ სახლის სხვადასხვა მოწყობილობას. ხისა და თიხის კურკლეულს, ქსოვდნენ სხვადასხვა შალეულს, ამზადებდნენ ქეჩასა და ნაბღებს, აგრეთვე რკინის სხვადასხვა იარაღს და სხვ. მაგრამ ამ კარჩაკეტილ-ნატურალურ მეურნეობას ფართო მასშტაბი არ შეიძლება ჰქონოდა, ამიტომ ის მოსახლეობის მოთხოვნილებას ვერ აკმაყოფილებდა. რაც დრო გადიოდა და თვითმპყრობელობის პოზიციები მტკიცდებოდა, რაჭის მოსახლეობის ვალდებულებაც თანდათან იზრდებოდა. თუ 1822 წ. რაჭის ოკრუტეში სახაზინო გლეხებიდან მიღებული ხორბლის გადასახადი 1987 ბათმანს, ანუ 397 მანეთსა და 48 კაპიკა უდრიდა ვერცხლით (საბატონო გლეხები გადასახადებს თავიანთ მეპატრონეებს უხდიდნენ), 1851 წელს კი მთელი რაჭის მოსახლეობის სახელმწიფო გადასახადებმა 3 393 მანეთს მიაღწია².

XIX ს. 30—40-იანი წლებიდან რაჭაში ერთგვარ გამოცოცხლებას იწყებენ ვაჭრობა, რომელიც ძირითადად ბაზრობებზე წარმოებდა. ერთი ასეთი ბაზრობა ონში რამდენიმე კვირაში ერთხელ (პარასკევებით) იმართებოდა. ონის ბაზრობაში რაჭველებთან ერთად მონაწილეობდნენ: ლეჩხუმელები, მეგრელები, იმერლები, სვანები და მეზობელი ოსები. ვაჭრების უმრავლესობას სომხები და ებრაელები შეადგენდნენ. ამ ბაზრობაზე იყიდებოდა: პირუტყვი, ხორბლეული, სასმელები, შალეულ-ბამბეხეული, აბრეშუმი, კურკლეული, სხვადასხვა სახის სამუშაო და საბრძოლო იარაღი, ქეჩა-ნაბადი, შაქარი, ჩაი, ხილეული, თამბაქო, ცვილი, თაფლი და სხვ.

საარქივო მონაცემებით, 1851 წელს ონის თითოეულ ბაზრობაზე თავს იყრიდა დაახლოებით 14 ათასი მანეთის საქონელი, აქედან 12,5 ათასი მანეთის იყიდებოდა³.

¹ Документы по ист. Грузии... с. 8.

² საქ. ცსიპ, ფ. 4, ან. 8, ს. 274, ფურც. 138.

³ იქვე, ფურც. 140.

რაჭის მოსახლეობა (ონის გარდა) მონაწილეობდა აჯრეთვე მურის, ლილაშის, სენაკისა და მეზობელი მხარეების ბაზრობებში.

რაჭის მოსახლეობა მოკლებული იყო სამედიცინო მომსახურებას, 1851 წ. ქუთაისის გუბერნიის სულ ერთი ექიმი და მისი ოთხი თანაშემწე მუშაობდა. ერთ-ერთი თანაშემწე რაჭის მხარაში იმყოფებოდა. გუბერნიას სულ 15 ამკრელი (ეაქცინატორი) ჰყავდა. მოსახლეობისათვის არავითარი სახელმწიფო აფთიაქი და წამლები არ არსებობდა (პრიმიტიული წამლები სამხედრო ნაწილების ლაზარეთებს თუ გააჩნდა). ასეთი ვითარების გამო, ხშირი იყო ინფექციური და სხვა დაავადებები. შავი ჭირი, ხოლერა, ტიფი, ყვავილი, დიზენტერია და სხვა ინფექციურ-მასობრივი დაავადება ხშირად მუსრს ავლებდა მოსახლეობის მნიშვნელოვან ნაწილს.

XIX ს. პირველ ნახევარში ქუთაისის გუბერნიის მოსახლეობა ფაქტობრივად მოკლებული იყო სწავლა-განათლებას. გუბერნიის მხოლოდ ერთადერთი გიმნაზია არსებობდა, მეფის მთავრობა მხოლოდ თავად-აზნაურების განათლებაზე ზრუნავდა, მაგრამ სასწავლებლებისა და სათანადო სახსრების სიმცირის გამო ისინიც მოკლებული იყვნენ ფართო განათლებას.

დიდი ხნის ყოყმანის შემდეგ, 1853 წ. 29 ოქტომბერს, ონში გაიხსნა დაწყებითი საერო სკოლა, რომელსაც ორიოდე მასწავლებელი და რამდენიმე მოსწავლე ჰყავდა¹.

ისე, როგორც დასავლეთ საქართველოს სხვა კუთხეებში, სამიმოსვლო საშუალება რაჭაშიც შეზღუდულ-მოუწყობელი იყო. ამ გარემოებას მეფის მოხელეებმა თავიდანვე მიაქციეს ყურადღება. ისინი ცდილობდნენ რაჭის (კუდაროს) გზის გაფართოებას, კავშირურობის გაუმჯობესებას დასავლეთ და აღმოსავლეთ საქართველოს შორის, აჯრეთვე ჩრდილო კავკასიისთან. ამ მიზნით 1822 წ. იმერეთის მმართველმა გენერალმა გორჩაკოვმა რაჭაში მიავლინა სიმონ და როტომ წერეთლები, მოურავი ბუგაშვილი და ინჟინერ-პორუჩიკი ბობორიკინი. აღნიშნული კომისია საჩხერიდან ცხინვალში გადავიდა, ხოლო იქიდან კუდაროს (ერწოს) გზით — კვისა-გლოლაში, საიდანაც გეზი აიღო მამისონის ქედისაკენ. მაგრამ ეს უკანასკნელი თოვლით ყოფილა დაფარული და უგზობის გამო უკან დაბრუნდა. კომისიის დასკვნით, გლოლასა და ღერკეეს შუა სიარული არ შეიძლებოდა, ამიტომ, პირველ რიგში აუცილებელი იყო მისი შეკეთება².

კავკასიის ადმინისტრაციის წინაშე არაერთხელ დაისვა რაჭის გზების შეკეთება-კეთილმოწყობის საკითხი, მაგრამ საქმეს ყოველთვის სახსრების გაულებლობა აფერხებდა. 1835 წ. მთავრობა შეუდგა გორიდან

¹ საქ. ცსია, ფ. 4, ან. 8, ს. 274, ფურც. 8—9.

² AKAK, T. XI, c. 739.

³ საქ. ცსია, ფ. 2, ან. 1, ს. 1277, ფურც. 3—6.

(„ოსეთის მთების“ გავლით) ონისკენ გამავალი გზის შეკეთებას, თუმცა, მხოლოდ უმნიშვნელო სამუშაო იქნა ჩატარებული¹. ამას მოჰყვა რაჭა-ლეჩხუმისა და ქუთაის-სამეგრელოს დამაკავშირებელი გზების ნაწილობრივ გაუმჯობესება, რადგან მთავრობა დაინტერესებული იყო მათი სამხედრო, აგრეთვე სამეურნეო გამოყენებით. ცხადია, სამიმოსვლო საშუალებათა გაუმჯობესებას, პირველ რიგში, მოსახლეობისათვის ჰქონდა უდიდესი მნიშვნელობა.

საქართველოს მთავარმართველი როზენი 1837 წ. ჩერნიშოვს სწერდა, რომ აუცილებელი იყო სამეგრელოდან — მურამდე გზის (40 ვერსი სიგრძის) გაუმჯობესება, რადგან მისი გამოყენება სამხედრო და სამეურნეო საქმისათვის დიდ სიძნელესთან იყო დაკავშირებული².

სხვათა შორის, მთავრობის მოხელეებმა მოსინჯეს მდინარე რიონის საწყლოსნო ტრანსპორტად გამოყენების შესაძლებლობაც, მაგრამ მეტისმეტი კლდინი ვიწრო კალაპოტისა და სწრაფი დინების გამო, მისი გამოყენება, თუნდაც ხე-ტყის მასალის დასაცურებლად, შეუძლებლად იქნა მიჩნეული. თუმცა აზნაურმა ალხაზოვმა (ალხაზიშვილი) 1824 წ. შეძლო რაჭიდან ქუთაისამდე რიონით 30 მორი (8 საუკენი) ხიდის მასალის დატურება, რაც უწინ შეუძლებლად იყო მიჩნეული. ამ გაბედული ნაბიჯისათვის ალხაზოვი საქართველოს ადმინისტრაციამ გერცხლის მედლით დააჯილდოვა³. მიუხედავად ამისა, რიონი როგორც სატრანსპორტო საშუალება, დიდხანს გამოუყენებელი დარჩა.

მეფის მოხელეებმა არაერთხელ დასვეს რაჭა-ლეჩხუმის წიაღისეული სიმდიდრის გამოვლენა-ათვისების საკითხიც. 40-იანი წლების დასაწყისში კომისიამ, სამთო ინჟინრის — კარტერონის მეთაურობით, მოიარა ლეჩხუმი (ზუბი და მექვენა), ქვემო სვანეთი (ლაშხეთის თემი) და რაჭა (წედისი, საღმელი და სასუნებელი)⁴. აღნიშნულ ადგილებში ტყვიისა და სპილენძის საბადოების შესწავლა რამდენიმე წელიწადს გაგრძელდა, ტყვიის შემცველი მინერალებიც იქნა გამოვლენილი, მაგრამ მრავალი მიზეზის გამო (უგზოობის, დასახლებული პუნქტებიდან სიშორის, საწვავის უქონლობისა და სხვ.) სასარგებლო წიაღისეულის ექსპლუატაცია არახელსაყრელად იქნა მიჩნეული⁵.

მეფის მთავრობა ყოველ დაწყებულ საქმეს უმოქმედოდ ტოვებდა ნაკლებმოძგებიანობისა და სახსრების უქონლობის მომიზეზებით, მოსახლეობა კი სიღატაკესა და გაჭირვებაში რჩებოდა.

¹ AKAT. T. VIII. c. 377--378.

² იქვე. გვ. 377.

³ საქ. ცსოა, ფ. 2, ან. 1, ს. 1666, ფურც. 2—5.

⁴ AKAK. T. IX. c. 640.

⁵ იქვე. ტ. X, გვ. 141.

4. ლეჩხუმის მმართველობა და მუშაობა

როგორც აღენიშნეთ, მიუხედავად იმერეთის მეფის დავისა, ლეჩხუმში სამეგრელოს სამთავროში შედიოდა და დადიანს ემორჩილებოდა.

სამეგრელო-ლეჩხუმს ფორმალურად უმაღლესი საბჭო (მმართველი საბჭო) განაგებდა, მაგრამ საშინაო საქმეებში მთავარი მაინც დადიანი იყო.

სამეგრელოს მმართველ საბჭოში (რომელსაც თავმჯდომარეობდა დადიანი) გაერთიანებული იყო ადმინისტრაციული და სასამართლო-აღმასრულებელი ძალაუფლება.

ადმინისტრაციულ, აგრეთვე სასამართლო საქმეებს საბჭო იხილავდა, მაგრამ სინამდვილეში იგი ვერც ერთს ვერ აწესრიგებდა, მითუფრო, სასამართლო საქმეებს, რომლის განხილვა ფორმალურ ხასიათს ატარებდა. მეფის მთავრობის მხრივ სამეგრელოსადმი ზედამხედველობას თავდაპირველად იმერეთის მმართველი აწარმოებდა.

XIX ს. 40-იანი წლებიდან დაწყებული სამეგრელოს საბჭო თავის საქმიანობაზე ანგარიშს გუბერნატორს ურდგენდა, საჭირო შემთხვევაში კი მეფის ნაცვალსაც.

სამეგრელოს მმართველ საბჭოში დადიანის გარდა შედიოდნენ: განსაკუთრებული დანიშნულების უფროსი ჩინოვნიკი (ტიტულარული მრჩეველი), რომელიც უთუოდ რუსი იყო, ეკლესიათა მზრუნველი (კოლეჯის ასესორი), საბჭოს უმცროსი წევრი, ბუხპალტერი და სხვ.

სამეგრელო-ლეჩხუმის მმართველი აპარატი, მისდამი დაქვემდებარებულ საქმეებს ვერ აწესრიგებდა. ადგილი ჰქონდა ქალაქების ფორმალურ ტრიალს. ამის გამო სამთავროში მრავალი ბოროტება და უკანონობა ხდებოდა.

მიუხედავად იმისა, რომ სამეგრელოს მმართველ საბჭოში რუსი მოხელე შედიოდა და ეს საბჭო იმერეთის მმართველს ემორჩილებოდა, 1850-იანი წლების მიწურულამდე სამეგრელო-ლეჩხუმში რუსული მმართველობა არ დანერგულა.

ლეჩხუმში, როგორც სამეგრელოს ცალკე ერთეულში, XIX ს. 20-იან წლებამდე (მითუფრო იმ ციხესოფლებში, რომლებიც სოლომონ მეორეს ეკავა), ფაქტობრივად არავითარი მმართველობა არ არსებობდა (თუ მხედველობაში არ მივიღებთ ორი მოურავის ფორმალურ არსებობას). 20-იანი წლებიდან, როდესაც შედარებით სტაბილური ვითარება შეიქმნა, ლეჩხუმს უშუალოდ სამეგრელოს მმართველი საბჭო და მისი მცირე შტატი განაგებდა.

XIX ს. 50-იანი წლების მიწურულიდან სამეგრელოში ცალკეული ოკრუგები შეიქმნა, მათ შორის ლეჩხუმის ოკრუგი, რომელშიაც დადიანის მიერ დაქვემდებარებული ქვემო სვანეთიც შედიოდა.

XIX ს. რეფორმის წინ ლეჩხუმის მოსახლეობა, დაახლოებით 2 698

კომლს, ანუ 21 849 სულს უდრიდა¹. საგლეხო რეფორმის დროს ლენხუმში 230 747 ქცევა სახნავი მიწა აღირიცხა. თითოეულ სულზე დაახლოებით 10 ფუთი ხორბალი და სიმინდი ყოდიოდა. ერთ ქცევა მიწაზე ლენხუმში საშუალოდ 60 ფუთ სიმინდს ან 40 ფუთ ღომს იღებდნენ.

ლენხუმში ოდითგანვე მისდევდნენ მებალეობა-მევენახეობასა და მებოტნეობას. იქავერი ყურძნის ზოგიერთი ჭიში საუკეთესო ღვინოს იძლეოდა (უფრო მეტად მაღლარი ვენახი იყო გავრცელებული), ხოლო ხილი ვანიჩჩეოდა თავისი სიტკბოთი და არომატით.

ლენხუმში აბრეშუმის ჰიაც გამოჰყავდათ. XIX ს. 50-იან წლებში ლენხუმში სენკლერმა (წარმოშობით ფრანგმა) აბრეშუმის ძაფსახვევი ფაბრიკა ააშენა, მაგრამ, როგორც ჩანს, ავადმყოფობა გაჩნდა და მისმა წარმოებამ ფართო მასშტაბი ვერ მიიღო.

1860 წ. ლენხუმში 12 ათასი სული მსახილფეხა რქოსანი პირუტყვი აღირიცხა. იქ ჰყავდათ აგრეთვე ცხვარი, თხა, ღორი, მცირე რაოდენობით ცხენი, ჯორი, ვირი და სხვ.

მეზობელი მხარეების მსგავსად, მეურნეობა ლენხუმშიც ნატურალურ ხასიათს ატარებდა. იქ თითოეული მეურნე თითქმის ყოველივე იმას, რაც მისი არსებობისათვის იყო აუცილებელი, შინ ამზადებდა. მაგალითად, ტანისამოსს, ჭურჭლეულს, სახლის მასალასა და მოწყობილობას. საშუალო იარაღებსა და სხვ. ქალები მატყლისა და ბამბის ნართისაგან შალეულსა და უხეშ ტილოს ქსოვდნენ, აკეთებდნენ ქეჩას, ნაბდებს, ქუდებს და სხვ.

XIX ს. 50-იანი წლებიდან ლენხუმში ვაჭრობა გამოცოცხლდა, თუმცა ის კვლავ ბაზრობათა ხასიათს ატარებდა. ყველაზე დიდი ბაზრობა იმართებოდა ლაილაშში (ლაჭანურის ხეობაში), სადაც 60 კომლამდე სომეხი და ებრაელი ცხოვრობდა.²

ლაილაშის ბაზრობა გაზაფხულ-ზაფხულ-შემოდგომაზე იმართებოდა, ზამთარში კი ახალქალაში გადაინაცვლებდა.

ლაილაშის ვაჭრობაზე, ადგილობრივი მოსახლეობის გარდა, თავს იყრიდნენ სვანები, რაჭველები, მეგრელები, იმერლები და სხვ. ვაჭრობის საგანს შეადგენდა პირუტყვი, ხორბალი, ღვინო, ხილი, მარილი, თაფლი, ცვილი. შრომისა და ბრძოლის იარაღი, შალისა და ბამბის ნაწარმი, ნაბდები, ქუდები, ქეჩები და სხვ.

მაშინ, როდესაც ზუგდიდის, სუჯუნის, ორპირის, ხობის, სენაკის, ონისა და სხვა ბაზრობა (თითოეულის) 20—25 ათასი მანეთის ბრუნვას არ აღემატებოდა. ლაილაშის სავაჭრო ბრუნვა 30 ათას მანეთს ჰკარგობ-

¹ Документы по ист. Грузии, т. I, ч. I, с. 422 (прилож. № 1).

² საქ. ცსიკ, ფ. 5, ან. 1, ს. 264, ფურც. 40.

და. ლაილაშის გარდა ლეჩხუმში ორი ბაზრობა („იარმარკობა“) იმართებოდა: ერთი — ახალქალაში და მეორე — ცაგერში („ენეკნობა“).

ლაილაშ-ცაგერ-ახალქალის ბაზრობებს საკუთრივ ლეჩხუმელების გარდა უდიდესი მნიშვნელობა ჰქონდა სვანებისათვისაც. ფაქტობრივად ეს ვაჭრობა ერთიმეორეს აკავშირებდა ლეჩხუმ-სვანეთ-რაჭა-სამეგრელოსა და იმერეთს.

ვაჭრობა წარმოებდა ე. წ. მეწერილმანეების საშუალებითაც, აგრეთვე ღუქნებისა და ფარდულების მეშვეობით, მაგრამ მათი მოუწყობლობის გამო ვაჭრობა ფართო მასშტაბს ვერ აღწევდა.

XIX ს. პირველ ნახევარში ლეჩხუმის მოსახლეობაც სამედიცინო მომსახურების გარეშე იყო მიტოვებული. სამეგრელოს სამთავროში ექიმები და ფერშლები საერთოდ არ არსებობდნენ, ხოლო მთელ სამთავროში სულ ოთხი ვაქცინატორი იყო. აფთიაქი კი მხოლოდ ერთადერთი იყო ფოთში. ყოველივე ამის გამო, ინფექციური ეპიდემიები და სხვა დაავადებები ლეჩხუმშიც ხშირად მძვინვარებდა, რაც დიდ მსხვერპლს იწვევდა.

XIX ს. პირველ ნახევარში ლეჩხუმის მოსახლეობა მოკლებული იყო სწავლა-განათლებასაც. 60-იან წლებში სოფელ დეხვირში შეიქმნა ერთადერთი სასულიერო (დაწყებითი ტიპის) სკოლა, რომელსაც ორიოდ მასწავლებელი და რამდენიმე მოსწავლე ჰყავდა. ამ სკოლის მთელი წლიური ხარჯი 300 მანეთს შეადგენდა¹.

დასავლეთ საქართველოში საერო სწავლების შემოდებას მეფის მოხელეები მთელ ამიერკავკასიაში სასწავლებლების გახსნის საკითხს უკავშირებდნენ, მაგრამ ამისათვის დიდი თანხები იყო საჭირო, მისი გაღება კი არავის სურდა. მმართველობა ითვალისწინებდა სოფელ ლაილაშში ერთი საერო დაწყებითი სკოლის გახსნას, მაგრამ ეს საქმეც უფულობამ დააბრკოლა.

XIX ს. 60-იან წლებამდე ლეჩხუმის მოსახლეობა მთავრობას არავითარ გადასახადს არ უხდიდა, იქ არც სარეკრუტო გაწვევა არსებობდა (გლეხობა გადასახადებს უხდიდა დადიანებსა და სხვა მებატონეებს, აგრეთვე ეკლესიას).

1867 წ. შემდეგ ლეჩხუმში გლეხის კომლზე დაარსდა ორი მანეთი (ვერცხლით) გადასახადი, ერთი მანეთი სახელმწიფოს სასარგებლოდ, მეორე კი საერობო საქმისათვის.

აღსანიშნავია. რომ ლეჩხუმში საგზაო ბეგარა 1866 წ. იქნა შემოღებული. ამ წელს გზის გასაკეთებლად მოსახლეობამ 1037 მუშა და ამდენივე ურემი გამოიყვანა, ამასთანავე მოსახლეობას დაეკისრა მმართველობის საჭიროებისათვის 34-მდე საყენი შეშის დამზადება².

ლეჩხუმში 1857 წლამდე ლისხლისა და სამოქალაქო საქმეების აღრი-

¹ საქ. ცსია, ფ. 5, ან. 1. ს. 264, ფურც. 19.

² იქვე, ფურც. 94.

³ იქვე, ფურც. 153.

ცხვა არ წარმოებდა, ხოლო 1857—1865 წწ. აღრიცხული საქმეები არქივის ხანძარმა გაანადგურა. აღსანიშნავია, რომ 1866 წ. ლეჩხუმის ოკრუგში სულ 1065 სისხლისა და სამოქალაქო სამართლის საქმე აღიძრა, რომელთაგანაც 69 საქმე საერთოდ არ განხილულა, ხოლო დანარჩენი ზერელედ და მიკერძოებულად¹.

ლეჩხუმი მოკლებული იყო აგრეთვე კარგ სამიმოსვლო საშუალებას. მიუხედავად ამისა, იქაც რამდენიმე გზა-ბილიკი გადიოდა: ერთი მათგანი ცაგერიდან ცხენისწყლის დინების ხეობას მიჰყვებოდა და სამეგრელოსაკენ მიემართებოდა. ეს გზა-ბილიკი ცხენისწყლის მარჯვენა მხარეს მისდევდა ცაგერიდან ზუბის, ოყურეშისა და ხუნწის მიმართულებით (გზის მონაკვეთი, რომელიც სამარხილე-საცხენოსნო იყო, 70 ვერსს უდრიდა); მეორე გზა ცაგერიდან (მურიდან) ორბელის ქედზე გადიოდა (მთავარი გზის გარდა აქ რამდენიმე საცალფეხო ბილიკიც იყო), შემდეგ ლაჯანურის ხეობას (7 ვერსის მანძილზე) და რიონის ნაპირს მიჰყვებოდა (იქ რაჰის გზაც უერთდებოდა) ქუთაისისაკენ. ამ გზას განსაკუთრებით დიდი სამეურნეო, სავაჭრო, კულტურული და სამხედრო მნიშვნელობა ჰქონდა. როგორც ლეჩხუმის, აგრეთვე სვანეთის და, ნაწილობრივ, რაჰის მოსახლეობისათვის.

XIX ს. პირველ ნახევარში დაიწყო ლეჩხუმის ბუნებრივი რესურსების დაზვერვა, მაგრამ სათანადო უგზოობისა და უსასრობის პირობებში მისი ათვისება დიდ სიძნელეებს უკავშირდებოდა და დიდხანს გაკვიანურდა.

5. კლასობრივი ბრძოლის განვითარება რაზა-ლეჩხუმში

მთელმა რიგმა ცვლილებებმა, რაც საქართველოს რუსეთთან შეერთებას და კაპიტალისტური ურთიერთობის ჩასახვა-განვითარებას მოჰყვა, ანტიცარიტულ მოძრაობასთან ერთად, კლასობრივი ბრძოლის გამწვავებაც გამოიწვია.

XIX ს. დასაწყისში კლასობრივი ბრძოლის გამწვავება, პირველ რიგში, ფეოდალური ურთიერთობის კრიზისით იყო განპირობებული. ახალი — კაპიტალისტური ურთიერთობის განვითარების შედეგად ძველი — დრომოკმული ბატონყმურ-იძულებითი შრომა თავისუფალი დაქირავებული შრომით იცვლებოდა და ყმა-გლეხობა პირადი თავისუფლებისათვის იბრძოდა.

კლასობრივი ბრძოლის გამწვავებას სხვა მრავალი გარემოებაც აპირობებდა, კერძოდ ის, რომ ადგილობრივ მებატონეთა მხრივ მძიმე ექსპლუატაციის ახლა მეფის თვითმპყრობელობისადმი ვალდებულება, აგრეთვე ცარიზმის ადგილობრივ მოხელეთა თვითნებური ძალადობა და სხვაც დაემატა.

¹ საქ. ცსია, ფ. 5, ან. 1, ს. 264, ფურც. 152.

ყველაფერთან ერთად მოუსავლობა (ასეთ დროს ზედმეტი პროდუქტის წარმოება შეუძლებელი იყო) გლეხობას აიძულებდა არსებობისა და თავისუფლებისათვის ებრძოლა. გლეხთა ბრძოლას თავისუფლებისათვის ბიძგი მისცა თვითმპყრობელობის ნაციონალისტურმა პოლიტიკამ, ამასთანავე აჯანყებაში მონაწილეთა რეპრესიებმა.

რაქა-ლეჩხუმის გლეხთა კლასობრივი ბრძოლა, რომელიც XIX ს. პირველ ნახევარში მიმდინარეობდა, სხვადასხვა ფორმით ვლინდებოდა. გლეხები ხშირად უარს აცხადებდნენ ძველი ვალდებულების შესრულებაზე. მათი ნაწილი სხვაგან გარბოდა, ნაწილი ვალდებულების შემსუბუქებას მოითხოვდა, ზოგიერთიც სრული თავისუფლებისათვის ან სხვა უწყებებში გადასვლისათვის იბრძოდა.

რაქაში კლასობრივი ბრძოლისა და ანტიცარისტული მოძრაობის შერწყმა და საერთო გამოვლინება იყო 1810—1820 წლების მოძრაობა-აჯანყებები, რაც მარცხით დამთავრდა.

XIX ს. ათიან წლებში რაჭის მრავალი სოფლის გლეხობა ცდილობდა ძველი მებატონეებისაგან თავდახსნას. მათ შორის შარდომეთის მცხოვრები ივანიკა და კაცუნა ჩიკვილაძეების ოჯახები. საქმიდან ჩანს, რომ 1812 წ. ჩიკვილაძეებს ჯაფარიძეებისაგან 200 მარჩილად გამოუსყიდიათ ნადელი, მაგრამ მიუხედავად ამისა, რამდენიმე ხნის შემდეგ ჯაფარიძეები ძველებური ვალდებულების შესრულებას მოითხოვდნენ. ამ ვალდებულების შეუსრულებლობისთვის ერთ-ერთი ჩიკვილაძე მებატონე ჯაფარიძეს სხვისთვის მიუყიდა შინამოსამსახურედ. ჩიკვილაძეებისა და ჯაფარიძეების დავა დიდხანს გაგრძელდა. ჯაფარიძეები არაფერს თმობდნენ, რის გამოც ჩიკვილაძეებმა 1831 წ. საჩივრები აღძრეს ქუთაისში რევიზიაზე წასულ სენატორებთან (კუტაისოვთან და მენშიკოვთან), მაგრამ ვერაფერს გახდნენ. დავა შემდეგაც გაგრძელდა, რაც შეხლა-შემოხლაში და გლეხებისადმი ფიზიკურ შეურაცხყოფაში გადაიზარდა. ამას ჩიკვილაძეებისადმი ხარების წართმევაც მოჰყვა, მაგრამ საქმე არც ამით დამთავრდა. მებატონე ჯაფარიძეებმა ჩიკვილაძეები ციხეში გამოამწყვდიეს (იმ ბრალდებით, თითქოს ისინი მოსაკლავად დაესხნენ თავს), ხოლო მათი ქალიშვილი შინამოსამსახურედ წაიყვანეს. ამასობაში ერთ-ერთი ჩიკვილაძე პატიმრობაში გარდაიცვალა, ხოლო ჩიკვილაძეების ნასყიდი მიწა ჯაფარიძეებმა დაიტაცეს. მიუხედავად ამისა, ჯაფარიძეები მაინც არ დაცხრენ და მათ რაჭის უფროსის, აგრეთვე იმერეთის მმართველი ვაკულსკის მხარდაჭერით, ჩიკვილაძეებს რაჭიდან გადასახლება და პატიმრობა მიესაჯათ.

მებატონეთა ასეთი უკანონობის გამო, ჩიკვილაძეებს მრავალი თანასოფლელი და მეზობელი სოფლების გლეხი გამოექომაგა. მათ იმერეთის მმართველობაში არაერთი საჩივარი შემოიტანეს, რომ ჩიკვილაძეები დამნაშავენი არ იყვნენ. ერთ-ერთ საჩივარში ვკითხულობთ: „ამა ძარბალსა და უტყუვარს მოწმობასა ვაძლევეთ ჩვენ ზემორე ხსენებულნი ოთხნი

სოფელნი ივანიკა¹ და მის შვილს ხარებას ჩიკვილაძეებს, ესრეთ რომელ არაკითარ წინააღმდეგობა უხმარის მათ რომელნიცა არიან საპყრობილესა შინა, არც ჩხუბითა, არც დახდომითა, არც მახვილითა, არა რაჲ არს მათი ბრალობა თვინიერ ამისა, რამეთუ ქვეშევრდომილ არიან მართებლობისა და ითხოვენ მართებლობისა სამართალსა²! -

საბუთს ხელს აწერენ ოთხი სოფლის — შუაუბნის, ლაშიჭალის, ხუ-რუთისა და სხვა გლეხები: დავითა, გლახუნა, გიგუნა, ხიზანა, კაციელა, ბაილა, სესუნა და სიმონა ჩიკვილაძეები, ოთინა და დათუნა ბროლაშვილები, პაატა, თევდორე, შოშუნა და ბასილა ყავლაშვილები, ხარება, ივანიკა და სესუნა ტყეშელაშვილები, გლახუნა რთველაძე, კაცუნა ტაბუცაძე, ივანე კირვალაძე, დათუვა, გლახუნა, ნასყიდა, ქრისტესა და როსტომა ლობჯანიძეები, შოშუნა მეშვილდიშვილი, მამუკა, დავით, ივანე, კიკოლა, თვალკია და მიქელა გობეჯიშვილები და სხვა მრავალი³.

მებატონეთა უკანონობის წინააღმდეგ ამხედრებულმა გლეხებმა სამართალი ვერ იპოვეს, უკანონოდ დასჯილ თანამოძმეებს ვერაფერი უშველეს.

აღსანიშნავია, რომ რუსეთის იმპერიის კანონი — თავდაზნაურთა მიერ ურჩი გლეხების ციმბირში გადასახლების უფლებაზე საქართველოში ახლად ვრცელდებოდა. აქ ჯერ არ იყო მტკიცედ დადგენილი, მებატონეთა ურჩი გლეხები რომელ მხარეში გადასახლებინათ. ამის გამო რაჭიდან გადასახლებული ჩიკვილაძეები ჯერ სტავროპოლის გუბერნიაში გააჩერეს. ამასობაში მინისტრთა კომიტეტმა დაადგინა, რომ ამიერკავკასიიდან გადასახლებული გლეხები ჩრდილო კავკასიის სამხედრო ხაზის რომელიმე სოფლებში უნდა დაესახლებინათ, საბოლოოდ ჩიკვილაძეებიც ეკატერინოგრადის სტანიცაში ჩაასახლეს. ოღონდ ჭაფარიძეები იძულებული გახდნენ, საერთო კანონის შესაბამისად, ჩიკვილაძეებისათვის მიწაში მიღებული 200 მარჩილი უკან დაებრუნებინათ და, აგრეთვე მათთვის გზის ხარჯიც მიეკათ³.

დასავლეთ საქართველოში გლეხთა ურჩობამ იმდენად მასობრივი ხასიათი მიიღო, რომ მინისტრთა კომიტეტი იძულებული გახდა, საქართველოსა და ამიერკავკასიის გლეხობაზე სპეციალურად ემსჯელა.

ამ დადგენილებაში ნათქვამი იყო: თუკი საქართველოსა და ამიერკავკასიის მემამულეები მოიწადინებდნენ გლეხების გადასახლებას ურჩობისათვის, ასეთი გლეხები ჩრდილო კავკასიაში დაესახლებინათ (ოღონდ გადასახლებული გლეხებისათვის მემამულეებს გზის, აგრეთვე დასახლებულ ადგილზე შეურნეობის თავდაპირველი მოწყობის ხარჯების ნაწილი უნდა გაეღოთ). მაგრამ თუკი საქართველოდან ან საერთოდ — ამიერკავკასიიდან გლეხების გადასახლება მოხდებოდა, მაშინ იკრძალებოდა ასეთი

¹ საქ. ცსია, ფ. 2, ან. 1, ს. 2742, ფურც. 57—67.

² იქვე.

³ იქვე, ფურც. 69—72, 85.

ოჯახების წევრთა განცალკევება (ქალიშვილების 15 წლამდე. აგრეთვე ოჯახთან წასვლის მსურველი ღრმა მოხუცებულებისა)¹.

ცხადია, აქეთმა დადგენილებამ მოძალადე მებატონეებს ძალა შემატა, მაგრამ, ხარჭების დაქისრებამ ისინი ერთობ ჩააფიქრა.

XIX ს. 30-იან წლებში ვითარება იმდენად დაიძაბა, რომ რაჭა-ლეჩხუმის გლეხობა მასობრივად გაუბრბოდა თავის მებატონეებს და თავისუფლებას ეძიებდა. ასეთთა შორის იყვნენ რაჭის მცხოვრები გიორგობიანის², ლობჯანიძეების, კერესელიძეების, მელაშვილების³, კაკაბაძეების, სამარგულიანებისა და სხვათა ოჯახები⁴.

სამარგულიანების ორმა ოჯახმა 1844 წ. საქმე აღძრა გრ. წულუკიძისაგან თავისუფლების ძიებაზე. ისინი იმერეთის მმართველობაში ჩიოდნენ, რომ თამარ მეფიდან დაწყებული, მათი მამა-პაპა მემკვიდრეობით ღადიშის ეკლესიას ეკუთვნოდა და მის მიწა-წყალზე ცხოვრობდა, რომ წულუკიძეები მათ ძალით იჩემებდნენ.

საქმიდან ჩანს, რომ სამარგულიანების ოჯახები, ჭერ კიდევ, 30-იანი წლებიდან, გაუბრბოდნენ წულუკიძეებს, მაგრამ თოთხმეტზე მეტი წელიწადის მცდელობის მიუხედავად, მათ თავის დაღწევა ვერ მოახერხეს. ჩანს ამ ბნის მანძილზე წულუკიძეებმა მრავალჯერ შეაეიწროვეს სამარგულიანები, არაერთხელ წაართვეს მათ პირუტყვი და სხვ.⁵.

წულუკიძეებისაგან თავისუფლებას ძიობდნენ, აგრეთვე საყვარელა, როსება, საჩინო და ზალიკა გოცირიძეების ოჯახები, რომლებიც ერთ დროს აზნაურები ყოფილან, მაგრამ კამერალური აღწერის დროს (1840 წ.), ისინი რატომღაც წულუკიძეთა გლეხებად ჩაუთვლიათ⁶.

თავისუფლებისათვის ძიებამ და მებატონეებისადმი ურჩობამ, განსაკუთრებით მწვავე ხასიათი მიიღო ზემო რაჭაში, სადაც ხიღარის, უწერის, ღების მცხოვრებმა გლეხებმა თავიანთი მებატონეების წინააღმდეგ მრავალი საჩივარი და პროტესტი შეიტანეს იმერეთის მმართველობაში.

თავისუფლების მაძიებელ გლეხთა ნაწილი ითხოვდა, რომ ისინი სახაზინო ან საეკლესიო უწყებაში ჩაერიცხათ. ასეთთა შორის იყვნენ უწერის მცხოვრები მეტრეველები, რომლებიც ჩიოდნენ, რომ ისინი კაცია ჭაფარიძემ უკანონოდ დაიჩემა⁷.

რაჭის გლეხთა პროტესტებსა და საჩივრებთან დაკავშირებით იმერეთის მმართველი, გენერალი ესპეხო, 1839 წელს საქართველოს მთავარმარაუბელს სწერდა, რომ რაჭაში ყოფნის დროს მასთან მრავალი გლეხი გამოცხადდა, რომლებიც მებატონეთა სინასტიკის წინააღმდეგ აღშფოთებას ვერ მალავდნენ. მათ შორის გლეხები ასახელებდნენ კაცია

1 საქ. ცსია. ფ. 2. ან. 1. ს. 2742. ფურც. 79. 82. 83.

2 იქვე. ს. 3152. ფურც. 3—8.

3 იქვე. ს. 3152. ფურც. 247—456.

4 იქვე. ს. 11136. ფურც. 1—4.

5 იქვე. ს. 12162.

6 იქვე. ს. 5629, ფურც. 3.

ჯაფარიძესა და მის მოგვარეებს, რომელთაც ადანაშაულებდნენ სისასტიკეში, ცბიერებასა და ეშმაკობაში, აგრეთვე გლეხების ფიზიკურ მოსპობაში¹.

თვითმპყრობელობის მოხელეებს მრავალი პროტესტი მისდიოდათ, აგრეთვე უწერის მცხოვრებ ლობჯანიძეების, კერესელიძეების, გოგიბერიშვილების, მელაშვილებისა და კობერიძეებისაგან, რომლებიც ჩიოდნენ, რომ ისინი უკანონოდ დაიყმევა ზუბოვმა (ტიფოგრაფმა რაზმაძემ) და მოითხოვდნენ მისგან განთავისუფლებას².

კლასობრივი ბრძოლა მწვავე ხასიათს ატარებდა ლეჩხუმშიც, მიუხედავად იმისა, რომ იქაურ გლეხთა მდგომარეობაზე ნაკლები მასალები შემოგვენახა (ასეთი მასალები არქივის ხანძარმა შთანთქა, ან, საერთოდ არ შემოგვენახა), ჩანს, გლეხები განსაკუთრებით შინაფეოდალურ შეხლაშემოხლის დროს ნადგურდებოდნენ.

დადიანსა და ლეჩხუმის თავადებს შორის დაპირისპირება (მით უფრო, როცა საქმეში იმერეთის მეფეც ერეოდა) უამრავი გლეხის სიცოცხლეს იწირავდა და სოფელს ანადგურებდა.

ლეჩხუმში ხშირი იყო საეკლესიო ან სხვა უწყების გლეხთა ძალით მიტაცება-დაჩემა. როგორც ადგილობრივ, აგრეთვე კავკასიის მმართველობაში არაერთი საჩივარი შედიოდა ლეჩხუმის ოკრუგიდანაც, საიდანაც არაერთი გლეხი ჩიოდა მებატონეთა მხრივ აბუჩად აგდებაზე ან უკანონო ექსპლუატაციაზე, მათ შორის იყვნენ სოფლების — ნაყურალეშისა და ლახეფის მცხოვრები ჩაყვებამების და ყურაშვილების ოჯახები, რომლებიც წერდნენ, რომ ისინი ადრე ცაგერის მონასტრის გლეხები იყვნენ, ახლა ყრუაშვილებმა დაისაკუთრეს. ამ უკანასკნელთა მიერ უკანონოდ მითვისებულთა შორის 40 კომლია დასახელებული, ყველა მათგანი ყრუაშვილებისაგან თავისუფლებასა და ეკლესიისადმი გადაცემას მოითხოვდა. ეს გლეხები დიდხანს განაგრძობდნენ ყრუაშვილების წინააღმდეგ ბრძოლას, მაგრამ ამოღ, მათ ინტერესებს არავის იცავდა³.

კლასობრივმა წინააღმდეგობამ განსაკუთრებით შეუზოვარი ხასიათი მიიღო XIX ს. 60-იანი წლების დასაწყისში (როდესაც ბატონყმობა ჯერ იმპერიის ცენტრში გაუქმდა), მეფის მთავრობა იძულებული გახდა ბატონყმობა საქართველოშიც გაუქმებინა.

¹ საქ. ცსიო, ფ. 2, ან. 1, ს. 5809, ფურც. 3.
² იქვე, ფ. 5, ან. 1, ს. 29, ფურც. 3—5.
³ იქვე.

საგლეხო რეფორმა დასავლეთ საქართველოში

1. საგლეხო რეფორმის მომზადება და გატარება ქუთაისის გუბერნიის

XIX ს. 50-იან წლებში საქართველოშიც რევოლუციური სიტუაცია შეიქმნა. ყირიმის ომმა ცხადყო ბატონყმური წყობილების დრომოკმულობა. გლეხთა ანტიბატონყმურმა მოძრაობამ მთელ იმპერიაში სერიოზული საფრთხე შეუქმნა საქართველოს თავადაზნაურობის ბატონობას, საერთოდ, მთელი იმპერიის ხელისუფლებას.

ფეოდალურ-ბატონყმური ურთიერთობის მოსპობა რუსეთის იმპერიის საზოგადოებრივ-ეკონომიკური და სოციალურ-პოლიტიკური ცხოვრების წინსვლა-განახლების აუცილებელ პირობად იქცა. ქვეყნად ისეთი ვითარება შეიქმნა, როცა ბატონყმობა და მეფის ხელისუფლება ან „ქვევიდან“ უნდა დამხობილიყო, ან მეფის ხელისუფლებას „ზემოდან“ გაეუქმებინა.

ასეთ ვითარებაში, მეფის თვითმპყრობელობამ გადაწყვიტა თვითონვე ეზრუნა ბატონყმობის გაუქმებისათვის. ალექსანდრე მეორის მითითებით, საგლეხო რეფორმისათვის მზადება მთელ იმპერიაში, კერძოდ საქართველოშიც დაიწყო, მაგრამ ეს დიდ სამუშაოსთან და სახსრებთან იყო დაკავშირებული, თან საქმის შესწავლასა და დროს მოითხოვდა. ამიტომ საგლეხო რეფორმა ჯერ იმპერიის ცენტრალურ გუბერნიებში მომზადდა და გატარდა, შემდეგ ჯერი განაპირა მხარეებზეც დადგა.

დასავლეთ საქართველოში ბატონყმობის გაუქმებისათვის უშუალო მზადება მხოლოდ მას შემდეგ დაიწყო, როდესაც აღმოსავლეთ საქართველოში რეფორმის მომზადება უკვე დამთავრდა და მისი პრაქტიკული გატარება დაიწყო.

თბილისის გუბერნიაში ბატონყმობის გაუქმების გამოცხადებისთანავე 1864 წ. ნოემბერში კავკასიის აღმინისტრაციამ გასცა განკარგულება რეფორმის მომზადებისათვის ქუთაისის გუბერნიაშიც დაწყებულიყო მუშაობა.

მეფისნაცვალმა ქუთაისის გენერალ-გუბერნატორს დაავალა, თავადაზნაურთა წარმომადგენლობის მეშვეობით, გუბერნიის საბატონო გლეხთა განთავისუფლებისა და ყოფა-ცხოვრების მოწყობის დებულების დამატებითი წესების პროექტის მომზადება. განზრახული იყო, რომ საამისოდ ჯერ თავადაზნაურთა სამაზრო ყრილობები მოწვეულიყო, რომელთაც დეტალურად უნდა განეხილათ ადგილზე არსებული საადგილმამულო ურთიერთობა და სათანადო წინადადებით და მასალებით უნდა წარ-

დგენილიყვნენ თავად-აზნაურთა საგუბერნიო ყრილობაზე, სადაც საერთო წევების პროექტი უნდა შემუშავებულიყო. მაგრამ, რადგან საქმის ამგვარი განხილვა დიდ დროს მოითხოვდა და, მითუფრო თბილისის გუბერნიის გამოცდილება უკვე სახეზე იყო, სამაზრო ყრილობების მოწვევა ზედმეტად, ვაჭიანურებად იქნა მიჩნეული. გადაწყდა, რომ უშუალოდ (პირდაპირ) საგუბერნიო ყრილობა მოწვეულიყო, სადაც თავს მოიყრიდა თითოეული მაზრის ოთხ-ოთხი (ორი თავადი და ამდენივე აზნაური) წარმომადგენელი. ამგვარად შედგენილ კომიტეტს, წინამძღოლის მეთაურობით, თბილისის გუბერნიის გლეხთა დებულების კვლობაზე, სამი თვის ვადაში, ქუთაისის გლეხთა განთავისუფლების დამატებითი წესების პროექტი უნდა შემუშავებინა.

გუბერნიის ოთხი მაზრის: ქუთაისის, შორაპნის, რაჭისა და ოზურგეთის თავდაზნაურთა თექვსმეტმა წარმომადგენელმა (საგლეხო კომიტეტმა), საერთო წინამძღოლის მეთაურობით, სამი თვე იმსჯელა ბატონყმობის რიგზე, მისი გაუქმების პირობებზე და 1865 წ. თებერვლის ბოლოს თავისი წინადადებები წარუდგინა გუბერნიის ხელმძღვანელობას (თავად-აზნაურთა საგლეხო კომიტეტში შედიოდნენ: ნ. წერეთელი — თავმჯდომარე, კაპიტანი ერისთავი, თავად-აზნაურები — წულუკიძე, კ. აბაშიძე, ო. ნიჟარაძე, მ. ჩიჯავაძე, მ. წერეთელი, ბებურიშვილი, ლ. ჭინაძე, მ. მხეიძე, მ. ჭყონია, მაჭავარიანი და სხვ.)¹.

დავალებული სამუშაოს ჩატარების შემდეგ, მეფისნაცვალის — რომანოვის განკარგულებით, ქუთაისში შეიქმნა მთავრობის სპეციალური კომისია ბაგრატიონ-მუხრანსკის თავმჯდომარეობით (კომისიაში შევიდნენ თავად-აზნაურთა წინამძღოლი, გვარდიის პოლკოვნიკი ნ. წერეთელი, ქუთაისის სამოქალაქო გუბერნატორი ა. იზუმსკი, გუბერნიის სასამართლოს თავმჯდომარე მ. თუმანიშვილი, თავად-აზნაურები: გურამიშვილი, სევერიან-შიმანსკი, დ. წულუკიძე, ი. ლორთქიფანიძე, ი. ბონისლავსკი, ი. ჭავჭავაძე, ნაკაშიძე და სხვ.)². კომისიის მუშაობაში მონაწილეობდნენ აგრეთვე თავად-აზნაურთა საგუბერნიო კომიტეტის წევრები.

აღნიშნულ კომისიას დაევალა ორი თვის ვადაში მოემზადებინა ქუთაისის გუბერნიის ბატონყმობიდან გამოსულ გლეხთა ყოფა-ცხოვრების მოწყობის წესები. რამდენიმე სხდომის შემდეგ, 1865 წ. 26 აპრილს, კომისიამ დაამთავრა თავისი მუშაობა და გლეხთა განთავისუფლების დამატებითი წესები (თავისი ყურნალებით და მასალებით) კავკასიის საგლეხო კომიტეტს წარუდგინა თბილისში, სადაც მის განხილვაში მონაწილეობა უნდა მიეღო ქუთაისის გენერალ-გუბერნატორსაც.

¹ Документы по ист. Грузии, ч. I, под ред. проф. Ш. К. Чхетия, Тб., 1954, с. 250.

² Документы... с. 251.

საგლეხო რეფორმის წესების შემუშავების დაწყებამდე აუცილებელი გახდა საადგილმამულო ურთიერთობისა და სტატისტიკური მონაცემების მომზადება.

აღსანიშნავია, რომ საადგილმამულო ურთიერთობა ქუთაისის გუბერნიაშიც ადათ-წესზე იყო დამყარებული. მისი შესწავლა და ზუსტი დადგენა მეტად დიდ მუშაობას მოითხოვდა და ძნელი საქმე იყო. ფაქტია, რომ ქუთაისის გუბერნიაში მიწის უდიდესი ნაწილი მემამულეთა საკუთრებას შეადგენდა, მაგრამ XVIII და მითუფრო XIX საუკუნეში მომხდარი ცვლილებების შედეგად, გლეხთა ნაწილი დაწინაურდა და შეძლო მიწაც ჩაეგდო ხელში. გახშირდა შემთხვევები, როდესაც გლეხი მიწას ყიდულობდა და ყიდდა. მაგრამ საქმის ოფიციალური გარჩევის დროს, მიუხედავად ოფიციალური საბუთებისა, მემამულე არ ცნობდა მას, მიწის ნასყიდობის აქტს ყალბ ან ფორმალურ საბუთად მიიჩნევდა. საქმეს მიწაწყლის გაუმოწანობა და მის კუთვნილებაზე წერილობითი მონაცემების უქონლობა ართულებდა. მემამულეთა კუთვნილი მიწები და გლეხები სხვადასხვა სოფლებში და ადგილებში იყო გაფანტული, მემამულეებისადმი კუთვნილი მიწების საზღვრები გაუმოწნავი იყო.

ყოველივე ეს ართულებდა რეფორმისათვის მოსამზადებელ მუშაობას და დავისა და უქმეყოფილობის წყაროდ იქცეოდა.

რაგორც აღვნიშნეთ, რეფორმის მოსამზადებლად აუცილებელი და საჭირო იყო საადგილმამულო ურთიერთობის მთლიანი შესწავლა როგორც მემამულეთა პირადი მეურნეობისა და მიწის ოდენობის დადგენა, ასევე მათდამი კუთვნილი გლეხობის სარგებლობაში არსებული მიწისა და პირუტყვის (უძრავ-მოძრავი ქონების) რაოდენობის საბოლოო დაზუსტება.

რაკი თვითმპყრობელობამ რეფორმის გატარება გადაწყვიტა, ბუნებრივია, საგლეხო რეფორმის მომზადება და გატარება კლასობრივი ინტერესების შესაბამისად უნდა მომხდარიყო. საქმე იმაშია, რომ კამერალური აღწერის ჩატარება (ყოველგვარი მონაცემების აღწერა) მხოლოდ მეფის მთავრობას და, საერთოდ, თავად-აზნაურთა წარმომადგენლებს ძალუძდათ. ამის გამო, გასაკვირი როდია, რომ ყოველი სადავო შემთხვევა თავად-აზნაურთა სასარგებლოდ იჭრებოდა.

სათანადო მზადების შემდეგ, 1859 წ. ოზურგეთის მაზრაში, ხოლო 1864 წ. ქუთაისის, შორაპნისა და რაჭის მაზრებშიც ჩატარდა ზოგადი აღწერები (ე. წ. კამერალური აღწერები). აღწერათა მონაცემებით ქუთაისის ოთხივე მაზრაში ცხოვრობდა მებატონეთა 24 136 გლეხის კომლი (96 732 მამრ); 14 311 სახაზინო და საეკლესიო გლეხის კომლი (56 421 მამრ. სული); აქედან ქუთაისის მაზრაში მებატონეთა 7 985 გლეხის კომლი (32 134 მამრ. სული), 6 581 სახაზინო და საეკლესიო გლეხის კომლი

(25 303 მამრ. სული); შორაპნის მებატონეთა 7 730 გლეხის კომლი (32 772 მამრ. სული), 3 837 სახაზინო და საეკლესიო გლეხის კომლი (16 586 მამრ. სული); რაჭის მებატონეთა 3 311 გლეხის კომლი (15 226 მამრ. სული), 1 735 სახაზინო და საეკლესიო გლეხის კომლი (7 377 მამრ. სული); ოზურგეთის მებატონეთა 5 110 გლეხის კომლი (16 600 მამრ. სული); 2 158 სახაზინო და საეკლესიო გლეხის კომლი (7 155 მამრ. სული)¹.

რეფორმის დროს ქუთაისის გუბერნიაში სულ ცხოვრობდა 4 785 მებატონის კომლი, რომელთაც 24 136 გლეხის კომლი ეკუთვნოდათ. 3 776 მებატონის თითოეულ კომლზე 21-ზე ნაკლები მამრობითი სულ. (გლეხი) მოდიოდა; 831 მებატონის თითოეულ კომლზე 21-დან — 500-მდე; 167 მებატონის 101-დან — 500-მდე; 7 მებატონის — 501-დან 1000-მდე; ხოლო 4 მებატონის — 1000-ზე მეტი მამრ. სული².

რაჭაში 1862 წელს ცხოვრობდა: 15 218 კაცი და 12 462 ქალი საბატონო გლეხი; 1 964 კაცი და 1 706 ქალი თავდა-აზნაური; 5 390 კაცი და 4 260 ქალი სახელმწიფო გლეხი; 2 306 კაცი და 2 388 ქალი საეკლესიო გლეხი; 95 შინაყმა³.

რაჭის მთელი მოსახლეობა 1865 წელს უდრიდა 49 810 სულს, აქედან 26 530 მამრ. და 23 280 მდედრ. სულს⁴.

რაჭის მაზრაში 1862 წელს მემამულეებმა და გლეხებმა დათესეს (ერთად) სულ 12 400 „ჩეთვერთი“ საშემოდგომო და 11 600 „ჩეთვერთი“ საგაზაფხულო ხორბალი, სახელმწიფო გლეხებმა — 5 700 „ჩეთვერთი“ საშემოდგომო და 2 500 „ჩეთვერთი“ საგაზაფხულო ხორბალი, აიღეს 62 700 „ჩეთვერთი“ საშემოდგომო და 40 000 „ჩეთვერთი“ საგაზაფხულო ხორბალი; საეკლესიო გლეხებმა დათესეს 5 300 „ჩეთვერთი“ საშემოდგომო და 1 200 „ჩეთვერთი“ საგაზაფხულო ხორბალი, აიღეს 58 300 „ჩეთვერთი“ საშემოდგომო და 19 200 „ჩეთვერთი“ საგაზაფხულო ხორბალი. რაჭაში თითოეულ სულზე დაახლოებით 7,5 „ჩეთვერთი“ ხორბალი მოდიოდა⁵.

რაჭის მაზრაში 1 862 წელს ირიცხებოდა: 2 000 ცხენი, 23 080 მსხვილფეხა რქოსანი პირუტყვი, 20 200 ცხვარი (აქედან 4 400 ნაზმატყლიანი), 18 600 თხა, 18 710 ღორი, 30 სახედარი და ჯორი⁶.

რაჭაში 1865 წელს, 1862 წელთან შედარებით, ნაკლები პირუტყვი აღირიცხა, სულ: 2 106 ცხენი, 13 882 მსხვილფეხა რქოსანი, 145 515 ცხვარი, 13 108 თხა, 10 642 ღორი, 141 ჯორი და 17 სახედარი⁷. აქვე

1 Документы.... с. 292.

2 საქ. ცნობ. თ. 220, საქმე 862, თურც. 6.

3 СХАО. т. II. с. 397.

4 იქვე, გვ. 400.

5 СХАО. т. II. с. 400.

6 იქვე, გვ. 398.

7 იქვე, გვ. 418.

1868 წელს ირიცხებოდა: 1 225 ცხენი, 10 189 მსხვილფეხა რქოსანი, 22 952 ცხვარი; 2 963 თხა, 13 200 ღორი, 185 ჯორი და სახეღარი¹.

უნდა ითქვას, რომ რეფორმის დროს ქუთაისის გუბერნიაში არ იყო ცნობილი თუ უშუალოდ რა რაოდენობის მიწები იყო მემამულეთა ხელში და გლეხთა სარგებლობაში.

ამასთან, აღსანიშნავია, რომ ასეთი მონაცემები არც რეფორმის და არც მის მომდევნო ხანაზე არ მოგვეპოვება, რაც, რასაკვირველია, ართულებს მოცემული საკითხის კვლევას.

• • •

ქუთაისის თავად-აზნაურთა საგლეხო კომიტეტის მიერ 24 სხდომაზე შემუშავებული წესების (დებულების) პროექტის პირველი პარაგრაფი შეეხება ბატონყმობის წესსა და რიგს ქუთაისის გუბერნიაში.

აქ ნათქვამია, რომ ბატონყმობა ქუთაისის გუბერნიაში (იმერეთ-რაქა-გურიაში) უხსოვარი დროიდან არსებობდა და მას მტრის შემოსევის უმძივეს პირობებშიც კი არ განუცდია მერყეობა. აქვე აღნიშნულია, რომ თავდაზნაურობა ყიდულობდა და ყიდდა გლეხობას, ამასთან გლეხობასა და მიწა-წყალს თავდაზნაურობა წყალობის სახითაც იღებდა მეფეებისა და ქვეყნის მფლობელებისაგან. ამავე პარაგრაფში მოცემულია იმის მტკიცებაც, რომ გლეხთა ფლობას თავად-აზნაურებისათვის, გარდა მატერიალური კეთილდღეობისა, სხვა მხრივაც უდიდესი მნიშვნელობა ჰქონდა, ამიტომ თავდაზნაურობა არაფერს იშურებდა გლეხების შეძენაში.

ამავე პარაგრაფში აღნიშნულია, რომ გლეხობას არ გააჩნდა არავითარი საკუთრება, კიდევ მეტი, გლეხები და მათ ხელში არსებული ყოველგვარი ქონება (უძრავ-მოძრავი) მემამულეთა საკუთრებას წარმოადგენდა. შემდეგ ნათქვამია, რომ თავდაზნაურთა უფლებები სპეციალური სამართლის ძეგლებით (ვახტანგ მეფის კანონებით, აღბუღას სამართლით, მეფეთა, მთავართა, ერისთავთა სიგელებით, ნასყიდობათა აქტებით და სხვ.) არაა განმტკიცებული.

თავად-აზნაურთა კომიტეტის სახელით, ამავე პარაგრაფში ვკითხულობთ, რომ რუსეთთან შეერთების დროს იმპერატორმა იმერეთის სამეფოს თავად-აზნაურებს მანიფესტით აღუთქვა ყველა უფლების, პრივილეგიისა და საკუთრების შენარჩუნება. აქვე დახასიათებულია რუსეთთან შეერთების შემდგომ იმერეთის მდგომარეობა და ნათქვამია, რომ იმერეთს 1812 წ. თავს დაატყდა დიდი უბედურება — საშინელი სენი, რომელმაც მოსახლეობის ნაწილი გაწყვიტა, ნაწილი კი სხვა მხარეებში გააქცია, რამაც მხარე დააცარიელა. რის შემდეგ, თითქოს თავდაზნაურობამ თავისი სახსრებითა და მეცადინეობით შეძლო ქვეყნის აღდგენა. წესების პირველ მონახაზში ნათქვამია: მემამულეები, რომლებიც საუკუნო უფლებებით სარგებლობენ კვლავ აგრძელებენ გლეხთა ყიდვას მიწით

¹ CXAO, т. II, с. 413.

თუ უმიწოდ. ამდენად, თავად-აზნაურთა კომიტეტის განსჯით, გლეხები მემამულეთა საკუთრებასა და ქონებას შეადგენენ¹.

თავად-აზნაურთა დეპუტატები შეეცადნენ ქუთაისის გუბერნიის გლეხობისათვის უფრო უარესი პირობები მოეხვიათ თავს, ვიდრე თბილისის გუბერნიაში. ამის გასამართლებლად ისინი სხვადასხვა მიზეზსა და არგუმენტს აყენებდნენ, მათი მტკიცებით, ჯერ ერთი, ისინი გლეხთა განათავისუფლებით კარგავდნენ თავიანთი მეურნეობის წარმართვის ყოველგვარ საშუალებას; მეორეც, სიღარიბისა და უფულობის პირობებში შეუძლებელია მოსამსახურის ყოლა ან მუშის დაქირავებაო. ამასთან „ჩვენ არ გავგაჩნია პირადი მეურნეობა, განათლება და ცოდნა, არც ვაჭრობასა და მრეწველობას მივდევთ, ჩვენი სიმდიდრე მხოლოდ ყმა გლეხობაა, რომელთაც საუკეთესო მიწები მივეცით, რათა ღალა გვაძლიონ და სამსახური გავცივიონ“².

თავად-აზნაურთა წარმომადგენლების მიერ შემუშავებულ წესებში ნათქვამია, რომ გლეხთა განათავისუფლებით თავადაზნაურობა კარგავდა არსებობის შესაძლებლობას. აქვე ჩამოთვლილია გლეხთა პირად ვალდებულებათა სახეობები, ღალის, შრომითი ბეგარისა და სხვათა სახით.

ყმა გლეხის კომლი ვალდებული იყო მებატონე უზრუნველყო ერთი შინაყმით, აგრეთვე თავისი გამწვევი ძალით და იარაღებით მებატონისათვის ემუშავა კვირაში ორი-სამი დღე, გადაეხადა ღალა და მგზავრობის დროს ფეხით ან ცხენით გაეცილებინა.

შინაყმათა ვალდებულებას შეადგენდა: მოახლეობა, მზარეულობა, მეჭინიბეობა, მეწისქვილეობა, მეთევზეობა, კალატოზობა, მკედლობა, მწყემსობა, პურის ცხობა, ღურგლობა, მიწის დამუშავება და სხვ. გლეხები იხდიდნენ: საურს (ერთიდან ხუთ მანეთამდე ღირებულს), სააღდგომოს, საშობაოს, სამასპინძლოს, საქვრივოს, საჩექმოს, გასამყრელოს, საჭორჭილოს, შესაწვეარს, სალაშქროს, საციხოს და სხვ.

გლეხთა განათავისუფლების წესების პირველ პარაგრაფში ჩამოთვლილი იყო გლეხთა ნატურით ვალდებულება. მათ მებატონე უნდა უზრუნველყოთ: პურით, ღომით, სიმინდით, ქერით, ლობიოთი, ღვინით, ყველით, კარაქით, კვერცხით, ხორციით, ქათმით, სანთლით და სხვ. რა თქმა უნდა, ყველა ეს ვალდებულება ერთ კომლს არ ეკისრა, არამედ სხვადასხვა გლეხთა საერთო ვალდებულებას შეადგენდა.

ამ პარაგრაფში აღნიშნული იყო, თუკი გლეხის კომლი (რალაც მიზეზით) მებატონეს არ მიაწვდიდა ერთ შინაყმას, მაშინ ის ვალდებული იყო წელიწადში 30-დან 70 მანეთამდე ფული გადაეხადა. თუკი გლეხის კომლი მინდვრის სამუშაოსაგან (ნაღობისაგან) განათავისუფლდებოდა, ის ვალდებული იყო 40-დან 60 მანეთამდე გადაეხადა.

თავად-აზნაურთა წარმომადგენლების მტკიცებით, რაც წესებში აი-

¹ CXAO, т. II, с. 303.

² იქვე.

სახა. შინაყმის დაჭირაება წელიწადში 40-დან 120 მანეთამდე აღწევდა. დღეში რიგითი მუშის დაჭირაება 10-დან 40 კაპიკა უდრიდა, ხარებით 60 კაპიკიდან 1 მანეთამდე. ხუროს — 60-დან 1 მან. და 20 კაპიკამდე¹.

როგორც ვხედავთ, მსხვილ თავად-აზნაურთა წარმომადგენლებმა (დეპუტატებმა) გლეხთა განთავისუფლების წესების პირველ პარაგრაფში დეტალურად აღაიშნეს და გააზვიადეს გლეხთა ბეგარა-ვალდებულება, ხოლო გლეხთა განთავისუფლების შემოხვევაში თავიანთი მდგომარეობა უმწურო და უნდუეშოდ დახატეს. მიუხედავად ამისა, კომიტეტი ცნობდა და ადასტურებდა გლეხთა განთავისუფლების აუცილებლობას, რადგან მის გარეშე ვერც გლეხთა მდგომარეობის გაუმჯობესებას ხედავდა².

ამასთან, ხაზგასმით აღინიშნა, რომ გლეხთა ხელში არსებული მიწა-წყალი (ბაღ-ვენახი, სახნავ-სათიბი, ტყე და სხვ.) მებატონეთა საკუთრებას შეადგენდა, ამიტომ ამ მიწა-წყლისა და ბატონყმობის გაუქმების სამაგიეროდ, თავადაზნაურობას სათანადო ანაზღაურება უნდა მიეღო.

წესების მეორე პარაგრაფში მოცემულია გლეხთა უფლება მოძრაე ქონებაზე. აქ დამოწმებულია ვახტანგ მეფის სამართლის ის პუნქტი, რომელშიც ნათქვამია: რაც გლეხს გააჩნია, გარდა სულისა, მებატონეს ეკუთვნის, რომ გლეხს უფლება არ აქვს მებატონის გარეშე მოძრაე ქონება განაგოს (უმეტესად ეს ქონება გლეხის მიერ იყო შეძენილი). მაგრამ, მიუხედავად ამისა, თითქოს იმისათვის, რომ თავადაზნაურობასა და გლეხობას შორის კეთილი დამოკიდებულება გაგრძელებულიყო, საოჯახო ნივთები, საოჯახო იარაღები და პირუტყვი გლეხთა საკუთრებად ცხადდებოდა.

მესამე პარაგრაფი ეხებოდა გლეხთა უფლებას საცხოვრებელ და სამეურნეო ნაგებობებზე. ამასთან დაკავშირებით, ქუთაისის გუბერნიის თავად-აზნაურთა წარმომადგენლების მიერ შემუშავებულ წესებში ნათქვამია, რომ ქუთაისის გუბერნიაზე შეუძლებელი იყო თბილისის გუბერნიის გლეხთა განთავისუფლების დებულების შესაბამისი პარაგრაფის (საცხოვრებელი და სამეურნეო ნაგებობების გლეხებისადმი მიკუთვნება) გავრცელება, რადგან: ჯერ ერთი, ქუთაისის გუბერნიის გლეხთა ხელში არსებული საცხოვრებელი და სამეურნეო ნაგებობების ნაწილი თითქოს მეფეთა, ერისთავთა და სხვათა ნაწყალობევი იყო თავად-აზნაურებისადმი; მეორეც, გლეხის სარგებლობაში არსებულ ნაგებობათა ნაწილი მებატონეთა (მემამულეთა) ხე-ტყითა და სხვა მასალით იყო აგებული; მესამეც, გლეხთა ნაწილი ყოველგვარი ქონების გარეშე იყო ნაყიდი, ნაგებობები კი შემდეგ ჰქონდა მებატონისაგან მიღებული; მეოთხეც, ზოგიერთ განაყარ გლეხს მთლიანად მება-

¹ CXAO, т. II, с. 304.

² იქვე.

ტონისაგან ჰქონდა ნაგებობები მიღებული, ან მებატონის მიერ მიცემული შეღავათიან პირობებში; მეხუთეც, თითქოს აღმოსავლეთ საქართველოს გლეხთა ნაგებობები, დასავლეთ საქართველოსთან შედარებით, უბრალო და იაფადღირებული იყო.

კომიტეტის დასკვნით, ბატონყმობის გაუქმებიდან ერთი წლის მანძილზე, უნდა შეფასებულიყო გლეხთა ყველა სახის ნაგებობა, თუკი აღმოჩნდებოდა, რომ გლეხის მეურნეობა არ ზარალდებოდა, მაშინ მას მებატონისათვის ნაგებობის ფასის მეოთხედი უნდა ეწილადებინა¹. კომიტეტის განსჯით, მოცემული წესი, პირველ რიგში, რაქაში უნდა განხორციელებულიყო.

როგორც ვხედავთ, ამ საკითხში, თბილისთან შედარებით, ქუთაისის გუბერნიის გლეხთა განთავისუფლება (მითუფრო რაქის) უფრო მძიმე უნდა ყოფილიყო.

მეოთხე პარაგრაფი ეხება გლეხთა უფლებას ნაყიდ მიწაზე.

საგლეხო კომიტეტის ცნობით, ქუთაისის გუბერნია განიცდიდა მიწის დიდ სიმცირეს, ამიტომ აქ არავითარ შემთხვევაში არ უნდა დაშვებულიყო გლეხისათვის რაიმე მიწის მიკუთვნება, ამაზე დავაც კი, შემამულეთა გაჩანაგების მომასწავებელი იქნებოდა. ამასთან, კომიტეტს მიაჩნდა, რომ თუკი გლეხთა პრეტენზიები ნაყიდ მიწაზე დაიშვებოდა, ამას მრავალი ყალბი საბუთი და ყალბი დამოწმებაც მოჰყვებოდა, რაც თითქოს ორივე მხარისათვის და მთავრობისათვისაც საზარალო იქნებოდა.

კომიტეტის მიერ შედგენილი წესების სპეციალური პუნქტი კატეგორიულად უარყოფს გლეხთა რაიმე უფლებას ნაყიდ მიწაზე, მით უფრო, რომ. თავის დროზე, გლეხთა ნაწილი თავდა-აზნაურებს მიწიანად ეწყალობა, ამასთან გლეხს თავისი მემამულის თანხმობის გარეშე არ შეეძლო მიწის ყიდვა-გაყიდვა. ერთი სიტყვით, კომიტეტის მიერ შემუშავებულ წესებში საქმე ისეა წარმოდგენილი, თითქოს მიწის ყიდვაში გლეხის სახსარი და ხელი კი არ ერია, არამედ ყოველივე მემამულის ქონებით ხდებოდა, თითქოს ის საბუთები, სადაც გლეხია მოქმედად დასახელებული, ფორმალური და საბუთის შემდგენის თვითნებობის ან მემამულის დაუდევრობის შედეგი იყო. აქვე მოცემულია იმისი მტკიცებაც, თითქოს გლეხის მიერ მიწაში გაღებული ფასი არარაობა იყო, იმასთან შედარებით, რაც სინამდვილეში ის ღირდა. თითქოს გლეხის ვალდებულება, როდესაც მას მხოლოდ ფორმალურად ნაყიდი მიწის მეტი არაფერი ებადა, ისეთივე იყო, როგორც მემამულისადმი კუთვნილ მიწაზე. კომიტეტის აზრით, გლეხს რომ მიწა არ ეკუთვნოდა კერძო საკუთრების უფლებით,

¹ CXAO, T. II, c. 306.

ამისი დამადასტურებელია ისიც, რომ მეფის მმართველობის პერიოდში გლეხებს არასოდეს მოუთხოვიათ ამისი ოფიციალური დამტკიცება¹.

კომიტეტი ცდილობდა დაემტკიცებინა, თითქოს ვახტანგის კანონებში არაფერი იყოს ნათქვამი გლეხთა კერძო მიწაზე. კომიტეტი მხოლოდ გამონაკლის შემთხვევაში უშვებს გლეხის დავას, ათწლიანი ხანდაზმულობით (უცხო პირისაგან ნაყიდ მიწაზე), ოღონდ ნასყიდობის აქტი ყოველმხრივ კანონიერად უნდა ყოფილიყო გაფორმებული (ქუთაისის, შორაპნისა და რაჭის დეპუტატების აზრით, ასეთ რამეზე გლეხის დავა, რეფორმის გამოცხადებამდე, ათ წელიწადზე ადრე არ უნდა დაშვებულიყო, ხოლო ოზურგეთის დეპუტატების — 1859 წელზე ადრე)².

თუ თბილისის გუბერნიის საგლეხო დებულების ძალით გლეხებს შეეძლოთ ნაყიდი მიწის დავა-ძიებით დასაკუთრება, ქუთაისის გუბერნიის გლეხებს ეს შესაძლებლობა კიდევ უფრო უნდა შეეკვეცოდათ.

შემდგომი პარაგრაფი ეხება ნ ა დ ე ლ ს .

თბილისის გუბერნიის დებულების (1864 წ. 13 ოქტ.) საფუძველზე ცხოვრების უკეთ მოწყობის, სახელმწიფოსა და მემამულის წინაშე ვალდებულების მოხდის შესაძლებლობის მიზნით, გლეხს ეძლეოდა მიწა-ნადელი (უმალღესი ზომა ათი დღიური სარწყავი, ან ოცი დღიური ურწყავი) მუდმივ სარგებლობაში. ნადელის ზოგადი ოდენობა დებულებით განისაზღვრებოდა, მაგრამ კონკრეტულად ის მემამულისა და გლეხის პირადი შეთანხმებით უნდა განსაზღვრულიყო.

საგლეხო კომიტეტის განსჯით, ქუთაისის გუბერნიაში ყველაზე საუკეთესო მიწები თითქოს გლეხების ხელში იყო, თითქოს ამას მემამულეები უწყობდნენ ხელს. ამიტომ შემუშავებული წესით, რეფორმის შედეგად გლეხს არ შეიძლებოდა მთლიანად დარჩენოდა ის მიწა, რასაც ადრე ფლობდა, რადგან ეს თითქოს მემამულეთა უმიწაწყლოდ დატოვებას მოასწავებდა. ამ პარაგრაფში მოცემული იყო იმისი მტკიცებაც, რომ, თითქოს ქუთაისის გუბერნიის მიწებს ყოველმხრივ უპირატესობა ჰქონდათ, თბილისის გუბერნიასთან შედარებით (ხაზგასმული იყო რწყვის არ საჭიროება, მოხვნის სიადვილე, მოსავლის სიუხვე და სხვ.).

ყოველივე ამის გამო, ქუთაისის გუბერნიის საგლეხო კომიტეტის გადაწყვეტილებით შეუძლებლად იქნა ცნობილი იმერეთში, რაჭაში და გურიაში ნადელის უმალღესი და ძირითადი (коренной участок) ზომა თბილისის მსგავსად განსაზღვრულიყო. შემუშავებული წესით, ქუთაისისა და ოზურგეთის მაზრებში თითოეული კომლის მინდვრის ნაკვეთი (სახნავი და სათიბი მიწა) განისაზღვრა არა უმეტესი ხუთი ქცევით, შორაპნის მაზრაში — ოთხი, ხოლო რაჭაში — სამი ქცევით (აღსანიშნავია,

¹ СХАО, т. II, с. 307—309.

² ი ქ ვ ე, გვ. 310.

რომ წესების თავდაპირველ პროექტში ნადელის უმაღლეს ზომაზე საერთოდ არაფერია ნათქვამი¹.

თავად-აზნაურთა დეპუტატების განსჯით, ქუთაისის გუბერნიაში გლეხთა ვალდებულებაც უფრო მეტი უნდა ყოფილიყო თბილისის გუბერნიასთან შედარებით. მათი მტკიცებით, იმერეთ-რაჭა-გურიაში მიწის ქირა ნახევარ მოსავალს უდრიდა, იშვიათად კი მესამედს (ამასთან მიწაში გლეხი თითქოს სხვა ვალდებულებასაც ასრულებდა). კომიტეტის აზრით, ქუთაისის გუბერნიაში თბილისის მსგავსი ვალდებულების დატოვება იმიტომაც იყო არასწორი, რომ, თითქოს დასავლეთ საქართველოში მიწა უკეთეს მოსავალს იძლეოდა და, თითქოს ნაკლებ შრომასაც საჭიროებდა.

ყოველივე ამის გამო, კომიტეტმა გადაწყვიტა ქუთაისის, შორაპნისა და ოზურგეთის მაზრებში, დროებით ვალდებულ გლეხს, მოსავლის მესამედი გადაეხადა, რაქის მაზრაში კიდევ მეტი — ნახევრამდე. რაც შეეხებოდა სათიბს, მასზე გლეხს ყველა მაზრაში თივის ნახევარი უნდა გადაეხადა და თანაც 15 ვერსის მანძილზე მემამულესათვის შინ მიეტანა².

აღსანიშნავია, რომ კომიტეტის სხდომის ოქმზე ხელმოწერისას რაქის თავად-აზნაურთა დეპუტატებმა კატეგორიულად მოითხოვეს ოქმში შეეტანათ ისიც, რომ, თითქოს რაჭაში მიწა დასვენებას არ საჭიროებდა, იოლი დასამუშავებელი იყო და კარგ მოსავალს იძლეოდა. ამასთანავე, თითქოს იქ, მთელ ამიერკავკასიასთან შედარებით, მიწა ძვირი ღირდა. ოქმში იქნა აგრეთვე შეტანილი, რომ თითქოს მცირემიწიანობის პირობებში რაქის თავადაზნაურები გლეხებს (თავის დროზე) შესაძლებელზე მეტ მიწას აძლევდნენ იმისათვის, რომ მათთან კეთილი დამოკიდებულება ჰქონოდათ. ამასთან, მოსავლის ნახევრის გადახდა, თითქოს რაჭაში დაკანონებული იყო და თითქოს ამას გლეხები მიჩვეული იყვნენ.

დროებით ვალდებულ გლეხებს თითქოს იმიტომაც არ გაუჭირდებოდათ ნახევარი მოსავლის გადახდა, რომ ისინი რეწვას ეწეოდნენ, მუშაობა უყვარდათ და კარგი ხელოსნები იყვნენ. ამიტომ, თუნდაც მცირემიწიანობის პირობებში, ისინი თითქოს სხვა მაზრების გლეხობაზე უკეთ იცხოვრებდნენ³.

წესების შემდგომი პარაგრაფი გლეხის საკარმიდამოს ეხება. თბილისის გუბერნიის დებულების შესაბამისად, გლეხის საკარმიდამოს უმაღლესი ზომა ერთი ქცევა უნდა ყოფილიყო, ხოლო მასზე სამი მანეთი (ვერცხლით) გადასახადი დაწესდა. ეს გადასახადი შეიძლებოდა გადიდებულიყო (კარგი შემოსავლიანობის შემთხვევაში), ან შემცირებულიყო ორ მანეთამდე.

ქუთაისის თავად-აზნაურთა კომიტეტმა ამ შემთხვევაშიც უფრო მძიმე პირობები წამოაყენა. თითქოს დასავლეთის საკარმიდამო ბევრად

¹ CXAO, т. II, с. 313.

² იქვე, გვ. 314.

³ იქვე.

ჯობდა თბილისისას, როგორც მრავალკულტურული ნარგავიანობის, აგრეთვე იოლო დამუშავების მხრივ. კომიტეტის დასკვნით, ქუთაისის გუბერნიაში ერთქეცვიან საკარმიდამოდან მიღებული წლიური შემოსავალი 15—20 მანეთს უდრიდა (რაჰის ზოგიერთი სოფლის გამოკლებით, სადაც მჭიდრო დასახლების პირობებში, საკარმიდამოზე არავითარი ხეხილი არ არსებობდა, მაგრამ მიუხედავად ამისა, ასეთი მიწა იქაც ძვირი ღირდა).

შემუშავებული წესებით, ქუთაისისა და ოზურგეთის მაზრებში საკარმიდამოს ოდენობა ერთი ქეცვით განისაზღვრა, შორაპანში ორი მესამედით, რაჭაში კი ნახევართ (ამ შემთხვევაშიც რაჭაში უფრო მძიმე პირობები დაიშვა, რაც თითქოს მჭიდრო დასახლებით იყო განპირობებული).

თავად-აზნაურთა კომიტეტის წინადადებით, ქუთაისისა და ოზურგეთის მაზრებში საკარმიდამოზე გლეხის გადასახადი შემოსავლის მიხედვით უნდა განსაზღვრულიყო, ხოლო შორაპანისა და რაჰის მაზრებში — მიწის ფასის მიხედვით, ისე, რომ ქუთაისის გუბერნიის გლეხთა გადასახადი, თბილისის გუბერნიასთან შედარებით, ორმაგი ყოფილიყო.

შემდგომი პარაგრაფი ეხება ყურძნისა და ხეხილის ბალებს. თბილისის გუბერნიის რეფორმის დებულებით, ხეხილის ნარგავები გლეხთა საკუთრებად იქნა ცნობილი (უმიწოდ), ხოლო ნადელის შემადგენლობაში შემავალ ვენახზე მოსავლის მეოთხედი გადასახადი დაწესდა.

იმერეთ-რაჭა-გურიაში ვენახზე და ხეხილზე ადრე სხვადასხვა გადასახადი არსებობდა, დროებით ვალდებულ გლეხებზე კი ყველგან ერთნაირი წესი უნდა შემოღებულიყო. კომიტეტის მტკიცებით, ვენახსა და ხეხილზე ქუთაისის გუბერნიაში ადათით რეფორმამდე მოსავლის ნახევარს იხდიდნენ, ამიტომ, დროებით ვალდებულ გლეხზე ყველგან ასეთი გადასახადი უნდა დაწესებულიყო. ამასთან, თუკი გლეხი გადასახადს ყურძნით გადაიხდიდა, ის ვალდებული უნდა ყოფილიყო, ყოფილ მებატონესათვის, თხუთმეტი ვერსის მანძილზე მიეტანა, თუკი ღვინით გადაიხდიდა, მაშინ — სამოცდათხუთმეტი ვერსის მანძილამდე. ამასთან, იმ მაღლარ ვენახზე და ხეხილის ნარგავებზე, რომლებიც ნადელის გარეთ მოხვდებოდნენ, გლეხს არავითარი უფლება არ უნდა დარჩენოდა!

ნადელის გამოსყიდვის საკითხში, ქუთაისის გუბერნიაში, კომიტეტმა შესაძლებლად მიიჩნია თბილისის გუბერნიის დებულების შესაბამისი პუნქტის გამოყენება შემდეგი დამატებით: შორაპანისა და რაჰის მაზრებში ნადელის გამოსასყიდი ფასი შემოსავლის მიხედვით კი არ განსაზღვრულიყო, არამედ მიწის ადგილობრივი ფასით.

რეფორმის დებულების შემდგომ პარაგრაფში მოცემულია საძო-

¹ CXAO, т. II, с. 317.

² იქვე, გვ. 318.

გარ-საბალახო ადგილებით სარგებლობის წესი. ამაზე თბილისის გუბერნიის დებულებაში ნათქვამია, რომ გლეხებს შეეძლოთ თავის ყოფილ მემამულეთა მიწების ფარგლებში საძოვარ-საბალახო ადგილებით ადათისამებრ სარგებლობა. ქუთაისის გუბერნიაში, სადაც იშვიათად არსებობდა საერთო-სასოფლო საძოვრები, დროებით ვალდებულ გლეხს შეეძლო კვლავ ძველი საძოვარ-საბალახო ადგილებით ესარგებლა, მაგრამ მას, თითოეულ მსხვილფეხა პირუტყვზე, მემამული-სათვის—ათი კაპიკი, ხოლო წვრილფეხაზე ხუთი კაპიკი უნდა გადაეხადა¹.

ქუთაისის გუბერნიის საგლეხო რეფორმის წესების პროექტი, თბილისის გუბერნიასთან შედარებით, სხვა მხრივაც ამძიმებდა დროებით ვალდებულ გლეხთა მოვალეობას, მაგალითად, თუკი ქუთაისის გუბერნიის თავად-აზნაურს სურვილი ექნებოდა, შეეძლო გლეხის ნადელი თავისთვის სასურველ ადგილზე გადაეტანა, აგრეთვე თუკი გლეხის საკარმიდამო მემამულის საცხოვრებელთან ორას საყენზე ახლო იყო, მემამულეს უფლება ეძლეოდა, გლეხის საკარმიდამოც თავის ნებასურვილით სწავან გადაეტანა².

კომიტეტმა განსაზღვრა გლეხთა ხელში არსებული წისქვილების საკითხიც.

ქუთაისის გუბერნიაში წისქვილების უმრავლესობა გლეხთა ხელში იყო. როგორც წესი, ეს წისქვილები მემამულეთა მიწებზე იდგა, ამიტომ შემოსავლის ნახევარს გლეხები მემამულეებს უხდიდნენ. აქედან გამოდინარე, განთავისუფლებულ გლეხს წისქვილის ნახევარი ფასი მემამულისათვის უნდა მიეცა³.

წესებში მოცემულია აგრეთვე გლეხის უფლებამოსილება მეზატონის მიწა-წყალზე ნადირობასა და თევზჭერაზე. თუ უწინ მემამულე გლეხს უფლებას რთავდა თავის სანადირო და სათევზაო ადგილებით ესარგებლა და სათანადო წილიც აეღო, კომიტეტის დასკვნით, გლეხისათვის ასეთი უფლების მიცემა კვლავ მემამულის კომპეტენციაში უნდა დარჩენილიყო.

კომიტეტმა განსაზღვრა წვრილი მემამულის ცნებაც. ასეთად ქუთაისის გუბერნიაში მიჩნეულ იქნა ის მემამულე, რომელსაც 120 ჰექტავზე ნაკლები მიწა და 21 სულ მამაკაცზე ნაკლები ყმა ეკუთვნოდა. კომიტეტის დასკვნით, ის მემამულე, რომელსაც 60 ჰექტავზე ნაკლები მიწა ეკუთვნოდა (სახნავ-სათიბი), უნდა განთავისუფლებულიყო გლეხისათვის ნადელის გაზოყოფის ვალდებულებისაგან⁴.

თავად-აზნაურთა კომიტეტის მიერ შემუშავებული წესებით, ქუთაი-

¹ CXAO, т. II, с. 318—319.

² იქვე, გვ. 319.

³ იქვე, გვ. 320—321.

⁴ იქვე.

სის გუბერნიაში გლახთა ნატურით გადასახადების მიცემის პირობები ისეთივე უნდა ყოფილიყო, როგორც თბილისის გუბერნიაში. გლახი ვალდებული იყო ხორბალი, სიმინდის ტარო და ღომი (გამომწრალი თავთავით) მემამულისათვის თხუთმეტი ვერსის მანძილზე მიეზიდა. თუ მემამულე ისურვებდა სიმინდი და ღომი მარცვლის სახით მიეღო. მაშინ ჩალა გლახს რჩებოდა, მაგრამ გლახს ევალებოდა მარცვალი მემამულისათვის სამოცდათხუთმეტი ვერსის მანძილზე მიეტანა¹.

კომიტეტმა განსაზღვრა ისეთი შემთხვევის წესიც, როდესაც გლახი არ დაამუშავებდა ნადელს და მემამულეს დადგენილ გადასახადს არ გადაუხდიდა. ასეთ შემთხვევაში, მემამულეს უფლება უნდა მისცემოდა, დროებით ვალდებული გლახის ნადელი თვითონ მიეღო. თუკი გლახი ნადელის ვალს არ დაფარავდა ერთი წლის განმავლობაში, ის სამუდამოდ მემამულეს რჩებოდა. თუკი გლახი ერთი წლის მანძილზე დავალიანებას დაფარავდა, მას უფლება ეძლეოდა ნადელი დაებრუნებინა, მაგრამ თუკი მემამულე მის მოხვნა-დათვისვას მოასწრებდა, მაშინ ეს ნადელი მემამულეს რჩებოდა მოსავლის აღებამდე².

ქუთაისის გუბერნიის თავად-აზნაურთა დებუტატებმა შეიმუშავეს მემამულეებისადმი კუთვნილ ებრაელ და სომეხ ვაჭართა განთავისუფლების წესიც. ვაჭრები, რომლებიც ფაქტობრივად მიწათმოქმედებას არ ეწეოდნენ, გაცილებით უკეთესად ცხოვრობდნენ, ვიდრე გლახები. კომიტეტმა აღნიშნა, რომ ასეთი ვაჭრები ზოგჯერ თავს ინთავისუფლებდნენ მემამულისაგან, დიდი თანხის (1000—10000 მანეთამდე) გაღების ფასად. კომიტეტის აზრით, ვაჭარი (რომელთა ნაწილი სოფლადაც ცხოვრობდა), მემამულისაგან შეიძლებოდა განთავისუფლებულიყო, (რეფორმამდე არსებული), თექვსმეტი წლის გადასახადის საფასურად. თუკი ვაჭარი ნადელსაც ფლობდა, მას ამ ნადელში რიგით გლახზე დაწესებული ფასი და გადასახადი უნდა გადაეხადა³.

ქუთაისის თავად-აზნაურთა საგლეხო კომიტეტის მიერ შემუშავებულ დებულებაში მოცემულია თავად-აზნაურებისათვის გლახთა განთავისუფლების გამო გასამრჩელოს მიცემის წესები, რომელშიც კვლავ იმაზეა ლაპარაკი, რომ გლახთა განთავისუფლებით თავადაზნაურობა კარგავდა მთავარ სიმდიდრეს, ცხოვრების ნორმალური წარმართვის საშუალებას. აქვე აღნიშნულია, რომ ქუთაისის გუბერნიის თავადაზნაურობა იმპერატორის ერთგული რჩებოდა და მზად იყო რუსეთის მტრების წინააღმდეგ სისხლი დაედვარა (როგორც ეს ყირიმის ომის დროს მოხდაო). ამასთან, კომიტეტმა იმედი გამოთქვა, რომ 1861 წ. იმპერატორის დანა-

¹ CXAO, т. II, с. 322.

² იქვე.

³ იქვე, გვ. 323.

პირები წყალობა მთლიანად ისე შესრულდებოდა, როგორც ეს აბაში-
ძეებისა და წულუკიძეების მიმართ (რომელთაც 1820 წ. აჯანყების გამო
ჩამორთმეული მამულების საფასური აღნაზღაურდათ).

* * *

ქუთაისის საგუბერნიო კომიტეტის მიერ გლახთა განთავისუფლება-
სა და მათი ყოფა-ცხოვრების მოწყობაზე შემუშავებული დებულების
პროექტი, განსახილველად გადაეცა მთავრობის სპეციალურ საგუბერნიო
კომისიას. რომელსაც მეფისნაცვალის საბჭოს წევრი, თავადი ბაგრატიონ-
მუხრანსკი თავმჯდომარეობდა.

ქუთაისში შემუშავებულ პროექტზე ბაგრატიონ-მუხრანსკიმ თავისი
შენიშვნები გააკეთა და წერილობით წარუდგინა საგუბერნიო კომისიას.

ბაგრატიონ-მუხრანსკი იძულებული გახდა ელიარებინა, რომ ეს
პროექტი მეტად მძიმე ვალდებულებას ითვალისწინებდა გლახებისაგან
და ღიდად მოსაგები იყო თავად-აზნაურებისათვის, თუმცა ეს გარემოება
სრულიდაც არ აკვირვებდა ბაგრატიონს, რადგან მოცემული პროექტი
თავად-აზნაურთა წარმომადგენლებმა (დეპუტატებმა) შეიმუშავეს. კომი-
სიის თავმჯდომარეს უფრო ის აფიქრებდა, რომ ცენტრალურ რუსეთთან
და თბილისის გუბერნიასთან შედარებით ქუთაისის გუბერნიის გლახების
განთავისუფლების პირობები უფრო მძიმე იყო, ამიტომ ეშინოდა მას
მღელვარება არ გამოეწვია, რაც მთავრობას უფრო ძვირად დაუჯდებოდა.

ბაგრატიონ-მუხრანსკის მიერ წარდგენილ მოხსენებაში, პირველი შე-
ნიშვნა ეხება გლახთა უფლებას თავის ნაგებობებზე. მან არასწორად მი-
იჩნია (კომიტეტის მიერ წამოყენებული პროექტით) გლახისათვის, თავის
ნაგებობაში მეოთხედი ფასის გადახდევინება მემამულის სასარგებლოდ.
მისი აზრით, შესაძლებელი იყო გლახის რომელიმე ნაგებობა მემამულის
მეშვეობით ან დახმარებით ყოფილიყო აშენებული, მაგრამ, როგორც
წესი, ეს ნაგებობები ყველგან გლახთა მეცადინეობით და შრომით იყო
შექმნილი. ამის გამო, თბილისის გუბერნიის გლახთა დებულების შესა-
ბამისი პარაგრაფიდან გადახვევა, ბაგრატიონ-მუხრანსკიმ მიზანშეუწონ-
ლად მიიჩნია (თბილისის გუბერნიაში კი ეს ნაგებობები გლახის საკუ-
თრებად გამოცხადდა)!

მეორე შენიშვნა შეეხო გლახის უფლებას უძრავ ქონებაზე. როგორც
ენახეთ, თავად-აზნაურთა კომიტეტმა გლახის უფლება ნაყიდ მიწაზე
ფაქტობრივად უარყო (თუნდაც ნასყიდობის უტყუარი აქტი ჰქონოდა).
იმ საბაბით, რომ თუკი ეს საბუთები მიიღებოდა, მაშინ თითქოს სხვა
ყალბ საბუთებსაც გაეხსნებოდა გზა. მიუხედავად იმისა, რომ თავად-აზ-
ნაურთა ეს შიში, მთავრობის კომისიამ უსაფუძვლოდ არ ჩათვალა, ამ
საბაბით გლახისათვის თავისი ნაყიდი მიწის წართმევა მაინც არასწორად
მიიჩნია, რადგან ამას დიდი უკმაყოფილების გამოწვევა შეეძლო. ბაგრა-

¹ CXAO, т. II, с. 327.

ტიონ-მუხრანსკის აზრით, ქუთაისის გუბერნიაში ძალაში უნდა დარჩენილიყო თბილისის გუბერნიაზე შემუშავებული წესი, რომლის ძალით ნასყიდი მიწის ნახევარი გლეხს უნდა მიკუთვნებოდა. რადგან მისი აზრით, არ შეიძლებოდა ქუთაისის გლეხობის იმ იურიდიული უფლების ხელყოფა, რაც უმაღლესმა ხელისუფლებამ რუსეთის გლეხობას 1861 წ. 19 თებერვლის კანონმდებლობით უკვე მიანიჭა¹.

ბაგრატიონ-მუხრანსკიმ არასწორად და მიზანშეუწონლად მიიჩნია არა მარტო გლეხისათვის ძიების აკრძალვა ნასყიდი მიწის მიკუთვნებაზე, არამედ ამ ძიების ათი წლის ხანდაზმულობით განსაზღვრაც. მისი განცხადებით, ზოგჯერ გლეხს ჰქონდა ისეთი საბუთი, რომელიც ათ წელიწადზე ადრინდელი იყო, მაგრამ უტყუარი. ასეთ შემთხვევაში, მას შეუძლებლად მიაჩნდა გლეხის უფლების უგულებელყოფა, მითუფრო, რომ გლეხის ასეთი უფლება რუსეთის ცენტრალურ გუბერნიებში უკვე დაიშვა.

შემდეგი შენიშვნა შეეხება ნადელის ზომის განსაზღვრას. ბაგრატიონ-მუხრანსკიმ მიზანშეუწონლად მიიჩნია ქუთაისის საგლეხო კომიტეტის მიერ ნადელის მხოლოდ ერთი ზომის განსაზღვრა. მითუფრო რაჭაში მისი ზომის სამი, ხოლო შორაპანში ოთხი ქვევით შემოფარგვლა. თავმჯდომარემ მიზანშეუწონლად მიიჩნია აგრეთვე იმ ადგილის გლეხის ნადელში ჩათვლა, სადაც მადლარი ვენახი ჰქონდა გაშვებული. ამასთან ბაგრატიონ-მუხრანსკის აზრით, მემამულეს გლეხისათვის არაფერი არ უნდა ჩამოეჭრა. თუკი ის ძირითადი ნადელის მოცულობას არ აღემატებოდა. მაგრამ იმ შემთხვევაში, როდესაც მემამულის პირადი მიწა, მისდამი მთლიანად კუთვნილი მიწის ნახევარზე ნაკლები იყო და გლეხს არაფერს ჩამოაჭრიდა, ამ უკანასკნელის ვალდებულება უნდა გაზრდილიყო (ე. ი. გლეხს დროებით ვალდებულების დროს მეტი გადასახადი უნდა გადახდენოდა, ხოლო გამოსყიდვის დროს — მეტი ფასი)².

ბაგრატიონ-მუხრანსკი საჭიროდ მიიჩნევდა ქუთაისის გლეხობას ნადელის უმაღლესი ზომაც განსაზღვროდა, რადგან მისი რწმუნებით, ზოგიერთი გლეხი ფაქტობრივად 30 და ზოგჯერ 40 ქვევა მიწასაც კი ფლობდა. ეს მაშინ, როდესაც ზოგიერთი მემამულე მიწის დიდ დანაკლისს განიცდიდა³.

ბაგრატიონ-მუხრანსკის შემდეგი შენიშვნა შეეხო დებულების პროექტის იმ ნაწილს, რომელშიაც განსაზღვრული იყო გლეხთა დროებით ვალდებულება. როგორც ვნახეთ, წესების პროექტით, ქუთაისის გუბერნიის გლეხებს მოსავლის მესამედი უნდა გაეღოთ (რაჭაში კი უფრო მეტი). იმერეთში მიწის ქირა, როგორც წესი, მოსავლის მესამედი ღირდა, იშვიათად ნახევარი. მაგრამ რეფორმის დროს გლეხები (მიწით მუდმივ სარგებლობისათვის) მემამულეებს, ფაქტობრივად ერთი მეექვსედიდან — ერთ მეათედამდე უხდიდნენ. აქედან გამომდინარე, ბაგრატიონ მუხრან-

¹ СХАО. т. II. с. 328.

² ი ქ ე. გვ. 331—332.

³ ი ქ ე. გვ. 332.

სკის აზრით, საქმარისი იყო გლახს მოსავლის მეხუთედი გადაეხადა. ამასთან, მან არასწორად მიიჩნია ქუთაისის გუბერნიაში გლახთა გადასახადების სხვადასხვა ოდენობით გადახდევინება.

ბაგრატიონ-მუხრანსკის ბოლო შენიშვნა შეეხო ქუთაისის გუბერნიაში წვრილი მემამულის ცნების განსაზღვრას. მან შეუძლებლად მიიჩნია ქუთაისის საგლეხო კომიტეტის მიერ განსაზღვრული წვრილმამულიანი თავად-აზნაურის ცნების მიღება. მისი აზრით, წვრილმემამულედ უნდა ჩათვლილიყო ის, ვისაც 60 ქევევზე ნაკლები მიწა (სახნავ-სათიბი) ეკუთვნოდა, ხოლო, ვისაც ამის ნახევარზე ნაკლები ეკუთვნოდა, ის შეიძლებოდა განთავისუფლებულიყო გლახისათვის ნადელის გამოყოფის ვალდებულებისაგან¹.

ასეთი იყო მთავრობის საგუბერნიო კომისიის თავმჯდომარის შენიშვნები რეფორმის წესების პროექტისადმი. როგორც ვნახეთ, ეს შენიშვნებში, ქუთაისის კომიტეტთან შედარებით, გარკვეულ შეღავათებს აძლევდა გლახობას, მაგრამ გულუბრყვილობა იქნება იმის მტკიცება, რომ სპეციალური კომისია და მისი თავმჯდომარე გლახთა ინტერესებს იცავდა. მაგრამ ქუთაისის თავად-აზნაურთა კომიტეტის პროექტი, თბილისის გუბერნიის საგლეხო დებულებასთან შედარებით, იმდენად მძიმე და მიუღებელი იყო, რომ მისი უცვლელი დატოვება გლახთა მასობრივი უკმაყოფილებისა და მღელვარების რეალურ საფუძველს ქმნიდა, ეს კი მეფის მოხელეებსა და მთავრობას არ აწყობდა. ამდენად, ქუთაისის გუბერნიის თავად-აზნაურებისათვის მეტისმეტი დათმობა შეუძლებელი იყო.

ქუთაისის გუბერნიის თავად-აზნაურთა წინამძღოლმა ნ. წერეთელმა სცადა თავისი უცილდურესი კონსერვატიულ-მემამულური პროექტი დაეცვა. ამიტომ, მან თავისი მოსაზრება წერილობით წარადგინა.

ნ. წერეთელმა ყურადღება გაამახვილა:

1) გლახის ნადელის მოცულობაზე. იგი წინააღმდეგი წავიდა იმაზე, რომ ქუთაისის გუბერნიაში გლახის ნადელის უმაღლესი ზომა 12 ქევეამდე ყოფილიყო. მისი აზრით, მართალია, იმპერიის სტეპიან-ცენტრალურ გუბერნიებში ნადელის ამ მოცულობის მიცემის შესაძლებლობა არსებობდა, მაგრამ მცირემიწიან ქუთაისის გუბერნიაში ამის შესაძლებლობა არავითარ შემთხვევაში არ იყო. ამიტომ, მისი აზრით, ქუთაისის გუბერნიაში გლახის ნადელის უმაღლესი ზომა შეიძლებოდა მხოლოდ 8 ქევეამდე გაზრდილიყო².

2) ვაკრებზე. ნ. წერეთლის აზრით, ვაკრებზე ცხრაწლიანი სავალდებულო სამსახურის დაწესება დიდად დააზარალებდა თვითონ მათ საქმიანობას. ამიტომ, თუკი ისინი მემამულის მიწა-წყალზე საცხოვრებლად არ დარჩებოდნენ, მაშინ მათთვის ორი წლის სავალდებულო სამსახური ეკმარებინათ, თუკი ისინი მემამულეთა მიწა-წყალზე დარჩებოდ-

¹ AKAK, T. II, c. 333.

² იქვე, გვ. 340.

ნენ. მაშინ მათი სავალდებულო სამსახურის ხანგრძლივობა, მემამულისა და მისი პირადი შეთანხმების საფუძველზე განსაზღვრულიყო¹.

3) ნ ა დ ე ლ ის გ ა მ ო ს ა ს ყ ი დ ზ ე. ნ. წერეთელს შეუძლებლად მიაჩნდა ერთი ქცევა მიწის გამოსასყიდად მხოლოდ 7—10 მანეთის დაწესება. რადგან, ეს ერთი წლის შემოსავალს ძლივს უდრიდა. ნ. წერეთლის აზრით, ქუთაისის გლეხთა მოწყობის წესები თბილისის გუბერნიის გლეხთა მოწყობის დებულებას შეესაბამებოდა².

მოცემული პროექტით, ქუთაისის გუბერნიის გლეხებს უვადო სარგებლობაში რჩებოდა საკარმიდამო, ვენახი და მინდვრის სავარგული, იმ მოცულობით, როგორც თბილისში, კერძოდ, 12 ქცევამდე ანუ 4,5 დესეტინამდე. გლეხს უფლება მიეცა ჩამოუჭრელად შეენარჩუნებინა ფუძე ნადელი, ოთხი ქცევის მოცულობით. იმ შემთხვევაში, თუ მემამულეს ჩაშონაქერი ეკუთვნოდა, მაგრამ გლეხი მარტო ფუძე ნადელს ფლობდა, გლეხს ევალებოდა ჩამოსაჭრელ მიწაზე (რომელიც დაიტოვა) დამატებითი ვალდებულება მოეხადა. გლეხს რჩებოდა უფლება ძველებურად ესარგებლა მემამულის საძოვარ-საბალახო ადგილებით და ტყეებით, რაშიც ადათწესით დადგენილი ვალდებულება უნდა მოეხადა.

ამასთან, ქუთაისის გუბერნიაში მცირემამულიანად უნდა ჩათვლილიყო ისეთი მემამულე, რომელიც 60 დღიურზე (ქცევაზე) ნაკლებ მიწას ფლობდა (თბილისის გუბერნიაში კი 120 დესეტინაზე ნაკლებს).

საგუბერნიო კომისიამ საჭიროდ ჩათვალა, ქუთაისის გუბერნიის გლეხთა განთავისუფლების წესების პროექტში შეესწორებინა ის პუნქტები, რომლებიც მეტისმეტად ამძიმებდნენ გლეხთა განთავისუფლებას და მნიშვნელოვნად განსხვავდებოდნენ თბილისის გუბერნიის დებულების შესაბამისი პუნქტებისაგან.

კომისიის პირველი შესწორება შეეხო გლეხის საკარმიდამო ნაკვეთზე მდებარე ნაგებობათა საკითხს. კომისიამ მიუღებლად მიიჩნია ქუთაისის კომიტეტის გადაწყვეტილება, გლეხისათვის საკარმიდამოზე მდებარე ნაგებობაში (საერთო ფასის) მეოთხედის გადახდევინება მემამულის სასარგებლოდ. კომისიამ ამ საქმეში არც რაჰის მიმართ მიიჩნია რაიმე გამონაკლისის დაშვება საჭიროდ. კომისიის დასკვნით, როგორც თბილისის გუბერნიაში, აგრეთვე ქუთაისის გუბერნიაში გლეხის მიერ საკარმიდამოზე აშენებულ სამეურნეო და საცხოვრებელი ნაგებობანი გლეხსვე უნდა მიეკუთვნებოდა. ეს ნაგებობანი გლეხსვე უნდა დარჩენოდა იმ შემთხვევაშიც, თუკი ის მემამულის მიერ იყო მიცემული, მაგრამ, ხანგრძლივი სამსახურის პერიოდში, გლეხმა ის საფუძვლიანად გადააყეთა.

ამასთან, კომისიამ მიიჩნია, რომ თუკი ეს ნაგებობა არცთუ დიდი ხნის წინ ჰქონდა გლეხს მემამულისაგან მიღებული და მოკლე დროის სამსახურის პერიოდში გლეხს არ შეეძლო და არც რაიმე საფუძვლიანი

¹ CXAO, т. II, с. 340.

² იქვე, გვ. 344.

წვლილი მიუძღვის ამ ნაგებობის გადაკეთება-შეკეთებაში, უკანონოდ იქნა მიჩნეული მასზე შემამულის უფლების უგულებელყოფა. ამიტომ, კომისიამ საჭიროდ მიიჩნია, თბილისის გუბერნიის დებულების შესაბამისი პუნქტის შეტანა, კერძოდ, დავა საბოლოოდ მომრიგებელ მოსამართლეს უნდა გადაეწყვიტა¹.

მეორე შენიშვნა და ცვლილება შეეხო ქუთაისის საგლეხო კომიტეტის პროექტის იმ პუნქტს, რომელშიაც გლეხის უფლებაზეა ლაპარაკი ნაყიდ მიწაზე.

მთავრობის საგუბერნიო კომისიის დასკვნით, იმპერიაში მოქმედ კანონმდებლობის საფუძველზე, აღიარებული იყო გლეხის უფლება ნაყიდ მიწაზე, ქუთაისის გუბერნიის კომიტეტის გადაწყვეტილებით კი ეს უფლება უგულებელყოფილი იყო. ამიტომ კომისიამ ასეთი პუნქტის დატოვება არასწორად ჩათვალა, მითუფრო, რომ ასეთი უფლება, თბილისის გუბერნიის შესაბამისი დებულებით, უკვე აღიარებული იყო. კომისიის დასკვნით. რაკი ამ მხრივ დასავლეთ საქართველოში რაიმე განსხვავებას ადგილი არ ჰქონია, ამიტომ გამონაკლისიც არ უნდა დაშვებულიყო. კომისიამ მიუთითა, რომ რაკი გლეხის უფლება ნაყიდ მიწაზე 1861 წ. 19 თებერვლის კანონმდებლობამ ცნო, ამიტომ აუცილებლად საჭირო იყო ქუთაისის გლეხთა კერძო ან შეზღუდული საკუთრების ცნობა ნაყიდ მიწაზე, იმ შემთხვევაში, როცა გლეხს, სათანადოდ გაფორმებული ფაქტობრივი საბუთი გააჩნდა (სხვა პირის ან თავის შემამულისაგან) მიწის ნასყიდობაზე.

მიუხედავად ამისა, კომისიამ გლეხის ასეთი უფლების ხანდაზმულობა მხოლოდ ათ წელიწადზე გაავრცელა. კომისიის დასკვნით, ძალდაკარგულად ჩაითვალა გლეხის შინაური აქტები, რომლებიც არაკანონიერი გზით იყო გაფორმებული, მითუფრო თუ ისინი ათ წელიწადზე აღრინდელ დროს ეხებოდა და სათანადოდ არ იყო დამოწმებული².

მესამე შენიშვნა შეეხო ქუთაისის საგლეხო კომიტეტის მიერ შემუშავებულ წესს ნადელისა და საკარმიდამოს მოცულობაზე. კომისიის დასკვნით, საკარმიდამოს (სამოსახლოს) ზომა ქუთაისის გუბერნიაში ერთი ქცევით უნდა განსაზღვრულიყო. რაც შეეხებოდა რაჭას, სადაც მჭიდრო დასახლება არსებობდა (საკარმიდამო მცირე იყო), საკარმიდამოს მოცულობა, ფაქტიური უნდა დარჩენილიყო.

კომისიამ მიზანშეუწონლად და გლეხის შევიწროებად მიიჩნია ფაქტიური საკარმიდამოსაგან გლეხისათვის რაიმეს ჩამოჭრა. მაგრამ თუკი ის დადგენილ ნორმას აჭარბებდა, მაშინ გლეხი ვალდებული უნდა ყოფილიყო, თბილისის გუბერნიის დებულების სათანადო მუხლის შესაბამისად, საკარმიდამოს ზედმეტ მოცულობაზე დამატებითი გადასახადი ეკისრა³.

¹ Документы... с. 257—258.

² იქვე, გვ. 262—265.

³ იქვე, გვ. 269—270.

კომისიამ მიზანშეუწონლად მიიჩნია აგრეთვე კომიტეტის მოთხოვნა, მაღლარი ვენახის ადგილი მინდვრის სავარგულში ჩათვლილიყო. ხოლო თუ ის ნორმაზე მეტი აღმოჩნდებოდა, მაშინ ზედმეტი ფართი მემამულეს გადასცემოდა. ასეთი რამ, კომისიამ გლეხის მეურნეობის შევიწროებად ჩათვალა. ამასთან, კომისიამ მიიჩნია, თუ გლეხი დაბლარ ვენახთან (ორ ქცევამდე) ერთად, ორ ქცევაზე მეტ მაღლარ ვენახსაც ფლობდა, მაშინ ეს ზედმეტი ფართობი ძირითად სავარგულში უნდა ჩათვლილიყო. თუ გლეხს დაბლარი ვენახი არ გააჩნდა, მაშინ მას უფლება ჰქონდა ოთხ ქცევამდე მაღლარი ვენახის ადგილი დაეტოვებინა ისე, რომ ის მინდვრის სავარგულში არ ჩათვლილიყო.

საგუბერნიო კომისიამ ცვლილებები შეიტანა, აგრეთვე კომიტეტის მიერ დადგენილი ნადელის (მინდვრის სავარგულის) მოცულობის განსაზღვრაში. კომისიამ შეუძლებლად ცნო რაჭაში ამ სავარგულის სამი ქცევით, შორაპანში — ოთხით, ხოლო ქუთაისისა და ოზურგეთის მაზრებში ხუთ-ხუთი ქცევით განსაზღვრა. კომისიამ შეუძლებლად ცნო, მინიმუმის შემთხვევაში, გლეხის ნადელიდან რაიმეს ჩამოკრა, მაშინაც კი, როცა მემამულის ფაქტობრივი მიწა. იმის ნახევარზე ნაკლები დარჩებოდა, რაც მას შემკვიდრეობით ეკუთვნოდა. კომისიამ არასწორად ჩათვალა გლეხის შეზღუდვა ქუთაისის გუბერნიის მცირემიწიანობის მოტივითაც, რადგან ეს ყველას ეხებოდა.

კომისიის მონაცემებით, ქუთაისის გუბერნიის მემამულეები საშუალოდ 16 ქცევა (6 დესეტინა) მიწას ფლობდნენ, ხოლო გლეხები 4—5 ქცევას (იყვენ ისეთი გლეხებიც, რომლებიც 30 ქცევაზე მეტსაც ფლობდნენ)².

საგუბერნიო კომისიის განსჯით, ქუთაისის გუბერნიის ყველა მახრაში გლეხის ფუძე ნადელი 4 ქცევა, ხოლო უმაღლესი — 12 ქცევა (4¹/₂) უნდა ყოფილიყო, რაც თბილისის გუბერნიის ნორმას უახლოვდებოდა. ასეთ გადაწყვეტილებას კომისია იმითაც ამართლებდა, რომ ამდენი მიწით გლეხები ფაქტობრივად სარგებლობდნენ. ამდენად, თუ ისედაც მცირე მიწა შემცირდებოდა, ეს გლეხთა უკმაყოფილებას გამოიწვევდა.

კომისიამ უარყო ქუთაისის თავად-აზნაურთა მოთხოვნა, რომ მცირემიწიან მემამულეს გლეხისათვის ფუძე ნადელის ნახევარი ჩამოეჭრა, რაც კომისიის აზრით, გლეხთა მეურნეობას დააქვეითებდა, ხოლო გაფანტულ ჩამონატრებს ევრაყინ დაამუშავებდა.

კომისიის დასკვნით, როდესაც მემამულეს კუთვნილი მიწის ნახევარზე ნაკლები რჩებოდა, მას გლეხის ძირითადი ნადელისათვის არაფერი უნდა ჩამოეჭრა, სამაგიეროდ, არაკუთვნილი მიწის დატოვებისათვის გლეხს მეტი ვალდებულება უნდა დაკისრებოდა.

ქუთაისის გუბერნიაში გლეხების მიერ საძოვარ-საბალახო ადგილებით სარგებლობის წესი არაფრით განსხვავდებოდა თბილისის გუბერნიის-

¹ Документы... с. 270—172.

² იქვე, 23. 275.

საგან. ამიტომ ქუთაისშიც ზუსტად იგივე წესი უნდა დაფუძნებულიყო, რაც თბილისის გუბერნიაში.

ნადელის დატოვების, მისი გამიჯვნა-დანაწილების შემთხვევაში — ქცევა მიწის გამოსასყიდად სულ მცირე 30 მანეთი (ვერცხლით) მაინც უნდა დაწესებულიყო.

4) საკარმიდამო ზ. ნ. წერეთლის აზრით, ქუთაისისა და ოზურგეთის მაზრებში საკარმიდამოს უმაღლესი ზომა ერთი ქცევა უნდა ყოფილიყო, ხოლო რაჭასა და შორაპანში უფრო ნაკლები. მისი აზრით, მთავრობის კომისიას გამონაკლისი მართო რაჭაზე კი არ უნდა დაეშვა, არამედ შორაპანზეც¹.

5) გლეხთა უფლება უძრავ ქონებაზე. ნ. წერეთლის მტკიცებით, ქვეყნის კანონითა და ადართთ, გლეხის ნაყიდი მიწაც ისე ითვლებოდა მემამულის საკუთრებად, როგორც მის მიერ გლეხისათვის მიცემული. თითქოს არც ვახტანგ მეფის კანონები და, საერთოდ, არც ადართი და წესი არ ცნობდა გლეხის კერძო მიწის არსებობას.

ნ. წერეთლის აზრით, გლეხისათვის მემამულის მხრივ იმისი დათმობაც კი, რაც კომისიამ დაუშვა (ათი წლის ხანდაზმულობის ძიება), დიდი შეღავათი იყო. მისი მტკიცებით, გლეხთა მიერ მიწის ყიდვის შემთხვევები, თითქოს, სწორედ ამ უკანასკნელ ათ წელიწადზე მოდიოდა და, თითქოს ამის გამო, გლეხები არაფერს არ კარგავდნენ. ნ. წერეთელს შეუძლებლად მიაჩნდა გლეხთა ძიების ვადის უფრო გახანგრძლივება, რადგან, თითქოს ეს გაზრდიდა მემამულეთა და გლეხთა დავას, რაც მთავრობისათვისაც საზარალო იქნებოდა².

ბაგრატიონ-მუხრანსკი როდი შემოიფარგლა თავისი პირადი მოსაზრებების წერილობით წარდგენით, მან თავისთან მიიხმო ქუთაისის გუბერნიის თავად-აზნაურთა სამაზრო და საგუბერნიო წინამძღოლები, აგრეთვე თავად-აზნაურთა სხვა თვალსაჩინო წარმომადგენლები (ზოგან სოფლებსაც ეწვია) და საგლეხო კომიტეტის მასალების, პროექტის საფუძველზე ქუთაისის გუბერნიის გლეხთა განთავისუფლების დებულების საბოლოო პროექტი მოამზადა.

მთავრობის საგუბერნიო კომისიის მიერ, 1864 წ. 26 აპრილს წარდგენილი პროექტის არსი შემდეგში მდგომარეობდა: 1) ქუთაისის გუბერნიის გლეხობას, 1861 წ. 19 თებერვლის მანიფესტის შესაბამისად, ებოძა პირადი, ქონებრივი და მდგომარეობითი უფლებები; 2) ქუთაისის გუბერნიის გლეხთა განთავისუფლების, ჩამონაჭრების, გლეხთა კუთვნილი წისქვილების და სხვა წესები, რაც თავად-აზნაურთა კომიტეტმა წამოაყენა, კომისიამაც ასევე მოიწონა, რადგან ისინი თბილისის გუბერნიაში მოქმედ დებულებას შეესაბამებოდნენ, ხოლო თუ მაღლარი ვენახი გლეხს ზედმეტი აღმოაჩნდებოდა და მას ჩამოეჭრებოდა, მაშინ მემამულე ვალდებული იყო გლეხისათვის ვენახის ძირების ფასი აენაზღაურებინა. თუკი

¹ CXAO, т. II, с. 341.

² იქვე, გვ. 342.

ამაზე შეთანხმება არ მოხდებოდა, საკითხი მომრიგებელ მოსამართლეს უნდა გადაეჭრა¹.

შემდეგი შესწორება შეეხო მცირემაშუღიანობის ცნების განსაზღვრას. ქუთაისის გუბერნიაში მცირემაშუღიანად უნდა ჩათვლილიყო არა 120 ქცევამდე მიწის მფლობელი, არამედ 60-მდე. მართალია, თბილისის გუბერნიის დებულებით, მცირემაშუღიანად 120 დღიურზე ნაკლები მიწის მფლობელი ჩათვალა და, ვისაც 60 დღიურზე ნაკლები ჰქონდა, საერთოდ თავისუფლდებოდა გლეხისათვის ნადელის გამოყოფის ვალდებულებისაგან, მაგრამ კომისიამ მხედველობაში მიიღო ის, რომ ასე მცირე მიწის მფლობელი მემამულე თბილისის გუბერნიაში საერთოდ, ცოტა იყო და, ამდენად, მიწის ჩამოჭრით ცოტა გლეხი ზარალდებოდა. სამაგიეროდ ქუთაისის გუბერნიაში მცირემიწიანი მემამულე საყოველთაო იყო, ამიტომ 60 დესეტინა მიწის მფლობელის განთავისუფლება ნადელის გამოყოფისაგან გლეხობას მასობრივად დატოვებდა უმიწოდ, რაც მათ მდგომარეობას უფრო გააუარესებდა. ამიტომ კომისიამ ქუთაისში მცირემიწიან მემამულედ ჩათვალა ის, ვინც 60 დესეტინამდე მიწას ფლობდა, ხოლო თუკი მემამულე ამის ნახევარზე ნაკლებს ფლობდა, უნდა განთავისუფლებულიყო გლეხისათვის ნადელის გამოყოფის ვალდებულებისაგან².

კომისიამ ყურადღება გამაახვილა რაჰის მთისწინეთზეც, კერძოდ, კუდაროს უბანზე (სადაც ოსები ცხოვრობდნენ), აგრეთვე უწერის უბნის, გლოლასა და ჭიორას სოფლებზე, რომლებიც თავისი პირობებით თბილისის გუბერნიის გორის მაზრის მთისწინეთს ჰგავდნენ. აღნიშნულის გამო, კომისიამ დაასკვნა, რომ რაჰის მთისწინეთზე გორის მაზრის მთისწინეთის წესები გავრცელებულიყო. ამ წესის მიხედვით, საკომლოს მფლობელი გლეხი (დაახლოებით 15—20 დღიურ სახნავ-სათიბი მიწის) მემამულეს წელიწადში 34 მანეთის ღირებულების პირუტყვს, პროდუქტებსა და შრომას გადაუხდიდა (თუკი გლეხის საკომლო დადგენილი ნორმის მხოლოდ მეოთხედს შეადგენდა, მას 18 მანეთი ან მისი ღირებულება უნდა გადაეხადა)³.

კომისიის აზრით, რაჰის მთისწინეთში რეფორმის შემდეგ გლეხს მთლიანად რჩებოდა მემკვიდრეობით სარგებლობაში არსებული მიწა (რასაც ფაქტობრივად ფლობდა). ამასთან, გლეხს რჩებოდა საძოვარ-საბალახო ადგილებით და ტყით (ძველებური წესით) სარგებლობის უფლება და გადასახადის გადახდის ვალდებულება.

მთავრობის საგუბერნო კომისიამ ცვლილებები შეიტანა კომიტეტის მიერ საკარმიდამოზე განსაზღვრულ ვალდებულებაშიც; ქუთაისის გუბერნიაში ერთი ქცევა საკარმიდამო ედრებოდა თბილისის გუბერნიის ერთ დღიურს. მიუხედავად იმისა, რომ საკარმიდამო სხვადასხვა ადგილას სხვადასხვა შემოსავალს იძლეოდა, მასზე ქუთაისის, შორაპნისა და ოზურგე-

¹ Документы... с. 278—279.

² იქვე, 83- 280.

³ СХАО, т. II, с. 207—208; Документы... с. 216—217.

თის მაზრებში სამ-სამი მანეთი გადასახადი უნდა დაწესებულყო, ხოლო რაქაში, მიუხედავად იმისა, რომ იქ საკარმიდამოზე ხეხილი იშვიათად იყო გაშენებული (სოფლის მჭიდრო დასახლების გამო) და მიწა ძვირი ღირდა, კომისიამ არ გაიზიარა კომიტეტის წინადადება, იქ საკარმიდამოზე გადასახადის გაზრდის თაობაზე. სამაგიეროდ, კომისიის გადაწყვეტილებით, რაქაში ნახევარქცევაზე ნაკლები საკარმიდამო ნახევარქცევად ჩაითვალა, ხოლო ერთზე ნაკლები — ერთ ქცევად (ამიტომ ერთ ქცევაზე ნაკლები საკარმიდამოს მფლობელს 3 მანეთი უნდა გადაეხადა, ხოლო ნახევარზე ნაკლების მფლობელს ამის ნახევარი, რაც ფაქტობრივად გადასახადის გაზრდასაც ნიშნავდა).

კომისიის დასკვნით, ქუთაისის გუბერნიაში თითოეული ქცევის ფასი 120 მანეთზე მეტი არ უნდა ყოფილიყო¹.

კომისიამ კორექტივი შეიტანა კომიტეტის მიერ განსაზღვრულ ბაღზე გადასახადის ოდენობაშიც. მან არ გაიზიარა კომიტეტის აზრი, რომ ქუთაისის გუბერნიაში, თბილისთან შედარებით, დაბლარ ვენახზე მეტი ვალდებულება დაწესებულყო. კომისიის აზრით, ქუთაისის გუბერნიაში დაბლარ ვენახზე გლეხს მოსავლის მეოთხედი უნდა გადაეხადა. ე. ი. იმდენი, რამდენიც თბილისის გუბერნიაში². რაც შეეხებოდა მაღლარ ვენახს, კომისიის გადაწყვეტილებით, გლეხს უნდა გადაეხადა არა მოსავლის ნახევარი, არამედ მესამედი, რადგან ამით გლეხი წახალისდებოდა და მეტად დაინტერესდებოდა ვენახის მოშენება-მოვლაში.

საგუბერნიო კომისიამ განსაზღვრა გლეხის ვალდებულება მინდვრის სავარგულზეც. მართალია, კომისიამ სარწმუნოდ მიიჩნია, რომ ქუთაისის გუბერნიაში მიწის ქირა დიდი იყო და ზოგჯერ მოსავლის ნახევარსაც აღწევდა. მაგრამ, მან მხედველობაში მიიღო ის, რომ მიწის ქირა ზოგან მოსავლის მეხუთედს და ზოგჯერ მეათედსაც უდრიდა, ამიტომ მასზე ვალდებულება მოსავლის მეოთხედით განსაზღვრა³.

კომისიამ გაითვალისწინა ის შემთხვევაც, როდესაც გლეხი ფაქტობრივად ნადელის უმაღლეს ზომაზე მეტ მიწას ფლობდა და მემამულემ მას არაფერი ჩამოაპკრა. ასეთ შემთხვევაში ჩამოსაპკრელად განკუთვნილ მიწაზე (რომელიც გლეხს დარჩა) მას მეოთხედის გარდა, დამატებითი მოსავლის ათი პროცენტი უნდა გადაეხადა. ამასთანავე, რაჭის მაზრაში, სადაც მიწა ძვირი ღირდა, ამდაგვარად დარჩენილ მიწაზე გლეხს მოსავლის მესამედი უნდა გადაეხადა⁴.

გადასახადის გადახდისა და მემამულესთან მიტანის უზრუნველყოფის საკითხზე კომისიამ ძირითადად კომიტეტის მიერ წამოყენებული წესი მოიწონა იმ გამონაკლისით, რომ ღომის გასუფთავებული სახით გადახ-

¹ Документы... с. 238.

² ი ქ ვ ე, გვ. 285.

³ ი ქ ვ ე, გვ. 286.

⁴ ი ქ ვ ე, გვ. 287.

და გლეხისათვის მძიმე იყო, აგრეთვე გლეხის მიერ მოსავლის სავალდებულო მიზიდვის სიშორე 75-ის ნაცვლად 50 ვერსით შეიცვალა¹.

ქუთაისის გუბერნიის გლეხთა განთავისუფლების წესებში ცალკე განისაზღვრა რაჰის მთისწინეთში მცხოვრებ გლეხთა დროებით ვალდებულება. იქაურ გლეხებს ვალდებულება უნდა მოეხადათ ფულით, პირუტყვით ან საოჯახო ნაკეთობებით (რეფორმამდე არსებული ჩვეულების ფარგლებში).

რაც შეეხებოდა მთისწინეთში საძოვრებით და ტყეებით სარგებლობას და მასზე გლეხთა დროებით ვალდებულებას, ეს გორის მაზრის მთისწინეთის მსგავსად მეფისნაცვალს უნდა განესაზღვრა².

საგუბერნიო კომისიამ სხვანაირად განსაზღვრა მიწის ნაღელის გამოსასყიდი ფასებიც: ერთი ქვევა მინდვრის ჩვეულებრივი მიწა 10 მანეთად უნდა შეფასებულიყო, ხოლო საუკეთესო მიწა — 15 მანეთად. ამგვარი გაანგარიშებით, ერთი კომლი, რომელიც უმაღლეს ზომას ფლობდა, გადაიხდიდა:

1) თუ უწინ ნატურით ვალდებულება ეკისრებოდა (ამის გამო შეღავათი ეძლეოდა), ერთ ქვევა საკარმიდამოში 50 მანეთს, ჩვეულებრივ მინდვრის 12 ქვევა სავარგულში — 84 მან., 4 ქვევა მალარში — 40 მანეთს, ე. ი. სულ 174 მანეთს. თუ იგივე 12 ქვევა საუკეთესო მიწად ითვლებოდა, მაშინ 120 მანეთს, ე. ი. სულ ნაღელში 210 მანეთს; 2) თუ ფულადი ვალდებულება ეკისრებოდა: ერთ ქვევა საკარმიდამოში 50 მანეთს, 12 ქვევა მინდვრის ჩვეულებრივ სავარგულში 120 მანეთს, 4 ქვევა მალარში 60 მანეთს, სულ 230 მანეთს. თუ გლეხის უმაღლესი ნაღელი საუკეთესო მიწად ჩაითვლებოდა, მაშინ მისი მთლიანი გადასახდელი 290 მანეთს უდრიდა³.

რაც შეეხებოდა რაჰის მთისწინეთს, რომლის მიწა და გლეხის ვალდებულება გორის მაზრის მთისწინეთს უტოლდებოდა, ნატურით გადასახადის შემთხვევაში ერთი ქვევა სახნავი მიწა 7 მანეთად ფასდებოდა, ხოლო სათიბი — 3 მანეთად. თუკი გლეხი ფულად გადასახადს იხდიდა, მაშინ ერთი ქვევა სახნავი მიწა 10 მანეთად ფასდებოდა, ხოლო სათიბი — 5 მანეთად. საკარმიდამო ორივე შემთხვევაში 50 მანეთად უნდა შეფასებულიყო. ამრიგად, პირველ შემთხვევაში ნაღელსა და საკარმიდამოში კომლის გადასახდელი ფული — 180 მანეთს, ხოლო, მეორე შემთხვევაში 250 მანეთს უდრიდა⁴.

ქუთაისის გუბერნიის საგლეხო რეფორმის დებულებაში კომისიამ განსაზღვრა აზატის, მსახურისა და მოჭალაბის განთავისუფლების პირობებიც.

როგორც ცნობილია, აზატის კომლი ვალდებული იყო მხოლოდ მო-

: 1 Документы... с. 287.

2 იქვე.

3 იქვე, გვ. 289.

4 იქვე.

სამსახურის მიცემით, ხოლო მსახურს, სხვადასხვა სამსახურთან ერთად, ხშირად გლეხური ვალდებულებაც ეკისრა. ყმათა ყველაზე დაბალი კატეგორია მოჭალაბე, რომელიც სულ უქონებელი იყო, თავისი ოჯახით მემამულის პირად მიწაზე ცხოვრობდა.

კომისიამ ამ კატეგორიის ყმების განთავისუფლება რუსეთის შესაბამისი ყმების განთავისუფლების პირობებს და თბილისის გუბერნიის ხიზნების განთავისუფლების წესს შეუფარდა.

ქუთაისის გუბერნიის გლეხთა დებულებაში (დამატებით წესებში) განისაზღვრა ე. წ. არამემკვიდრეობით (წოდებაში დაუმტკიცებელ) აზნაურთა გლეხების განთავისუფლების პირობებიც. იმას, ვისაც აზნაურის წოდება არ დაუმტკიცდა, ჭერ კიდეც, რამდენიმე წლის წინ ებრძანა, რომ თუკი ყმები ჰყავდა, რვა წლის მანძილზე ან გაეყიდა ან, საერთოდ გაენთავისუფლებინა. ასეთი გლეხთა რიცხვი ქუთაისის გუბერნიაში, რეფორმის დროს 418 კომლს, ანუ 1743 მამრობით სულს უდრიდა¹.

საგუბერნიო კომისიას, ასეთ ყმათა ქონებით მდგომარეობაზე არაერთი ცნობები არ მოეპოვებოდა, მაგრამ რეფორმის დროს ისინი სხვა გლეხების მსგავსად უნდა განთავისუფლებულიყვნენ, იმდაგვარად, რომ მათი მფლობელების ინტერესები არ შელახულიყო. აქედან გამომდინარე, კომისიამ დაასკვნა: 1) გლეხებს, რომლებიც არამემკვიდრეობით აზნაურების ხელში იყვნენ, ისეთივე ქონებრივ-პიროვნული და უფლებრივი უფლებები მისცემოდათ, როგორიც, საერთოდ გლეხობას, 1861 წ. 19 თებერვლის კანონმდებლობის საფუძველზე; 2) აღნიშნულ გლეხებს, ისეთივე თავისუფლება უნდა მინიჭებოდა, როგორსაც ახალი წესები ითვალისწინებდა; 3) ამ გლეხებს უფლება უნდა მისცემოდა განთავისუფლების შედეგად ის საკარმიდამო დარჩენოდათ, რომელსაც რეფორმის დროს ფლობდნენ, ოღონდ ისეთივე გამოსყიდვის წესით, როგორიც სხვა საბატონო გლეხებს; 4) ამ კატეგორიის გლეხებს, ყოველგვარი გამოსყიდვის გარეშე, უნდა დარჩენოდათ თავიანთ მფლობელობაში, არსებული დაბლარი ვენახის ნახევარი და მალლარი ვენახის მესამედი; 5) ამგვარი გლეხებისა და მათი მფლობელების დავაც მომრიგებელ მოსამართლეს უნდა გადაეჭრა².

ასეთი იყო ქუთაისის გუბერნიის ბატონყმობიდან გამოსულ გლეხთა ყოფა-ცხოვრების მოწყობის დამატებითი წესების პროექტი, რომელიც მთავრობის სპეციალურმა საგუბერნიო კომისიამ მიიღო. მაგრამ კომისიის ზოგიერთი წევრი, რომელიც თავად-აზნაურთა ინტერესების თავგამოდებული დამცველი იყო, ამ პროექტის ყველა მუხლს არ ეთანხმებოდა. ასეთთა შორის იყო ი. ლორთქიფანიძე, რომელმაც 1865 წ. 26 აპრილს, თავისი შეხედულებები წარუდგინა მთავარ საგლეხო კომიტეტს. იგი კატეგორიულად უარყოფდა გლეხთა უფლებას ნაყიდ მიწაზე. მისი აზრით,

¹ Документы... с. 291.

² СХАО, т. II, с. 363. ЦГИА СССР, ф. 220, д. 1067, лл. 130—137.

გლეხის ასეთი უფლება უარყოფილი იყო საუკუნო ადათ-წესით, თითქოს გლეხთა უფლება მიწაზე, არც ხალხის ცნობიერებაში და არც მახსოვრობაში არ არსებობდა. იგი გლეხის ასეთი უფლების არსებობას, საერთოდ უგულებელყოფდა 1848 წლამდე.

ი. ლორთქიფანიძის მტკიცებით, ქვეყანაში უძველესი საუკუნეებიდან შეიქმნა ისეთი რწმენა, რომ თვითონ ყმა და მისი ყოველგვარი ქონება პატრონის საკუთრებად ითვლებოდა. ასეთი რამ არა მხოლოდ საქართველოსათვის იყო დამახასიათებელი, არამედ უფრო ცივილიზებული ხალხებისათვისაც. ლორთქიფანიძის მსჯელობით მემამულეს, თითქოს დესპოტის უფლება (უსაზღვრო ძალაუფლება) ეძლეოდა ყმაზე, როგორც პირად ნივთზე.

აქედან გამომდინარე, ლორთქიფანიძის აზრით, გლეხს არ შეიძლებოდა კერძო საკუთრება ჰქონოდა. ლორთქიფანიძე იმოწმებს ვახტანგის კანონებს, რომლის ძალით, რაც გლეხს ებადა (გარდა სულისა), მებატონეს ეკუთვნოდა.

გვიან, — დასძენს ი. ლორთქიფანიძე, — რუსეთში ყმებს 1848 წლიდან მიეცათ უფლება კანონიერი გზით შექმნილი უძრავი ქონება მათვე მიკუთვნებოდა და დარჩენოდა. აი, აქედან შეიძლებოდა გლეხის ნაყიდზე მსჯელობა. ადრე რომ გლეხს კერძო მიწა არ შეიძლებოდა ჰქონოდა, ამის დამადასტურებლად ლორთქიფანიძე იმოწმებდა იმ ფაქტსაც, რომ თუკი გლეხი გარდაიცვლებოდა და მას პირდაპირი მემკვიდრე არ ეყოლებოდა, მისი ქონება ქალიშვილზე და ძმებზე კი არ გადადიოდა, არამედ მემამულის განკარგულებაში რჩებოდა¹.

ი. ლორთქიფანიძე ამტკიცებდა, რომ გლეხს არ შეიძლება ჰქონოდა კერძო საკუთრების უფლება, ის იძულებული იყო ვახტანგ მეფის ის დებულება (160-ე მუხლი) მოეშველიებინა, რომ „მემამულემ გლეხს ნასყიდი არ უნდა წაართვას“. მაგრამ დასძენდა, რომ, თითქოს ეს სავალდებულო კანონი კი არ იყო, არამედ ზოგადი მითითება, თითქოს ეს მხოლოდ ჰუმანურობას ეხებოდა და სავალდებულო არ იყო მისი შესრულება. მითუფრო, — დასძენდა ლორთქიფანიძე, — ვახტანგის სამართალით გლეხს უფლება არ ჰქონდა მებატონის წინააღმდეგ საჩივარი აღედრა (258-ე მუხლი). ლორთქიფანიძის დასკვნით, ყოველივე ეს იმას ნიშნავდა, რომ გლეხს არ შეიძლებოდა კერძო საკუთრების უფლება ჰქონოდა მიწაზე. აღნიშნულის გამო, იგი ერთხელ კიდევ მტკიცედ უარყოფდა; რომ, საერთოდ არავითარი ყურადღება არ მიქცეოდა გლეხთა საბუთებს მიწის ნასყიდობაზე, მითუფრო, რომ თვითონ გლეხი იყო ყიდვა-გაყიდვის საგანი.

ლორთქიფანიძის დაქინებითი განცხადებით, თუკი უარყოფილი იქნებოდა გლეხის უფლება ნაყიდ მიწაზე, ეს თითქოს გლეხს არაფრით დააზარალებდა.

¹ CXAO, т. II, с. 351.

დაბოლოს, ი. ლორთქიფანიძე შეენო თბილისის გუბერნიის საგლეხო დებულების მუხლს, რომელშიაც ლაპარაკია, თუ რა უფლება აქვს გლეხს ნაყიდ მიწაზე. იგი ცდილობდა დაემტკიცებინა, თითქოს თბილისის გუბერნია ქუთაისისაგან განსხვავებული სამყარო იყო და, თითქოს, ამიტომ გახდა შესაძლებელი იქ გლეხის ამ უფლების აღიარება¹.

ასეთი იყო მსხვილ თავადაზნაურთა ტიპობრივი წარმომადგენლის — როტმისტრ (თავად) ი. ლორთქიფანიძის მოსაზრებანი, ნაყიდ მიწაზე გლეხის უფლება-მოვალეობის შესახებ.

ქუთაისის გუბერნიის საგლეხო რეფორმის წესების პროექტზე დავა ამით როდი ამოიწურა, ამ საკითხზე 1865 წ. მაისში თავისი შენიშვნები წამოაყენა ქუთაისის გენერალ-გუბერნატორმა, თავადმა სვიატოპოლკ-მირსკიმ. მისი განსჯით, მთავრობის საგუბერნიო კომისიის მიერ მომზადებული წესების პროექტი ძირითადად მისაღები იყო. თუმცა შიშს გამოთქვამდა, რომ რეფორმა შეიძლებოდა ქუთაისის გუბერნიაში დიდ დაბრკოლებას წაწყდომოდა: მთიან-ტოპოგრაფიული მდებარეობის, გლეხთა კარმიდამოსა და ნადელების გაფანტულობის, სამიმოსვლო გზების მოუხერხებლობის, მიწა-წყლის გაუმიჯნაობის, საზღვრების დაუდგენლობის, თავდაზნაურთა მრავალრიცხოვნობისა და სხვა გარემოებათა გამო. გენერალ-გუბერნატორი რეფორმის დამაბრკოლებელ მიზეზად მიიჩნევდა თავდაზნაურთა გაუნათლებლობას და მომრიგებელ მოსამართლეებად ასარჩევ, სათანადო პირთა უქმარისობას; აგრეთვე მოსახლეობის ჭირვეულ ხასიათს, დიდგულობასა და მტრულ მიდრეკილებას².

ამ დაბრკოლებათა შედარებით უმტკივნეულო დაძლევისა და მშვიდობის უზრუნველსაყოფად, გენერალ-გუბერნატორს საჭიროდ მიაჩნდა ბატონყმობის სწრაფი გაუქმება ყოველგვარი დროებითი ვალდებულების შემოღების გარეშე, ე. ი. გლეხის მიერ საკარმიდამოსა და ნადელის, აგრეთვე თავისთავის დაუყოვნებლივ გამოსყიდვა³.

გენერალ-გუბერნატორის პირველი შენიშვნა ეხება წესების იმ მუხლს, რომელშიაც გუბერნიის მიწის ღირებულებაზეა ლაპარაკი. მართალია, ისიც იმ აზრს იზიარებდა, რომ ქუთაისის გუბერნიის მიწა, თბილისის გუბერნიასთან შედარებით, უფრო ნაყოფიერი იყო და ნაკლებ შრომას საჭიროებდა, მაგრამ, მას უფრო სამართლიანად მიაჩნდა ქუთაისის გუბერნიის ერთი ქცევა მიწის გათანაბრება თბილისის გუბერნიის ერთ დღიურთან (ეს უკანასკნელი 300 კვ. საექნით მეტი იყო)*. ამასთან, მისი აზრით, ქუთაისის გუბერნიაში ერთი ქცევა მინდვრის სავარგულის მიწა 30 მანეთზე მეტად არ უნდა შეფასებულიყო, ხოლო ერთი კომლის

¹ CXAO, т. II, с. 355—356.

² ი ქ ვ ე, გვ. 362.

³ ი ქ ვ ე, გვ. 363.

* ქცევა მიწა 900 კვ. საექნს უდრის.

მთლიან გამოსასყიდს 350 მანეთისათვის არ უნდა გადაეკარბებინა (თბილისის გუბერნიის მსგავსად)¹.

ნაყოფიერებით განსხვავებული მიწის სხვადასხვა ფასი, გენერალ-გუბერნატორის აზრით, კავკასიის ადმინისტრაციას უნდა განესაზღვრა.

გუბერნატორის აზრით, რეფორმის გატარებისას მთავრობას განსაკუთრებული ყურადღება უნდა გამოეჩინა გურიისადმი, მისი ხალხის წინააღმდეგობრივი ხასიათისა და თურქეთთან სიახლოვის გამო². სხვათა შორის, გენერალს საკითხის საუკეთესო მოგვარების საშუალებად მიაჩნდა გლეხობის მიერ საკარმიდამოსა და ნადელის სასწრაფო გამოსყიდვა. თან ერთი ქვევა საუკეთესო მიწის ფასს 30 მანეთისთვის არ უნდა გადაეკარბებინა, ხოლო ოჯახის გამოსასყიდს — 300 მანეთისათვის. ამასთან, საკარმიდამოსა და ნადელის მოცულობა 7-დან 13 ქვევამდე მოცულობით უნდა განსაზღვრულიყო.

გუბერნატორის შემდგომი შენიშვნა შეეხო გლეხთა უფლებების განსაზღვრას ნაყიდ მიწაზე და სხვა ქონებაზე. როგორც ვნახეთ, ამ საკითხმა თითქმის ყველაზე დიდი დავა და აზრთა სხვადასხვაობა გამოიწვია. გუბერნატორის განსჯით, უნდა აღიარებულყო: ა) გლეხთა კერძო საკუთრება 1848 წ. შემდგომ ნაყიდ მიწაზე; ბ) დადგენილი წესით შესრულებული ნასყიდობის აქტების კანონიერება. ამასთან, გლეხთა იმ საშინაო აქტების ვარგისიანობა. რომლებიც 1861 წლამდე იყო დამოწმებული, თბილისის გუბერნიის დებულების მე-4 მუხლის შესაბამისად უნდა განსჯილიყო ზოგიერთი შეზღუდვით.

გუბერნატორის აზრით, გლეხთა საშინაო აქტები. რომლებიც არსად არ იყო წარდგენილი და დამოწმებული, მიუღებლად და გაუქმებულად უნდა გამოცხადებულყო, იმ აქტების გამოკლებით, რომლებიც თავისი შემამულის მიერ 1848 წ. შემდეგ იყო გაცემული. ასეთი აქტები გასარჩევად უნდა წარდგენოდა მომრიგებელ მოსამართლეს, თუკი ის მათ სინამდვილეს დაადასტურებდა, მაშინ ძალაში შევიდოდა, წინააღმდეგ შემთხვევაში ძალადაკარგულად ჩაათვლებოდა³.

გუბერნატორის შენიშვნა შეეხო აგრეთვე გლეხის მიერ გადასახდელი მოსავლის მიტანის წესს. მისი განცხადებით, მოუხერხებელი მიმოსვლის გამო, გლეხისათვის მეტად ძნელი იყო მოსავლის მიტანა 15 და, მითუფრო 50 ვერსის მანძილზე. ამიტომ, გარემოების შესაბამისად, ეს მანძილი, შესაბამისად, 10 და 30 ვერსით უნდა განსაზღვრულიყო⁴.

დაბოლოს, გუბერნატორი მეფისნაცვალს სთხოვდა იმპერატორის წინაშე ეშუამდგომლა, რათა გლეხთა კაზ. ვისუფლების გამო ქუთაისის გუბერნიის თავადაზნაურებისადმიც თბილისის გუბერნიის მსგავსი წყალობა გაეღო.

¹ CXAO, т. II, с. 364.

² იქვე, გვ. 365.

³ იქვე, გვ. 366—367.

⁴ იქვე, გვ. 367.

ქუთაისის გუბერნიის თავად-აზნაურთა საგლეხო კომიტეტის მიერ შემუშავებული დამატებითი წესების პროექტი, მთავრობის საგუბერნიო კომისიის, გენერალ-გუბერნატორის თუ ცალკეულ წევრთა შენიშვნები, აგრეთვე რეფორმის მთელი მასალები კავკასიის ადმინისტრაციას წარედგინა.

პროექტის საბოლოო განხილვამდე მეფისნაცვალმა რომანოვმა ბაგრატიონ-მუხრანსკის შეადგენინა იმპერატორისადმი მიმართვა, რომელშიც მოცემული იყო ქუთაისის გუბერნიის გლეხთა და თავად-აზნაურთა რაოდენობის სტატისტიკა და თხოვნა გლეხთა განთავისუფლების გამო თავდაუზნაურობისათვის გასამრჯელოს მიცემაზე.

მიმართვაში აღნიშნული იყო, რომ იმერეთსა და გურიაში (აწინდელ ქუთაისის გუბერნიაში) თავდაზნაურობა; აკვირვებულ მდგომარეობაში იყო და მთავრობის ყურადღებას საჭიროებდა; მათი რიცხვი 4785 კომლს შეადგენდა (თბილისის გუბერნიაში 1.751 კომლს), რომელთაგან 21 მამრობით სულზე ნაკლებ გლეხს ფლობდა თავად-აზნაურების 3.776 კომლი (თბილისის გუბერნიაში 869 კომლი). თავად-აზნაურის თითოეულ კომლზე, საშუალოდ, გლეხის 5 ოჯახი მოდიოდა¹.

მიმართვაში ჩამოთვლილი იყო გლეხთა ბეგარა-ვალდებულების ნაირსახეობა და ნათქვამი იყო, რომ რეფორმის ახალი წესებით, გლეხებზე გათვალისწინებული ვალდებულება, ძველთან შედარებით, თითქოს არარაობა იყო, თითქოს ბატონყმობის გაუქმებით არნახულ მატერიალურ ზარალს განიცდიდა თავდაზნაურობა, რომელთაც არც განათლება გააჩნიათ.

მიმართვაში მოცემული იყო უკანასკნელი აღწერის მონაცემები, რომლის მიხედვით 4 785 მემამულის კომლზე გლეხთა 96 732 მამრ. სული მოდიოდა (თბილისის გუბერნიაში 67 578 მამრ. სული). ამასთან 3 776 წვრილმფლობელი თავად-აზნაურის კომლი სულ 27 701 მამრ. სულს ფლობდა (თბილისის გუბერნიაში 6 932 მამრ. სულს).

მიმართვაში ნაანგარიშევი იყო თანხა, რაც თბილისის გუბერნიის მსგავსად, რეფორმის გატარების შედეგად ქუთაისის გუბერნიის თავდაზნაურობას მოუწევდა გლეხთა განთავისუფლებისათვის, კერძოდ 2 418 300 მანეთი (96 732X25). აქედან წვრილმფლობელი მემამულის 3 776 კომლს, (27 701 მამრ. სულის განთავისუფლებისათვის) 692 525 მანეთი მოუწევდა. ამასთან, თუკი ეს წვრილმფლობელი მემამულეები, თბილისის გუბერნიის მსგავსად დამატებით დახმარებას მიიღებდნენ (თითოეულ განთავისუფლებულ მამრ. სულზე, საშუალოდ 15 მანეთს), ეს 415 515 მანეთს შეადგენდა².

ქუთაისის გუბერნიის საგლეხო რეფორმის წესების პროექტში უმნიშვნელო შესწორების შეტანის შემდეგ (ეს შესწორება გლეხის მიერ

¹ CXAO, т. II, с. 369.

² იქვე, გვ. 371.

გადასახდელი მოსავლის მიზიდვის სავალდებულო მანძილს შეეხო, კერძოდ, 15 ვერსი — 10-მდე, 50 კი — 25-მდე შემცირდა) ის პეტერბურგში, ცენტრალურ საგლეხო კომიტეტს გაეგზავნა, რომელმაც ამ პროექტს კავკასიის ცენტრალურ საგლეხო კომიტეტთან ერთად გადახედა და 1865 წ. 9 აგვისტოს, სათანადო შენიშვნებით, დაუბრუნა მეფისნაცვალს.

1865 წ. აგვისტოში უმაღლესად გადაწყდა ქუთაისის თავად-აზნაურებისათვის გლეხთა განთავისუფლებაში სათანადო ანაზღაურების მიცემა¹.

1865 წ. 24 აგვისტოს გ. ორბელიანმა (მეფისნაცვლის მოვალეობის დროებითმა შემსრულებელმა) ქუთაისის გენერალ-გუბერნატორს გაუგზავნა წერილი, რომელშიც ყურადღება გაამახვილა: 1) შინამოსამსახურე ყმების მდგომარეობის დადგენაზე, აგრეთვე ხიზნებზე, რომლებიც ქალაქში ან სხვაგან ცხოვრობდნენ; 2) მომრიგებელი მოსამართლეების არჩევაზე და საგუბერნიო საგანგის (губернское присутствие) შექმნაზე; 3) სასოფლო საზოგადოებების ჩამოყალიბებაზე, მათი მმართველობის უზრუნველყოფაზე, აგრეთვე ამ საზოგადოებების სახელმწიფო და საზოგადოებრივ გადასახადებზე; 4) გლეხთა მიერ დებულების გამოქვეყნებისას მოპოვებულ უფლებებზე და საწესდებო სიგელების შემოღებამდე შემამულებებისადმი მათ დამოკიდებულებაზე, 5) საწესდებო სიგელების შედგენაზე.

გ. ორბელიანმა მოითხოვა, რომ ეს საკითხები სამოქალაქო გუბერნატორს — ოგოლინს განეხილა თავად-აზნაურთა წინამძღოლის, გუბერნიის სასამართლოს თავმჯდომარის, აგრეთვე გუბერნიის პროკურორის დასწრებით და შედეგი ეცნობებინა².

ქუთაისის სამოქალაქო გუბერნატორმა, 1865 წ. 20 სექტემბერს, კოლეჯის ასესორ ბენისლაგსკის, როტმისტრ, თავადი ი. ლორთქიფანიძის, პორუჩიკ, თავადი ნ. წერეთლის და სხვათა მონაწილეობით განიხილა საგლეხო რეფორმასთან დაკავშირებული საკითხები, კერძოდ, იმ აზნაურთა საქმე, რომლებიც თავადთა ხელქვეითნი იყვნენ. ეს პირები წოდებრივ ღირსებაში არ იყვნენ დამტკიცებული, მაგრამ ცნობილი იყვნენ როგორც აზნაურები. აღნიშნული, ე. წ. არამემკვიდრეობით აზნაურთა გლეხები, ერთი მხრივ, თავის უშუალო აზნაურს ემსახურებოდნენ. მეორე მხრივ — ამ აზნაურთა თავადებს. ჯერ კიდევ, 1864 წ. მაისში, უმაღლესად დამტკიცებული გადაწყვეტილების შესაბამისად, თავადებს უფლება მიეცათ ამ აზნაურთა მამულის მეოთხედისა და ნახევრამდე თვითონ მიეღოთ³. ქუთაისის სამოქალაქო გუბერნატორს უცნაურად ეჩვენებოდა აზნაურთა დამოკიდებულების შემორჩენა თავადებისადმი, მისთვის გაუგებარი იყო, თუ როგორ უნდა გადაწყვეტილიყო მათ შორის მამულების გაყოფა, ან ამ აზნაურებისადმი დამოკიდებული გლეხების განთავისუფლება. აღნიშნუ-

¹ ЦГИА СССР, ф. 67, т. 34, лл. 97—99.

² СХАО, т. II, с. 376—377.

³ იქვე, გვ. 378.

ლი საქმეები მომრიგებელ მოსამართლეებს უნდა მოეგვარებინათ, მაგრამ სათანადო ინსტრუქციის საფუძველზე.

ობურგეთის მაზრაში (1859 წ. მონაცემებით), აგრეთვე ქუთაისის, შორაპნისა და რაჭის მაზრებში (1864 წ. მონაცემებით) წოდებრივ ღირსებაში დაუმტკიცებელ აზნაურთა რიცხვი (ისინი კვლავ ეძიებდნენ წოდებას) 287 კომლს შეადგენდა, მათ ხელში მყოფ გლეხთა რიცხვი კი 418 კომლს, ანუ 1743 მამრ. სულს შეადგენდა¹.

აღნიშნულ, ე. წ. აზნაურებზე მოდიოდა: ერთ კომლზე ათი კომლი გლეხი, ოთხ კომლზე ხუთ-ხუთი, შვიდ კომლზე ოთხ-ოთხი, ჩვიდმეტ კომლზე სამ-სამი, დანარჩენზე ორ-ორი ან ერთი².

როგორც ვნახეთ, მთავრობის კომისიის განსჯით, წოდებაში დაუმტკიცებელ ე. წ. არამემკვიდრეობით აზნაურსაც უნდა მიეღო თავისი გლეხის მიწის ნაწილი, ხოლო მალარისა — ორი-მესამედი. ნადელის გამოსასყიდ ფასზე კი ორივე მხარე უნდა შეთანხმებულიყო, თუ ეს არ მოხდებოდა, დავა მომრიგებელ მოსამართლეს უნდა გადაეჭრა.

საქმის საბოლოო და ყოველმხრივი განსჯის შემდეგ, ქუთაისის გუბერნიის გლეხთა განთავისუფლებისა და მათი მომავალი ყოფა-ცხოვრების მოწყობის წესები 1865 წ. 13 ოქტომბერს უმაღლესად დამტკიცდა. ამასთან 8 ნოემბერს ბატონყმობის გაუქმება გამოცხადდა.

დებულების საფუძველზე საბოლოოდ დადგინდა, რომ შინაყმები (მოჯალაბე, მოახლე და სხვ.), რომელთაც არაფერი გააჩნდათ (გამონაკლისის გარდა) ბატონყმობის გაუქმებიდან ორი წლის მანძილზე, მებატონესთან რჩებოდნენ ძველებური ვალდებულების პირობებში.

ხოხნებს, რომლებიც სხვა მემამულის მიწა-წყალზე, საეკლესიო ან საზახინო მიწაზე, ქალაქად ან სხვაგან ცხოვრობდნენ ორი წლის მანძილზე, ყოველგვარი დამატების გარეშე, უნდა შეესრულებინათ ძველებური ვალდებულება, ოღონდ, არა უმეტესი 30 მანეთის ღირებულებისა.

ქუთაისის გუბერნიის მიწა (გამონაკლისის გარდა) უმაღლეს კატეგორიას მიეკუთვნა (მითუფრო ის მიწა, რომელზედაც ვენახი ან სხვა ფიზიკურადღირებული კულტურა იყო გაშენებული). ამასთან, უმაღლესი კატეგორიის ერთი ქეცვა მიწა 15 მანეთად შეფასდა, ხოლო დაბალი — 7 მანეთად. ერთ კომლზე საკარმიდამოსა და მთელი მიწის (ნადელის) გამოსასყიდ ფასს 350 მანეთისათვის (ვერცხლით) არ უნდა გადაეჭარებინა, ხოლო თუკი მიწა დაბალ კატეგორიისად ჩაითვლებოდა — 250 მანეთისათვის.

რაჭის მთისწინეთში, სადაც ერთი ქეცვა საუკეთესო სახნავი მიწა 10 მანეთად, ხოლო სათიბი 5 მანეთად შეფასდა, კომლის გადასახდელი უმაღლესი თანხა 250 მანეთით განისაზღვრა, ხოლო დაბალი კატეგორიის (რო-

¹ ЦГИА СССР, ф. 220, д. 867, л. 26.

² იქვე.

ცა საკარმიდამო 50 მანეთად, ერთი ქცევა სახნავი მიწა 7 მანეთად, ხოლო სათიბი 3 მანეთად ფასდებოდა) — 180 მანეთით¹.

მთავრობის დადგენილებით, გამოსყიდული ნადელი (მიწა) გლეხს უფადო სარგებლობაში ეძლეოდა. თუკი გლეხის სარგებლობაში დარჩენილი მიწა, უმალლეს ზომას სჭარბობდა, ზედმეტი მიწის ფასზე მემამულეს უნდა შეთანხმებოდა, წინააღმდეგ შემთხვევაში, დაეა მომრიგებელ მოსამართლეს უნდა გადაეჭრა.

რეფორმის წესებში ნათქვამი იყო, რომ ტყე, რომლითაც გლეხები სარგებლობდნენ ნადელის შემადგენლობაში არ შედიოდა, მაგრამ თუკი სახარდნე, ანუ სასარე ტყე უშუალოდ გლეხს რჩებოდა. მაშინ ის ნადელის შემადგენლობაში ჩაითვლებოდა.

სამოსახლოს, ანუ საკარმიდამოს უმალლეს ზომად ერთი ქცევა მიწა განისაზღვრა (ამაში შედიოდა გლეხის სახლის, საბძლის, ბელის, სასიმინდეს, საქათმისა და სხვა ამგვარ საცხოვრებელ და სამეურნეო ნაგებობათა ადგილი).

თუკი საკარმიდამოზე ვენახი იყო გაშენებული და მას ისეთი ადგილი ესაზღვრებოდა, სადაც დამატებითი გაშენება შეიძლებოდა, მაგრამ ბატონყმობის გაუქმებიდან ორი წლის განმავლობაში მასზე გლეხი ვენახს არ გააშენებდა, მაშინ მემამულეს შეეძლო (მომრიგებელი მოსამართლის მეშვეობით). ამ ადგილის ჩამოჭრა. თუკი მემამულე ამ მიწას არ ჩამოაჭრიდა (მოუხერხებლობის თუ სხვა მიზეზით). მაშინ გლეხს ამ ადგილზეც ისეთივე გასამსჯელო უნდა გადაეხადა, როგორც გაშენებულ ვენახზე.

მალლარი ვენახის ადგილში ჩაითვალა ყველა ის შემოღობილი მიწა, რაც გლეხს სათიბად, ხეხილისათვის თუ პირუტყვის საძოვრად ჰქონდა გამოყენებული. თუკი მოცემულ ადგილზე გლეხს მემამულე ედავებოდა, მაშინ მისი მინდვრის ნადელში ჩათვლის საკითხი მომრიგებელ მოსამართლეს უნდა გადაეჭრა. მალლარი ვენახის უმალლეს მოცულობად გლეხს ოთხი ქცევა მიწა განესაზღვრა, თუკი ამ მოცულობას გადააჭარბებდა. მაშინ დანარჩენი მინდვრის სავარგულში უნდა ჩათვლოდა. თუ გლეხი არანაკლებ ორ ქცევა დაბლარ ვენახს ფლობდა, მაშინ მალლარი ვენახის ადგილი მინდვრის სავარგულში ითვლებოდა.

ღებულების (ახალი წესების) საფუძველზე გლეხი ძვილებურად სარგებლობდა საძოვარ-საბალახო ადგილით და ტყით, მაგრამ მემამულისათვის ადათით დადგენილი გადასახადი უნდა ეხადა.

ძალაში დარჩა გლეხის ნადელის მოცულობა 4 ქცევიდან (ძირითადი ნადელი) 12 ქცევამდე (უმალლესი ზომა). თუ გლეხის ნადელი ოთხ ქცევას არ სჭარბობდა, მაშინ მემამულეს არ ჰქონდა უფლება მისთვის რაიმე ჩამოეჭრა. თუ გლეხი ფაქტობრივად ამაზე მეტ მიწას ფლობდა და მემამულის სათავისთავო მიწა გლეხების ხელში არსებულ მიწაზე ნაკლები იყო, მაშინ მემამულეს უფლება ჰქონდა გლეხისათვის გარკვეული მიწა

¹ Документы... с. 305.

ჩამოეჭრა. მაგრამ თუკი მემამულე თანახმა იყო და ზედმეტ მიწას არ ჩამოაჭრიდა, მაშინ გლეხი ვალდებული იყო ამ მიწაში, ჩვეულებრივთან შედარებით, ათი პროცენტი დამატებით გადაეხადა. ნადელის საბოლოო გამოსყიდვამდე აღნიშნულ მიწაზე გლეხს მოსავლის მესამედი უნდა ეძლია.

რაჭაში, სადაც მიწა ძვირი ღირდა, ჩამოსაჭრელად განკუთვნილ მიწაში (თუკი მემამულე დაუტოვებდა) გლეხს უთუოდ მოსავლის მესამედი უნდა გადაეხადა.

ბატონყმობის გაუქმების შედეგად შემუშავებული წესების (დებულების) საფუძველზე, ჩამოჭრას ექვემდებარებოდა გლეხის მიწის ის ნაწილი, რომელიც უმალესი ნადელის ზომას სჭარბობდა, ის მიწაც, რომელიც ფუძე ნადელს სჭარბობდა (როცა მემამულეს ნახევარზე ნაკლები ჰქონდა), მაგრამ ამ შემთხვევაში, მემამულეს უნდა ჩამოეჭრა ის მიწა, რომელიც ფუძე ნადელს არ ესაზღვრებოდა.

საბალახო-საძოვარი ადგილები, ტყეები და საერთოდ ცარიელი ადგილები, რომლებიც საზოგადოების საერთო სარგებლობაში იყო, არც მემამულეს და არც გლეხს არ ეთვლებოდა.

იმ შემთხვევაში, როცა გლეხს ფუძე ნადელზე მეტი ჩამოეჭრებოდა, მას უფლება ეძლეოდა სამაგიერო მიწა მემამულისაგან ცარიელ (გამოუყენებელ) ადგილზე მიეღო. თუ ამ გზით გლეხი ყამირ მიწას (რომელსაც გაწმენდა-გაკაფვა ესაჭიროებოდა) მიიღებდა, მაშინ ასეთი მიწა ორი წლით თავისუფლდებოდა გადასახადის ვალდებულებისაგან.

თუ გლეხი ნადელის უმალეს ზომას არ ფლობდა და მას მემამულე რაიმეს ჩამოაჭრიდა, გლეხს უფლება ჰქონდა თვითონ გადაეწყვიტა თუ რომელი ადგილი ჩამოეჭრა მემამულეს. თუ მემამულე მალარი ვენახიან ან ხეხილიან ადგილს ჩამოაჭრიდა, იგი ვალდებული იყო, შეთანხმების საფუძველზე, გლეხისათვის ვენახის ძირებისა და ხეხილის ფასი აენაზღაურებინა.

თუ მემამულის მიზეზით გლეხის საკარმიდამო (სამოსახლო) სხვაგან იქნებოდა გადატანილი, მაშინ მემამულე ვალდებული იყო მისთვის არანაკლებ ერთიდან ქვეყანახევრამდე მიწა გამოეყო.

ქუთაისის გუბერნიის გლეხთა განთავისუფლების წესებში ახლებურად განისაზღვრა წერილმამულიანი მფლობელის ცნება. ამგვარ მემამულედ ჩაითვლებოდა ის, ვისი სახმარად გამოყენებული მიწა-წყალი (სათავისთავოც და საგლეხოც ერთად) სამოც ქვევავზე ნაკლებს შეადგენდა¹. ასეთ წერილმემამულეს უფლება ჰქონდა თავის განკარგულებაში დაეტოვებინა არანაკლები ოცდაათი ქვევა (სახნავ-სათიბი მიწა და ვენახი, ყველაფერი, რაც შეიძლებოდა გლეხს მინდვრის სავარგულში ჩათვლოდა). ამასთანავე მემამულეს, რომელსაც საკარმიდამო და ბალი არ გააჩნდა, უფლება ეძლეოდა, არჩევანისამებრ მიეღო გლეხის საკარმიდამო და ბა-

¹ Документы... с. 313.

ლი. თუ ასეთი მემამულის მიწა სხვადასხვა ადგილზე იყო გაფანტული, მას უფლება ეძლეოდა მთელი კუთვნილი მიწა ერთ ადგილზე აერჩია. ამასთან, თუ ასეთი მემამულის მიწა 30 ქეცევაზე ნაკლები იყო, ის მთლიანად თავისუფლდებოდა გლეხებისათვის ნადელის გამოყოფის ვალდებულებისაგან.

რაჭის მთისწინეთში (კუდაროს ხეობაში, აგრეთვე გლოლასა და კიორაში) გლეხთა მუდმივ სარგებლობაში რჩებოდა ყველა ის ნაგებობა, სახნავ-სათიბი ადგილი, ტყე და საძოვარი, რომლითაც რეფორმამდე სარგებლობდა.

ახალი წესების საფუძველზე, დროებით ვალდებული გლეხი მოვალე იყო ცხრა წლის მანძილზე ეხადა საკარმიდამოს, ნადელის თუ სხვა ადგილით სარგებლობისათვის ადათით დადგენილი გადასახადები, შემდეგ კი სასოფლო საზოგადოებაში შედიოდა და საერთო წესს ემორჩილებოდა. გამოყოფილ ნადელზე, აგრეთვე მის რომელიმე ნაწილზე ან გადასახადზე უარის თქმა გლეხს მხოლოდ მემამულესთან შეთანხმების საფუძველზე შეეძლო.

დადგენილი წესებით, ერთქეცევიან საკარმიდამოზე გლეხს წელიწადში 3 მანეთი უნდა გადაეხადა, ხოლო რაჭის მაზრაში (აგრეთვე სხვაგან) ნახევარქეცევიან საკარმიდამოზე — მანეთნახევარი¹. იმ ადგილებში, სადაც ვაჭრობა ან მრეწველობა უზრუნველყოფდა გლეხის მაღალ შემოსავალს, ან ერთქეცევიან საკარმიდამოზე გაშენებული ვენახი და ხეხილი წელიწადში 20 მანეთ შემოსავალს იძლეოდა, საკარმიდამო 120 მანეთად ფასდებოდა. ამ შემთხვევაში გლეხს ვანთავისუფლებამდე ევალებოდა წელიწადში 110 მანეთის ხუთი პროცენტი გადაეხადა².

თუკი მემამულის მოთხოვნით, გლეხის საკარმიდამო სოფლის გარეთ, ახალ სავარგულზე იქნებოდა გადატანილი, მაშინ გლეხს იმდენი უნდა გადაეხადა, რამდენსაც შესაბამის მინდვრის სავარგულში იხდიდა. თუკი ამაზე მემამულისა და გლეხის შეთანხმება არ მოხდებოდა, საკითხი მომრიგებელ მოსამართლეს უნდა გადაეჭრა, მაგრამ დროებით ვალდებულების დროს, წლიურ გადასახადს 2 მანეთისათვის არ უნდა გადაეჭარბებინა.

საბოლოოდ დადგინდა, რომ დაბლარ ვენახზე დროებით ვალდებულ გლეხს მოსავლის მეოთხედი გადაეხადა, ასევე მინდვრის სავარგულზეც. გამონაკლისს წარმოადგენდა, როცა ჩამოსაჭრელად განკუთვნილ მიწაზე დროებით ვალდებული გლეხი (მას რომ რჩებოდა) დამატებით 10 პროცენტს იხდიდა. გლეხი მოსავლის მესამედს იხდიდა მაღლარ ვენახზეც. თუკი მინდვრის სავარგულზე ხეხილიც იყო გაშენებული, მასზე გადასახადი მემამულისა და გლეხის შეთანხმებით უნდა დაწესებულყო, თუ არა, გადასახადის ოდენობა მომრიგებელ მოსამართლეს უნდა გადაეწყვიტა.

დროებით ვალდებულ გლეხს ევალებოდა მოსავალი (სიმინდის ტა-

¹ Документы... с. 313.

² იქვე, გვ. 315.

³ იქვე.

რო, გამომშრალი თავთავებიანი ღომი) მემამულისათვის მიეზიდა 10 ვერსის სიშორემდე, ხოლო გარჩეული სახით (ჩაღა და ბზე თვითონ რჩებოდა) 50 ვერსის სიშორემდე, თუკი უგზოობა იყო და მისი გადაზიდვა მხოლოდ საპალნე საშუალებით შეიძლებოდა, ეს მანძილი ნახევრად უნდა შემციირებულიყო.

რაქის მთისწინეთის დროებით ვალდებულ გლეხთა გადასახადები, ფაქტობრივად რეფორმამდელი ადათ-წესის მოცულობით დარჩა. იქაურ გლეხობას გადასახადები ძველებურად: პირუტყვის, საოჯახო ნაკეთობათა ან ფულის სახით უხდა გადაეხადა. ამავე გლეხების გადასახადების ოდენობა საძოვრებით და ტყეებით სარგებლობისათვის საგუბერნიო საგამგონის უნდა განესაზღვრა ადათ-წესის საფუძველზე, რომელიც კავკასიის ადმინისტრაციას უნდა დაემტკიცებინა.

დებულებამ ე. წ. არამემკვიდრეობით აზნაურთა გლეხების განთავისუფლებისა და ყოფა-ცხოვრების მოწყობის წესებიც ფაქტობრივად იმდაგვარად განსაზღვრა, როგორც მემკვიდრეობით აზნაურებისა, იმ გამოწვევით, რომ ისინი ყოველგვარი გამოსასყიდის გარეშე იღებდნენ დაბლარი ვენახის ნახევარს და მალარის მესამედს. დავის შემთხვევაში, მოდავე მხარეთა საკითხიც, მომრიგებელ მოსამართლეებს უნდა გადაეჭრათ.

დებულებაში განსაზღვრული იყო გლეხთა უფლება-მოვალეობანი ბატონყმობის გაუქმების დღიდან სიგელების შემოღებამდე (სიგელები ორი წლის თავზე უნდა შემდგარიყო). მასში ნათქვამი იყო, რომ 1865 წ. 8 ნოემბრიდან (დამატებითი წესების მიღების შემდეგ) ქუთაისის გუბერნიაში ბატონყმობა გაუქმდა. ამიერიდან მემამულეს აეკრძალა ყმის ყიდვა-გაყიდვა, მისივე თვითნებური მოპყრობა, გადასახადების თუ სხვა ვალდებულების თვითნებური დაწესება და შეცვლა. გლეხს უფლება მიეცა: დამოუკიდებლად დაქორწინებულიყო, საერთო კანონმდებლობით გათვალისწინებული საოჯახო უფლებით ესარგებლა, ეყიდა უძრავი და მოძრავი ქონება და თავისი ნებასურვილით განეგო ის, შესულიყო ამა თუ იმ საზოგადოებაში, დაედო ხელშეკრულება ვისთანაც სურდა, ეწარმოებინა ვაჭრობა (კანონით გათვალისწინებულ ფარგლებში), ვითარცა თავისუფალი საზოგადოების თავისუფალ წევრს, შესულიყო ამა თუ იმ საწარმოში, ეხელოსნა, გაეხსნა და ჰქონოდა სავაჭრო, სახელოსნო თუ სამრეწველო საწარმოო გლეხებისათვის კანონით გათვალისწინებულ ფარგლებში.

გლეხს უფლება მიეცა, აგრეთვე შესულიყო სასწავლებელში და მიედო სასურველი წოდება, აგრეთვე სისხლის თუ სამოქალაქო საქმე აღედგრა, ყოფილიყო მოწმე, თავისი უფლებები დაეცვა კანონით განსაზღვრულ ფარგლებში და სხვ¹.

დებულებასთან ერთად, მიღებულ იქნა კანონი „უფლებათათვის, რომელთაცა მოიპოვებენ გლეხნი ყმობიდგან გამოსულნი ქუთაისის გუბერნიაში, შემდეგ სახალხო-გამოცხადებისა წესდებათა, და ვალდებულობა-

¹ ЦГИА СССР, ф. 1291, оп. 36, д. 167, лл. 27--36.

თათვის მათთა მებატონეთადმი, მანამ უსტაენის გრამოტები მოქმედობაში შემოვლენ“. ამ კანონში სხვათა შორის, აღნიშნული იყო: „ღლითგან სახალხოდ-გამოცხადებისა უმაღლესად დამტკიცებულთა 13 ოქტომბერს 1865 წელს დაძაბებითა კანონთა გლეხთათვის, ყძობითის დამოკიდებულებისაგან გამოსულთა ქუთაისის გუბერნიაში, მოისპობიან: 1) გარდაცემა პირადთა უფლებათა გლეხთა ზედა და გარდატანა ესრეთთა უფლებათა, რა სახითაც უნდა იყოს, ახლანდელ მებატონეთაგან სხვათა პირთადმი; 2) გარდასახლება გლეხთა ერთის მიწიდგან მეორეზედ, თუ არ იმ პირობით, რომელიც დაწესებულთა უმაღლესად დამტკიცებულს 13 ოქტომბერს 1864 წელსა ადგილობითს წეს-დებასა შინა დაბინავებისათვის გლეხთა, მებატონის მამულზედ მცხოვრებთა ტფილისის გუბერნიაში; 3) მიცემა მებატონეთა-მიერ გლეხთა გარეშე პირთადმი მოსამსახურედ ანუ სამუშავოდ; აგრეთვე მიცემა მცირე წლოვანთა გლეხთა ხელობისა სასწავლებლად ანუ გასაზრდელად, თვნიერ თანხმობისა ამაზედ მშობელთა მათთა ანუ აღმზრდელთა; 4) მიცემა გლეხთა, თვნიერ ნებადართვისა ჭეროვანის სასამართლოსი, ზნეობის გამმართველთა ადგილთა შინა ანუ მმართველობის განკარგულებაში (საზოგადო წესდება გლეხთათვის 19 თებერვალი 1861 წელი)...“¹.

დებულების დამტკიცებისა და რეფორმის საზეიმო გამოცხადებისთანავე მეფისნაცვალმა, 1865 წ. 8 ნოემბერს მიმართა ქუთაისის გლეხობას: „ყოვლად სანატროა, რათა პირველსავე თლითგან და უქანასკნელ დადგინებამდე ახალთა მამულებისაგამო დამოკიდებულებათა შორის მებატონეთა — ვითარცა ამ მამულების პატრონთა, და გლეხთა — ვითარცა იმათ მოსარგებლეთა, ყოველივე განსაზღვრული ქმნას კეთილნებითის მორიგებითა. ამაში, მე არ ვიჭვენეულობ, დიდს დახმარებას აღმოაჩენენ გუბერნსკის პრისუტსტიე და ნამეტნავათაც მიროვის პოსრედნიკები, რომელნიც არიან თვთ მახლობელნი გამრჩეველნი და გამსაჭველნი პირნი ყოველთა საქმეთა მებატონეთა და გლეხთ შორის და ამასთანავე ვალდებულნი დახმარებად, რათა დამყარდეს მათში მშვიდობიანი და კეთილი დამოკიდებულება. მიროვის პოსრედნიკები არიან აღრჩეულნი ჩემგან, და ამითან თვის მებატონენიცა და გლეხნიცა უნდა თანასწორის ნდობით მიჰმართვიან იმათ, იმათ მოქმედებაზედ, და აგრეთვე გუბერნსკის პრისუტსტიეის მოქმედებაზედ, მე ყურადღება მექმნება.

განგიმეორებთ: ორი წელიწადი არის დანიშნული — როგორც რომ საჭირო დრო გარდასასვლელად ახალს ცხოვრებაში. ამ ორი წლის განვლამდის ანუ ვიდრე დაბოლოვდებოდეს ერთმანეთთან შეთანხმება, გლეხნი ისარგებლებენ რა ახლანდელსავე მამულებითა, ამასთანავე ვალდებულ იქმნებიან უარის უთქმელად აძლიონ მებატონეთ შესახვედრი გარდასახადი უწინდელე; ხოლო მათგანნი, რომელნიც იმყოფებიან შინამსახურად, და რაჟამე მოხელედ მებატონის ოჯახში და მამულში, აგრეთვე რომელ-

¹ ЦГИА СССР, ф. 1291. оп. 36, д. 167, лл. 27—36.

ნიცა ჰსდგანან ხიზნად და ჰსცხოვრობენ ქალაქებში და სავაჭრო სოფლებში, ისინიც უნდა ემსახურებოდნენ და აძლევდნენ მათ გარდასახადსა, როგორც აქამომდე. ერთნიც და მეორენიც უნდა ემორჩილებოდნენ მთროვის ჰოსრედნიკებს¹.

„სოფლის მცხოვრებნო“, — მიმართავდა მეფისნაცვალი, — დღეს ყმობიდან გამოსულნო! არ ვიჭვენეულობ, რომ თქვენ დააფასებთ ყოველსავეს სიდიდეს და ყოველსავე მნიშვნელობას ამ დღისას, რომელიც განგისხნით თქვენ ახალს ცხოვრებას; დააფასებთ იმ უფლებათა, რომელნიც თქვენ დღევანდელიდან მოგენიჭებათ და რომელთა გამოცა შეიქმნებით თქვენ სრულს პატრონად თქვენის მონაღვაწისა, სრულს განმგებლად თქვენის შრომისა. ვიმედოვნებ, იმცნებთ და დაიხსოვებთ, თუ ვისდამი ხართ თქვენ ვალდებული ამ წყალობისათჳს. დიდებულის ველმწიფე იმპერატორისადმი ხართ თქვენ, ჯერ პირველად, ვალდებული ამ დღის წყალობისათჳს. შემდეგ ამისა, კეთილშობილთ თავადაზნაურთა — თქვენ მყოფთ მებატონეთა, ეკუთვნისთ არამცირელი წილი თქვენის ყოფა-ცხოვრების განკეთილებაში: მათ თავიანთის კეთილ-ნებლობით დაჰსთმეს უფლება თჳსი თქვენზედ; პატრისჰსდეს რა თქვენს შრომას, იმათ დიდის მონღომილებით მოგიჩინესთ თქვენ, თქვენის უპირველის ცხოვრებისათჳს... ეხლა თქვენ გაქვსთ გახსნილი გზა, რომ თვთ თქვენვე დააფუძვნოთ თქვენი კეთილმდგომარეობა; პატროსანისა და გულ-დამშვიდებულის შრომით თქვენ შეგიძლიანთ განაგოთ იგი; დაზოგვით და კეთილ-წესიერის ცხოვრებით განამრავლოთ თქვენი და თქვენი შვილების ჰირნახული. ამას ისურვებს ველმწიფე იმპერატორი, ამასვე მოველი თქვენგან მე.

ღვთის კურთხევა გიძლოდეს თქვენ ამ ახალს, გახსნილს თქვენს წინაშე, გზასა ზედა! (ხელს აწერს: კავკასიის ნამესტნიკი, ლენერალ ფელდციხმეისტერი მიხაილ)².

ბატონყმობის გაუქმებიდან საწესდებო სიგელების შემოღებამდე, გლეხები განაგრძობდნენ საკარმიდამოთი, ბალ-ვენახით და მინდვრის სავარგულით სარგებლობას, სათანადო ვალდებულების საფუძველზე (რომელიც ადათ-წესით იყო განსაზღვრული), მაგრამ შემდეგი შეღავათებით:

1) თუ ადათით დაბლარ ვენახზე გადასახადი მოსავლის ერთ მეოთხედს, ხოლო მაღლარზე — ერთ მესამედს აჰარბებდა, ამიერიდან ეს გადასახადი დაბლარზე — ერთი მეოთხედით, ხოლო მაღლარზე — ერთი მესამედით განისაზღვრა; 2) ასევე, თუ სახნავ მიწაზე გადასახადი — ერთ მეოთხედს, ხოლო სათიბზე — ერთ მესამედს სჰარბობდა, ამ შემთხვევაშიც გადასახადი შესაბამისად ერთ მეოთხედამდე და ერთ მესამედამდე შემცირდა; 3) გლეხის კომლი, რომელიც ერთი შინაყმით უზრუნველყოფდა მემამულეს, თავისუფლდებოდა შრომითი ბეგარის (ან მსგავსი) ვალდებულებისაგან; 4) გლეხის კომლი, რომლის მოვალეობად შრომით ბეგარა (ნადობა) დარჩა, ვალდებული იყო კვირაში მხოლოდ ერთი დღით (მარ-

¹ ЦГИА ССР, ф. 1291, оп. 36, д. 167, лл. 20—24.

² იქვე.

ტონელა ან გამწვევი ძალით) გააულოყო, მაგრამ არა უმეტეს ათი ვერსის მანძილზე; 5) გლეხის ვალდებულებად ტვირთის ზიღვა მხოლოდ იმ შემთხვევაში შეიძლება დარჩენილიყო, თუკი ის ადრეც (რეფორმამდე) ასრულებდა ასეთ ვალდებულებას, მაგრამ ასეთი ვალდებულება შეიძლება მხოლოდ გუბერნიის ფარგლებში და, ისიც, არა უმეტეს ოცი ვერსის სიწორემდე¹.

ბატონყმობის გადავარდნიდან გაუქმებულად გამოცხადდა გლეხთა არაპირდაპირი (დამატებითი) ვალდებულებანი: ძღვენ-საჩუქრების, ფრინველის, პროდუქტების, საშინაო ნაკეთობათა თუ ფულადი სახით, ასეთი გადასახადების გადახდა მხოლოდ მაშინ დაიშვებოდა, თუკი ისინი ადრე ძირითადად ვალდებულებას შეადგენდნენ.

მემამულესა და გლეხს შორის ყოველგვარი დავა ამიერიდან მომრიგებელ მოსამართლეს (საჭირო შემთხვევაში სხვა ზემდგომ ორგანოსაც) უნდა გადაეჭრა. გლეხს აუკრძალა ახალი წესების შემოღებამდე (რეფორმამდე) ყოველგვარ საკითხზე საჩივრის აღძვრა².

1866 წ. აპრილში დამტკიცდა აგრეთვე მემამულეებისადმი გლეხთა პირადი განთავისუფლებისათვის ფულადი გასამრჩელოა მიცემის წესი. აქ ნათქვამი იყო, რომ ქუთაისის გუბერნიის მემამულეებს გლეხთა განთავისუფლებისათვის გამოეყოთ თანხა, უკანასკნელი კამერალური აღწერის მიხედვით, თითოეულ მამრობით სულზე ოცდახუთი მანეთი. აქვე აღნიშნული იყო, რომ იმ მემამულეს, რომელსაც უკანასკნელი აღწერის დროს 21 მამრ. სულზე ნაკლები ეკუთვნოდა (ე. ი. მცირეყმამამულიანი იყო), მეფისნაცვლის გადაწყვეტილებით, შეიძლებოდა დამატებითი გასამრჩელო გამოყოფილი იმ ფარგლებში, რომ თითოეულ მამრობით სულზე მემამულის მიერ მიღებული თანხა 50 მანეთს არ გადააჭარბებდა. თანაც, ასეთი დამატებითი გასამრჩელო შეიძლებოდა გამოყოფილი მხოლოდ ისეთს, რომელსაც არასაკმაო ქონება გააჩნდა, ამასთან არც თვითონ და არც თავის მეუღლეს არავითარი მოძრავი ქონება არ გააჩნდათ საკუთარი ცხოვრების უზრუნველსაყოფად. ამავე დროს, ასეთი გასამრჩელო პირველ რიგში უნდა მისცემოდა ისეთ მცირეყმამულიან მფლობელს, რომელსაც მრავალსულიანი ოჯახი ჰყავდა და რომელიც მთავრობისადმი ერთგულებითა და პატივისცემით გამოირჩეოდა³.

დადგენილი წესით, მცირეყმამულიანი მფლობელისათვის, დამატებითი გასამრჩელოს მიცემაზე უშუამდგომლობა ჯერ გენერალ-გუბერნატორთან უნდა აღძრულიყო (სათანადო საბუთების წარდგენით), ამ უკანასკნელს კი მეფისნაცვლის წინაშე უნდა ეშუამდგომლა.

• • •

დებულების დამატებითი წესების უმაღლესად განხილვა-დამტკიცებისა და ბატონყმობის გაუქმების გამოცხადებისთანავე ქუთაისის გუბერნი-

¹ Документы... с. 320—321.

² იქვე. გვ. 322.

³ იქვე.

ის ოთხივე მაზრაში შეიქმნა მომრიგებელი დაწესებულებები: რაჭასა და ოზურგეთში სამ-სამი, ქუთაისსა და შორაპანში ხუთ-ხუთი!

ოთხოველ მომრიგებელ დაწესებულებაზე, დაახლოებით, 1500 გლეხის კომლი, ანუ 6000 შამრ. სული იქნა მიმაგრებული. გათვალისწინებულ იქნა ისიც, რომ ზამთრის პირობებში რაჭაში 3—4 თვე ჩერდებოდა მიმოსვლა, თვითმოქმედი მამაკაცის დიდი ნაწილი კი გარესამუშაოზე იმყოფებოდა, რაც, თავისთავად მომრიგებელ მოსამართლეთა მუშაობასაც აბოკოლებდა-

მალე მომრიგებელ მოსამართლეებს უკანასკნელი კამერალაური აღწერის მონაცემები, სათანადო ბლანკები და მუშაობის განრიგი გადაეცათ.

* * *

ბატონყმობის გაუქმების შემდეგ გლეხთა ნაწილი უარს აცხადებდა დადგენილი წესებით განსაზღვრულ ვალდებულებაზე. შინაყმათა ნაწილმა დაუყოვნებლივ მიატოვა მემამულეთა სახლ-კარი, ხოლო ზოგიერთმა კომლმა უარი თქვა მემამულის შინაყმით უზრუნველყოფაზე. შინაყმათა ნაწილი მემამულეს არ ემორჩილებოდა ზოგიერთი სამუშაოს შესრულებაზე. ხშირად საქმე მომრიგებელ მოსამართლემდე მიდიოდა, მაგრამ, როცა ეს უკანასკნელი ვერაფერს ხდებოდა, საქმეში გუბერნიის ხელმძღვანელობა ერეოდა. გუბერნიის საგლეხო საგანგის, მემამულეთა და მათ წინამძღოლთა მიკერძოებით, ცდილობდა შინაყმების უსიტყვო დამორჩილებას, მაგრამ ზოგჯერ ამაოდ.

მიუხედავად გუბერნიის აღმინისტრაციის მხარდაჭერისა, მემამულეები ვერ იმორჩილებდნენ გლეხებს. საქმე ისე რთულდებოდა, რომ მომრიგებელ მოსამართლეთა გადაწყვეტილება ჰაერზე რჩებოდა. ამის გამო, არაერთი გლეხი ჯარიმდებოდა, რაც კიდევ მეტ პროტესტს იწვევდა.

მემამულეებსა და გლეხებს შორის ხშირად ხდებოდა კონფლიქტი შრომით ბეგარასთან დაკავშირებითაც. დროებით ვალდებული გლეხები უარს აცხადებდნენ გარდამავალ პერიოდში, მემამულისათვის შრომით ბეგარის შესრულებაზე. მემამულეები კი მოითხოვდნენ გლეხებს დადგენილ ნორმაზე მეტი ემუშავათ. ბოლოს და ბოლოს, დავა გუბერნიის საგანგის მსჯელობის საგანი ჰდებოდა. ასეთმა დავამ, იმდენად საყოველთაო მასშტაბი მიიღო, რომ გუბერნიის საგანგის იძულებული გახდა გლეხთა შრომითი ბეგარის ხანგრძლივობა წელიწადში 52 დღემდე შეემცირებინა³.

როგორც ვნახეთ, ბატონყმობის გაუქმების გამოცხადებისთანავე გლეხთა ძღვენ-საჩუქრებით ვალდებულებაც შეწყდა, მაგრამ მემამულეები მასზე ხელის აღებას არ აპირებდნენ და გლეხებისაგან, გარდამავალ პერიოდშიც (ორწლიანი სავალდებულო სამსახურის დროს) მოითხოვდნენ

¹ Документы... с. 342.

² СХАО, т. II, с. 386.

³ Документы... с. 345.

ამას, თუმცა ოფიციალური ხელისუფლებისაგან ამაზე მხარდაჭერას ვერ პოულობდენ.

დროსტარებასა და ბატონობას მიჩვეული მემამულეები არამც თუ ძღვენ-საჩუქრებზე არ იღებდნენ ხელს, საერთოდ, არაფერს იკლებდნენ, ამიტომ მემამულეებსა და გლეხებს შორის მუდმივი უკმაყოფილება სუფევდა.

იმის გამო, რომ გლეხები არ ემორჩილებოდნენ, მემამულეები განუწყვეტლივ ჩიოდნენ გუბერნიის ხელისუფლებასთან. სხვათა შორის, ქუთაისის გუბერნიის თავადაზნაურობა კავკასიის აღმინისტრაციამიც ჩიოდა, რომ გუბერნიის ადმინისტრაცია მათ მხარს არ უჭერდა და ავიწროებდა¹.

მემამულეები გლეხებს ზღუდავდნენ საბალახო-საძოვრებით და ტყეებით სარგებლობაშიც. თუკი რეფორმამდე გლეხები შედარებით ადვილად სარგებლობდნენ ხე-ტყის მასალით და შეშით. ბატონყმობის გაუქმების შემდეგ ტყეები მემამულეთა განკარგულებაში დარჩა და ტყის მასალისათვის ისინი დიდ გასამრჯელოს მოითხოვდნენ. ყოველ შემთხვევაში, ტყით სარგებლობას გლეხები მხოლოდ დიდი გასამრჯელოს გაღებით აღწევდნენ.

საგლეხო რეფორმის ცხოვრებაში გატარება, სხვა მრავალ დაბრკოლებასთან ერთად, საწესდებო სიგელების გაფორმების სიძნელესთანაც იყო დაკავშირებული. ბატონყმობის გაუქმების გამოცხადებიდან რამდენიმე თვის შემდეგ, საწესდებო სიგელების ბლანკები მომზადდა, მაგრამ საქმეს მემამულეთა და გლეხთა შეუთანხმებლობა ართულებდა. მემამულეები არც ერთ შემთხვევაში არ უწყვედნენ ანგარიშს გლეხთა სამართლიან მოთხოვნებს არა მარტო ნაყიდი მიწის მიკუთვნებაზე, არამედ რეფორმის წესებით დადგენილ უფლებებზეც. ამის შესახებ ქუთაისის სამოქალაქო გუბერნატორი ო. გოლინი წერდა, რომ გუბერნიის ყველა მემამულე ერთხმად უარყოფდა გლეხთა უფლებას ნაყიდი მიწის მიკუთვნებაზე, რაც ბუნებრივად, გამორიცხავდა მემამულეთა და გლეხთა ნებაყოფლობით შეთანხმებას. მიუხედავად იმისა, რომ ორი წელიწადი გადიოდა. საწესდებო სიგელების შედგენაზე, დადგენილ დროში (1867 წ. იანვარი) არაფერი გაკეთდა.

საწესდებო სიგელების შედგენას აფერხებდა თავადებისადმი კუთვნილ აზნაურთა გაუმიჯნაობა, მითუფრო გლეხობის პროტესტი — მათთვის მემამულეებს მიწის რაიმე ნაწილი ჩამოეჭრათ. საქმე იმაშიც იყო, რომ რეფორმის დროს, ზოგიერთი შეძლებული გლეხი (ახატი, მსახური, ფარეში და სხვ.) მეტ მიწას ფლობდა (20—30 ქვევას), ვიდრე დღეულობით უნდა დარჩენოდა. ზოგიერთი ასეთი გლეხი თავადთა სამსახურში იმყოფებოდა და მაღალი ქონებრივი მდგომარეობით განიჩნეოდა. ამასთანავე, დაწინაურებულ გლეხთა ნაწილს (რეფორმის დროს) ფაქტობრივად თავი

¹ Документы... с. 315.

ქონდა გამოსყიდული და თავისუფლად ითვლებოდა. ასეთი გლეხები არაფრის დათმობას აპირებდნენ¹.

როგორც ჩანს, ზოგიერთ მემამულეს, ჭერ კიდევ 50-იან წლებში უცდია თავისუფლებამოპოვებულ გლეხთა (უპირატესად აზატთა) ხელახალი დაყმევება, მაგრამ მთავრობას ამაზე არავითარი სანქცია არ გაუცია. რეფორმის დროს, ასეთი გლეხები არაფერს თმობდნენ. თავის მხრივ, არც მემამულეები ცნობდნენ მათ პრეტენზიებს, კიდევ მეტი, ისინი უარყოფდნენ დებულების იმ მუხლსაც. რომელიც უკანასკნელ ათ წელიწადში გლეხთა უფლებას აღიარებდა ნაყიდ მიწაზე. როგორც ჩანს, ნაყიდ მიწაზე გლეხთა დავა იმდენად გამწვავდა, რომ 1865 წ. 27 დეკემბერს საქმე განუხილავს კავკასიის საგლეხო კომიტეტს, რომელიც იძულებული გახდა, ნაყიდ მიწაზე, გლეხთა უფლება ელიარებინა².

მაგრამ კავკასიის ადმინისტრაციის ამ გადაწყვეტილებას ქუთაისის გუბერნიის თავადაზნაურობა მტრულად შეხვდა და არავითარ დათმობაზე არ წაიდა. ამის გამო სამი ათასამდე გლეხის კომლმა საჩივრებით მიმართა გუბერნიის ადმინისტრაციას, სადაც მოითხოვდა თავისი სახსრებით ნაყიდი მიწების ხელუსლებლად დატოვებას, სხვათა შორის, გლეხობამ საჩივრებს ნასყიდობის სათანადო საბუთებიც დაურთო³.

სამოქალაქო გუბერნატორის, ოგოლინის ანგარიშით, გლეხთა ნაყიდი მიწები, მათ მფლობელობაში არსებული მთელი მიწის, დაახლოებით მესამედს შეადგენდა (ყოველ შემთხვევაში გლეხები ასეთ პრეტენზიას აყენებდნენ), მთავრობის წარმომადგენლების დასტურით, ამ მიწების ნაწილის ნასყიდობაზე გლეხებს უღაო აქტები გააჩნდათ⁴.

მდგომარეობის განმუხტვის მიზნით, კავკასიის ადმინისტრაციის ხელმძღვანელობა გლეხობას აიძულებდა, რომ საკითხის კონკრეტული განხილვის დროს, მომრიგებელი მოსამართლე ყველაფერს მხედველობაში მიიღებდა — უდავო საბუთის მქონე გლეხს ნაყიდ მიწას მიაკუთვნებდა.

რაჰის მაზრაში (ნაწილობრივ შორაპნისაჲ) საწესდებო სიგელების შედგენას აბრკოლებდა აგრეთვე ისიც, რომ იქ 13 სოფლის 173-მდე გლეხის კომლი გადასახადებს, ერთი მხრივ მემამულეებს უხდიდა, ხოლო მეორე მხრივ, — ეკლესიას. რეფორმის დროს ამ გლეხებისაგან ეკლესიამ მოითხოვა ნატურითი გადასახადების ნაცვლად ფულადი გადასახადები მიეცა, ხოლო მემამულეები კვლავ ნატურით გადასახადებს მოითხოვდნენ. გამოდიოდა, რომ გლეხებს ერთი და იგივე მიწაზე ორმაგი გადასახადები უნდა ეხადათ, რასაც, ცხადია ეწინააღმდეგებოდნენ⁵.

ასეთივე ვითარებაში იყო ქუთაისის გუბერნიების 336 გლეხის კომლიც, რომლებიც საეკლესიო აზნაურების კუთვნილებას შეადგენდნენ (ეს

¹ Документы... с. 349.

² იქვე, გვ. 350.

³ Документы... с. 352; СХАО, т. II, с. 384.

⁴ იქვე.

⁵ СХАО, т. II, с. 385.

გლეხები მეფეთა ან ერისთავთა ნაწყალობევი იყვნენ). ეს გლეხები აღრე საურს იხდიდნენ (ფულით), მაგრამ რეფორმის შემდეგ მათ ჩვეულებრივი გლეხების მსგავსი გადასახადები დაეკისრათ, რაც უფრო მძიმე იყო და მიუღებლად მიიჩნეეს.

1867 წ. იანვარში მომრიგებელი მოსამართლეები შეუდგნენ საწესდებო სიგელების შედგენას, მაგრამ მემამულეთა და გლეხთა დაჯა ძველებურად გრძელდებოდა. ამასობაში გლეხთა საჯალდებულო სამსახურის ორწლიანი ვადაც ამოიწურა. მიუხედავად მთავრობის დაბეჯითებით მოთხოვნისა და მომრიგებელ მოსამართლეთა დანიტერეესებისა, საწესდებო სიგელების გაფორმება დიდხანს გაგრძელდა.

2. საგლეხო რეფორმის მომზადება და გატარება ლეჩხუმში

როგორც აღვნიშნეთ, XVIII ს. პირველ ოცეულში ლეჩხუმი ოდიშის მთავარს დაექვემდებარა და მის სამთავროში შევიდა.

რუსეთთან შეერთების შემდეგ, 1857 წლამდე, ოდიშის სამთავროს, როგორც ცალკე ადმინისტრაციულ ერთეულს, მმართველი საბჭო (ფაქტობრივად დადიანი) განაგებდა. მაგრამ კავკასიისა და, საერთოდ, ამიერკავკასიის ცალკეული ადმინისტრაციული ერთეულებისა და მმართველობის გარდაქმნის შემდეგ, ოდიშის სამთავროც გაუქმდა.

ოდიშის სამთავროს ადგილზე სამი ოკრუგი (მაზრა) შეიქმნა, კერძოდ: ზუგდიდის, სენაკისა და ლეჩხუმის.

საგლეხო რეფორმის მომზადება და გატარება სამეგრელოსა და ლეჩხუმში, თავდაპირველად, იმერეთ-რაჭა-გურიასთან ერთად იყო განზრახული, მაგრამ დიდი და შრომატევადი სამუშაოს შესრულების გამო. ეს ერთდროულად ვერ მოხერხდა.

სამაგიეროდ, იმერეთ-რაჭა-გურიაში საგლეხო რეფორმის მომზადებისა და ბატონყმობის გაუქმების გამოცხადებისთანავე, მეფის მთავრობა სამეგრელო-ლეჩხუმ-ჭვემო სვანეთის საგლეხო რეფორმის უშუალო მომზადებასაც შეუდგა.

ქუთაისის გუბერნიის მსგავსად, რეფორმის დროს, სამეგრელოს ყოფილი სამთავროს მიწებიც გაუმიჯნავი იყო. დადგენილი არ იყო არა მარტო მემამულეთა და გლეხთა მიწების ზუსტი ოდენობა, არამედ მათი საერთო ფართობიც. ამასთან, უმეტეს შემთხვევაში, წერილობითი საბუთები არ არსებობდა საადგილმამულო ურთიერთობაზე (როგორც წესი ის სიტყვიერად, ადამ-წესით იყო განსაზღვრული, დასადგენი იყო თუ რა ბეგარა-ვალდებულება ეკისრათ გლეხებს, რას უდრიდა მათი ნატურით და ფულადი ვალდებულება.

მიუხედავად იმისა, რომ საგლეხო რეფორმის მომზადება დასავლეთ საქართველოში ერთდროულად ვერ მოხერხდა, სამეგრელოს მმართველ-

მა გ. ვლასტოვმა 1865 წ. დეკემბერში თადარიგი დაიკავა. იგი ამიერკავკასიის საგლეხო კომიტეტს სთხოვდა, რომ მისთვის მიეწოდებინათ 1861 წ. 19 თებერვლის კანონმდებლობა, თბილესისა და ქუთაისის გუბერნიების საგლეხო რეფორმის დებულებები¹.

მეფისნაცვალმა რომანოვმა 1865 წ. 10 დეკემბერს ქუთაისის გენერალ-გუბერნატორს სვიატოპოლკ-მირსკის დაავალა ოფიციალურად შედგომოდა რეფორმის მომზადებას. ამასთან, მითითება მისცა, რომ რეფორმის საფუძვლად აეღო 1861 წ. 19 თებერვლის კანონმდებლობა და ადგილობრივი სოციალურ-ეკონომიკური პირობების შესაბამისი წესები შეემუშავებინა. ამ მიზნით, ქუთაისის გენერალ-გუბერნატორს დაევალა თავისთან მიეწვია სამეგრელოს თავად-აზნაურთა წარმომადგენლები, კერძოდ, თითოეული ოკრუგიდან ოთხ-ოთხი დეპუტატი (ორი თავადი და ორიც აზნაური). ამ დეპუტატებთან ერთად, 1866 წ. 15 იანვარს საგლეხო რეფორმის წესების მომზადებას უნდა შედგომოდა მთავრობის მიერ შექმნილი სპეციალური კომისია, სამეგრელოს მმართველის — გ. ვლასტოვის თავმჯდომარეობით. ამასთან, გენერალ-გუბერნატორს დაევალა, რომ სამეგრელოს გლეხთა განთავისუფლებისა და მათი ყოფა-ცხოვრების მოწყობის წესები, არა უგვიანეს პირველ მაისს, კავკასიის ცენტრალურ საგლეხო კომიტეტს ჰქონოდა ხელთ².

მეფისნაცვლის ვარაუდით, სამეგრელო-ლეჩხუმ-ქვემო სვანეთში ბატონყმობის გაუქმება 1866 წ. შემოდგომაზე უნდა მომხდარიყო.

კავკასიის ადმინისტრაციის მითითებით, სხვებთან ერთად, რეფორმა ნ. დადიანის (იგი 1867 წ. 4 იანვრამდე მცირეწლოვნად ითვლებოდა) გლეხებსაც უნდა შეხებოდა, მაგრამ საკითხის მომზადებაში მონაწილეობა უნდა მიეღო მის მეურვე დ. ყიფიანს, ან სხვა წარმომადგენელს³.

როგორც ნავარაუდევია იყო, 1866 წ. 15 იანვარს, მუშაობას შეუდგა სამეგრელოს თავად-აზნაურთა წარმომადგენლობის საკრებულო (თავად-აზნაურთა დეპუტატებად არჩეულ იქნენ: მ. და ნ. დადიანები, კ. ნიჭიარაძე, ნ. მიქაძე, ა. ჩიქოვანი, ფ. გელოვანი, ა. ნანეიშვილი, კ. ალშიბაია, დ. ჩიქოვანი, თ. ახვლედიანი, გ. ყიფიანი, დ. გეგელია, ფ. იოსელიანი და სხვ.). სხდომებზე მოწვეული იყვნენ აგრეთვე ექსპერტები: დ. დადიანი, ვ. ჩიქოვანი, დ. ფალავა, თ. ჩიჩუა, დ. აფაქიძე და გ. მხეიძე.

თავად-აზნაურთა დეპუტატებმა კომისიის სხდომაზე აღნიშნეს, რომ ბატონყმობა სამეგრელოში უძველესი დროიდან არსებობდა, რომ მემამულეები გლეხებს ყიდულობდნენ და ყიდდნენ ოდითგან.

სამეგრელოში გლეხთა რამდენიმე კატეგორია არსებობდა, კერძოდ: მებებგრე, მოჯალაბე, მსახური, აზატი, ხიზანი (მინდობილი) და სხვ.

მებებგრე გლეხის კომლს მემამულის უზრუნველყოფა ეკისრებოდა:

¹ СХАО. т. II, с. 475.

² იქვე, გვ. 476.

³ იქვე.

⁴ СХАО. т. II, с. 479. Документы... с. 430

შინაყმით (ყოველწლიურად), შრომითი ბეგარით (ნადობა, მუშაობა, ტვირთობა). ნატურითი გადასახადებით (ღალა) და ძღვენ-საჩუქრებით.

ყმათა შორის ყველაზე მძიმე მდგომარეობაში და უუფლებო მოქალაქე („დაღმახორე“) იყო. ამ კატეგორიის ყმათა ნაწილს პირადი ოჯახი გააჩნდა და მებატონის მიწა-წყალზე ცხოვრობდა. ნაწილი კი უოჯახო და, საერთოდ უქონებელი იყო.

მოქალაქე ვალდებული იყო მებატონის ნება-სურვილით ყოველგვარი სამუშაო შეესრულებინა. ასეთი კატეგორიის გლეხები, საუკეთესო შემთხვევაში შეიძლება მებეგრე გლეხის კატეგორიაში გადასულიყვნენ. მოქალაქის კატეგორია სხვადასხვა გზით იქმნებოდა: 1) მოახლეთა უკანონო შეილებისაგან; 2) უპატრონოდ მიტოვებული ბავშვებისაგან; 3) ტყვედ ჩაგდებულთაგან; 4) გლეხებისაგან, რომლებიც სისხლის ფასში იყვნენ მიცემული, ან სისხლის დანაშაული ჰქონდათ ჩადენილი.

ღებუტატების განცხადებით, სამეგრელოში მოქალაქის ფასი 150—300 მანეთს უდრიდა (ვერცხლით).

ჩაგრული კლასის მეორე ფენას (კატეგორიას) შეადგენდა მსახური, რომელიც, ლაშქრობა-სამსახურთან ერთად, მკვიდრი გლეხის მსგავს, მაგრამ შედარებით მსუბუქ და საპატიო მოვალეობას ასრულებდა.

გლეხთა კატეგორიებს შორის, შედარებით თავისუფალი იყო აზატი, რომელსაც ეს მდგომარეობა ერთგული სამსახურით ან თავის გამოსყიდვით ჰქონდა მოპოვებული. ასეთი კატეგორიის ყმათა უმრავლესობა, ორ ან რამდენიმე წელიწადში, მებატონეს ერთ ძროხას ან სხვა ნატურით გადასახადს უზდიდა, ნაწილი კი მასპინძლობით და მცირე ძღვენ-საჩუქრების მიცემით იყო ვალდებული. აზატი თავისუფალი იყო, როგორც შრომითი ბეგარის (ნადობა-ტვირთობის და სხვა მუშაობისაგან). აგრეთვე მებატონის შინაყმით უზრუნველყოფისაგან. თუკი აზატს სამსახური ევალებოდა, იგი შედარებით საპატიო უნდა ყოფილიყო, მაგალითად, მერიქიფე, მესტუმრე, ცხენით ხლება და სხვ.

სამეგრელო-ლეჩხუმის გლეხთა კატეგორიებს შორის შეინიშნებოდა ხიზანიცი (მინდობილი), რომელიც ახალ მებატონესთან ცხოვრობდა და, ახალთან ერთად, ზოგიერთი ძველი მემამულისადმიც იყო ვალდებული, მაგრამ პირადად თავისუფალი იყო.

სამეგრელოს (ოდიშის) სამთავროში ერთიმეორისაგან არა აშლოდ სხვადასხვა კატეგორიის ყმათა ვალდებულება-მოვალეობა განსხვავდებოდა, არამედ, აგრეთვე თვით ერთი და იგივე კატეგორიის გლეხებისაც. ეს ვალდებულება განსხვავებული იყო სამთავროს სხვადასხვა სოფელში, მითუფრო სხვადასხვა კუთხეში. მაგალითად, ლეჩხუმის გლეხთა ვალდებულება დადიანისადმი შედარებით უფრო მსუბუქი იყო, ვიდრე საკუთრივ სამეგრელოსი, ხოლო ქვემო სვანეთის კიდევ გაცილებით უფრო მსუბუქი. კიდევ მეტი, თვით ერთნაირი კატეგორიის გლეხები ერთი და იგივე სოფელში სხვადასხვა (მეტნაკლებ) ვალდებულებას ასრულებდნენ.

ყოველივე ეს გლეხის მფლობელობაში (სარგებლობაში) არსებული მიწა-წყლის მოცულობაზე და ოაობაზე კი არ იყო ყოველთვის დამოკიდებული, არამედ მემამულისა და გლეხის პირად მორიგებაზე და საუკუნო ადათ-წესზე.

მებევრე ყმა-გლეხის კომლი ვალდებული იყო (შრომითი ბეგარით და შინაყმით უზრუნველყოფის გარდა) მებატონისათვის მიეცა: ხუთიდან — ათ კოკამდე ღვინო, ორიდან — ხუთ ფუთამდე ღომი ან ხორბალი, ერთი ღორი, ერთი თხა, ერთი ქათამი და სხვ¹.

აღნიშნულის გარდა, გლეხობის ნაწილს არაპირდაპირი გადასახადები და ძღვენ-საჩუქრებიც ევალებოდა, კერძოდ: საშობაო, საახალწლო, სააღდგომო, საყველიერო, სამასპინძლო, სამარხო, საფურე, საბაზიერო, სამეჯოგო, საქორწილო, საჩექმო, საქვრივო, გასამყრელო, სალაშქრო, საცილო და სხვ².

სამეგრელოსა და ლეჩხუმში ზოგიერთი გლეხის ბეგარა-ვალდებულებაში შედიოდა: ღორი (4 მან. ღირებულების), 3-დან — 10 ღორამდე ღვინო. 2-დან — 5 გორომდე ხორბალი³.

სხვადასხვა სახის (ტრადიციული) პირდაპირი თუ არაპირდაპირი გადასახადი უდრიდა: ს ა უ რ ი — ერთ ან ორ ცხვარს (2,40-დან — 4 მანეთამდე ღირებულო); ს ა უ დ ი ე რ ო — 2 მანეთიან ღორს, 10-დან — 15 კოკამდე ღვინოს და 1-დან — 5 გორომდე ხორბალს; ც ხ ე ნ ი ს ჩ ა ბ მ ა — ზამთარში რამდენიმე თვით ცხენის ან ძროხის გამოკვება; ს ა ბ ო კ ი ქ ა თ ა მ ი — 12 ქათამს; საყველიერო — 30-40 კვერცხს; ს ა მ ა რ ხ ო — 2 ფოხალ ლობიოს (აგრეთვე ფხალს); ს ა ა ღ დ გ ო მ ო — 30-40 კვერცხს; ძ ღ ვ ე ნ ი — ვის რამდენი შეეძლო — კვერცხის, ღვინის, არყის და სხვათა სახით; ს ა მ ა ს პ ი ნ ძ ლ ო — ბატონისადმი, შინ ან გარეთ, საუკეთესო პურმარილით გამასპინძლება; ს ა პ უ რ ე - პ უ რ ი — 2 ფოხალ პურის ფქვილს, 2 ქათამს, 2 სულგუნს, 2 ჩაფ ღვინოს (აგრეთვე გარკვეულ ხილს); ს ა მ ე ჯ ო გ ე — ბატონის მონადირეებისადმი და ძაღლებისადმი გამასპინძლება; ს ა უ ნ ა დ ო — გამწვევი ძალით და ინვენტარით, სხვადასხვა მოცულობის სეზონური სამუშაოს შესრულება; ს ა ქ ო რ წ ი ლ ო — ერთ ძროხას ერთი სოფლის ან რამდენიმე კომლისაგან; ს ა მ ა რ ხ ო — სხვადასხვა პროდუქტებს: ს ა ქ ვ რ ი ვ ო (საჩექმო) — 5-დან — 10 მანეთს; ს ა ლ ა შ ქ ო რ — 1 ცხენს (სოფელზე) ან 1-2 მანეთს კომლზე და ა. შ. ქვემო სვანეთში ასეთ ვალდებულებათა შორის გავრცელებული იყო ცხენის თხოვება, რაც საუნაღოს ცვლიდა⁴.

სარეფორმო კომისიის მონაცემებით, სამეგრელოს მებევრე კომლის ბეგარა-ვალდებულება წელიწადში დაახლოებით 80—120 მანეთს უდრიდა. ამასთან, შინაყმის წლიური სამსახური 30—60 მანეთად ფასდებოდა,

¹ СХАО, т. II, с. 479; Документы... с. 430.

² СХАО, т. II, с. 480.

³ Документы... с. 403—405.

⁴ იქვე.

ხოლო შრომითი ბეგარა (ნადობა — კვირანო ერთი ან ორ-ღლის მუშაობა) 15—30 მანეთად. გლეხის პირადი შრომა დღეში 30—50 კაპიკაჟი, ხოლო გამწევი ძალით მუშაობა 80—დან — 120 კაპიკამდე იანგარიშგზოდა¹.

სამეგრელოსა და ლეჩხუმ-ქვემო სვანეთის გაბატონებულ კლასი რამდენიმე თანრიგად დაიყო. პირველში შევიდნენ: სამეგრელოს ნფლობელი, ბატონიშვილები და მათი ოჯახის წევრები; მეორეში რიგითი თავადები, აგრეთვე აზნაურები (როგორც საერო, აგრეთვე საეკლესიო); მესამეში დამოკიდებული აზნაურები (ე. წ. დაბალი კატეგორიის აზნაურიშვილები)².

რეფორმის მასალების მიხედვით, ბატონყმობის დროს გლეხი იხდიდა: სამოსახლოში (საკარმიდამო მიწაზე) წელიწადში 3 მანეთს (ვერცხლით), დაბლარ ვენახში ღვინის მეოთხედს, მაღლარში — მესამედს; სანახევ მიწაში — მოსავლის მეოთხედს; სათიბზე და ისლზე — მესამედს. გლეხები გარკვეულ გადასახადს იხდიდნენ, აგრეთვე ხეხილზე, რომელიც ვენახში ან ველის მიწებზე მოსდიოდათ³.

კომისიის სხდომებზე დეპუტატები ერთხმად აცხადებდნენ, რომ სამეგრელოს თავად-აზნაურობა ღარიბი და უსწავლელი იყო, რომ მათ ძირითად სიმდიდრეს გლეხობა შეადგენდა, ხოლო გლეხთა განთავისუფლებით ისინი არსებობის საშუალებას კარგავდნენ.

მიუხედავად იმისა, რომ დეპუტატები თავად-აზნაურთა მდგომარეობას ყოველმხრივ უმწეოდ ხატავდნენ, ისინი იძულებული იყვნენ ბატონყმობის გაუქმების აუცილებლობა ელიარებინათ. ამასთან, დეპუტატების აზრით, მთელი მიწა-წყალი, ბალ-ვენახები, ტყეები და სხვა სიმდიდრე თავად-აზნაურთა უდავო საკუთრებას წარმოადგენდა. მათი კატეგორიული მოთხოვნით თავად-აზნაურთა მთავარი სიმდიდრე გლეხები იყვნენ, რომელთა განთავისუფლებით არსებობის საშუალებას კარგავდნენ, ამიტომ ისინი აზნაურებისათვის მიწა-წყლის უდიდესი ნაწილის დატოვებას და ფულადი ანაზღაურების მიცემას მოითხოვდნენ.

რაკი ბატონყმობის გაუქმება გარდაუვალი იყო, სამეგრელოს თავად-აზნაურთა წარმომადგენლები იძულებული იყვნენ ეს ელიარებინათ. მაგრამ ისინი ცდილობდნენ, რაც შეიძლებოდა მეტი სარგებელი მიეღოთ.

სამეგრელოს თავად-აზნაურთა დეპუტატებმა ბატონყმობის გაუქმების წესების შემუშავება შინაყმების საკითხით დაიწყეს. მათ მოითხოვეს რეფორმის წესებში შეეტანათ პუნქტი, რომლის საფუძველზე, ორი წლის სავალდებულო სამსახურის დროს, სხვაგან გაქცეული შინაყმის სამსახურის ფულადი საზღაური მის შემფარველს დაკისრებოდა⁴.

თავად-აზნაურთა დეპუტატების აზრით, სამეგრელოს გლეხთა გან-

¹ СХАО, т. II, с. 480; Документы... 431—432.

² Документы... с. 467—468; ЦГИА СССР, ф. 1268, оп. 4, д. 174, лл. 29—30.

³ ЦГИА СССР, ф. 1268, оп. 11, д. 8, л. 66.

⁴ Документы... с. 361.

თავისუფლების წესები მნიშვნელოვნად უნდა განსხვავებულიყო თბილისისა და ქუთაისის გუბერნიების წესებისაგან, კერძოდ, ნადელის განმარტების საკითხში. სამეგრელოს გლეხობას დასაწყისშივე, ჭგუფურად უნდა გამოესყიდა ნადელი¹.

სამეგრელოს მიწა-წყალი გაცილებით ნოყიერი იყო, ვიდრე იმერეთისა, ამიტომ ნადელის გამოსასყიდი ფასი, თითქმის ორმაგი უნდა ყოფილიყო. ამასთან, სამეგრელოში, ლეჩხუმსა და სვანეთში გლეხთა კომლის ნადელი (სახნავ-სათიბი მიწა და ვენახი) ოთხი ქცევის მოცულობით განისაზღვრავ².

სამეგრელოს გლეხთა საკარმიდამოს მოცულობა (სამოსახლო, ეზო-კარი) იმერეთის გლეხთა წესების საფუძველზე განისაზღვრა. ხაზი გაესვა იმას, რომ სამეგრელოში ის ერთ ქცევაზე მეტი არ უნდა ყოფილიყო. ამასთან, ერთ ქცევაზე ნაკლები საკარმიდამო — ერთ ქცევად, ხოლო ნახევარ ქცევაზე ნაკლები — ნახევარქცევად ჩათვლილიყო. წესებში ჩაიწერა, რომ თუ გლეხი სამრეწველო ან სავაჭრო საწარმოს ფლობდა, მის მიერ მემამულისადმი მისაცემი გამოსასყიდი თუ გადასახადი შემოსავლის მიხედვით განისაზღვრულიყო.

დეპუტატების მიერ წამოყენებული წესით, სამეგრელო-ლეჩხუმში გლეხის ხელში დატოვებული მალლარი ვენახი ოთხ ქცევაზე მეტი არ შეიძლებოდა ყოფილიყო, ხოლო თუ გლეხი არანაკლებ ორ ქცევა დაბლარ ვენახს ფლობდა (იგი ძირითადად ლეჩხუმში იყო გავრცელებული), მაშინ მალლარი ვენახი მინდვრის სავარჯულში უნდა ჩათვლილიყო. თუ გლეხი ერთ ქცევა დაბლარ ვენახს ფლობდა, მას შეეძლო დამატებითი ერთი ქცევა მალლარი ვენახი დაეტოვებინა (ისე, რომ მინდვრის ნადელში არ ჩათვლოდა)³.

ზუგდიდში განისაზღვრა გლეხთა მიერ საძოვარ-საბალახო ადგილებით სარგებლობის წესიც (საქონლის გასარეკად მინდორ-ველი, ტყე, მალლარი ვენახიანი, ჭაგნარ-ბუჩქნარიანი და ნაწვერალი ადგილები გამოიყენებოდა). საძოვრით სარგებლობა და შესაბამისი ვალდებულება ძველებური (ადათური) უნდა დარჩენილიყო. მაგრამ, თუკი მემამულე მოიწადინებდა, მას უფლება უნდა მისცემოდა საბალახო სახნავ-სათიბად ან ბლდვენახად გადაქცევა.

თავად-აზნაურთა დეპუტატებმა სამეგრელოს გლეხის საკომლო ნადელის უმაღლესი ზომა — 8 ქცევით, ლეჩხუმისა და ქვემო სვანეთის — 5 ქცევით განსაზღვრეს⁴. ამასთან, მათ დროებით ვალდებული გლეხისაგან ქცევაზე გადასახადად სამეგრელოში მოსავლის მეოთხედი, ხოლო ლეჩხუმ-სვანეთში — მესამედი მოითხოვეს.

დეპუტატებმა, ქუთაისის გუბერნიისაგან განსხვავებულად, განსაზღვრეს წვრილი მემამულის ცნებაც. მათი აზრით, საპეგრელოში წვრილი ძე-

¹ Документы... с. 362.

² იქვე, გვ. 363—364.

³ იქვე, გვ. 365.

⁴ იქვე, გვ. 366.

მამულე უნდა ეწოდებინათ იმისთვის, ვისაც 80 ქვევამდე სახმარი მიწა ეკუთვნოდა, ხოლო ისეთი წვრილი მემამულე, რომელსაც 40-ქვევაზე ნაკლები სახმარი მიწა ეკუთვნოდა, თავისუფალი ყოფილიყო ნადელის გამოყოფის ვალდებულებისაგან¹.

სამეგრელოს თავად-აზნაურთა საკრებულომ თავის კლასობრივი ინტერესების შესაბამისად განსაზღვრა გლეხთა ნადელის გამოსასყიდისა და გადასახადების ოდენობაც. თუ ქუთაისის გუბერნიაში, ერთქვევიან (ჩვეულებრივ მიწიან) საკარმიდამოზე 3 მანეთი (ვერცხლით) დაწესდა, ხოლო დიდშემოსავლიანი საკარმიდამოს ფასი 120 მანეთით განისაზღვრა, სამეგრელოში ასეთ საკარმიდამოზე გადასახადი ორმაგი უნდა ყოფილიყო, რადგან კომისიის მტკიცებით, საკარმიდამოს შემოსავალი იქ ბევრად სჭარბობდა იმერეთის საკარმიდამოს შემოსავალს, თითქოს ის წელიწადში 30 მანეთზე ნაკლებ შემოსავალს არ იძლეოდა².

სამეგრელოში, ქუთაისის გუბერნიასთან შედარებით, გაცილებით მეტი ვადასახადი უნდა დაწესებულიყო ბაღ-ვენახებზეც. ლეჩხუმში დაბლარ ვენახზე გადასახადი რეფორმამდე მოსავლის ნახევარს უდრიდა, ამიტომ დაბლარი ვენახის გადასახადი მოსავლის მესამედით, ხოლო მაღლარის — ნახევრით უნდა განსაზღვრულიყო³. ხეხილის გადასახადი სამეგრელოში — მესამედით, ხოლო ლეჩხუმში — ნახევრით განისაზღვრა.

სამეგრელოს გლეხთა განთავისუფლების დებულების (დამატებითი წესებით) პროექტით, მინდვრის სავარგულზე სამეგრელოში დროებით ვალდებულ გლეხთა გადასახადი მოსავლის მეოთხედი უნდა ყოფილიყო, ხოლო ლეჩხუმში — მესამედი (რადგან, თითქოს ამ უკანასკნელში მიწის ქირა მოსავლის ნახევარს უდრიდა და მიწა მცირე მოვლას საჭიროებდა). აქვე განისაზღვრა სასარე და სახარდნე ტყეზე გადასახადიც, რაც სახნავი მიწის გადასახადს უნდა გატოლებოდა⁴.

ზუგდიდში განისაზღვრა აგრეთვე ე. წ. არამემკვიდრეობით აზნაურთა გლეხების განთავისუფლების წესებიც, ამასთანავე გლეხთა გლეხებისა ც. კომისიის დასკვნით, გლეხთა გლეხებიც, როგორც მათ სარგებლობაში არსებული მიწა, მემამულეების საკუთრება იყო, ამიტომ ამ გლეხთა განთავისუფლება, ჩვეულებრივი გლეხთა განთავისუფლების მსგავსად უნდა მომხდარიყო⁵.

ზუგდიდის სარეფორმო საკრებულომ ფართოდ იმსჯელა გლეხთა ნაციდ მიწაზე. სამეგრელოში მოძრავ-უძრავი ქონების ყიდვა-გაყიდვა ადრეთისა და ვახტანგ მეფის სამართლის საფუძველზე წარმოებდა. ამ წესისა და სამართლის საფუძველზე მებატონეთა გლეხებს არავითარი უფლება არ ჰქონდათ მიწის ყიდვა-გაყიდვისა. თუკი ასეთი რამ ხდებოდა, გლეხის ნაციდი მიწა მაინც მემამულის კერძო საკუთრებას შეადგენდა.

1 Документы... с. 365.

2 ი. ქ. ვ. გვ. 369.

3 ი. ქ. ვ. გვ. 370.

4 ი. ქ. ვ. გვ. 372.

5 ი. ქ. ვ. გვ. 369.

ყოველივე ამის მიუხედავად, ზუგდიდის კომისიამ (თითქოს გლეხებთან კეთილი დამოკიდებულების შენარჩუნების მიზნით) შესაძლებლად ჩათვალა, რეფორმამდე ათი წლის მანძილზე გლეხთა მიერ ნაყიდი (სათანადო აქტივით გაფორმებული) მიწის ნაბევრის მათთვის დატოვება (ნაბევრის კი შემამულსადმი გადაცემა)¹.

თავად-აზნაურთა დეპუტატების მუშაობაში მონაწილეობდა სამეგრელოს მცირეწლოვანი მფლობელის ნ. დადიანის წარმომადგენელი (დეპუტატი) თავადი ნიჟარაძეც, რომელიც, სხვათა შორის მოითხოვდა, რომ გლეხთა მიერ დადიანის მიწა-წყალზე აშენებული წისქვილები უსასყიდლოდ დარჩენოდა დადიანს, ან ისინი სასწრაფოდ აღებულებოდა. ამასთან იმ გლეხებს, რომელთაც ძველი და ახალი საკარმიდამო ჰქონდათ, ნადელი და საცხოვრებელი მხოლოდ ერთ ადგილას დარჩენოდათ.

ნიჟარაძის მოთხოვნით, დადიანის ზოგიერთ გლეხს ჰყავდა პირადი გლეხი, რომლებიც დაუყოვნებლივ ხიზნების კატეგორიაში უნდა გადარიცხულიყვნენ².

თავადი ნიჟარაძე მოითხოვდა აგრეთვე, რომ 1857 წელს — სამეგრელოს გლეხთა აჯანყების დროს და შემდეგ წლებში გლეხების მიერ დაუფარავი გადასახადი თავად-აზნაურებისათვის რეფორმის პერიოდში აენაზღურებინათ³.

ნიჟარაძე შეეხო ქვემო სვანეთში (ე. წ. სადადიანო სვანეთში) დადიანისადმი კუთვნილი გლეხების საკითხსაც (სულ 225 კომლს) და აღნიშნა, რომ მათ მიმართ არავითარი გამონაკლისი არ დაშვებულიყო (როგორც ეს გორისა და რაჭის მთისწინეთზე მოხდა), რადგან, თითქოს იქაური გლეხები და მათი ვალდებულება არაფრით არ განსხვავდებოდა ლეჩუმის გლეხებისა და მათი ვალდებულებებისაგან⁴.

თავად-აზნაურთა დეპუტატების მიერ ზუგდიდში შემუშავებული წესების პროექტი განიხილა ქუთაისის გენერალ-გუბერნატორმა და 1866 წ. თებერვალში სპეციალური შენიშვნები გაუკეთა.

გუბერნატორმა ყურადღება გაამახვილა წესების იმ ნაწილზე, რომელიც გლეხთა ნაყიდ მიწას ეხებოდა. მისი აზრით, ეს საკითხი მტკიცნეული იყო თბილისისა და ქუთაისის გუბერნიებშიც. იგი არ უარყოფდა იმას, რომ გლეხობა, მემამულეთა მიწის გარდა, პირად (ნაყიდ) მიწასაც ფლობდა, მაგრამ უფრო იმ აზრს ემხრობოდა, რომ ეს მიწა მათ არაკანონიერად ჰქონდათ ნაყიდი ან ნაყიდობა არასწორად ჰქონდათ გაფორმებული. ამიტომ, ეს საკითხი კანონმდებლობით კი არა, სასამართლოს მეშვეობით უნდა გადაჭრილიყო. გუბერნატორი გადაჭრით იმიტომ ვერაფერს ამბობდა, რომ ამ მიწების კუთვნილების საკითხი თბილისისა და ქუთაისის გუბერნიებშიც გადაუჭრელი იყო. ამასთან ის

¹ CXAO, т. II, 484—485.

² იქვე, გვ. 487.

³ Документы... с. 375—376; CXAO, т. II, с. 488.

⁴ CXAO, т. II, с. 489.

ოსპინდა. რომ ნაყიდი მიწის ათწლიანი ხანდაზმულობა არც მეფის-
ნაცვალს მოსწონდა.

გუბერნატორი შეეხო სამეგრელოს გლეხთა უფლებას უძრავი ქო-
ნების ყიდვაზე და იშველიებდა ნ. დადიანის ბრძანებას სამეგრელოს
მმართველი საბჭოსადმი, რომ გლეხებს ასეთი უფლება არ ჰქონდათ.
ამასთან, ის აღნიშნავდა, რომ ერთგული და თავდადებული სამსახუ-
რისათვის, გლეხები შემამულეთა ნაწყალობევი მიწებსაც ფლობდნენ,
მაგრამ ეს გლეხებს არ აძლევდა უფლებას ნაწყალობევი მიწა კერძო-
საკუთრებაში ჰქონოდათ. მისი აზრით, ეს წყალობა მხოლოდ განამტკი-
ცებდა გლეხის უფლებას მიწით სარგებლობაზე. გუბერნატორის გან-
ცხადებით, ეს იქიდანაც ჩანდა, რომ გლეხი ნაწყალობევი მიწაზეც ჩვეუ-
ლებრივ ვალდებულებას ასრულებდა¹.

ყოველივე ამის მიუხედავად, გუბერნატორი მოითხოვდა, რომ მე-
მამულესა და გლეხს შორის სადავო მიწის საკითხი მომრიგებელ მო-
სამართლეს გადაეჭრა².

გუბერნატორი შეეხო დეპუტატების მოთხოვნას, გლეხები დაევალ-
დებულათ დაუყოვნებლივ შეესყიდათ შემამულეთა მიწები (ნადელი).
გუბერნატორის აზრით, ეს სახელმწიფოსათვისაც სასურველი იყო (რად-
გან ეს გაზრდიდა კერძომესაკუთრე გლეხთა რიცხვს), მაგრამ, მისი აზ-
რით, ამისი საშუალება გლეხებს არ გააჩნდათ, არც სახელმწიფოს გა-
აჩნდა რაიმე საკრედიტო დაწესებულების შექმნის შესაძლებლობა. ამი-
ტომ, მას საჭიროდ მიაჩნდა დროებით ვალდებულება შემოღებულიყო
და ნადელით სარგებლობის წესი საწესდებო სიგელით განსაზღვრუ-
ლიყო³. ნადელის გამოსასყიდი ფასი კი სამეგრელოში ისეთივე უნდა
ყოფილიყო, როგორც მეზობელ იმერეთში⁴.

გენერალ-გუბერნატორმა მხარი არ დაუჭირა დეპუტატების გადა-
წყვეტილებას, ქუთაისთან შედარებით, სამეგრელოში ნადელის ოდე-
ნობის შემცირებას, მიუხედავად იმისა, რომ ლეჩხუმსა და ცხენის-
წყლის სვანეთში მიწის სიმცირე იყო⁵. ამასთან ნადელის შემცირება
გლეხთა (ე. წ. ნახევრადთავისუფალი კატეგორიის) პირობებს კი არ გა-
აუმჯობესებდა, არამედ გაუაზარესებდა.

გუბერნატორის აზრით, სამეგრელოს გლეხთა განთავისუფლების
პროექტში გათვალისწინებული უნდა ყოფილიყო ნადელის სხვაგან გა-
დატანის შემთხვევაც. თუკი გლეხის ნადელი ტყიან-ბუჩქნარ ადგილზე
(როდესაც მის გაწმენდას შრომა ესაჭიროებოდა), ან სხვაგან იქნებო-
და გადატანილი, მაშინ გლეხი ორი წლით უნდა განთავისუფლებული-
ყო გადასახადებისაგან.

1 CXAO, т. II, с. 490.

2 იქვე.

3 იქვე, გვ. 491.

4 იქვე.

5 იქვე.

ქუთაისის გენერალ-გუბერნატორის აზრით, შემდგომ განხილვასა და დაზუსტებას საჭიროებდა ზუგდიდში შემუშავებული დამატებითი წესების ის ნაწილი. როქელიც ეხებოდა სამეგრელოს მთიან ნაწილს — ლეჩხუმსა და ცხენისწყლის სვანეთს, რომლებზეც არავითარი გამონაკლისი არ დაიშვა. თავად-აზნაურთა დეპუტატები ამ გარემოებას იმით ხსნიდნენ, რომ თითქოს სამეგრელოს მთელ სამთავროში ბეგარა-ვალდებულების მხრივ ერთნაირი სურათი იყო, ხოლო იქ, სადაც გამონაკლისი დაიშვა (რაჭისა და გორის მთისწინეთში), თითქოს გლეხები უმნიშვნელო ვალდებულებას ასრულებდნენ. წარმოდგენილი მონაცემებით, ზუგდიდის ოკრუგში ანჩაბაძეს, შარვაშიძესა და ზოგიერთ სხვა მემამულეს გლეხის კომლი წელიწადში მხოლოდ ერთ ცხვარს აძლევდა და 4-8 ღდის მუშაობით იყო ვალდებული. იგივე მონაცემებით, სოფელ ლიას მცხოვრებ 163 კომლს (ზოგიერთი მათგანი 20-დან 40 ქცევა მიწას ფლობდა) ისე მსუბუქი ვალდებულება ეკისრა, რომ თითოეული მათგანი, დადიანს მხოლოდ 4-დან 10 მანეთამდე ღირებულ (ყველა სახის) გადასახადს უხდიდა¹. თუმცა წარმოდგენილი მასალების სინამდვილე გუბერნატორს საეჭვოდ ეჩვენებოდა, ამიტომ, მისი აზრით, ამ საქმეზე მსჯელობა კავკასიის ცენტრალურ საგლეხო კომიტეტში უნდა გაგრძელებულიყო.

სამეგრელო-ლეჩხუმ-ქვემო სვანეთის თავად-აზნაურთა დეპუტატების მიერ შემუშავებული და წამოყენებული წესები, აგრეთვე გენერალ-გუბერნატორის შენიშვნები 1866 წ. თებერვლისა და მარტის სხდომებზე განიხილა მთავრობის სპეციალურმა კომისიამ (სამეგრელოს მმართველის ვლასტოვის, სამეგრელოს მმართველი საბჭოს უფროსი წევრის პოლკ. მაჭავარიანის, საბჭოს უმცროსი წევრის რ. ერისთავის, მეფისნაცვლის მთავარი სამმართველოს საქმისმწარმოებლის რ. რუდკოვსკის, აგრეთვე თავადების გ. ფალავას, პ. დადიანისა და გაბუნიას შემადგენლობით) და სათანადო ცვლილებები შეიტანა.

აღნიშნულმა კომისიამ მიზანშეუწონლად მიიჩნია თავად-აზნაურთა დეპუტატების მიერ შემუშავებული პუნქტების უცვლელი დატოვება, კერძოდ: 1. ორი წლის სავალდებულო სამსახურის მიმოტოვებელი შინაყმის შრომის საფასურის მის შემფარველისადმი გადახდევინება, 2. ორწლიანი დროებით ვალდებულების დროს. ძველი მოვალეობის უცვლელი დატოვება და 3. ხიზანის (მინდობილის) ორი წლით დატოვება მეზატონის სამსახურში. კომისიის გადაწყვეტილებით, დებულების ეს პუნქტები უნდა შეცვლილიყო თბილისის გუბერნიის დებულების სათანადო პუნქტების შესაბამისად².

კომისიას შეუძლებლად მიაჩნდა, აგრეთვე სამეგრელოს წესებში დატოვებულიყო გლეხთა მთელი საზოგადოების მიერ ნადელის დაუყოფ-

¹ СХАО, т. II, с. 491.

² Документы... с. 435.

ნებლივი გამოსყიდვა, რადგან რეალურად ეს არც გლეხებს შეეძლოთ და არც მთავრობას ჰქონდა მათდამი სესხის მიცემის შესაძლებლობა. ამასთან, ეს შეუძლებლად იქნა მიჩნეული მიწების გაუმოქმადების გამოც.

მთავრობის კომისიამ არ გაიზიარა, აგრეთვე თავად-აზნაურთა დეპუტატების მოთხოვნა დროებითვალდებული გლეხობისათვის გადასახადების ფულით გადახდევინებაზე, მით უფრო, რომ ცუდი სამომოსვლო საშუალებების გამო, პროდუქტების ფულზე გაყიდვა დიდ სიძნელეს წარმოადგენდა. ამიტომ მან მიზანშეწონილად ჩათვალა ვალდებულება გლეხებს პროდუქტებით და შრომით მოეხადათ, როგორც ეს ქეთაისის გუბერნიაში. კომისიამ სარწმუნოდ ჩათვალა თავად-აზნაურთა დეპუტატების განცხადება, რომ სამეგრელოში და, მითუფრო ლეჩხუმსა და ქვემო სვანეთში, მიწა ძვირად თასობდა, (აქაი გამოსასყიდი ფასების შესაბამისად დანაწევრება მაინც მიზანშეწონილად მიიჩნია. კომისიის დასკვნით, მიწა უნდა შეფასებულიყო არა იმის მიხედვით, თუ სად როგორ ფასობდა ან მასზე სად როგორი ვალდებულება არსებობდა. არამედ შემოსავლის მიხედვით. ამასთან, კომისიამ შესაძლებლად მიიჩნია მიწის გამოსასყიდი ფასის, აგრეთვე დროებით ვალდებულების დროს მისი გადასახადის გადიდება ლეჩხუმსა და სვანეთში.

მთავრობის კომისიის გადაწყვეტილებით, სამეგრელოში ერთი ქეცვა მინდვრის სავარგული (სახნავი) უნდა შეფასებულიყო არა უმეტეს 30 მანეთად, ხოლო ლეჩხუმსა და სვანეთში — 40 მანეთად. მაგრამ სამეგრელოში ერთი კომლის მიწის გამოსასყიდი ფასი 360 მანეთზე, ხოლო ლეჩხუმსა და ქვემო სვანეთში — 320 მანეთზე მეტი არ უნდა ყოფილიყო².

მთავრობის კომისიამ ცვლილებები შეიტანა თავად-აზნაურთა დეპუტატების მიერ კომლზე განსაზღვრულ მოცულობაშიც. მისი გადაწყვეტილებით, სამეგრელოს სამივე ოკრუგში, კომლის ფუძე ნადელის (коренный надел) მოცულობა 4 ქეცვა უნდა ყოფილიყო. იქ. სადაც გლეხის კომლი ფაქტობრივად ნაკლებს ფლობდა, მცირემიწიანი ნემამულე თავისუფლდებოდა გლეხისათვის დამატებით მიწის გამოყოფის ვალდებულებისაგან. სამაგეოროდ, თუ გლეხი ფაქტობრივად 4 ქეცვაზე მეტ მიწას ფლობდა, სამეგრელოში შეიძლებოდა მას მინდვრის სავარგულად რვა ქეცვამდე მიწა დარჩენოდა, ხოლო ლეჩხუმსა და სვანეთში — ხუთ ქეცვამდე. თუ ღლეხი ამაზე მეტს ფლობდა, დანარჩენი მენამულეს უნდა გადასცემოდა³.

დეპუტატების მიერ შემუშავებული დამატებითი წესებით. მინდვრის სავარგულის (სახნავი მიწის) გადასახადი სამეგრელოში მოსავლის მეოთხედით უნდა განსაზღვრულიყო, ხოლო ლეჩხუმსა და სვანეთში — მესა-

1 Документы... с. 437.

2 იქვე, გვ. 438—439.

3 იქვე.

მედით, ამასთანავე, ჩამონაჭერი მალლარი ვაზის ძირებში მემამულეს არ უნდა დაკისრებოდა რაიმე საზღაურის გადახდა (თითქოს ეს ვენახი უხსოვარ ღროში იყო იაფად დარგული).

კომისიის დასკვნით, თუ კომლის სარგებლობაში არსებული მიწა მაქსიმუმს (რვა ქევეს) სჭარბობდა, მაშინ მას უფლება უნდა მისცემოდა ოთხ ქევეამდე მალლარი ვენახი დაეტოვებინა, ამასთანავე გლესს უფლება უნდა მისცემოდა დაბლარი ვენახი (ოპიდენიე არ უნდა ჰქონოდა) ხელუხლებლად დარჩენოდა, ოღონდ სათანადო გამოსასყიდისა და გადასახადის საფუძველზე. თუკი კომლი მაქსიმალური მინდვრის ნადელთან ერთად, რამდენიმე ქევეა დაბლარ და მალლარ ვენახსაც ფლობდა, მაშინ მას შეეძლო ორი ქევეა ძალღარი და ამდენივე დაბლარი დაეტოვებინა. თუკი გლესს ოთხი ქევეა ვენახი დარჩებოდა, მას შეეძლო ამდენივე ქევეა მინდვრის სავარგული დაეტოვებინა.

როგორც ვნახეთ, ლეჩხუმსა და ქვემო სვანეთში ძირითადი ნადელის ოდენობა ოთხი ქევეით განისაზღვრა. თუკი ამასთან ის ვენახსაც ფლობდა, მას შეეძლო ამდენივე დაბლარი და მალლარი ვენახი დაეტოვებინა. ამასთან, თუკი გლესის კომლი ვენახს საერთოდ არ ფლობდა და ძირითადად მეტი მიწით სარგებლობდა, მას შეეძლო დამატებით მხოლოდ ერთი ქევეა დაეტოვებინა (სულ ხუთი)¹.

კომისიის აზრით, საბოლოო ჯამში: ა) საკმაო მიწისმფლობელ (ვთქვათ 15 ქევეაზე ზევით) გლესს შეიძლებოდა დარჩენოდა ერთი ქევეა საკარმიდამო (სამოსახლო), ოთხი ქევეა ძირითადი ნადელი, ამდენივე მინდვრის სავარგული და ოთხი ქევეა ვენახი (საკარმიდამოთი სულ 13 ქევეა); ბ) შედარებით ნაკლებ მიწისმფლობელ გლესს — ერთი ქევეა საკარმიდამო, ოთხი ქევეა ძირითადი ნადელი და ამდენივე ვენახი (სულ 9 ქევეა); გ) ლეჩხუმში ერთ კომლს შეეძლო ჰქონოდა 1 ქევეა საკარმიდანო, ოთხი ქევეა ძირითადი ნადელი, ამდენივე ვენახი (დაბლარი და ძალღარი) და ერთი ქევეაც მინდვრის სავარგული (სულ საკარმიდამოთი 10 ქევეა). ქვემო სვანეთში, რაკი იქ ვენახი იშვიათად იყო, კომლის ნადელის უმალღესი ზომა ხუთ ქევეას უდრიდა, მაგრამ თუკი გლესის სარგებლობაში არსებული მიწა ფაქტობრივად ამას სჭარბობდა, მაშინ გლესის კომლს შეეძლო ერთი ქევეა კიდევ დამატებით დაეტოვებინა (სულ საკარმიდამოთი 7 ქევეა).

მთავრობის კომისიამ მხარი არ დაუჭირა თავად-აზნაურთა დებუტატების მოთხოვნას დებულებაში ისეთი წესის შეტანას, როდესაც სურვილის შემთხვევაში მემამულეს შეეძლო გლესის საკარმიდამო სხვაგან (ჩუფთური დასახლების მიზნით) გადაეტანა. ასეთი რამ კომისიამ გლესთა უკმაყოფილებისა და გამოსვლების საბაზად მიიჩნია.

კომისიამ საჭიროდ ჩათვალა შეცვლილიყო დებუტატების მოთხოვნა, რომლის თანახმად საწარმოს (წისქვილის, ფაბრიკის, ქარხნის, ღუქ-

¹ Документы... с. 443.

ნის და სხვ.) მფლობელ. დროებით ვალდებულ გლეხებისათვის შემამულეს შეეძლო შემოსავლის მესამედი გადაეხდევინებინა. კომისიის დასკვნით. თუკი გლეხს ასეთი საწარმო საკარმოდამოზე გააჩნდა ან საკარმიდამოს მომიჯნავე მიწაზე, მაშინ ის გლეხის საკუთრებად ჩათვლებოდა. ხოლო თუკი ასეთი საწარმო სხვაგან — მემამულეს მიწაზე ჰქონდა, მაშინ მის მფლობელ გლეხს თბილისის დებულების შესაბამისი ფასი ან გადასახადი უნდა დაეკისრებოდა. ამასთან, თუკი ის მიწა, სადაც გლეხის საწარმო იდგა, მემამულისათვის გამოუყენებელი და უსარგებლო იყო, გლეხს ამ საწარმოს ფლობისათვის დიდი გამოსასყიდი ან გადასახადი არ უნდა დაეკისრებოდა. რადგან ეს უკანონობა იქნებოდა. კომისიის დასკვნით, აღნიშნული საწარმოო გამოსასყიდი, მთელი ღირებულების მეოთხედზე მეტი არ უნდა ყოფილიყო, ასევე დროებით ვალდებულების დროს — წლიური შემოსავლის მეოთხედზე. ამასთან, გლეხს უფლება უნდა მისცემოდა მემამულისათვის უსარგებლო მიწის (სადაც საწარმო იდგა) შესყიდვისა¹.

დებუტატების მოთხოვნით და კომისიის დასტურით, თუკი ნადელის მფლობელი, ბატონყმობის გაუქმებიდან ცხრა წლის მანძილზე გარდაიცვლებოდა და პირდაპირი მემკვიდრე არ დარჩებოდა, მისი ნადელი მემამულეს უნდა გადასცემოდა, ხოლო საკარმიდამო შეეძლო გლეხის ქვრივს დაეტოვებინა, მაგრამ ხელახალი გათხოვების შემთხვევაში ქალიშვილისთვის უნდა ეანდერძა (თუ ჰყავდა) ან მემამულისათვის უნდა გადაეცა.

კომისიამ ძალაში დატოვა დებუტატთა მოთხოვნილი წესი სამეგრელოში წვრილმფლობელ მემამულედ 80 ქცევაზე ნაკლები სახმარი სავარგულის (სახნავ-სათესი და ვენახი) მქონეს ჩათვლა, ამასთან, 40 ქცევა მიწაზე ნაკლების მფლობელი მემამულე გლეხისათვის ნადელის გამოყოფის ვალდებულებისაგან თავისუფლდებოდა. რაც შეეხებოდა დროებით ვალდებულების დროს ფულადი გადასახადის დაწესებას, ეს პირადი შეთანხმებით ან მომრიგებელი მოსამართლის გადაწყვეტილებით უნდა გადაჭრილიყო².

სამეგრელოს თავად-აზნაურთა დებუტატებმა და კომისიამ შეიმუშავეს ე. წ. არაშთამომავლობით აზნაურად ცნობილ პირთა გლეხების განთავისუფლებისა და ყოფა-ცხოვრების მოწყობის წესებიც. დებუტატების მტკიცებით, ამ საქმისადმი ქუთაისის გუბერნიის წესების მიყენება შეუძლებელი იყო, რადგან, თითქოს სამეგრელოში თავისუფალი გლეხი არასოდეს არ არსებობდა (ასე უწოდეს არაშთამომავლობით აზნაურად ცნობილ პირს). ხოლო, თუკი ასეთ გლეხებს თავისი გლეხები ჰყავდათ, ეს მემამულეთა წყალობას მიეწერა. ამასთან, გლეხის გლეხები, თითქოს თავის მყიდველს და მყიდველის პატრონსაც ერთნაირად ემსახურებოდნენ.

სხვათა შორის, მთავრობის სხვადასხვა კომისიამ არაერთხელ განი-

¹ Документы... с. 146.

² იქვე. გვ. 451.

ხილა ქუთაისისა და სამეგრელოს აზნაურთა წოდებაში დამტკიცების საკითხი, ამასთან, სამეგრელოდან იმერეთის სამეფოში ძველად გადასახლებულ აზნაურთა საქმეც. მეფის მოხელეთა გარკვეული პოლიტიკური მოსაზრების გამო (თავის დროზე ეს აზნაურები იმერეთის მეფეს უჭერდნენ მხარს, მაგრამ შემდეგ ეკონომიკური და სოციალური დეგრადაცია განიცადეს, თუმცა გამონაკლისს არ შეადგენდნენ). ისინი რეფორმის დროსაც ამაოდ ეძიებდნენ წოდებაში დამტკიცებას¹. ამიტომ ისინი ჩვეულებრივ გლეხებად ჩაითვალნენ. ამასთან, თუკი დამტკიცდებოდა, ნაყიდი მიწა მათ უნდა მიკუთვნებოდა. რაც შეეხება მათ განთავისუფლებასა და დროებით ვალდებულებას, ეს ჩვეულებრივ სხვა გლეხთა მსგავსად უნდა მომხდარიყო.

ნ. დადიანის მეურვის წარმომადგენლის მტკიცებით და კომისიის დასკვნით, მიუღებლად იქნა ჩათვლილი ქვემო სვანეთში დადიანის კუთვნილი გლეხებისადმი რაჭის მთისწინეთის მსგავსი შეღავათებისა და გამონაკლისის დაშვება.

კომისიამ შეუძლებლად ცნო დებუტატების მიერ წამოყენებული წესის (სამეგრელოში საკარმიდამოზე ორმაგი საზღაურისა და გადასახადის შემოღება) დებულების პროექტში დატოვება. ეს საკითხი სამეგრელოშიც ქუთაისის გუბერნიის გლეხთა განთავისუფლების დამატებითი წესების სათანადო პუნქტის შესაბამისად უნდა გადაჭრილიყო.

მიუღებლად იქნა აგრეთვე მიჩნეული ქუთაისის გუბერნიასთან შედარებით სამეგრელოსა და ლეჩხუმში ვენახზე გადასახადის გაზრდა. კომისიის დასკვნით, აქაც ქუთაისის გუბერნიის წესი უნდა გატარებულიყო.

დებუტატების მოთხოვნით და მთავრობის კომისიის დასტურით, სამეგრელოსა და ლეჩხუმში ხეხილის ნაყოფზე გლეხს მოსავლის მეოთხედის ნაწილი უნდა გადაეხადა, ოღონდ გამოსასყიდ მიწაზე გლეხს, მემამულის დაუკითხავად, კაკლის ხის მოჭრის უფლებაც არ უნდა ჰქონოდა.

კომისიამ მიუღებლად ჩათვალა, აგრეთვე ლეჩხუმში მინდვრის სავარგულზე მოსავლის მესამედი გადასახადის დაწესება. მისი დასკვნით, ლეჩხუმის მოსავალი რაჭისას შეედრებოდა, იქ კი რაიმე გამონაკლისი არ დაწესებულა. ამიტომ, გლეხის გადასახადი ლეჩხუმშიც მოსავლის მეოთხედით უნდა განსაზღვრულიყო.

კომისიამ დაადასტურა სამეგრელოსა და ლეჩხუმში (სასარგ-სახარდნე და სხვა ხე-ტყეზე, რომელიც მინდვრის სავარგულში იყო) გადასახადად მოჭრილი მასალის მესამედის დაწესება, თუკი ეს ადგილი სახნავად გადაიქცეოდა, მაშინ გადასახადიც მოსავლის მეოთხედით უნდა შეცვლილიყო. კომისიის მოსაზრებით, თუკი დადგინდებოდა, რომ გლეხები (ე. წ. გლეხის გლეხი) არაშთამომავლობით აზნაურის პირადი სახსრებით იყვნენ ნაყიდი, ასეთ შემთხვევაში, ეს გლეხები არ შეიძლებოდა მემამულე

¹ Документы... 350—351.

ლეთა (არაშთამომავლობითი აზნაურის პატრონის) ჩვეულებრივ გლესე-
ბად ჩათვლილიყვნენ. კომისიის დასკვნით, მათზე ქუთაისის გუბერნიის
შესაბამისი წესები უნდა გავრცელებულიყო. ამასთან, თუკი გლეხის
გლეხი მემამულის მიწა-წყალზე ცხოვრობდა და განთავისუფლდებოდა,
მისი მიწა მემამულეს უნდა დარჩენოდა¹.

დებუტატებმა, სცადეს სპეციალური წესი შეემუშავებინათ სამეგ-
რელოსა და ლეჩხუმ-სვანეთში გლეხთა ნაყიდ მიწაზე. მიუხედავად იმი-
სა, რომ ისინი ერთხმად უარყოფდნენ გლეხთა უფლებას ნაყიდ მიწაზე
(იმოწმებდნენ ვახტანგ მეფის სამართლის 163, 231, 250 და 260-ე, აგ-
რეთვე აღბუღას სამართლის 174-ე მუხლებს), იძულებული იყე-
ნენ ელიარებინათ, რომ გლეხებს მიწის ნასყიდობაზე სპეციალური აქ-
ტები გააჩნდათ, მაგრამ წინააღმდეგი იყვნენ ამ აქტების ცნობა, მით-
უფრო ათ წლისაზე მეტი ხანდაზმულობის შემთხვევაში.

მთავრობის კომისიამ მხედველობაში მიიღო სამეგრელოს მთავრის
დ. დადიანის 1841 წ. ბრძანება გლეხთა მიერ გლეხის ყიდვის აკრძალ-
ვაზე, აგრეთვე ეკატერინე დადიანის 1856 წ. განკარგულება (მმართველ
საბჭოსადმი) თავისი გლეხებისათვის უძრავი ქონების ყიდვის ნებართვა-
ზე. კომისიამ აღნიშნა, რომ კანონით ნებადართული კერძო საკუთრების
უარყოფა, კანონისადმი უპატივცემულობა იყო, ამიტომ კომისიამ საჭი-
როდ მიიჩნია კანონიერი გზით ნაყიდ მიწაზე მყიდველის უფლების აღი-
არება, მითუფრო, როცა ეს ახალი კანონით იყო ნებადართული. ამასთან,
კომისიის დასკვნით, კანონიერი ნასყიდობა რუსულმა კანონმდებლობამ
ოფიციალურად აღიარა რეფორმის დროს.

აღნიშნულიდან გამომდინარე, კომისიამ შესაძლებლად მიიჩნია დე-
ბუტატებში შეტანილიყო სამეგრელოსა და ლეჩხუმ-ქვემო სვანეთში
1841 წლიდან ნაყიდ მიწაზე გლეხთა უფლების ცნობა. ამასთან, კომი-
სიამ უარყო ნაწყალობევი მიწის გლეხისათვის მიკუთვნება, მიუხედავად
იმისა, გლეხს ეს მიწა დამსახურებით თუ ქრთამით ჰქონდა მიღებული
(დებუტატების მტკიცებით ეს ქრთამი არასოდეს არ უდრიდა ფასს). კო-
მისიის დასკვნით, თუკი გლეხს მემამულე ედავებოდა ნაყიდ მიწაზე, ეს
საქმე (არა უმეტეს ათი წლის ხანდაზმულობისა) მომრიგებელ მოსამართ-
ლეს უნდა განეხილა და გადაეჭრა. მაგრამ თუ დაეა კვლავ გაგრძელდე-
ბოდა, საქმე (საბოლოო გადასაჭრელად) საგუბერნიო საგანგის ან მე-
ფისნაცვალს უნდა განეხილა.

მთავრობის სპეციალურმა კომისიამ განიხილა აგრეთვე ნ. დადია-
ნის მეურვის წარმომადგენლის ჩანაწერები, თითქოს დადიანის ქონების
ინვენტარიზაციის აქტებში (1857—1859 წწ.) გლეხთა ყველა ვალდებუ-
ლება არ იყო აღნუსხული, თითქოს არც ამ ვალდებულებების ფულადი ღი-
რებულება შესაბამებოდა რეფორმის დროის ფასებს. კომისიის დასკვ-
ნით, ინვენტარიზაცია მეურვე ყიფიანის მონაწილეობით იქნა ჩატარებუ-

¹ Документы... с. 452.

ლი, რუსული მმართველობის დროს, ამიტომ მათ საფუძველზე უნდა შემდგარიყო საწესდებო სიგელები¹.

კომისიამ მხარი დაუჭირა წინადადებას, რომლის თანახმად დადიანის იმ გლეხს, რომელსაც ორ ადგილას ჰქონდა მიწის ნაჭერი, საკარმიდამო და ნადელი იქ გამოყოფოდა, სადაც ფაქტობრივად ცხოვრობდა².

კომისიამ არ გაიზიარა ნიჟარაძის მოთხოვნა დადიანის გლეხებისათვის ნადელის გადაადგილებაზე ჯგუფური (სოფლური) დასახელების მიზნით. ამასთან, კომისიამ კატეგორიულად უარყო თავად-აზნაურთა დეპუტატების ასეთი მოთხოვნაც, რადგან ამას შეეძლო გლეხთა წინააღმდეგობა და გამოსვლები გამოეწვია³.

კომისიამ შეუძლებლად ჩათვალა აგრეთვე ნიჟარაძის მოთხოვნის დაკმაყოფილება, ნ. დადიანის გლეხებისათვის ერთბაშად გადაეხდევინებინათ 1856 წლიდან—რეფორმამდე დაუფარავი გადასახადები, რადგან ყველაფრის დადგენა შეუძლებელი იყო. სამაგიეროდ, დაზუსტებული დავალიანების აკრება სავალდებულოდ მიიჩნია.

ასეთი იყო სამეგრელოსა და ლეჩხუმის თავად-აზნაურთა დეპუტატების მოსაზრებათა საფუძველზე მთავრობის კომისიის მიერ გლეხთა განთავისუფლებისა და ყოფა-ცხოვრების მოწყობის წესების პროექტი.

მოცემულ პროექტთან ერთად, შედგა სამეგრელოს (ყოფილ სამთავროს) მოსახლეობის სტატისტიკა.

ამ მონაცემებით სამეგრელოს, ლეჩხუმისა და ქვემო სვანეთის გლეხური მოსახლეობა (მიახლოებით) 22 970 კომლს, ანუ 93 263 მამრ. სულს უდრიდა (აქედან ლეჩხუმის 2 700, ხოლო ქვ. სვანეთის 528 კომლს). აქედან საბატონო გლეხები 19 638 კომლს, ანუ 80 284 მამრ. სულს შეადგენდა, ხოლო საეკლესიო გლეხები— 3 332 კომლს, ანუ — 12 979 მამრ. სულს⁴.

იგივე მონაცემებით, დასახელებულ კუთხეთა თავადაზნაურობა (მიახლოებით) 2 760 კომლს უდრიდა⁵. ამასთან, საბატონო გლეხთა 2 823 კომლი, ანუ 12 385 მამრ. სული დადიანსა და მისი ოჯახის წევრებს ეკუთვნოდა⁶.

სამეგრელო, ლეჩხუმ-ქვემო სვანეთში წვრილ მქეძაძულეთა კატეგორიაში შევიდა 1678 კომლი (თითოეული მათგანი საშუალოდ 21 მამრ. სულზე — ნაკლებს ფლობდა). მათზე მთლიანად 1 629 გლეხის კომლი, ანუ 12 898 მამრ. სული მოდიოდა⁷.

სამეგრელოსა და ლეჩხუმ-ქვემო სვანეთის თავად-აზნაურებისათვის გლეხთა განთავისუფლებაში მისაცემი თანხა (თბილისისა და ქუთაისის

1 Документы... с. 455.

2 იქვე, გვ. 456.

3 იქვე.

4 С.А.О. т. II, с. 505; ЦГИА СССР, ф. 1268, оп. 11, д. 8, л. 22.

5 იქვე.

6 Документы... с. 467; ЦГИА СССР, ф. 1258, оп. 11, д. 8, л. 23.

7 Документы... с. 509; ЦГИА СССР, ф. 1268, оп. 11, д. 8, л. 105.

გუბერნიების შესაბამისად) სულ 2 007 100 მანეთს შეადგენდა, ხოლო თუკი წერილ თავად-აზნაურებსაც (1 687 კომლს) იგივე გუბერნიების შესაბამისი, დამატებითი დახმარება მიეცემოდა (თითოეულ სულზე დაახლოებით 15 მანეთი), ეს — 208 470 მანეთს შეადგენდა. ყველაფერი ეს, მთლიანად, 2 215 570 მანეთს უდრიდა¹

ზემოაღნიშნული პროექტი და მთელი მასალები ქუთაისის ვენერალ-გუბერნატორმა თბილისში ჩაიტანა, სადაც მეფისნაცვალმა საკითხის საბოლოო განხილვა ცენტრალურ საგლეხო კომიტეტს დაავალა².

მეფისნაცვლის მითითებით, სამეგრელოს რეფორმის მომხდლება უნდა დამთავრებულიყო 1867 წ. იანვრისათვის (როდესაც სამეგრელოს მმართველი ნ. დადიანი სრულასაკოვანი გახდებოდა).

მეფისნაცვლის მთავარი სამმართველოს საგლეხო კომიტეტმა 1866 წ. მაისში (ოთხ სხდომაზე) დეტალურად განიხილა სამეგრელოს გლეხთა განთავისუფლების წესები (დებულების პროექტი) და მასში გარკვეული ცვლილებები შეიტანა (სხდომებს ესწრებოდნენ: ბარონი ნიკოლაი, თავადი ბაგრატიონ-მუხრანსკი, სტატსოვეტნიკები: ვიტე, ტიტოვი, ბოგდანოვ-კამინსკი და სხვ.³).

ცენტრალურმა საგლეხო კომიტეტმა ცვლილება შეიტანა ნადელის მოცულობის განსაზღვრაში: გლეხის მუდმივ სარგებლობაში დასატოვებელი მიწის მოცულობა უნდა განსაზღვრულიყო მემამულისა და გლეხის შეთანხმების საფუძველზე. თუ ეს არ მოხდებოდა, მაშინ, თითოეულ სოფელში, გლეხის მუდმივ სარგებლობაში უნდა დარჩენილიყო საკარმიდამო, ვენახი (დაბლარი და მალლარი) და მინდვრის საეკარგული (სათეს-სახნავი) მიწა, რომლითაც თითოეული გლეხის კომლი სარგებლობდა მოცემული წესების დამტკიცებამდე. თუ მემამულეს იმის ნახევარზე ნაკლები სახნავ-სათიბი მიწა რჩებოდა, რაც მთლიანად მის ბელში და დაქვემდებარებულ გლეხთა სარგებლობაში იყო (ვენახებიანად), მაშინ მემამულეს უფლება ეძლეოდა, მის განკარგულებაში არსებული მთელი მიწის ნახევარი თვითონ დაეტოვებინა. ასეთ შემთხვევაში, მემამულეს შეეძლო თითოეული კომლისათვის უმაღლეს ნადელზე (12 ქევაზე) ნაკლები დაეტოვებინა⁴.

გლეხის საკარმიდამოში (ეზოში, ანუ სამოსასლოში), გარდა საცხოვრებელი და სამეურნეო ნაგებობის ადგილისა და ბალ-ვენახისა. შედიოდა გლეხის სამრეწველო და სავაჭრო დაწესებულებების (საფუტკრე, წისქვილი, ღუქანი, ქარხანა და სხვ.) ადგილიც, რაც ერთ ქევაზე (900 კვ. საენზე) მეტი არ უნდა ყოფილიყო. თუ ამ მოცულობას აღემატებოდა, მა-

1. Документы... с. 509; ЦГИА СССР, ф. 1268, оп. 11, д. 8, л. 105.

2 იქვე, გვ. 466—467.

3 ЦГИА СССР, ф. 1268, оп. 11, д. 8, л. 24.

4 Документы... с. 472—473.

შინ მისი ოდენობა მემამულისა და გლეხის პირადი შეთანხმებით უნდა განსაზღვრულიყო ან მომრიგებელი მოსამართლის მეშვეობით¹.

თუ გლეხის დაბლარი ვენახი ორ ქვევას აღმატებოდა, მაშინ მას შეეძლო კიდევ ორი ქვევა მალლარი დაეტოვებინა, ოღონდ მალლარი ვენახი მინდვრის სავარგულში ჩაეთვლებოდა. თუ გლეხის ბაღში (სადაც მალლარი ვენახის ლერწები, ხეხილი და თუთის ხეები იდგა), შედარებით თავისუფალ ადგილზე, ვენახის გაშენება შეიძლებოდა და მას გლეხი ორი წლის მანძილზე არ გააშენებდა, მაშინ მემამულეს შეეძლო ეს ადგილი თვითონ ჩამოეჭრა².

მემამულეს გლეხის მინდვრის სავარგულის ნაწილი მხოლოდ იმ შემთხვევაში შეეძლო ჩამოეჭრა, თუ მისი მოცულობა ძირითად ნაღელზე მეტი იყო. მემამულეს ზედმეტი მიწის ჩამოჭრა, მხოლოდ მაშინ შეეძლო, თუ მის ხელში, საერთო კუთვნილი მიწის ნახევარზე ნაკლები რჩებოდა³. მაშინ ეს ზედმეტი მიწა გლეხის კუთვნილება გახდებოდა დამატების სახით, მაგრამ ამ შემთხვევაში გლეხი 10 პროცენტით მეტ გადასახადს იხდიდა. ლეჩხუმში, სადაც მიწა ძვირი ღირდა, დამატებით მიწაზე გლეხს მოსავლის მესამედი უნდა გადაეხადა. თუ გლეხი დაასაბუთებდა, რომ ეს მიწა ძვირადღირებული არ იყო და ამაზე მემამულე არ დათანხმდებოდა, საქმე მომრიგებელ მოსამართლეს უნდა გადაეწყვიტა, მაგრამ გადასახადის ოდენობა მოსავლის მეოთხედზე და 10 პროცენტის დანამატზე მეტი არ უნდა ყოფილიყო⁴.

თუკი მემამულე გლეხის კომლს მიწას ჩამოაჭრიდა (უმალლეს ან ძირითად ნაღელზე ზევით), პირველ რიგში, ის მიწა უნდა ჩამოეჭრა, რომელიც საკარმიდამოს არ ესაზღვრებოდა.

თუ მემამულის ხელში კუთვნილი მიწის ნახევარზე ნაკლები რჩებოდა და ის გლეხს მიწას ჩამოაჭრიდა, მაშინ ამ უკანასკნელს უფლება ეძლეოდა, სამაგიეროდ, მემამულისათვის ცარიელი ადგილი მოეთხოვა (თუკი ჰქონდა), მაგრამ იმ ოდენობით, რომ ნაღელის უმალლესი ზომისათვის არ გადაეჭარბებინა⁵. თუკი გლეხი ჩამოჭრილი მიწის სამაგიეროდ ტყიან-ბუჩქნარ ადგილს მიიღებდა, ის ამ მიწაზე გადასახადისაგან ორი წლით უნდა განთავისუფლებულიყო.

თუ მემამულე გლეხს ჩამოაჭრიდა მალლარი ვენახით, ან ხეხილით გაშენებულ ადგილს, მემამულეს ნარგავების ფასი უნდა აენახლაურებინა, თუკი შეთანხმება არ მოხდებოდა, მაშინ მომრიგებელ მოსამართლეს, აღათის მიხედვით, უნდა განესაზღვრა მემამულის მიერ გლეხისათვის მისაცემი თანხის ოდენობა.

თუკი გლეხის საკარმიდამო სხვაგან, ახალ ადგილზე იქნებოდა გა-

¹ Документы... с. 474.

² იქვე, გვ. 475.

³ იქვე, გვ. 476.

⁴ იქვე, გვ. 475.

⁵ იქვე, გვ. 477.

დატანილი, მას ერთი ქცევა მიწა უნდა მისცემოდა, მაგრამ, თუკი გლეხის ძველ საკარმიდამოს საქონლის გასაშვები და სხვა ამგვარი მიწა ესაზღვრებოდა, მაშინ გლეხისათვის მისაცემი საკარმიდამოს მოცულობა ქცევა-ნახევარამდე უნდა ყოფილიყო¹.

თუ გლეხს გააჩნდა სამრეწველო-საეკარო და სხვა ამგვარი საწარმო, რომელიც უშუალოდ მის საკარმიდამოს არ ესაზღვრებოდა. მაშინ მემამულეს შეეძლო მისი შესყიდვა, ოღონდ შეუთანხმებლობის შემთხვევაში ამაზე სარჩელი მომრიგებელი მოსამართლისათვის უნდა მიეცა.

საკომლო ნაკვეთები მემკვიდრეებს შეეძლოთ გაეყოთ იმ შემთხვევაში, თუ მინდვრის სავარგულის თუ მალღარი ვენახის მოცულობა ერთ ქცევაზე ნაკლები არ იქნებოდა, ხოლო დაბლარი ვენახისა — ნახევარზე.

თუ გლეხი დაბლარ ვენახს არ დაიტოვებდა, მას მემამულისათვის სახარდნე-სასარე ადგილიც უნდა დაებრუნებინა.

თუ გლეხებით დასახლებული საკარმიდამო და მინდვრის სავარგული უკაცრიელი დარჩებოდა, ბატონყმობის გაუქმებიდან 9 წლის ვადაში, ისინი მემამულეთა ხელში მხოლოდ იმ შემთხვევაში გადადიოდა, თუკი სასოფლო საზოგადოების არც ერთი წევრი არ ისურვებდა (შესაბამის ანაზღაურებით) მათ მიღებას².

ცენტრალურმა საგლეხო კომიტეტმა სამეგრელოს გლეხთა განთავისუფლების წესებში საბოლოოდ განსაზღვრა წერილი მემამულის ცნებაც. ასეთად იწონდა ყველა ის თავად-აზნაური, რომლის სახმარი მიწა (სათავისთავო, აგრეთვე დაქვემდებარებულ გლეხთა სახნავ-სათიბი, საბალახო, ასევე ბალ-ვენახი, ე. ი. ყველა ის ადგილი, რომელიც მინდვრის სავარგულში იყო მითვლილი) 60 ქცევაზე ნაკლები იყო. ასეთ მემამულეს (შესაძლებლობის შემთხვევაში) შეეძლო მთელი ამ მიწის ნახევარი დაეტოვებინა. თუკი ეს მიწა სხვადასხვა სოფლებში იყო გაფანტული, მას უფლება ჰქონდა ეს მიწა სურვილისამებრ ერთ სოფელში მიეღო³. მემამულე, რომლის მთელი სახმარი მიწა (სათავისთავო და საგლეხო) 30 ქცევას არ აღემატებოდა, იგი თავისუფლდებოდა გლეხისათვის მინდვრის სავარგულის გამოყოფის ვალდებულებისაგან.

საბოლოოდ დადგინდა საკარმიდამოზე გადასახადის ოცენობაც, როგორც წესი. ერთ ქცევიანი საკარმიდამოს გადასახადი 3 მანეთს (ვერცხლით) უდრიდა (ლეჩხუმში, აგრეთვე სენაკის ზოგიერთ სოფელში ერთ ქცევაზე ნაკლები საკარმიდამო — ერთ ქცევად ითვლებოდა, ხოლო ნახევარზე ნაკლები — ნახევარ ქცევად).

მკვიდროდ დასახლებულ ადგილებში, სადაც ვაჭრობა და მრეწველო-

¹ Документы... с. 477.

² იქვე.

³ იქვე, გვ. 479.

ბა მაღალ შემოსავალს უზრუნველყოფდა, ან საკარმიდამოზე გაშენებულ ვენახსა და ხეხილს წელიწადში 20 მანეთი შემოსავალი მოჰქონდა, ერთ-ქცევიანი საკარმიდამო შეიძლებოდა 120 მანეთამდე შეფასებულიყო, ასეთ საკარმიდამოზე გადასახადი წელიწადში 5 პროცენტით განისაზღვრა. ამასთან, თუკი მემამულის მიერ გლეხის ასეთი საკარმიდამო სოფლის გარეთ ან სხვაგან იქნებოდა გადატანილი, მაშინ საკარმიდამოზე გლეხის გადასახადი შესაბამის მინდვრის სავარგულს უნდა გატოლებოდა. თუკი ამ შემთხვევაში მემამულე და გლეხი ვერ შორიგდებოდნენ, საქმე მომრიგებელ მოსამართლეს უნდა გადაეჭრა, მაგრამ ასეთ: საკარმიდამოს გადასახადი 2 მანეთზე მეტი არ უნდა ყოფილიყო¹.

აქვე განისაზღვრა ბალ-ვენახის გადასახადებიც. დაბლარი ვენახის გადასახადი მოსავლის მეოთხედი ღვინით განისაზღვრა, ხოლო მაღლარი ვენახის — მესამედით (თუ მასში ნათესიც იყო, აგრეთვე მისი მესამედი-თაც). ხეხილის გადასახადზე მემამულე და გლეხი თვითონ უნდა შეთანხმებულიყვნენ, თუკი ეს არ მოხდებოდა, საქმე მომრიგებელ მოსამართლეს უნდა გადაეწყვიტა².

მინდვრის სავარგულის გადასახადი მოსავლის მეოთხედით განისაზღვრა, ხოლო ჩამოსაჭრელად სახელდებულ ნაწილზე — ათი პროცენტის დამატებით³. თუკი მინდვრის სავარგულის შემადგენლობაში სასარე ან სახარდნე ტყე შედიოდა, მისი გადასახადი ურთიერთშეთანხმებით, ან მომრიგებელი მოსამართლის მეშვეობით უნდა გადაჭრილიყო⁴.

საბოლოო წესის საფუძველზე, გლეხს ევალებოდა ნადელზე გადასახადი ძნისა და ტაროს სახით, 10 ვერსის მანძილამდე მიეზიდა, ხოლო მარცვლის სახით — 50 ვერსამდე. იმ შემთხვევაში, თუ სამარხილე გზა არ იყო (როდესაც ტვირთი საბალნით უნდა წაეღო), დასახელებული მანძილი, ნახევრამდე უნდა შემცირებულიყო.

სამეგრელოსა და ლეჩხუმ-ჭყვემო სვანეთზე ბატონყმობის გაუქმებისა და გლეხთა ცხოვრების მოწყობის წესები 1866 წ. ნოემბერში უკვე მზად იყო, ის კავკასიის ადმინისტრაციამ მოიწონა და მოკლე დროში უმაღლეს საგლეხო კომიტეტს დაამტკიცებინა. 1866 წ. დეკემბერში ბატონყმობის გაუქმება საზეიმოდ გამოცხადდა.

* * *

სრულ ასაკს მიღწევისთანავე (თავისი და შთამომავლის სახელით) ნ. დადიანმა ნებაყოფლობით აიღო ხელი სამეგრელოს მფლობელობაზე. სამაგიეროდ, იმპერატორის მითითებით, მმართველმა სენატმა მას 1 მილიონი მანეთი ფული გამოუყო, აგრეთვე იმ ქონების საფასური, რაც რეფორმით ერგო. ნ. დადიანი და მისი მემკვიდრეები კვლავ სამეგრე-

¹ Документы... с. 480.

² იქვე.

³ იქვე, გვ. 480—481.

⁴ იქვე, გვ. 481.

ლოს თავადებად იწოდებოდნენ და ბრწყინვალეების ეპითეტით მოიხსენიებოდნენ¹.

რუსული მმართველობის განმტკიცების მიზნით, დასავლეთ საქართველოში 1867 წ. მარტში ადმინისტრაციული რეფორმა განხორციელდა. ამიერიდან ქუთაისის გუბერნიის მმართველი სამხედრო გუბერნატორად იწოდა (გენერალ-გუბერნატორისა და სამოქალაქო გუბერნატორის ნაცვლად, რაც 1856 წლიდან არსებობდა). ამასთან გაუქმდა სამეგრელოს მფლობელის თანამდებობა და მმართველი საბუკო, ხოლო ზუგდიდის, სენაკისა და ლეჩხუმის ოკრუგები, რომლებიც ქუთაისის გუბერნიას შეუერთდნენ, მაზრებად იწოდნენ².

ბატონყმობის გაუქმების გამოცხადების ორი წლის თავზე (როგორც ქუთაისის გუბერნიაში) სამეგრელოსა და ლეჩხუმ-ჭყემო სვანეთში საწესდებო სიგელების შედგენა უნდა დაწყებულიყო, მაგრამ ეს შეუძლებელი გახდა, რადგან მიწა კვლავ გაუმოქნავე იყო. არ არსებობდა სახმარი მიწის გენერალური გეგმა, არასოდეს არ ჩატარებულა მათი საერთო აზომვა. დაუდგენელი იყო შემამულეთა (მათ შორის დადიანისაც) მიწების ფართობი, მითუფრო გლეხთა სარგებლობაში (მფლობელობაში) არსებული მიწის თანაფარდობა და სხვ.

ყველა ამ საქმის მოგვარებას ქუთაისის გუბერნიის ადმინისტრაცია მხოლოდ 70-იანი წლების დასაწყისში შეუდგა, მაგრამ განუწყვეტელი დავის გამო, მიწის ფართობის დადგენა და საწესდებო სიგელების შედგენა დიდხანს გაჭიანურდა.

1870—1871 წწ. მონაცემებით, სამეგრელოში, ლეჩხუმსა და ქვემო სვანეთში 6. დადიანისა და მისი ოჯახის წევრების კუთვნილებად 2 922 კომლი გლეხი აღირიცხა (რეფორმის დროსთან შედარებით 100 კომლით მეტი), აქედან ლეჩხუმში — 301, ლენტეხის თემში — 164, ხოლო ლაშხეთის სოფელ სასაში — 40).

მიუხედავად მთავრობის ენერგიული მოქმედებისა, XIX ს. 70-იანი წლების დასაწყისში საწესდებო სიგელების გაფორმება მაინც ვერ მოხერხდა, ამას, დასახელებულ მიზეზებთან ერთად, ხელს უშლიდა ავრეთვე გლეხთა ნასყიდი მიწების საკითხის გაურკვეველობა. ეს საქმე კვლავ წამოტივტივდა არა მარტო დასავლეთ საქართველოში, არამედ თბილისის გუბერნიაშიც. ჯერ კიდევ საწესდებო სიგელების გაფორმების დაწყების დროს, მარტო ქუთაისის გუბერნიის გლეხებმა მომრიგებელ მოსამართლეებს 63 668 ნასყიდობის ქალაღი წარუდგინეს³. ცხადია, სხვა შრომატევად საქმესთან ერთად, ამდენი საბუთის გარჩევა, დაწესებულ დროში (2 წელიწადში), მომრიგებელმა მოსამართლეებმა ვერ შეძლეს, ამიტომ გუბერნიის ადმინისტრაციამ გასცა განკარგულება: 1) ნასყიდობის საბუთები გლეხებს დაბრუნებოდა; 2) საბუთების გარჩევა გადადე-

¹ Документы... с. 466—467.

² ЦГИА СССР, ф. 1268, оп. 12, д. 38, л. 4—8, 16.

³ ЦГИА СССР, ф. 1268, оп. 21, д. 201, л. 1.

ბულიყო საწესდებო სიგელების კონკრეტულ გაფორმებაზე. ამასთან, თუ ნასყიდობის აქტი ოფიციალურად იქნებოდა აღიარებული, მაშინ ეს მიწა გლეხს უნდა მიეკუთვნებოდა (თუ რეფორმის გამო ამ მიწაში გლეხს გამოსასყიდი ჰქონდა გაღებული, მაშინ ეს თანხა მას უნდა დაბრუნებოდა, ასევე — გაღებული გადასახადები). აღნიშნულმა წესმა 1876 წლიდან, ფაქტობრივად, კანონის ხასიათი მიიღო (მთელ საქართველოში), მაგრამ რატომღაც იგი მაინც არ ხორცილდებოდა. მართალია, სამეგრელოსა და რაჭაში, საქმის გარჩევა ნაკლებ დავას იწვევდა (რადგან ნასყიდობა სამეგრელოში ძირითადად ბაღ-ვენახებს შეეხებოდა, ხოლო დასახლებული აქტები რაჭაში სათანადო წესის მიხედვით იყო გაფორმებული), სამაგიეროდ, დიდი სირთულე იყო იმერეთში. საქმე იმაშია, რომ ნასყიდობის უდიდესი ნაწილი XIX ს. დასაწყისს ეხებოდა და ცუდად იკითხებოდა (ნაწერი ძალზე გაფერმკრთალებული ან გადასული იყო), თან ზოგიერთი მათგანი ყალბად იქნა მიჩნეული. ამასთან, გარჩევას აძნელებდა ისიც, რომ საბუთებში მკვეთრად არ იყო გამოკვეთილი მიწის ზომა და საზღვრები, თან მათი უმრავლესობა შინაური წესით იყო გაფორმებული. ყოველივე ეს, მემამულეებმა საბაბად გამოიყენეს და ხელალებით უარყოფდნენ ყველა მათგანს.

საკითხი იმდენად გართულდა, რომ საქმეში მეფისნაცვალი და უმაღლესი საგლეხო კომიტეტი ჩაერია. იუსტიციის მინისტრის 1877 წ. მარტის დასკვნით, მომრიგებელ მოსამართლეს მხოლოდ იაეთი ნასყიდობის საბუთი უნდა მიეღო გასარჩევად, რომელიც წესისამებრ იქნებოდა გაფორმებული და რომელშიც მკვეთრად იქნებოდა აღნიშნული მიწის ფართობი და საზღვრები.

ბოლოს და ბოლოს გლეხთა ნასყიდობის ძიების წესები 1878 წ. 5 აგვისტოს უმაღლესად დამტკიცდა. მასში ნათქვამი იყო, რომ კანონიერი ნასყიდობის საბუთი გლეხს ერთი წლის მანძილზე უნდა წარედგინა მომრიგებელ მოსამართლესთან სარეგისტრაციოდ. მათი გარჩევის უკანასკნელ ვადად 1881 წ. იანვარი დაწესდა (შემდეგ ძალადაკარგულად ითვლებოდა)¹. საწესდებო სიგელები XIX ს. 70-იანი წლების მეორე ნახევარშიც ნაკლებად ფორმდებოდა, ამდენად გლეხთა მიერ თავის გამოსყიდვა მეტისმეტად ნელა წარმოებდა. ამიტომ მეფისნაცვალი მიხეილი შეტყუებული წერდა, რომ ქუთაისის გუბერნიაში 1876 წ. იანვრისათვის მემამულეებსა და გლეხებს შორის მხოლოდ 10 000-მდე გარიგება იყო გაფორმებული (დროებით. ვალდებულებებისაგან განთავისუფლებულმა გლეხობამ, დაახლოებით 91 419 ქცევა მიწა გამოისყიდა 1 104 870 მანეთად). ამასთან, გაუნთავისუფლებელ გლეხთა ნაწილი უარს აცხადებდა ყოველგვარ ვალდებულებაზე².

დროებით ვალდებულ გლეხთა თავგამოსყიდვა იმდენად ნელი ტემ-

¹ ЦГИА СССР, ф. 1268, оп. 21, д. 201, лл. 21—31.

² ЦГИА СССР, ф. 1291, оп. 55, л. 50, н. 4.

პით მიმდინარეობდა, რომ XIX ს. 80-იანი წლების დასაწყისში ქუთაისის გუბერნიის 50 ათასამდე კომლი ისევ მემამულეთა ვალდებულებაში რჩებოდა¹.

მემამულეებისადმი დროებით ვალდებულ გლეხთა დამოკიდებულება XIX ს. 80-იანი წლების შემდეგაც დიდხანს გაგრძელდა, საბოლოოდ ის მხოლოდ 1905—1907 წლების რევოლუციის დროს შეწყდა.

¹ ЦГИА СССР, ф. 1263, оп. 1, д. 4259, л. 159

РЕЗЮМЕ

В XV веке грузинская феодальная монархия распалась на отдельные царства и княжества, что имело крайне тяжелые последствия для жизни грузинского народа.

Правящие круги отдельных царств и княжеств вели братоубийственные войны, которые наносили огромный вред стране и ее обороноспособности.

Феодальной раздробленностью Грузии воспользовались в первую очередь соседние мусульманские страны, возглавляемые Турцией и Ираном, развернули агрессивные войны против Грузии. В результате непрерывных войн гибло или уводилось в плен значительное число жителей, разрушались города и села, крепости, церкви и монастыри, приходила в упадок хозяйственная и культурная жизнь страны.

Одним из неусыпных врагов, который постоянно вынашивал планы порабощения Западной Грузии, была Турция.

Царям и правителям Грузии, как и в целом правящим кругам, не хватало разума и твердости противопоставить врагу единство и силу. Как указывает историк Парсадан Горгиджанидзе, Грузию разоряли, с одной стороны османы, а с другой — кизилбаши, с которыми мужественно боролись грузины. Эти усилия не достигали цели, так как междоусобные войны, которые вели грузинские правители, не давали покоя стране, облегчая действия врагам. Если бы грузины действовали сообща, враг не смог бы их одолеть.

В результате постоянных нашествий мусульманских правителей и внутрифеодальной борьбы в Грузии с новой силой разразилась братоубийственная война, расширилось пленопродавство, участились измены и грабежи, эпидемии и голод.

В этих тяжелых условиях передовые силы Грузии искали выход из создавшегося положения. Стремление сохранить национальную независимость и самобытность привело Грузию к желанной присоединиться к России.

Несмотря на колониальное угнетение, присоединение Грузии к России имело прогрессивное значение.

И. Г. Чавчавадзе охарактеризовал этот акт следующими словами: с этого памятного дня Грузия обрела покой, умиротворилась изнуренная страна, успокоилась от разоренной и нашествий, войн и сражений. Для Грузии наступила новая эпоха, эпоха мирной жизни.

После присоединения Грузии к России братоубийственные войны и обособленность сменились сравнительным единством Грузии. Ускорился конечный процесс консолидации грузинской нации. Грузия приобщилась к передовой культуре народов России. Она вышла на широкий путь своего исторического развития.

შემოკლებათა განმარტება

АКАК — Акты, собранные Кавказской археографической комиссией, изд. под ред. председателя комиссии А. Д. Берже.

Документы — Документы по истории Грузии, том I, часть I, под ред. проф. Ш. К. Чхетия, Тб., 1954.

СХАО — Сельское хозяйство и аграрные отношения, том II, сост. проф. П. В. Гугушвили, Тб., 1950.

ЦГИА СССР — Центральный государственный исторический архив СССР.
საქ. ცსია — საქართველოს ცენტრალური სახელმწიფო ისტორიული არქივი.

შ ი ნ ა ა რ ს ი .

შესავალი	3
თავი პირველი. რაქა-ლეჩხუმის განსახლება	
1. მდებარეობა და საზღვრები	7
2. გზები	11
თავი მეორე. რაქა-ლეჩხუმის სოციალური სტრუქტურა	
1. საქართველოს დამლა და რაქის საერისთავოს ხელახალი წარმოშობა	20
2. რაქა-ლეჩხუმის სოციალური სტრუქტურა	27
თავი მესამე. დასავლეთ საქართველოს პოლიტიკური მდგომარეობა XVII—XVIII საუკუნეებში	41
თავი მეოთხე. რაქა-ლეჩხუმი XVIII საუკუნეში	
1. რაქა	84
2. ლეჩხუმი	98
თავი მეხუთე. რაქა-ლეჩხუმი XIX საუკუნის პირველ ნახევარში	
1. დასავლეთ საქართველოს შეერთება რუსეთთან და იმერეთ-სამეგრელოს მმართველი წრე	112
2. ახალი მმართველობის დამყარება და პოლიტიკური ვითარება	147
3. რაქის მეურნეობა და გლეხთა ეკონომიკური მდგომარეობა	176
4. ლეჩხუმის მმართველობა და მეურნეობა	181
5. კლასობრივი ბრძოლის გამწვავება რაქა-ლეჩხუმში	184
თავი მეექვსე. საგლეხო რეფორმა დასავლეთ საქართველოში	
1. საგლეხო რეფორმის მომზადება და გატარება ქუთაისის გუბერნიაში	189
2. საგლეხო რეფორმის მომზადება და გატარება ლეჩხუმში	229
რეზიუმე	252
შემოკლებათა განმარტება	253

გამომცემლობის რედაქტორი ქ. თავართქილაძე
მხატვარი გ. ქოქაშვილი
მხატვრული რედაქტორი კ. ტუხაშვილი
ტექნიკური რედაქტორი ლ. კელიძე
კორექტორები: ლ. აჩუბანი, ი. უვანიძე
გამომშენებელი ნ. თათარაშვილი

ს. ბ. № 6387.

გადაეცა წარმოებას 20.10.87. ხელმოწერილია დასაბეჭდად
22 03.88. უფ. 01955. საბეჭდო ქაღალდი № 2. გარნიტური ვენა.
ბეჭდვის ხერხი მაღალი. პირობითი ნაბეჭდი თაბახი 16. პი-
რობითი საღებავგატარება 16. სააღრიცხვო-საგამომცემლო
თაბახი 16,5. ტირაჟი 2 000. შეკვ. № 891.

ფასი 1 მან. 80 კაპ.

გამომცემლობა „საბჭოთა საქართველო“
თბილისი, მარჯანიშვილის 5.

საქართველოს სსრ გამომცემლობათა, პოლიგრაფიისა და
წიგნის ვაჭრობის საქმეთა სახელმწიფო კომიტეტის
№ 1 სტამბა, თბილისი, ორჯონიკიძის ქ. № 50.

Типография № 1 Государственного комитета Грузинской ССР
по делам издательства, полиграфии и книжной торговли,
Тбилиси, ул. Орджоникидзе, № 50.